

Inatsisissatut siunnersuummut nassuaatit

Siunnersuummut nassuaatit naliginnaasut

1. Aallaqqasiut

1.1. Siunnersuutip tunuliaqutaa siunertaalu pingaarneq

Inatsisartut Inatsisaat meeqqat illorsorneqarnissaannut ikiorneqarnissaannullu aamma inuusuttunut suliniuteqareernermermi malitseqartitsilluni suliniuteqarfingineqartunut atuutissaaq, pingartumillu meeqqanut atugarliortunut inuiaqatigiinniillu tapersorsorneqartariaqartunut sammitinneqarluni.

Meeqqap pisariaqartitaasa ataatsimut nalilersorneqarnerisigut tapersersuisoqassaaq. Ilautariit aaqqissuussinermut ilangutitinnejassapput kommunalbestyrelsili siammasissumik taperseruinissamut periarfissaqlissalluni.

Kommunalbestyrelse najukkami oqartussaanermut akisussaasutut pisussat sioqqutereerlugit ujartuiffiusumillu meeqqanik inuusuttunillu taperseruinissamik neqerooruteqarnissaminut ar-lalinnik sakkussaqlissaq, tassa meeqqat alliartornerminni inerikkiartorfiusumik atugaqarnisaat qulakkeerumallugu, maannakkut ajornartorsiutaannut qaangiissutaasinnaasunik aammalu pitsaaliutaanerusussanik.

Meeqqanik suliaqarnerup iluani sakkortuumik ersarissumillu isumaginninnermut inatsiseqarnikkut, meeqqat pisinnaatitaaffiisa nukittorsaaviginissaat inatsisissatut siunnersuutikkut matumuuna siunertarineqarpoq. Meeqqap Pisinnaatitaaffii pillugit FN-ip isumaqatigiissutaa 20. november 1989-imeersoq malillugu siunnersuut atuarneqassaaq (Meeqqat Pisinnaatitaaffii pillugit Isumaqatigiissut) meeqqap pisinnaatitaaffiinik siuarsaanissamik siunertalik taamatuttaaq Haagimi isumaqatigiissut 19. oktober 1996-imeersoq malillugu (Meeqqat illorsorneqarnissaat pillugu Haagerimi isumaqatigiissut) meeqqat illorsorneqarnissaannik siunertalik.

Meeqqat pisinnaatitaaffiinik nukittorsaanissaq, aammalu meeqqat Kalaallit Nunaanni alliartortut tamarmik namminneq piginnaasaminnek pitsaanerpaamik atuilluarnissamut periarfissaqarlutik, pitsaasumik toqqisisimasumillu alliartornissamut toqqammavissinnissaannut politikkikkut ataatsimoortumik kissaateqarneq siunnersuutip tunuliaqtaraa. Meeqqanut tunngatillugu isumaginninnikkut isumannaallisaatit inatsisissatut siunnersuutip matuma sukannernerulersitseqataaffigisaata qulakkeerinnejeqataaffigissavaa meeqqat pisortat ingerlatsinerannik tatiginnilersinnaanerat. Inatsisissatut siunnersuutip tapersiinissamut periarfissat amerlanerit nutaallu periarfissaalersippai, aammalu pisortat

ingerlatsinerat, minnerunngitsumik kommunit aalajangiinissamut kiffaanngissuseqarnerulersillugit.

Aammattaaq ingerlatsinermi akisussaaffiup sumiinera ersarissumik inissinneqarpoq. Kommunit sumiiffinni meeqqamut tapersiinissap pitsaanerpaap tapersiissutiginissa namminneq aalajangersinnaangorpaat, tamannali ilutigalugu pisussaaffeqarnermik aamma malitseqarluni. Meeqqat pisinnaatitaaffiinik kiisalu inunnik isumaginnittooqarfimmi ingerlatsiviup akisussaaffiinik erseqqissaanerup sullisseriaatsimi nutaaliasumi suliamillu ilisimaarinmiffiusumi, siunnersuutip sunniuteqarluartumik sakkussaalluarsinnaanera qulakkeerinneqataaffigissavaa.

Meeqqat inuiaqatigiinni inooqataanermikkut atugaasa assigiinngissusaat, ilaqtariillu pissusaasa kingornuttaagaasut meeqqamut sunniutaat, meeqqanut sunniuteqarluartumik tapersuersuinerup nalimmassassavaat.

Siunnersuutip meeqqat assigiimmik pineqarnissaat qulakkeerpaa. Tassa meeqqat tamarmik pisariaqartinneqartumik tapersorsorneqarnissamut pisinnaatitaaffeqarput, tapersuersuinerlu tamanna meeqqat ataasiakkaat pisariaqartitaannut naleqqussarneqassaaq. Taamaalilluni ataatsimut anguniagaavoq, meeqqat inuiaqatigiinnit tapersorsorneqartariaqalissagaluarunik inuttut tamarmik tapersorsorneqarnissamik pisinnaatitaaffeqarnissaat.

Namminersorlutik Oqartussat Kommuninilu ingerlatsiviit siunnersuut aqqutigalugu peqquneqarput namminneq suliniuteqarnermikkut ujartuisarnermikkullu suliaqartassasut. Taamatuttaaq kommunalbestyrelsit peqquneqarput sukumiisumik sullissinissaq pillugu suliaqarnissaq aalajangersimasumik piffissalertassagaat, assersuutigalugu sumiginnaaneq il. il. pilligit nalunaaruteqartoqarsimatillugu.

Kikkunnut tamanut meeqqanik attaveqartartunut tunngatillugu meeqqanik pinerliisi-mannginnermut upernarsaammik pinerluuteqarsimannginnermullu upernarsaammik pissarsiniarsinnaaneq inatsisisstatut siunnersummut ilanngunneqarpoq. Meeqqanik pinerliisimannginnermut upernarsaatinik piumasaqaateqartussaatitaaneq pillugu Inatsisartut inatsisaanni nr. 8, 19. maj 2010-meersumi, Inatsisartut inatsisaatigut nr. 7, 3. juni 2015-imeersukkut allanngortinneqartumi tunngaviit tamatumani malinneqarput, immikkulli pissutissaqartoqartillugu pinerluuteqarsimannginnermut upernarsaammik pissarsiniarsinnaaneq kiisalu meeqqanik pinerliisimannginnermut upernarsaammik aamma pinerluuteqarsimannginnermut upernarsaammik pissarsiniartoqaqqissinnaanera ilanngunneqarluni.

Kiisalu inatsisisstatut siunnersummi kinguneqartitsisarnissamik aalajangersakkat ilanngunneqarput, malittarisassanik ajunngitsumik isumalinnik taakkuninnga meeqqat pisinnaatitaaffeqarnerinik qajannaatsunik aammalu aalajangersimasumik najoqqutarineqarsinnaasunik tunngavissaqalersitsisunik. Aalajangersakkat taakku

kommunalbestyrelsip akisussaaffimminik naammassinninngiffigisaani atorneqarsinnaapput, ass. meeqqamik isumassortarialimmik pasitsaassinerlik nalunaarutiginnittooqarneranit suliarinninnissaq akunnerit 24-t qaangiutsinnagut aallartinneqarsimanngikkaangat.

Siunnersuut tunngavigalugu oqartussaasut peqquneqarput meeqqanik taakkulu pisinnaatitaaffiinik nutaaliaasumik paasinnittaaseqarneq aallaavigaluu sulisarnissaannut.

Inatsisisatut siunnersuutip assigiinngitsutigut ilanngussivigaa Naalagaaffiit Peqatigiit Meeqqat pillugit isumaqatigiissutaat, soorlu meeqqap imminut tunngasuni suliani tusarniarneqartarnissaa. Siunnersuummi meeqqat innuttaasutut nammineersinnaasutut isigineqarput, inuaqatigiinni inersimasut imminut pisinnaatitaaffilorskorterat assigalugu pisinnaatitaaffillit. Naligiinneq aammalu namminerisamik pisinnaatitaaffiit siunnersuummi ilaatigut sakkortusineqarput, assersuutigalugu meeqqap suliani imminut tunngasuni maalaaruteqarsinnaaneranut tunngasutigut.

Siunnersuummi Naalakkersuisut aamma pisussaaffilerneqarput, tassunga ilanngullugu isumaginninnikkut sulinermi atortussanik kommunit atorsinnaasaannik suliaqarnissamut aamma suliani meeqqanut tunngasuni sullissinermi malittarisassat eqqornerusut aalajangersarnissaannut. Tamatumani siunertarineqarpoq kommunini sullisisarnerup pitsaassusaata qaffassarnissaanut suleqataanissaq.

Taamatuttaaq Akileraartarnermut Atugarissaarnermullu Ataatsimiititaliap isumaliutissiissutaani malitseqartitsineq pillugu Nassuiaammi inassuteqaatinik arlalinnik inatsisisatut siunnersuut malinnippoq, UKA 2011/107, tassani siusissukkut suliniuteqarneq aamma susassaqartut suleqatigiinnerat meeqqat inuusuttullu pillugit politikkimi pingarnertut tunngaviupput.

Siunnersuut aqqutigalugu nassuiaammi inassuteqaatit erseqqissunik malittarisassaliornikkut anguniagaqarnikkullu naammassiniarneqarput. Taakku saniatigut siunnersuut aqqutigalugu meeqqat pillugit suliaqarfiiup iluani kommunit soqtigisaqaqatigiiffiillu kissaataat arlallit Naalakkersuisunit tiguneqarsimasut naammassiniarneqarput.

1.2. Inatsisisap piareersarnerani pingarnertut

Inatsisisatut siunnersuut taamaalilluni ilaatigut Inatsisartut politikkikkut suliniutaannik arlalinnik kiisalu ajornartorsiutinik inatsimmi atuuttumi misilittagarineqartunik malinnippoq. Taakku saniatigut meeqqanik inuusuttunillu suliaqarfimmi sulisunit aamma kommunemi sullisisunit aqutsisuniillu kissaatit inassuteqaatillu siunnersuummi eqqarsaatigineqarput. Inatsisisatut siunnersuummi aamma meeqqanut inuusuttunullu ikorsiisarneq pillugu inatsisip nutarterneqarnissaanik pitsaanerulersinneqarnissaanillu suliatigut ilinniarsimasut ilaqtariillu paarsisartut kissaataannik malinnippoq.

Naalakkersuisunut pingaaruteqarsimavoq kommunini isumalluutit pigineqareersut pitsaanerpaamik atorneqarnissaannut pitsanngorsaaffigineqarnissaannullu sinaakkusiisumik siunnersuutip ilusilersorneqarnissaa.

Inatsisisatut siunnersuut meeqqanik suliaqarnerup iluani inatsisitigut sinaakkutinik annertuumik aaqqissuussivoq, aammalu kommuninut Naalakkersuisunullu periarfissanik nutaanik pitsanngorsakkanillu imaqarluni, inuaqatigiinni meerartatta tamarmik meeraanermi nalaanni inerikkiartorfiisumik, peqqinnartumik toqqisisimanartumillu peroriartornissaannut tapersiisunik.

2. Siunnersuutip imarisai pingarnerit

Siunnersuummi pingaarnertut anguniagaavoq sullisisarnerup pitsanngorsaaffigineqarnissaa aamma meeqqat inuusuttullu erseqqissumik akisussaaffimmik suliassanillu agguassisarluni inatsisitigut illersugaanissaat.

Siusissukkut suliniuteqarneq pitsaaliuinerlu isiginiarneqarput, tamatuma nassataanik piffissaq ungasinnerusoq isigalugu meeqqat ikinnerusut angerlarsimaffiup avataanut inissinneqartalissapput kiisalu ilaqtariit nukittunerulersinneqarlutik.

Siunnersuut aqqutigalugu meeqqat pisinnaatitaaffii pitsanngorsaaffigineqassapput aamma ingerlatsivinni oqartussaasut akornanni suleqatigiinneq erseqqinnerulersillugulu oqilisaaffigissavaa, pingartumik communalbestyrelsit aamma Naalakkersuisut suleqatigiinnerat.

Kommunalbestyrelsit siunnersuutikkut meeqqamut, inuusuttumut angajoqqaanngortussanullu tapersuersueriaatsit amerlanerit pitsaanerillu pigilissavaat.

2.1. Atuuffia

Siunnersuut aqqutigalugu Kalaallit Nunaanni meeqqat inuusuttullu tamarmik tapersorsorneqarnissaat periarfissinneqarpoq, tassani Kalaallit Nunaanni najugaqarallartut, imaluunniit aalajangersimasumik najugaqartut, kiisalu meeqqat Kalaallit Nunaanni oqartussanit nunani allani inissinneqarsimasut pineqarput. Aamma siunnersuut aqqutigalugu Kommunit pisussaaffilerneqarput angajoqqaanngortussanik tapersuersuinermikkut sulierniusimannngitsut tapersorsorlugit pitsaaliuinissaminut.

2.2 Nakkutilliineq, siunnersuineq nalunaartarnerlu

Kommunit nakkutilliinissamut pisussaaffeqarnerat meeqqanik inuusuttunillu ikorsiisarneq pillugu Inatsisartut Peqqussutaanni nr. 1, 15. april 2003-meersumi § 4-mi ullumikkut takuneqarsinnaavoq. Tassani takuneqarsinnaavoq nakkutilliineq eqeersimaartumik ujartuisumillu ingerlanneqassasoq, tamannali allatut erseqqissaaffigineqanngilaq.

Politikkikkut Naalakkersuisut kommunalbestyrelsillu meeqjanik suliaqarnerup iluani nakkutilliinermik pisussaaffeqarnerisa annertusineqarnissaat erseqqissaaffigineqarnissaallu kissaataasimavoq. Inissiiffiusumik nakkutilliinerup pitsaanerulersinneratigut meeraq inissiiffimmi atugarliorpat tamanna sukkanerusumik paasineqarsinnaassaaq.

Kommunalbestyrelsi taamaalilluni ilaqtariinnut paarsisunut ikorsiinissamut taperseruinissamillu imaluunniit inissiiffiup allanngortinnissaanut periarfissaqalissaq, apeqquaalluni meeqqamat iluaqutaasinnaasut pitsaanerpaat suunersut. Tamanna meeqqat pisinnaatitaaffiisa nukittorsarneqarnissaannik suliniuteqarluni siunnersuuteqarnermut naapertuuppoq.

Kommunit nalinginnaasumik inummullu sammititamik nakkutilliisussaatitaanerat siunnersummi aalajangersarneqarpoq ersarissarneqarlunilu, soorlu aamma Naalakkersuisut namminneq akisussaaffigisaat, akisussaaffit uani sammisami pineqartut, immikkullarissumik annertuumik nakkutilliinissaq, aamma ulloq unnuarlu paaqqinniffinnik sukumiisumik nakkutilliisarnissaat ersarissarneqarlunilu siunnersummi aalajangersarneqarpoq.

Siunnersummi Naalakkersuisut peqquneqarput nakkutilliinermik ingerlatsivimmik pilersitsissasut, nunap immikkoortuini Kommunit ingerlatsinerannik, aammalu meeqjanik suliaqarnerup iluani isumaginninnermi malittarisassanik atuutsitsinerannik, kiisalu ulloq unnuarlu paaqqinniffinnik nakkutilliisartussanik. Nakkutilliinermik ingerlatsivik kommunimi meeqjanik sullissinermi nalunaarusianik tamanik misissuisinnaatitaassapput, kommunalbestyrelsimullu piumasaqaateqarsinnaapput suliallu aalajangersimasut pillugit suliniuteqarnissamik peqqussuteqarsinnaallutik imaluunniit suliat qaqeqqinnejarnissaannik piumaqarsinnaallutik. Nakkutilliinermik ingerlatsiviup pisuni immikkut illuinnartuni piumasarisinnaavaat, angerlarsimaffiup avataanut inissiinermi kommunalbestyrelsip tapersiisussaasimagaluunarneranik naliliisoqarsimatillugu kommune isumaginninnikkut misissuinermik aallartitsissasoq. Siunnersummi inissiiffiit tamarmik, soorlu ilaqtariit paarsisartut aammalu ulloq unnuarlu paaqqinnittarfut assigiinngiaartut tamarmik, nakkutigiartorneqartarnissaat qulakkeerneqarput, soorlumi aamma qulakkeerneqartoq meeqqat periorartornerminni atugaannik, aammalu alliartorfigisaannik ilisimasaqalerlunilu nalinginnaasumik nakkutilliisoqartarnissaa.

Siunnersummi aamma Naalakkersuisut isumaginninnikkut aqtsisoqarfeqarnissaannik piumaffigineqarput, tassannga Kommunit siunnersorneqartassapput, aammalu meeqqat sukumiisumik sullinneqartarnissaannut suleriasissanik ilitsersortassallugit. Isumaginninnikkut aqtsisoqarfiup nuna tamakkerlugu assigiaartumik suliassanik suliariinnittarnermik, kommunini suliassanik suliariinnittarnerit sivisussusaannik appartitsinissamik, aammalu Kommunit ingerlatsiviini sulisut piginnaasaannik nukittorsaanissamik qulakkeerinnejanaissa naatsorsuutigineqarpoq.

Nalinginnaasumik sukannereruseumillu nalunaaruteqartussaanermut malittarisassat atuuttut ajunngitsumik atorneqarput siunnersuummilu ingerlateqqinnejarlutik, nalunaarutinilli tigune-qartunik Kommunit isumaginninnissaannut piumasaqaatit sukaterneqarput erseqqissar-neqarlutillu. Sivikitsumik piffissaliisarnerit suliallu ingerlanneqarneranni alloriarfissat tamarmik erseqqissumik ingerlanneqartarnissaat siunnersummi saqqummiunneqarput.

Siunnersuut aqqutigalugu kommunit peqquneqarput innuttaasut kommunit akornanni nuut-tarnerannut imaluuniit Kalaallit Nunaannit allamut nuuttarnerannut tunngatillugu akun-nerminni pinngitsooratik nalunaaruteqartassasut. Kalaallit Nunaat tamakkerlugu nalunaarute-qartarfimmik pilerstisisoqassaaq, taanna Naalakkersuisunit pilersinnejassaaq, qitiusumillu nalunaarutigineqartut tamarmik nakkutigiuminartumik eqiteruffissaattut atuutsinneqassalluni.

2.3 Isumaginninnikkut misissuilluni suleriaaseq, sorianik ingerlatsineq aamma iliuusissatut pilersaarutit, angajoqqaatut meeqqatullu akisussaaffeqarneq pillugit oqaloqatigiinneq.
Isumaginninnikkut misissuilluni suleriaaseq aamma iliuusissatut pilersaarutit inatsisini atuuttuni ilaareerput.

Isumaginninnikkut misissuilluni sulineq aamma iliuusissatut pilersaarut sullissinermi sakkuupput pingaarutillit, ikorsiinerillu suut neqeroorutigineqarnissaannut aalajangiisuullutik.

Isumaginninnikkut misissuilluni sulineq tamarmiusumut tunngaviuvoq, iliuusissatulli pilersaarut aqqutigalugu meeqqap ajornartorsiutai, isumalluutai ilaqtariillu atugaat, taakkununnga ilanggullugu suliniuteqarnermi anguniakkat aalajangiunneqartarluik.

Siunnersuutip nassataanik isumaginninnikkut misissuilluni sulinerup malittarisassaqartinneqarnera iliuusissatullu pilersaarutinut piumasaqaatit annertusitinneqarput. Iliuusissatut pilersaarutit sullissinermi sakkutut pingaarutilittut aamma isumaginninnikkut misissuisarnerit assigiissaarnerunissaasa qanoq pingaaruteqartiginerat qitiutinneqarput. Iliuusissanik pilersaarusiornermi angajoqqaatut oqartussaassuseqartup allallu ilaqtariit ataatsit ajornartorsiutaasa aaqqiiffiginerini peqataanissaannut periarfissinneqarnissaat aamma pingaaruteqarluni. Isumaginninnikkut suliassanik suliarinninnernut misissuinernullu qanoq piumasaqaateqartoqarnissaanut, kommunalbestyrelse naleqquttunik ullumikkut ersarissunik maleruagassaqaanngilaq. Taamaammat suliat meeqqanut tunngassutillet paasissutissiissutigineqartarnerat sullissisarnerlu kommunimiit kommunimut assigiinngittarput, taamaalillunilu sullissisarnermut aamma meeqqap ilaquaasullu pisariaqartitaannik isumaginninnikkut misissuinissamut annertussutsit pitsaassutsillu qanoq ittut Naalakkersuisunit naatsorsuutigineqarnerat pillugu nunatsinnut tamarmut assigiissunik maleruagassaqaarnissaasaa pisariaqartinneqarpooq.

Naatsorsuutigineqassaaq communalbestyrelsip qulakkiissagaa, meeqqanut sullissinerup, pisortaqarfiit pisortaqarfiillu suliffeqarfiutaat allat meeqqamut attuumassuteqarsinnaasut peqatigalugit ataatsimoorussamik isigininnittaaseqarluni ikorsiissutinik allartitsisoqarnissaa.

Suliani ataasiakkaani nalilerneqartassaaq kikkut meeqqap pineqartup avatangiisaani pisortaqarfiit, pisortaqarfiillu suliffeqarfiutai allat attuumassuteqarfigisai suliamut akulerutsinneqassanersut. Pisortaqarfiit makkuusinnaapput, politiit, atuarfeqarfik, napparsimmaveqarfik, pinerlussimasunik isumaginnittut il.il. Pisortat suliffeqarfiutai allat makkuusinnaapput, sunngiffimmi sukisaarsaartarfii, sungiusarluni suliffeqarfii, atornerluisunut katsorsaaviit, qimarnuiit il.il.

Kommunalbestyrelsip aaqqissuutissavaa, ataqtigiissakkamik pisortaqarfiit pisortallu suliffeqarfiutai allat, paaqqinnitarfiit, atuarfiit allallu meeqqamut attuumassuteqartut ataatsimoorussamik akisussaaffimmik tigusinissaat meeqqap ikiorneqarnissaa anguniarlugu. Kommunalbestyrelsi tassaavoq akisussaasuulluni naliliusussaq, kikkut pisortaqarfiit ikorsiissutinik aallartitsiniarnermi) akuliutsinneqassanersut. Ajornartorsiutaasinnaasut ilai kommunalbestyrelsimit kisimi (aaqqinneqarluarsinnaapput) nalilersorneqarsinnaapput, ilaalli allanik suleqateqarnikkut nalilersuinissaq pisariaqartarluni. Meeqqap inissisimaneranik ikiuinissamut tunngaviliisuulluinnarluni pingaaruteqarpoq, ataatsimoorussamik isiginnittaaseqarluni pisortaqarfiit pisortaqarfiillu suliffeqarfiutaat allat meeqqamut attuumassuteqartut peqatigiilluinnarlutik ikorsiissutinik allartitsinissaat). Ikorsiissutinik aallartitsinerup isumagissavaa meeqqap inuunermini killiffia, nukissat, ajornartorsiutit, kiisalu tamatunnga tunuliaqutaasut. Pingaaruteqarpoq pisortaqarfiit allallu suliami attuumassuteqartut ilisimaqqissaassagaat ataatsimoorussamik suut anguniakkatut siunnerfiunersut, immikkullu tamarmik qanoq suliami pingaaruteqarlutillu suliaqassanerlutik.

Amerlasuutigut pisortaqarfiit, pisortallu suliffeqarfiutaat allat peqatigiillutik suleqatigiittassapput ajornartorsiutip qaagerneqarnissaanut ikorsiissutinik aallartitsinikkut, naatsorsuutigineqarporlu meeqqap toqqisisimanngitsumik inuuneranut aaqqiissuteqarniarnermi suleqatigiinnissaat, meeqqap toqqisisimanngitsumik inuuneranut pitsaasumik aaqqiissuteqartoqassappat.

Siusissukkut suliniuteqarnissap pitsaaliuillunilu sulinerup annertunerusumik isiginiarneqarnissaa politikerinit kissaatigineqarsimavoq. Inissiernut iliuusissatut pilersaarutit Meeqqanik inuusuttunillu ikorsiinissamik peqqussut nr. 1, 15. april 2003-meersumi saqqummiunneqarput. Iliuusissatut pilersaarutinut piumasaqaataasut inatsisissatut siunnersummi nutaami malunnartumik annertusineqarput. Siusissukkut suliniuteqartarnissaq iliuusissallu isumaginninnikkut misissuinermk tunngaveqartarnissaat, kommunillu meeqqamut iliuusissatut pilersaarusicanik allassimasunik peqarnissaat, siunnersummi annertuumik pingartinneqarput. Iliuusissatut pilersaarusiornissamik pisussaaffeqarneq malunnaqisumik annertusineqarpoq, taassuminngalu suliarinninnej ingerlatsiviup meeqqanut taperssuinermk suliaqarneranut pissusissamisuuginnartumik ilaanissaa naatsorsuutigineqarluni.

Nutaatut periarfissaq ilanngunneqarpoq, tassalu Kommunit angajoqqaanut imaluunniit meeqqanut aggersaasinnaanngormata "angajoqqaatut akisussaaffik" aamma "meeqqatut

akisussaaffik"-mik taaneqartartut pillugit oqaloqatiginninnissamut, taamaaliortoqarsinnaavoq pineqartumi naleqqutinngitsumik, imaluunniit pitsaanngitsumik pissuseqarnerup tulluartuunnginera nalunnginniassammassuk, aammalu pineqartup piumasaqarfigneratigut ilikkagaqarnissaa anguniarlugu, soorlu aserorterisimaguni aserortikkaminik iluarsaassitinneratigut.

2.4 Suliniuitit "inuit toqqissisimaffigisat", peqatigiiffiit akuerisat aamma angajoqqaanngortussat

Inatsimmi atuuttumi illersuisoqarnissamut pisinnaatitaaffeqarneq pillugu arlalinnik aalajangersagaqarpoq, tassunga ilanngullugu Meeqyanik inuuusuttunillu ikorsiisarneq pillugu Inatsisartut Peqqussutaanni nr. 1, 15. April 2003-meersumi § 11-mi, aamma Namminersornerullutik Oqartussat meeqyanik inuuusuttunillu ikorsiisarneq pillugu nalunaarutaanni nr. 32, 14. december 2006-imeersumi §§ 1-3-ni, kisiannili maleruagassani taakkunani piumasaqaatit annikitsuararsuupput.

Illersuisoqartarneq tulluanngitsumik toqqisisimalerttsisinnaammat taamatut isikkoqartillugu peerneqarpoq. Illersuisup suliatigut piginnaasaqarnissaanik aamma suliap suliarinerani ikiuussinnaaneranik peqataasoq ilimagisaqarsinnaavoq. Illersuisoq taamatut aaqqissuussaatilluni maleruagassat atuuttut malillugit piginnaasaqartariaqanngimmat. Aamma illersuisoqarnermk aqqissuussaq atorneqanngingajavissimavoq.

Meeqqap pitsaanerusumik illersugaanissa suliallu suliarineqarnerata nalaani meeqqap pisinnaatitaaffiinik ilisimasaqarluarnerunissaq politikerinit siammasissumik kissaatigineqarsimavoq. Ammattaaq suliap suliarinerani sulianik ilisimasaqarnerusumik peqataasoqartarnissa kissaatigineqartarsimavoq, taanna meeqqap soqutigisaanik isumaanillu qulakkeerinnittassammat. Meeqyanut ulloq unnuarlut paaqqinnitarfiit immikkoortortaannut isumannaallisakkanut inissinneqarsimasunut, piukkunnaateqarluartumik illersuisoqarsinnaatitaanerup pitsanngorsaaffigineqarnissaata eqqumaffigineqarsimannginnerra pingaartumik ernummatigineqarsimavoq. Meeqyanik illersuisoqarneq kommunip sullissinerani meeqqap isumaata tusarneqarnissaanut qulakkeerinnissutit isumaqarfigneqartarmat, siunnersuutigineqarpoq meeqqat illersuisoqartinneqartarerat meeqqamut ikorfartuutit periarfissaanartut inissisimajunnaarluni sullissinermi qulakkeerutit inissimalissasoq. Taamaasilluni kommune meeqyanik inissiisoqassatillugu pisussaaffilerneqartassaaq meeqqat illersuisoqarnissaannik qulakkeerinninnissamut, sulianilu allani meeqqanut tapersiissuteqarfiusussani, pimoorullugu isumaliutigisalissallugu meeqqap pisinnaatitaaffiatut isumaata tusarneqartarnissa aamma qulakkeerniarlugu meeqqat illersuisuannik pisariaqartitsisoqarnersoq.

Neqeroorutit akuerisat Kommunit meeqqat tapersorsorneqarnerannut atorsinnaasaat siunnersuummi allattorneqarput, taakkuli saniatigut Kommunit meeqqat tapersorsorneqarnissaannut allatut neqerooruteqarsinnaanerannik annertoqisumik kiffaanngissuseqartippaat. Siunnersuut aqqutigalugu kommunit periarfissinneqarput

suleqatigiilliarnissamut, tassa ajornanngippat peqatigiiffinnik "akuerisaasunik" inuiaqatigiinnilu suliaqartunik allanik, tassa suliamik ilisimasallit ingerlatsinermilu oqartussat suleqatigiinnissaat periarfissinneqarluni.

Siunnersuutip meeqqamut ilaqtariinnullu ikorsiissutaasinnaasut ersarisisippai. Siunnersuutikkut kommuni periarfissinneqarpoq, suliassamik sullissineq annertusitinngikkaluarlugu pinaveersaartitsineq tunngaviginerullugu sullissinissamik neqerooruteqartarnissaminik. Meeraq ilaquaatu / ilaqtariilluunniit ataavartumik annertunerusumilluunniit ikiorserneqarnissamik pisariaqartitsippata, kommuni periarfissaqarpoq tapersersortissamik saaffigisartagassamillu neqeroorfiginninnissaminut. Pineqartoq tassaavoq meeqqap inerikkiartornerani pisariaqvassisunut siunnersortaasussaq soorlu atuarnissamut, ilinniagaqarnermut il.il., kiisalu / imaluunniit meeqqap ilaqtariilluunniit inuttut pisariaqartitaannut ikorsiisulluunniit pisariaqartitaannik siunnersortitut ikorsiinerusinnaalluni. Takorluugaavoq tapersersortaasoq saaffigisartagaasorlu suliassanut siammassisunut sullissiuusinnaassasoq, meeqqap, ilaqtariit tapersersortaasulluunniit allat piffissaq ungasinnerusoq eqqarsaatigalugu pilertortumilluunniit tapersorsorneqarnissamik siunnersorneqarnissamillu pisariaqartitsivinni ikuuttassalluni, kommunip nalinginnaasumik siunnersuisinnaanera akimorlugu.

Meeqqat pillugit inatsimmi nutaaruinnartut ilanngunneqarpoq, meeqqamik sulierniusimangitsumik illersuinissamik Kommunit angajoqqaanngortussanut tapersersuinissamik neqerooruteqarsinnaalernissaat. Tassani pineqarsinnaapput ilaqtariinnut sullivinni, katsorsaavinni qimarguinniluunniit inissiinerit. Angajoqqaanngortussat aammattaaq allatut tapersorsorneqarnissamik neqeroorfigineqarsinnaapput meeqqap peqqissusaanut ineriarneranullu iluaqutaasinnaasunik, tassunga ilanngullugit angerlarsimaffimi ikorfartorneqarneq, atornerluisuunermik katsorsarneqarneq imaluunniit angajoqqaanik ilaqtariinnillu pikkorissaanerit il.il.

2.5 Suliniuitit annertunerusut – angerlarsimaffiup avataanut inissiinerit
Angerlarsimaffiup avataanut inissiisarnerit pillugit maleruagassani atuuttuni pingaarutilit siunnersummi ingerlateqqinnejarput, maleruagassanilli erseqqinnerusunik kiisalu aalajangersakkanik nutaanik ilaneqarlutik. Siunnersummi ersarissarnejarput pisuni qanoq ittuni kommuuni angerlarsimaffiup avataanut inissiinissamik isumaliuteqarsinnaanersoq, pisunilu qanoq ittuni angerlarsimaffiup avataanut inissiisoqartassanersoq. Illersuinissamut maleruagassat pitsaunerusut, angerlarsimaffiullu avataanut inissiisoqannginnerani sullissinissamut piumasaqaatit annertussusissaat ilaatinneqalerput, tassunga ilanngullugu meeqqat ulloq unnuarlu angerlarsimaffimi immikkoortortamut isumannaallisakkamut inissinnejarsimasut meeqqamut illersuisoqarnissat periarfissaalissaq il.il..

Meeqqat angerlarsimaffiup avataanut inissinnejartartut ikilisarnejarnissaat Naalakkersuisut kissaatigaat, tamatumanili meeqqap peroriartornera, peqqissusaa ineriarneranulluunniit isumannaassusaa akiginagu. Siunnersummi taamaammat iliuuserisinnaasat allat arlallit

ilanngunneqarput, tamannali ilutigalugu meeqqap angerlarsimaffiup avataanut inissinneqarnissaanut, angajoqqaanit akuerisamik akuersinertaqanngitsumillu, kommunit pisariinnerusumik sulisinnaanerannik ammaassivoq.

2.6 Inissiiviusartut, katsorsaanermik iliuusissatut pilersaarutit ilaqtariinnillu paarsisartunik nakkutilliineq.

Kommunip meeqqanik inissiiffigisinnaasaasa pioreersut ingerlateqqinnejarnissaat siunnersummi piumasaqaataavoq, kiisalu kommune suli tassaasoq inissiiffissamik toqqaasussaq. Siunnersuut aqqutigalugu inissiiffiusinnaasunik allanik amerlanernik periarfissaqalissaq, assersuutigalugu meeraq nammineq ineeqqaminut il.il. inissinneqarsinnaalissaq.

Ulloq unnuarlu angerlarsimaffiit eqqornerusunik piumasaqarfingineqassapput, ilaatigut meeqqat inissinneqarsimasut tamarmik katsorsarnejarnissaat pilersaarusiortassavaat aamma meeqqamut tunngasunik pingaarutilinnik allangortoqarnerani kommunimut ilisimatitsisassapput kommunilu suleqatigalugu.

Tamatumunnga peqatigitillugu ilaqtariit paarsisartut pillugit aamma kommunit ilaqtariinnik paarsisartunik nakkutilliisarnerat pillugu maleruaqqusanik amerlanernik inatsisissatut siunnersuut imaqarpoq. Ilaqtariit paarsisartussatut akuerineqarnissaat pillugu aammal meeqqat ilaqtariinni paarineqartut ataasiakkaarlugit paarinissaannut akuersissuteqarnissaat pillugu kiisalu ilaqtariinnut paarsisartunut il.il. piumasaqaateqarnernut maleruagassanik ersarinnerusunik Naalakkersuisut aalajangersaanissaannik pisinnaatitsinerit pillugit piumasaqaatit ilanngunneqarput.

Inatsisissatut siunnersummut atatillugu, ulloq unnuarlu paaqqinnittarfiit Kalaallit Nunaanniittut tamarmik, ulloq unnuarlu paaqqinnittarfittut meeqqanik inissiisinnaasutut atuutilinnginneranni Naalakkersuisunit akuerineqaqqaarsimanissaat, Naalakkersuisullu ingerlatsinissamut isumaqatigiissuteqarsimanissaat inatsisissatut siunnersummi ilaapput. Naalakkersuisut aamma peqquneqarput paaqqinniffiup meeqqanut ulloq unnuarlu paaqqinnittarfittut isigineqarsinnaaneranut piumasaqaatit suut naammassineqarsimassanersut pillugit erseqinnerusunik maleruagassiornissamut.

2.7 Meeqqat pillugit paasisimasalittut qitiusumik ataatsimiitsitaliaq

Siunnersummi meeqqat pillugit qitiusumi ataatsimiitsitaliaqarneq atuutsiinnarneqarpoq, ataatsimiitsitaliali saaffiginnissutinik artukkerneqannginnissaa, ataatsimiitsitaliamilu meeqqat pillugit ilisimaarinnittut suliassaqareeqimmata, allaffeqarfik periarfissinneqarsimavoq suliassanik misissuinissaminnut.

2.8 Ulloq unnuarlu paaqqinnittarfinnut immikkut tunngassutilit

Ulloq unnuarlu paaqqinniffinnut tunngatillugu malittarisassat peqqusummi atuuttumiittut amigaateqarput ullutsinnullu naleqqukkunnaarsimallutik, tamanna Inatsisartut Ombuds-

mandiannit isornartorsiorneqarsimavoq. Ulloq unnuarlu paaqqinniffinnut tunngasut nukitor-sarnissaat pillugu, kiisalu ulloq unnuarlu paaqqinniffinnik kommuninit pigineqartunik aamma imminut pigisunik pitsaanerumsumik nakkutilliisoqarnissaanik ilisimannitoqarnissaanillu kissaateqartoqarsimavoq. Tamatumani aamma ulloq unnuarlu paaqqinniffini pitsaassutsip qulakkeerneqarnissaanik eqqarsaateqarneq tunngavigalugu. Kommunit aamma ulloq unnuarlu paaqqinniffiit akornanni suleqatigiinneq nukitorsarneqassaaq, taamaalilluni meeraq pillugu suliniut pitsaanerulersillugu siunnerfeqartilerlugulu. Tamatuma saniatigut meeqqanut maannakkut ulloq unnuarlu paaqqinniffinni inissaqartinneqanngitsunut ulloq unnuarlu neqeroorutinik ajornanngitsumik naleqqussarneqarsinnaasunik pilersitsinissamut kommunit periarfissinneqarnissartik kissaatigisimavaat. Ullumikkut pisuni nukinginnartuni meeqqat pillugit immikkut ingerlanerat kommuninit aaqqissuunneqartarput. Immikkoortoq malittarisassaliorneqarsimanngilaq, taamaattumik neqeroorutit pitsaassusaannik nakkutilliineq misissuinerlu amigaataalluni.

Siunnersuut aaqtigalugu ulloq unnuarlu paaqqinniffiit pillugit maleruaqqusat itisilerneqarput nutarterneqarlutillu, paaqqinniffiit akuerineqartassapput aamma ulloq unnuarlu paaqqinniffiit tamarmik ingerlatsinissaq pillugu isumaqatigiissuteqarfingineqassapput kiisalu Naalakersuisut ulloq unnuarlu paaqqinniffinnut tunngatillugu erseqqinnerusunik malittarisassaliorsinnaatitaassapput.

2.9 Suliniuteqareernermi malitseqartitsineq

Pineqartoq inatsimmi atuuttumi ilaannakuusumik malittarisassaqartinneqarpoq. Tassa qaqugukkut suliniuteqareernermi malitseqartitsinissamik neqerooruteqarsinnaaneq malitseqartitsinerlu sunik imaqassanersoq erseqqissarneqarsimanngilaq.

Inuuusuttut, siusinnerusukkut angerlarsimaffiup avataani inissinneqarsimasut imaluunniit suliniuteqareernermi malitseqartitsiffiginissaannik qulakkeerininnissaq kissaatigineqarsimavoq, 18-inik ukioqalereernerminni assersuutigalugu inissiffigisamik qimatsinerminni nukittuneruleqqullugit.

2010-mi upernaakkut ataatsimiinnermi oqaluuserisap UPA 2010/41-ip akuersissutigineqarnerani Naalakersuisut peqquneqarput siunnersummik saqqummiussinissamut, inuuusuttut 18-init 23-nut ukiullit angerlarsimaffiup avataanut inissinneqarsimasut suliniuteqareernermi malitseqartitsinermik annertusisamik inatsisisitigut tunngavissaqarnissaannik qulakkeerinittumik.

Siunnersuut inuuusuttut 18-it 23-lu akornanni ukiullit suliniuteqareernermi malitseqartitsinermik neqeroorfigineqarnissaat qulakkeerpaa. Piumasaqaatigineqarpoq inuuusuttoq suliniuteqareernermi malitseqartitsinissamik communalbestyrelsi aalajangiisassasoq. Tamannalu isumaqarpoq inuuusuttoq suliniuteqareernermi malitseqartitsinissamut aatsaat pisinnaatitaaffeqartoq, kommunip inuuusuttoq neqeroorummik tamatuminnga pisariaqartitsisutut nalilerpagu.

3. Pisortanut aningaasatigut allaffissornikkullu kingunerisinnaasai

Siunnersuut pingaarnertigut erseqqissaataavoq aammalu suliassaqarfinni ataasiakkaani pisussaaffinnik kommunini meeqlanik inuusuttunillu suliaqarnermut atuuttunik sukannernerulersisuisuulluni. Naalakkersuisut nunap ilaani 2014-2016-imut nakkutilliartortarneranni paasineqarpoq, inatsit atuuttoq kommuninullu piumasaqaateqarneq annertuumik malinneqanngitsut, taamaattumillu inatsisit atuuttut kommuninit malinneqarnissaat nakkutigineqarneruleqqullugu kommunip pisussaaffiinik erseqqissaanissaq pisariaqarpoq.

Ataatsimoortumik aningaasartuutissatut kingunerisinnaasai, siunnersuutip Inatsisissatut saqqummiunneqarnerani nalunaarusiamerit erseqqissaavagineqartussat imatut isikkoqarput:

Taaguutaa	2017 1	201 8	201 9	202 0
Nuna tamakkerlugu nalunaartarfik	1,2	1,2	1,2	1,2
Kommunit akisussaaffiisa annertusineqarnerat	2	4	4	4
Meeqlanik illersuisoq	0,1	0,2	0,2	0,2
Suliniuteqareernermi malitseqartitsinermik atuineq annertusil-lugu	3,4	6,7	6,7	6,7
Qitornartaalersunut neqerooruteqarneq	3,3	6,5	6,5	6,5
Tikeraarluni angalanerit amerlanerat	3	6	6	6
Meeqqamik oqaloqateqarneq	0,2	0,4	0,4	0,4
Tapersersorteqarnermut & attaveqaateqarnermut	0,1	0,2	0,2	0,2
Piviusunngortitsinermi allaffissornikkut aningaasartuuteqarneru-nerit	1	2	1	
Katillugit	14,3	27,2	26,2	25,2

Ataani sammineqassapput aningaasartuutissat pingaareruerut nassuaatigineqarlutik, aqtsinikkut allaffissornikkut kingunerisinnaasai tamakkununngalu isumaliutaasut:

Nakkutilliineq

Innutasunut naleqqiullugu kommuni siunnersuisussaatitaareerpoq, taamaattumillu kommuninut annertunerusumik aningaasartuutaanissa naatsorsuutigineqarnani. Siunnersummi erseqqissarneqarpoq communalbestyrelse kommunimi, kommunimi allami aammalu Kalaallit Nunaata avataani meeqlanik angerlarsimaffiup avataanut inissitanut sammititamik nakkutilliinissamik pisussaaffeqartoq. Tamatumunnga ilutigitillugu erseqqissarneqarpoq kommunimi ilaqtariit paarsisartut nakkutiliiffigisarnissaat communalbestyrelsip pisussaaffigigaa. Kommunalbestyrelse immini taamatut

¹ Malugalugu 2017-mi ukiup affaa atuutissammatt

pisussaaffeqareerpoq, siunnersummili kommunip pisussaaffeqarnera ersarinnerulerpoq. Siunnersummi taamaattumik aningaasartuuteqarnerunissamik kinguneqarnissaai ilimagineqanngilaq.

Tamatuma saniatigut siunnersuutip aalajangersarpaa Naalakkersuisut isumaginninnikkut aqut-sisoqarfimmik aammalu nakkutilliinermik ingerlatsivimmik pilersitsissasut kommunit inger-latsinerannik nakkutilliisussanik aammalu inatsisip malinneqarnissaanik qulakkeerinnittussa-nik. Taakku marluullutik pilersinnejalerput aammalu 2016-imut Aningaasaqarnermut inatsimmut aningaasaliissuteqarfiusussatut ilanngunneqareerluni.

Nalunaaruteqartussaatitaaneq.

Siunnersuutip §§-ini 15-imni aamma 16-imni erseqqissarneqarpoq, nalunaaruteqarnerermik tigusaqarnerup kingorna sapaatip akunnera ataaseq qaangiutsinnagu, kommuni nalunaarum-mik tigusaqarsimanerminut uppermarsaammik nassiuassisimassasoq. Tassuuna kommuni pisus-saaffilerneqaqqippoq, taamaattorli tamanna pitsaasumik ingerlatseriaatsip iluaniittutut ullu-mikkullu atorneqareertariaqartutut isigineqartariaqarneruvoq. Sukaterineq allaffissornikkut aningaasaqarnikkulluunniit kinguneqassanngitsutut nalilerneqarpoq.

Kommunit akunnerminni nalunaaruteqarnissamut pisussaaffiat

Kommunit akunnerminni nalunaaruteqarnissamut pisussaaffeqarnerannut tunngatillugu ersa-rissaasoqarpoq; tassalu ilaqtariit, angerlarsimaffiup avataanut inissinneqarsinnaasunik mee-rartallit kommunimut allamut nuunnerannut atatillugu, kommune nuuffigisaq kommunimit nalunaarfigineqartassasoq suliamullu tunngasut nassiuunneqarlutik. Tamanna aamma atuup-poq, ilaqtariinnut angerlarsimaffiup avataanut inissinneqarsinnaasunik isumagineqarnermk-kulluunniit sumiginnagaasunik meerartalinnut Danmarkimut nuuttunut. Kommunip tassani danskit kommuniat nuuffigisaq asserluinnaanik iliorluni nalunaaruteqarfigissavaa. Kommunit akunnerminni nalunaaruteqartarnissamik pisussaaffeqarnerat naammaginartumik ingerla-si-manngilaq, taamaattumik maleruagassat sukateriffiginissaat pisariaqartinneqarpoq. Sukateri-neq allaffissornikkut aningaasaqarnikkulluunniit kinguneqassanngitsoq nalilerneqarpoq.

Meeqqamik oqaloqateqarneq

Meeqqamik oqaloqateqarneq annertuutigut ingerlanneqareertarpoq, tassa meeraq oqaloqatigeqqaarnagu meeqqap atugaanik misissuinissaq ajornarmat. Tamanna ullumikkut tamatigut pineq ajorpoq inatsimmilu maannakkut erseqqissarneqarpoq. Ikorsiiniarnerit pillugit ukiumut misissuinerit aalajangiinerillu 500-it missaaniittarput. Taamatut meeqqamik oqaloqateqarneq nal. ak. marlunnik sivisussuseqartartussatut naatsorsuutigineqartarpoq, kingornagullu aamma nal. ak. marlunni nalunaarusiornissaq naatsorsuutigineqartarluni tassa ukiumut 2000 tiimit, taakkulu aningaasartuutitassaat ukiumut 400.000 kr. missaaniissasoq naatsorsuutigineqararluni.

Angajoqqaat meeqqallu akisussaaffii pillugit oqaloqatiginninnissamut aggersaaneq

Siunnersuummi Kommunit meeqlanut inuusuttuaqqanullu suliniutissatut siunnersuutinik arlalinnik periarfissinneqarput, soorlu angajoqqaatut akisussaaffeqarnermik oqaloqatiginninnissamut, meeqlanullu meeqlat akisussaaffii pillugit oqaloqatiginninnissamut. Siunnersuummi assersuusiorlugit saqqummiunneqarput qaqugukkut taama oqaloqatiginninnerit ingerlanneqartariaqarnersut, qanorlu iliornikkut meeqlamut angajoqqaatut oqartussaassuseqartoq meerarlu isumaqatigiissuteqarfingineqarsinnaanersut. Suliniut allaffisornermut aningaasartuutissatigulluunniit sunniuteqartussaasorinanngilaq, tassa suleqatigiinnissamik akisussaaffeqarnermillu oqaloqatiginninnerit innuttaasut sullissiviullu akornanni pisussaareertarmata, kommunillu innuttaasunik sullissineranut angajoqqaat meeqlallu pisariaqartitaannik oqaloqatiginnittarnissaq ilaareermat.

Nuna tamakkerlugu nalunaaruteqartarfik

Siunnersuummi nutaatut ilangunneqarpoq nuna tamakkerlugu nalunaaruteqartarfissamik pilersitsinissaq, nalunaarutinik kommunit pissarsiaannik nalunaaruteqartarnissamik qulakkeerinnittussaqq.

Iliuuseqarnerup kingunerissavaa nalunaarsuinermut atortumik ineriertortsineq aningaasali-inerlu, taanna aqutsisulerneqassaaq, paasissutissat pissarsiarineqarnissaannut, paasissutissat tatiginartuunerannut aammalu paasissutissat tamarmik nalunaarutigineqarnerannut il.il. qulakkeerinnissalluni. Tamakku saniatigut paasissutissanut katersivissap qarasaasiaqarnikkut annertussusissaanut aningaasaliissuteqartoqassaaq.

Naatsorsuutigineqarpoq aningaasartuutigineqartunut suliap ingerlanneqarneranut aamma inuup ataatsip ukiumut suliaqarnissaanut 700.000 kr.-nik nalilimmut naapertuuttumik immik-koortitsisoqassasoq. Tassunga ilanngullugu nalunaarsuinermut atortoq 600.000 kr.-nik ataa-siaannartumik aningaasartuutaasussatut naatsorsuutigineqartoq ineriertortinnejassaaq. Aamma ukiumut aningaasarsianut aningaasartuutaasussat 700.000 kr.-usut saniatigut ukiumut 500.000 kr.-nik ingerlatsinermut aningaasartuuteqartoqartassaaq. Tassa ukumi aallartiffiusu-mi 600.000 kr.-t missaannik ataasiaannartumik aningaasartuuteqarnissaq aamma ukiumut 1,2 millioner kr.-t missaannik ingerlatsinermut aningaasartuuteqartarnissaq matumani pineqarpoq.

Kommunip iliuuseqartussaatitaanera aammalu isumaginninnikkut misissuilluni suleriaaseq
Siunnersuummi aalajangersarneqarpoq kommunalbestyrelse nalunaarutisigaangami piffissap aalajangiunneqartup iluani isumaginninnikkut misissuiner-mik aallartitsinissamut tunngavis-saqarnersoq nalilersortassagaa. Tunngavissaqarsimagaangat isumaginninnikkut misissuineq piaartumik aallartinneqartassaaq aammalu kingusinnerpaamik piffissap aalajangiunneqarsi-masup iluani. Paarsinerlunneq, persuttaaneq imaluunniit kinguaassiuutitigut kanngut-taatsuliornerit pasitsaaneeqarpata, isumaginninnikkut misissuineq erngerluni aammalu kin-gusinnerpaamik piffissap aalajangiunneqarsimasup iluani aallartinneqartassaaq. Kommunip, nalunaarutigineqartunut isumaginninnikkut misissuinissami nukissanik allanik pisariaqr-titisussami, qisuarialateqartarnissaanut piumasaqaatinik malunnaatilimmik sukaterineq uani eqqartorneqarpoq.

Siunnersuummi aammattaaq isumaginninnikkut misissuinernut suli annertunerusumik pi- umasaqaateqartoqarpoq, tamannalu nukissanik amerlanernik pisariaqartitsissasoq aammattaaq nalilerneqarpoq.

Nalilerneqarpoq Kommunit inatsit atuuttoq naammassisinnaajumallugu atorfinnik amerlisitsi-nissaq pisariaqartissagaat, Kommunit tamarmik immikkut ukiumut sulisut suliarisinnaasaasa naatsorsorneranni suli sulisut marluk pisariaqartissavaat, tassa katillugit sulisut arfineq pingasut, tamatumalu assigaa aningaasartuutit 4 millioner kr.-init missaanniittut.

Meeqyanik illersuisoq

Inatsisisatut siunnersuummi ajornarunnaarpooq kommunit meeqqamut illersuisuliisinnaanerat, soorlu aamma piumasaqaatinngortoq meeqqat ulloq unnuarlu paaqqinniffiit isumannaallisakkat immikkoortortaannut inissinneqartussatut eqqarsaatigineqartut meeqqamut illersuisuler-neqarnissaat. Maleruagassatut tunngaviusuni atuuttuni kommune inuttut siunnersortiliisinaavoq, taannalu meeqqamut illersuisup suliassaasa assingajaanik suliassaqarpoq. Aalajangersagaq taanna siunnersuummi peerneqarpoq.

Allannguut annikitsumik aningaasartuuteqarnerutitsissasoq naatsorsuutigineqarpoq, tassa meeqqammi paaqqinniffiit isumannaallisakkat immikkoortortaannut inissinneqartut meeqqan- nut illersuisulerneqarnissaat piumasaqaataalersussaammat. Ukiumut meeqqat qulit missaan- nik amerlassuseqartut paaqqinnittarfinnut isumannaallisagaasunut inissinneqartarput, taakkulu meeqqanut illersuisumik illersuisussaqartinneqassapput. Illersuisumut nalunaaquittap akunne- rata aallartinneraniit akigititap annertussusaa 546,75 kr.-uvoq, nalunaaqquttallu akunnerinut tulliuttunut tamanut annertussuseralugu 382,72 kr. Meeqyanut illersuisut qaammammut akunnerit arfineq pingasut missaat meeqqamut ataatsimut atortassagaat naatsorsuutigineqarpoq, tamannalu ukiumut 200.000 kr.-nik aningaasartuutissat qaavisigut ilassutaasassaaq.

Meeqyanik illersuisup pikkorissartinneqarnerani aningaasartuutissanut tunngatillugu naatsor- suutigineqarpoq aningaasartuutissat taakku pikkorissarnernut aamma isumaginninnikkut suli- aqarfimmi ilinniagaqaqqinnermut ingerlatsinermut aningaasaliissutit ilaannit akilerneqassasut.

Tapersersortaasoq - attaveqaataasoq

Siunnersuummi periarfissiisoqarpoq inummik tapersersortaallunilu attaveqaataasussamik pilersitsisoqarnissaanut, tassaasinnaavoq ilaquattilaat, ilaqtariit tapersersornissaannut ulluinnarni oqilisaassisussaq ikiuisussarlu. Naatsorsuutigineqarpoq pineqartoq tapersersortaanerminut qaammammut 1.000 kr.-t miss. pisartagaqartinneqarumaartoq. Naatsorsuutigineqarpoq ilaqtariit 20-t missaanniittut tapersersorteqartinneqartarumaartut, taakkulu ukiumut 240.000 kr.-nik aningaasartuutaasarumaarput.

Suliniuteqareerneremi malitseqartitsineq

Kommunit suliniuteqareernermermi malitseqartitsineq aamma sungiussiartuaartitsilluni ineqartitsisarneq annertujaamik ullumikkut ingerlattarpaat. Inatsisisatut siunnersummi siunertari-neqarpoq suliniuteqareernermermi malitseqartitsisarnerup pitsangorsaaffigineqarnissaa. Me-erarpasuit inissinneqarsimasut 18-iliigaangamik inissinneqarnerminniillu taamaalillutik naammassinnikkaangamik, suli ima ajornartorsiuteqartigisarput ikiorneqarnatik inersimasutut ingerlalluartumik inuuneqarnermut ikaarsaariarneq artorsaatigisarlugu.

Suliniuteqareernermermi malitseqartitsisarnermi siunertarineqarpoq inuusuttup inersimasutut nammineerluni inuuneqarnissamut pitsaanerusumik ikaarsaariarnissaanut tapersiinissaq. Suliniuteqareernermermi malitseqartitsineq pinaveersaartitsinertut isigineqassaaq, tamatuma inuusuttoq pinerlunniarnermut, angerlarsimaffeerunnermut, atornerluisuunermi ajornartorsiutinut il.il. pinaveersimatissinnaammagu imminnut napatinissamut isumaginissamullu piareersimanginnerat pissutigalugu.

Suliniuteqareernermermi malitseqartitsinermik Kommunit atuinerulernissaat naatsorsuutigineqarpoq, taamalu suliniuteqareernermermi malitseqartitsinermi suliniuteqarnernut aningaasartuuteqarnerusoqassaaq. Suliniuteqareernermermi malitseqartitsinermik kommunit atuinerulernermikkut suliaqarfinni allani annertuumik sipaaruteqartassapput, tassunga ilanngullugit pisortanit ikiorsiissutnik, kiisalu akileraarutitigut isertitaqarnerulertoqassalluni, meeqqat siornatigut ulloq unnuarlu paaqqinnittarfinnut inissinneqarsimasut sullinnejarnerulererat pissutigalugu.

Missingersorneqarpoq inuusuttut 50-it tungaanut amerlassuseqartut ataavartumik suliniuteqareernermermi malitseqartitsilluni suliniummik pisariaqartitsisarumaartut, ikorfartutissat tassaa-sinnaapput ataatsimoorussamik ineqarfiusuni inissaqartinneqarnissamik inummillu saaffigisartagaqartinneqarnissamik neqeroorfigineqarnissaq, ilaqtariinnik attavissarsissunneqarnissaq, imaluunniit inuusuttut ataasiakkaat iluaqtissaattut ulloq unnuarlu paaqqinnittarfimmut najugaqarfigisimasumut angajoqqaarsiarisimasanulluunniit atassuteqaannarnissaq. Suliniuteqareernermermi malitseqartitsinermi aningaasartuutissat suliamit suliamut nikerassapput, kisianni taakkunani 50-ini suliniuteqareernermermi malitseqartitsilluni suliniummik atorfissaqartitsisuni 45-t nakkutigineqarlutik inissamik neqeroorfigineqarnikkut, imaluunniit ikorfartortissaqarnikkut/attaveqarfissaqarnikkut ilaqtariinniluunniit paarsisartoqarnikkut ajunngitsumik ingerlasinnaanissaat naatsorsuutigineqarpoq. Tallimat sinneruttut ulloq unnuarlu neqerorutinik atorfissaqartitsiinnassapput. Ataatsimut isigalugu malitseqartitsinikkut aningaasartuutaanerujumaartut 6,7 mill. kr.-nik annertussuseqassangatinneqarput, siunnersuutigi-neqarpoq qitiusumi inissinneqarsimassasut, qulakteerniarlugu aningaasaliissutit malitseqartitsisarnerup nukitorsarneqarnissaanut atorneqartarnissaat.

Angajoqqaanngortussanut ikorfartuilluni suliniutut.

Siunnersummi aalajangersarneqarpoq, kommunit angajoqqaanngortussanut tapersersuinissamik neqerooruteqartarnissaat, angajoqqaat inuuneqarpata meeqqap suli inunngunngitsup al-liartorneranut, peqqissusaanut ineriartorneranulluunniit ajoqutaasinnaasumik.

Angajoqqaanik pikkorissaanerit saniatigut immikkut ittumik pisoqarnerani angajoqqaanngortussat immikkut ittunik annertunerusunillu neqeroorfingeqartarnissaq pisariaqartittassavaat, tassunga ilanggullugu sivikinnerusumik sivisunerusumilluunniit ilaqtariinnut ineqarfinni na-jugaqarnissaq. Ilaqtariinnut ineqarfinnik pilersitsinerit siusissukkut aamma pitsaliuismik iliuuseqarnissamik anguniagaqarnerup ilagaa, meeqqanik inuusuttunillu inissiinissanik pinn-gitsoortitseqataasinnaammat. Misissuinerpassuit taamaalillutik (aamma KREVI, August 2011) takutippaat, siusissukkut aamma pitsaliuismik iliuuseqarnerit ilaqtigut sunniutaasa kimeqarnerusarnerat, ilaqtigullu pitsaliuismik iliuuseqarneq annertunerugaangat meeqqanik angerlarsimaffiup avataanut inissiisarnernut amingaasartuutit ikinnerusarnerat. Siusissukkut iliuuseqarnerup pitsangorsaaffigineqarnera meeqqat inuusuttullu atugarliortut suliniuteqarfingeqarnerisa annertunerusumik allanngortiterneqarneranut ilaasutut isigneqassaaq, angajoqqaat meeqqallu isumassuisunik suleqateqarnerup ukkatarineqarnerulernera ilutigalugu siusissukkut iliuuseqarneq siusinnerusukkut pitsaliuinerusumillu ingerlanneqartarluni. Taamaalil-luni meeqqat pillugit suliaqarfimmi nukiit atukkat tamarmik ullumikkumut naleqqiullugu pitsaanerujussuarmik atorneqarsinnaalissasut naatsorsuutigineqarpoq. Ilaqtariinnut ineqarfinnik amerlanerusunik pilersitsineq ukiuni arlalinni Namminersorlutik Oqartussanut kommuninullu aningaasartuuteqarnerussaaq, piffissarli ungasinnerusoq eqqarsaatigalugu meeqqat pillugit suliaqarfimmi aningaasartuutit apparnissaat naatsorsuutigineqarpoq.

Kommune angajoqqaanngortussanut ullumikkut neqerooruteqareerpoq. Ukiumut ilaqtariit 15-it tungaanut neqeroorutinut ullumikkut innersunneqartarput. Taamaakkaluartoq inatsisis-satut siunnersuummi naatsorsuutigineqarpoq angajoqqaanngortussat 80-it tikillugit pinaveer-saartitsinermut neqeroorutinik innersuussuteqarfingeqarumaartut. Pinaveersaartitsinermut neqeroorutinut aningaasartuutissat aguaqatigiissillugit 100.000 kr.-unissaat naatsorsuutigi-neqarpoq, tassalu inatsimmik atuuttitsilernissamut suliaqarnerup qaavatigut aningaasartuutis-sat katillugit 6,5 million kr,-ussallutik.

Ilaqtariit paarsisartut

Ilaqtariinnut paarsisartunut tunngatillugit malittarisassanik erseqqissaaneq aningaasaqarnik-kut kinguneqassanngitsoq nalilerneqarpoq, tamanna allaffissornikkut annikitsuinnarmik kin-guneqassaaq.

Meeqqat Pillugit Paasisimasalittut Qitiusumik Ataatsimiititaq

Suliaqarfimmi tassani annertuunik allannguisoqarnissaa siunnersuutigineqanngilaq, taamaalilluni siunnersuut pisortanut aningaasatigut kinguneqassanngilaq, allaffissornikkut annikitsuinnarmik kinguneqassaaq.

Tikeraarluni angalanerit

Meeraq inuusuttuarluunniit malitseqartitsinermik suliniuteqarfingeqartoq illoqarfingngisamini angerlarsimaffiup avataanut inissinneqarsimasoq, ukiumut marloriarluni angerlarsimaffiminut tikeraartarsinnaalissaaq. Efterskolemiittulli ukiumut ataasiaannarlutik tikeraarsinnaatitaassallutik. Inatsimmi atuuttumi ukiumut ataasiaannarluni

angerlarsimaffimminnut tikeraarsinnaatitaapput. Inatsimmi periarfissiisoqarpoq meeqqap inuusuttulluunniit tikeraarnissaannut taarsiullugu angajoqqaatut oqartussaassuseqartup imaluunniit qanigisap allap meeqqamut inissiiffiusumut tikeraarsinnaaneranik.

Missiliuunneqarpoq meeqqat, inuusuttuaqqallu malitseqartitsilluni suliniuteqarfingineqartut angerlarsimaffiup avataanut inissinneqarsimasut aammattaaq illoqarfingisamik avataanut inissinneqarsimasassasut.

Tikeraarnernut aningaasartuutissat eqqarsaatigalugit naatsorsuutigineqarpoq ukiumut inuit 340-t missaanniittut tikeraerneranni inummut ataatsimut 10.000 kr.-t missaanniittut atorneqartassasut, tassa ukiumut 3.400.000 kr.-t missaannut naapertuutissasut. Angalanermut aningaasartuutissatut missingunneqarput 340 x 7.500 kr.-t miss., 2.550.000 kr.-t missaannut naapertuutut. Taamaalilluni immikkut tikeraartarnissat eqqarsaatigalugit naatsorsuutigineqarpoq ukiumut aningaasartuutaasartut 6 millioner kr.-t missaannik amerlissasut.

4. Inuussutissarsiutinik ingerlataqartunut aningaasatigut allaffissornikkullu kingunerisassai

Siunnersuut inuussutissarsiortunut aningaasatigut allaffissornikkulluunniit kinguneqassanngilaq.

5. Avatangiisinut, pinngortitamut inuillu peqqissusiannut kingunerisassai

Siunnersuut pinngortitamut avatangiisinullu kinguneqassanngilaq. Meeqqanut tapersorsorneqarnissamik pisariaqartitsisunut taakkulu ilaquaannut annertunerusumik ingerlallualernissaannik siunnersuut kinguneqassaaq. Tamanna innuttaasut peqqissuunerannut iluaqutaassaaq.

6. Innuttaasunut kingunerisassai

Siunnersuut nunatsinni meeqqat pisinnaatitaaffii eqqarsaatigalugit malunnaatilimmik siuariaataassaaq.

Aalajangersakkap immikkuualuttuatigut naqissusiinikkut qulakkeerniarneqassaaq, meeqqat nunatsinni peroriartortut ajunnginnerpaamik toqqissillutik peroriartorsinnaanissaminnut aqutissiuunneqartalernissaat aammalu piginnaanermennik ineriartortitsinissamut periarfissagissaartinneqarnissaat. Tamakku nassatarisaannik meeqqat ilinniagaqalernissamut periarfissinneqartassapput, tamatumali nassatarisaanik inersimasunngornerminni imminnut napatissinnaanissaat periarfissiissutigineqartassalluni.

Siunnersuusiornermi pingaaruteqartutut isiginiarneqarsimavoq meeqqat arlaatigut sumiginnarneqaleraangata piaartumik qanoq iliuuseqartoqartarnissaa. Maannamut nalunaartussaatitaanermut atuuttoq atuutsiinnarneqarpoq, kisiannili aamma sukumiinerusumik erseqqissaassuteqarfingineqarluni. Tamatuma saniatigut kommunalbestyrelsit pisussaaffilerneqarpoq sulianik tamakkuninnga tigusaqaraangamik tunniussisunut

uppernarsaammik nassiussisarnissaminut. Taamaasilluni inuup nalunaaruteqarsimasup ilisimassavaa nalunaarutigisani tiguneqarsimasoq.

Aammattaaq inatsisip nutaap nassatarisaannik kommunini sullisisut periarfissaginnerulissapput qanoq iliuuseqarsinnaanissaminut. Suliat malitseqartinneqartarnissaannik aalajangersagaqalerteratigut aaqqissuussineq annertusaavagineqarpoq, taamaasilluni qulakteerniarneqarluni suliat inuuusuttuaqqap 18-iliismanera pissutigiinnarlugu iperarneqartassanngitsut.

Siunnersummi aamma atulersinniarneqarpoq angajoqqaatut akisussaaffeqarnermik meeqqatullu akisussaaffeqarnermik oqaloqatiginnittarnissaq. Angajoqqaat meeqqallu suleqatiginerisigt kommunini sullisisut periarfissaqlissapput ilaqtariit ingerlallualernissaat siunertaralugu aqqutissiuussisarnissaminut.

Inatsimmi qitiutinneqarpoq meeqqap ajunnginnerpaamik pineqarnissaa saliutillugu isiginarneqartassasoq.

7. Kingunerisassai pingaarutillit allat

Siunnersut allanik annertuunik kinguneqartitsinngilaq.

8. Oqartussaasunik kattuffinnillu il.il. tusarniaaneq

Siunnersut 27. maj 2016-imiit 1. juli 2016-imut tusarniaassutigineqarpoq. Tamatumma saniatigut inatsisisstatut siunnersut tusarniaanermut nittartagaatigut tamanut saqqummiunneqarpoq.

Siunnersut ukununnga tusarniaassutigalugu toqqaannartumik nassiuunneqarsimavoq:

Naalakkersuisut Siulittaasuata Naalakkersuisoqarfia, Aningasaqarnermut Naalakkersuisoqarfik, Aatsitassanut Ikummatissanullu Naalakkersuisoqarfik, Ineqarnermut, Sanaartornermut Attaveqarnermullu Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Inuussutissarsiornermut, Suliffeqarnermut Niuernermullu Naalakkersuisoqarfik, Peqqissutsimut Naalakkersuisoqarfik, Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik, Pinngortitamut, Avatangiisirut Inatsisinillu Atuutsitsinermut Naalakkersuisoqarfik, KANUKOKA, Qaasuitsup Kommunia, Qeqqata Kommunia, Kommuneqarfik Sermersooq, Kommune Kujalleq, Isumaginninnermi Naammagittaalliuuteqartarfik, Inuit Pisinnatitaaffiinut Kalaallit Nunaata Siunnersuisoqatigiivi, Dansk Institut for Menneskerettigheder, MIO, IMAK, Kattuffik Utoqqaat Nipaat, Inooqat, ISI, Neriuffit Kattuffiat, KNIPK, Sugisaq, KTK, Biskoppip Allaffia, Sorlak, Peqatigiiffik Kalaallit Meerartaat, MIBB, Red Barnet, Kalaallit Røde Korsiat, Kalaallit Nunaanni Blå Korsi, Sukorseq, Kalaallit Nunaanni Timersoqatigiit Kattuffiat, Kalaallit Nunaanni Spejderit Kattuffiat Nuuk, Angajoqqaarsiat Peqatigiiffiat Nuuk, Pinerluuteqarsimasunut isumaginnittoqarfik, Kalaallit Nunaanni Politit.

Tusarniaanermut uku akissuteqarput:

Aningaasaqarnermut Naalakkersuisoqarfik, Kalaallit Nunaanni Politiit, Meeqqat Illersuisuat aamma MIO, IMAK, Peqatigiiffik Kalaallit Meerartaat, NIISIP, Kommune Kujalleq, Dansk Psykologforening, Isumaginninnermi Naammagittaalliuuteqartarfik, Institut for menneskerettigheder, KNIPK, Qeqqata Kommunia, Kommuneqarfik Sermersooq, Qaasuitsup Kommunia, Ilaqutariit illuat – Familiecenter, Allorfik – Siusissukkut suliniuteqarneq

Uku inatsisisatut siunnersummut oqaaseqaatissaqanngillat

KNIPK

Tusarniaanermi akissuteqaatit suliarineqarnerat:

Tusarniaanermut akissutit tiguneqartut suliarineqarneri ilanngussaq 1-imi takukkit.

Tusarniaanermut akissutit inatsisisatut siunnersummut oqaaseqaatitallit oqaasertai tamakkerlugin ilanngunneqarput siunnersummullu ilanngussaq 1-imi oqaaseqarfingeqarlutik. Tusarniaanermut akissutinut oqaaseqaatit uingasumik allassimapput.

Oqartussaasut kattuffiillu il.il. ilassutitut tusarniaavagineqarnerat

Tusarniaanermut akissutit tiguneqartut amerlassusaat eqqarsaatigalugit inatsisisatut siunnersummut aaqqiissutit 19. august 2016-imiit 9. september 2016-imut ilassutitut tusarniaassutigineqarput. Tamatuma saniatigut inatsisisatut siunnersuut Naalakkersuisut tusarniaanermut nittartagaatigut tamanut saqqummiunneqarpoq.

Siunnersuut ukununnga ilassutitut tusarniaassutigalugu toqqaannartumik nassiunneqarsimavoq:

Naalakkersuisut Siulittaasuata Naalakkersuisoqarfia, Aningaasaqarnermut Naalakkersuisoqarfik, Aatsitassanut Ikummatissanullu Naalakkersuisoqarfik, Ineqarnermut, Sanaartornermut Attaveqarnermullu Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Inuussutissarsiornermut, Suliffeqarnermut Niuerermullu Naalakkersuisoqarfik, Peqqissutsimut Naalakkersuisoqarfik, Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik, Pinngortitamut, Avatangiisirut Inatsisinillu Atuutsitsinermut Naalakkersuisoqarfik, KANUKOKA, Qaasuitsup Kommunia, Qeqqata Kommunia, Kommuneqarfik Sermersooq, Kommune Kujalleq, Isumaginninnermi Naammagittaalliuuteqartarfik, Inuit Pisinnatitaaffiinut Kalaallit Nunaata Siunnersuisoqatigiivi, Dansk Institut for Menneskerettigheder, MIO, IMAK, Kattuffik Utoqqaat Nipaat, Inooqat, ISI, Neriuffiat Kattuffiat, KNIPK, Sugisaq, KTK, Biskoppip Allaffia, Sorlak, Peqatigiiffik Kalaallit Meerartaat, MIBB, Red Barnet, Kalaallit Røde Korsiat, Kalaallit Nunaanni Blå Korsi, Sukorseq, Kalaallit Nunaanni Timersoqatigiit Kattuffiat, Kalaallit Nunaanni Spejderit Kattuffiat Nuuk, Angajoqqaarsiat Peqatigiiffiat Nuuk,

Pinerluuteqarsimasunut isumaginnittooqarfik, Kalaallit Nunaanni Politit, NISIIP, AK, SIK, PIP, SPS.

Ilassutitut tusarniaanermut uku akissuteqarput:

Ineqarnermut, Sanaartornermut Attaveqarnermullu Naalakkersuisoqarfik, Aatsitassanut Ikummatissanullu Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Institut for Menneskerettigheder, Kalaallit Nunaanni Politit, KNIPK, Peqatigiiffik Kalaallit Meerartaat, Aningaasaqarnermut Naalakkersuisoqarfik, Kommunit Isumaginninnermut Ilaqutareeqarnermullu ataatsimiitaliaat peqatigiillutik, IMAK, Meeqqat illersuisuat aamma MIO, Pinerluuteqarsimasunut isumaginnittooqarfik, Kommune Kujalleq.

Ukua inatsisisstatut siunnersuummut oqaaseqaatissaqanngillat

Ineqarnermut, Sanaartornermut Attaveqarnermullu Naalakkersuisoqarfik, Aatsitassanut Ikummatissanullu Naalakkersuisoqarfik

Tusarniaanermi akissuteqaatit suliarineqarnerat:

Tusarniaanermut akissutit tiguneqartut suliarineqarneri ilanngussaq 2-mi takukkit.

Tusarniaanermut akissutit inatsisisstatut siunnersuummut oqaaseqaatitallit oqaasertai tamakkerlugit ilanngunneqarput siunnersuummullu ilanngussaq 2-mi oqaaseqarfingineqarlutik. Tusarniaanermut akissutinut oqaaseqaatit uingasumik allassimapput.

Aalajangersakkanut ataasiakkaanut oqaaseqaatit

Kapitali 1

Aalajangersakkat aallarniutaasut

§ 1

Inatsisartut inatsisaat atorneqassaaq meeqlanik tamanik illersuinermut tapersersuinermullu, immikkullu tunngatinneqarpoq meeqlanut atugarliortunut imaluunniit immikkut ittunik pisariaqartitsisunut. Meeraq assersuutigalugu atugarliorsinnaavoq angajoqqaat tarnikkut ajornartorsiuteqarat imaluunniit atornerluisuunerat pissutigalugu, meeqlamik isumassuisinnaannginnerat pissutigalugu. § 1-imil aalajangersaaneq ima paasineqassaaq, angajoqqaat meeqlap pisariaqartitaanik isumaginnissinnaanngikkaangata taamaallaat tapersiisoqartassasoq.

Inatsisissatut siunnersuummi oqaatsit "meeraq" aamma "inuuusuttoq" atorneqarput. Oqaatsit ima paasineqassapput:

Meeraq:

Innuttaasup inunngorneranit 18-inik ukioqalernera tikillugu meeqlatut isigineqarpoq (0-imil 17-inut).

Inuuusuttoq:

Innuttaasup 18-inik ukioqalerneranit 24-nik ukioqalernera tikillugu inuuusuttutut isigineqarpoq (ukiui 18-iniit 23-nut). Inuuusuttut suliniuteqareerner mi malitseqartitsinissamik neqeroorfingeqartut inatsisissatut siunnersuut manna naapertorlugu tapersersorneqarnissamik pisinnaatitaaffeqarput.

§ 2

Imm. 1-imut.

Meeqlamut pitsaanerpaaq, tassa "meeqlamut pitsaanerpasoq", taaguutaavoq Meeqlap Pisinnaatitaaffii pillugit Naalagaaffiit Peqatigiit isumaqatigiissutaanni immikkoortortaq 3-mi allassimasunik aallaaveqartoq, tassalu meeraq pillugu suliniuteqarnerni tamani meeqlamut pitsaanerpaaq salliutinneqartuartassasoq. § 2, imm. 1 aamma 2 Inatsisartut Inatsiaanni tunngaviuvoq pingaarnertut atatitsisuusoq, taannalu aallaavigalugu meeqlamik tapersersuinermut iliuutsit tamarmik meeqlap inuunerani maannakkut pisut aallaavigalugit meeqlamut suna pitsaanerpaanera eqqarsaatigineqassaaq, meeqlallu nammineq qanoq isumaqarneri ilanngunneqarlutillu pingaartinneqassapput (meeqlap qassiniq ukioqarnera inerisimassusaalu naammaginartumik silatusaartumillu naleqqiussiffagalugit). Inatsit manna naapertorlugu aalajangiinerit tamarmik, meeqlap qanoq isumaqarneranik kissaataanillu ataqqinnernernik eqqarsaatiginninnernillu imaqqassapput.

Taaguut “suup meeqqamut pitsaanerpaanera” piffissap ingerlanerani qularnanngitsumik allatut paasineqaleriartorsinnaavoq, meerarlu kina pineqarnersoq tassani apeqqutaassaaq. Meeqqamut pitsaanerpaap nalilorsornera, meeqqap atugai ataatsimoortillugit tassungaannarlu tunngasut aallaavigalugit tamatigut pisassaaq, tamatumunnga ilaassapput meeqqap nammineq qanoq isumaqarnera isumaqarfiginninneralu, suliamik ilisimasallip ilisimasaanut misilittagaanullu saqqummiunneqartunut naleqqiunneqassallutik, imaluunniit assersuutigalugu suliamik ilisimasallip ilisimasaanik ilanngussivigineqarsinnaallutik. Taaguut qaqugukkulluunniit nassuiardeqassaaq meeqqamut aaqqiissutissatut pitsaanerpaatut, piffissaq qanittoq, akunnattumik sivisussusilik aamma ungasinnerusoq eqqarsaatigalugu.

Pissutsit aalajangersimasut arlaat meeqqamut pitsaanerpaasinnaapput, assersuutigalugu meeqqamut pitsaanerpaasinnaavoq ataqtigiiffiusumi, toqqissimanartumi kiisalu aalajaatsumik inersimasunullu attaveqarfialuartumi peroriartussalluni. Meeqqamut pitsaanerpaajusut pissutsit allat allangorarsinnaapput meeqqap inuunermi atugai qanoq ittuunersut aamma meeqqap eqqaani nukiit apeqqutaallutik. Meeqqamut pitsaanerpaasussaq tassaajuassaaq angajoqqaamini toqqissimasumik angerlarsimaffeqarluni alliartornissaa. Pisuni angajoqqaat toqqissinartumik avatangiiseqartitsillutik isumassuisinnaanngiffianni, meeqqamut pitsaanerpaaq tassaasinnaavoq angerlarsimaffiup avataanut inissinneqarneq. Tassa pissutsit atuuttut kingunerannik pisuni aalajangersimasuni meeqqamut pitsaanerpaasunut pissutsit arlallit apeqqutaasinnaasut.

Meeqqat Pisinnaatitaaffii pillugit Naalagaaffiit Peqatigiit isumaqatigiissutaat naapertorlugu, meeqqamut pitsaanerpaappat allaanerusummik isumaginninnermik periarfissiisoqarluni qulakkeerinnitqassaaq. Meeqqat pillugit Isumaqatigiissut naapertorlugu meeqqat piumanngitsut angajoqqaaminnit avissaartinneqassanngillat, avissaartinneqarsinnaappulli oqartussat piginnaatitaasut avissaartitsineq meeqqamut iluaqtaassasoq aaliangiuppassuk. Pisortaqarfinni akisussaasut aalajangigaat suliamik eqqartuussivilersuussisinnaaneq sillimaffigiumallugu inatsisit tunngavigalugit suliarineqarsimassaaq.

Imm. 2-mut

Aalajangersakkami siunertaavoq, pissutsini meeqqamut tunngasuni, meeqqap qassnik ukioqarnera qanorlu inerisimatiginera apeqqutaatillugu, nammineq qanoq isumaqarnera eqqarsaatigineqartassasoq. Maleruagassap aallaavigaa Meeqqap pisinnaatitaaffii pillugit Nalaagaaffiit Peqatigiit isumaqatigiissutaanni artikel 12. Tassani allassimavoq meeqqamut tunngasunik aalajangiisoqassatillugu meeraq suliamut tunngasunik pisariaqartinneqartunik paasitinneqassasoq. Meeqqap nammineq aalajangissavaa isummaminik saqqummiussissanerluni, ingerlatsiviulli suliamik suliaqarnerani sapinngisamik anguniardeqartassaaq meeqqap qanoq isumaqarnerata misissorneqarnissaa.

§ 3

Imm. 1-imut.

Aalajangersagaq ima paasineqassaaq kommunalbestyrelsip akisussaaffigigaa kommunimini meeqqap perioriartornera inuuneranullu atugassarititaasut ilismaalarugillu iliuuseqartassalluni. Kommunalbestyrelsip tassunga atatillugu nammineerluni iliuuseqarfiusumik ujartuiffiusumillu meeqqap qanigisami akornanni alliartornermini inuuneranilu pisariaqartitaanik aaqqissuussaasunik atugaqarnissaanut misissuillunilu ineriartortitsinissaa naatsorsuutigineqarpoq. Kommunalbestyrelsip tassuuna nalilersussavaa, meeraq aalajangersakkap normuini 1-imuit 4-mut allattorneqarsimasuni anguniarneqartut anguneqarsinnaaqqullugit, ingerlatsivimmit tapersorsorneqarnissaq pisariaqarnersoq.

Nr. 1-imut

Aalajangersakkami pineqarput meeqqap tunngaviusumik timimigut pisariaqartitai ineriartorneralu.

Meeqqap ajunngitsumik inuunera ulluinnarnilu inuunerminik nalinginnaasumik nuannarinninnera naatsorsuutigineqarpoq. Alliartorneq ineriartornerlu timimut tarnimullu tunngassuteqarpoq.

Siullertut uuttuit nalinginnaasut naapertorlugit meeqqap timimigut ajunngitsumik alliartorlunilu ineriartornera aammalu nalinginnaasumik peqqissuunera eqqarsaatigalugu. Meeqqap timimigut pisariaqartitai naammattumik matussuserneqarpata, saarngi, nukii, naggiui il.il., peqqissusaanut aalasinnaaneranullu pingaaruteqarluinnartuuusut, pissusissamisut ineriartorsinnaapput. Taamaalilluni meeqqap sapisngisamik pitsasumik inuuneqarsinnaanera quvakkeerneqassaaq, aammalu siunissaq ungasinnerusoq eqqarsaatigalugu peqqiilliulersinnaanera il.il. annikillisinnejarsinnaalluni.

Meeqqap tulliullugit pisariaqartitai tarnimut inooqataanermullu tunnganerupput. Tassunga ilanngullugu meeraq ineriartortinneqassaaq qanilaassusermik, isumassuinermik aammalu misigissutsiminik anitsisinnaanermik ilinniartillugu. Meeqqap tulliullugit pisariaqartitai tarnimut inooqataanermullu tunnganerupput, tassalu meeqqap ineriartortinneqarnissaq qanilaassusermik, isumassuinermik aammalu misigissutsiminik anitsisinnaanermik ilinniarnissaanut. Kommunalbestyrelsip meeqqamik tapersersuissagaluaruni tamakku eqqarsaatigisariaqarpai.

Nr. 2-mut

Aalajangersakkami pineqarput meeqqap toqqisisimanissaaminik pisariaqartitai.

Meeqqap toqqisisimanartumik alliartornissaq ilaquaasut aammalu angajoqqaatut oqartussaassusillit soorunami akisussaaffigaat. Kommunalbestyrelseli meeqqap kommunimi qanoq inuuneqarneranik nalinginnaasumik, aammalu inummut tassunga sammititamik nakkutilliinissamik, aammattaaq ingerlatsinikkut akisussaaffeqarpoq. Meeqqap toqqisisimanarnerpaamik alliartorfeqarnissaq pisinnaatitaaffigaa. Meeqqap taamatut misigisaqarnissaanut ilaquattat pingarnerpaamik akisussaaffeqarput, kommunalbestyrelsilli pisariaqarpat meeqqap tapersorsorneqarnissaanik neqerooruteqarnissaq akisussaaffigaa.

Taamaattumik aalajangersakkami eqqarsaataavoq, kommunalbestyrelse meeqqamik tapersersuinissamik neqerooruteqassagaluaruni meeqqap toqqisisimassutigineruligassaanik tamatuminnga aallartitsissasoq, aammattaaq meeqqap ilaquaasalu inuillu allat meeqqap attavigisartagaasa akornanni pissutsit pitsasut anguniarneqassasut. Kommunalbestyrelsip meeqqamik tapersersuissagaluaruni tamakku eqqarsaatigisariaqarpai.

Nr. 3-mut

Aalajangersakkami pineqarput meeqqap inooqataanermi pisariaqartitai.

Taamaalilluni siunertaavoq isumassuinikkut, toqqisisimanikkut, kipisaqattaanngitsumik inersimasunillu peqateqarnermik, aalajaassusermik takutitsiviusumik meeqqap pisariaqartumik tapersersorneqarnissaata qulakkeerneqarnissa meeqqallu alliartorneranut tunngaviliusuussusaasoq. Ingerlatsiviup isumaginninnermut sulisuisa allalluunniit suliamik ilisimasallit angerlarsimaffimmut assersuutigalugu pulaarnerisigut, meeqqap avatangiisai pillugit ingerlatsiviup paasiniaanissa naatsorsuutigineqarpoq. Kommunalbestyrelsip taamaalilluni meeqqap avatangiisaanik, pingaartumik angerlarsimaffianik aammalu allanik ungakkiussimasaanik eqqortumik nammineerluni paasisaqarfinginnissaa naatsorsuutigineqarpoq, taamaalilluni meeqqap inunnut allanut pitsasumik attaveqarnissamik pilersitsiartuaarnissa, ineriertuaartsinissa piuinnartitsinissaanillu iluatsitsinissa ingerlatsiviup tapersersuineratigut ingerlanneqarsinnaassamat. Kommunalbestyrelsip meeqqamik tapersersuissagaluaruni tamakku eqqarsaatigisariaqarpai.

Nr. 4-mut

Aalajangersakkami pineqarput meeqqap imminut paasinissaminut pisariaqartitai aammalu imminut tatigineranik naleqartinneranillu nukittorsaanissaq.

Meeqqap ilinniagassaanut inuttullu ineriertornissaanut aaqqissuussamik sinaakkutigisai ima isikkoqarlutillu annertussuseqassapput, meeqqat ataasiakkaarlutik sinaakkutaasut taakku iluanni inersimasutut nammineq inuuneqalernissamik pilersinnissaanut imminut paasinissaat periarfissaqartinneqassalluni. Kommunalbestyrelsip meeqqamik tapersersuissagaluaruni qulakkiigassarai sinaakkutissat meeqqap ilinniagassaanut inuttullu ineriertorneranut tulluartut. Imminut tatigileriartornissaq naleqassutsimillu pilersitsiartuaarnissaq meeqqamut anguniagaqartitsinerup kingunerisussaassavaa, kiisalu meeqqap inersimalernermini aammalu inersimasunngoriartornermini periarfissaqarnissa tulliullugu annertusaavavigissavaa. Kommunalbestyrelsip meeqqamik tapersersuissagaluaruni tamakku eqqarsaatigisariaqarpai.

Imm. 2-mut

Aalajangersagaq una, § 3, imm. 1-im i taaneqartumut pinaveersaartitsinermik iliuuseqarnissamut, naleqqiunneqassaaq. Tapersersuineq ujartuiffiulluni pinaveersaartitsiffiussaaq, aammalu sapinngisamik siusinnerpaamik iliuuseqarfinginninnerussalluni. Taamaasilluni tapersersuinissami iliuusissat annikinnerusut

aallarnisarneqassapput, tassa ajornartorsiutaalersinnaasut annertusinnginnerini aaqqiiffiguminaassinnginnerinilu.

Siusissukkut tapersersuilluni suliniuteqarnerup siunertaraa, ajornartorsiutit meeqqamut sunniuteqalersut pinaveersaartinneqarsinnaammata ikorsiivigineqarlutilu meeqqami qanigisaanilu.

Meeqqap qanigisaanik oqartarnermi pineqartarput, meeqqap angerlarsimaffia ikorsiinerimi ilanngunneqartariaqartoq, tassaammat meeqqap periorartornermini sernissorneqarfisaa. Meeraq angerlarsimaffiup avataanut inissinneqartinnagu, meeqqap ajornartorsiutai angerlarsimaffimmi ikiorserneqarsinnaanersut kommunip tamatigut eqqarsaatigisassavai. Meeqqap ajornartorsiutai angerlarsimaffimmi aaqqiiffigineqarsinnaanngitsutut communalbestyrelsimit nalinerneqartillugit inissiinissaq periarfissatuaalersimassaaq. Pingaartuuvoq meeqqamut atugassarititaasut qiviaqqaartassallugit, ilaatigullu communalbestyrelse ilaqtariillu, angerlarsimaffiup avataanut nuutsitsinissaq peqqaarnagu, angerlarsimaffiup iluani aaqqiissutissanik ujartueqatigeqqaartarnissaat. Ajornartorsiutilli angerlarsimaffiup iluani meeqqap toqqissinartumik inuunissaanut aaqqiissuteqarfingineqarsinnaanngikkaangata, meeqqamik angerlarsimaffiup avataanut inissiinissaq pinngitsoorneqarsinnaajunnaartarpoq.

Misilitakkat takutippaat siusissukkukt iliuuseqartarneq aqqutigalugu ajornartorsiutit annertusinnginnissaat kiisalu oqimaannerulinnginnissaat pinaveersaartinneqarsinnaasoq. Siusissukkut iliuuseqarneq aqqutigalugu taamaalilluni naatsorsuutigineqarpoq meeqqap annertuumik ikorneqarnissaraluara pinngitsoortinneqarsinnaasoq. Taamaalilluni qulakkeerniarneqarpoq meeraq alliartornermini ilaatigut ataqtigiiissumik kiisalu isumassorneqarnikkut toqqissisimanartumik avatangiiseqarluni, inersimasunut qaniganut kipisaqattaanngitsumik attuumassuteqarnermik neqerooruteqartunik alliartussasoq, ilaatigut meeqqap inersimasunut attuumassutaanik tapersersuinikkut.

Pitsaliuinerup isumaa tassaavoq siusissukkut inuuniarnikkut tarnikkullu pissutsitigut ajornartorsiutinut akuliuttoqarpat, taava ineriartornerup ajuunngitsumik sammiveqarnissaa ilimanarnerussaaq.

Inatsit una malillugu ikorsiinerup siunertaraa, iliuuseqarnerup ilaqtariit ataasiusutut isigalugit pissasoq, aammalu angajoqqaat isumassuinermik inooqataalernissamillu meeqqaminnut isumaginninnissaannik tapersersorneqarnissaat.

Imm. 3-mut

Aalajangersakkami aalajangersarneqarpoq inatsisisattut siunnersuutip §§ 3, imm. 1-iani aamma 8, imm. 1-iani pisussaaffit annertunerusut atuutilersinneqarnissaannut communalbestyrelse qulakkeerinnissasoq. Aalajangersagaq ilanngunneqarpoq aalajangersakkat pivi-

usorsiorumik sunniutilimmillu atuutilersinneqarnissaat qulakkeerniarlugu, taamaalillutik taakku sularissamaakkanik nalunaarutaannartut/takusassiaannartut isigineqaleqqunagit.

Imm. 4-mut

Aalajangersakkatigut kommunalbestyrelse pisussaaffilerneqarpoq sulisut pisortallu tamarmik meeqlanik attaveqartartut suliassaat eqqarsaatigalugit meeqlanik pinerliisimannginnermut pinerluuteqarsimannginnermullu uppermarsaateqarnissaannut qulakkeerinninnissamut. Meeqlanik pinerliisimannginnermut uppermarsaatinik piumasaqaateqartussaataaneq pillugu Inatsisartut inatsisaanni nr. 8, 19. maj 2010-meersumi, Inatsisartut inatsisaatigut nr. 7, 3. juni 2015-imeersukkut allanngortinnejartumi tunngaviit aalajangersakkami malinnejarpuit, immikulli pissutissaqartoqartillugu pinerluuteqarsimannginnermut uppermarsaammik pissarsiniarsinnaaneq kiisalu meeqlanik pinerliisimannginnermut uppermarsaammik aamma pinerluuteqarsimannginnermut uppermarsaammik pissarsiniartoqaaqqissinnaanera ilanngunnerarluni.

§ 4

Imm. 1-imut

Aalajangersakkatigut atuuttussanngortinnejarpuit, meeqlat Kalaallit Nunaanni najugaqartut tamarmik, kiisalu meeqlat utaqqiisaagallartumik Kalaallit Nunaanniitunut, Inatsisartut Inatsisaata iluani akisussaaffigineqartut. Meeraq inatsisit allat najoqqutaralugit ikorsiissutinik pisartagaqartoq, tassani ilanngullugit inatsisit innarluutilinnut atorneqartut, aammattaaq inatsisip matuma iluaniippuit, ikorsiisarnerup iluaniikkunik allanilluunniit ajornartorsiuteqarsimagaluarunik inatsisip matuma iluaniippuit. Inatsisit allat najoqqutaralugit ikorsiisoqartarp, siunertarineqartoq ikorsiinermilu najoqqutarineqarsimasoq, nalilersuinermi Inatsisartut Inatsisaannut matumunnga naleqqussarneqassaaq. Tamanna pingartumik atuuppoq ajornartorsiuteqartunut ikorsiissutinik misissuinermi iliuusissamillu pilersaarutaasunik suliaqarnermi.

Uunga. imm. 2

Aalajangersakkakut matumuuna takussutissinneqarput Inatsisartut Inatsisaanni §§ 2, 27, 28, 31, 32, 41 aamma 42 kiisalu nalunaarusiat § 41, imm. 3 tunngavigalugu suliassiutaasimasut, aammattaaq meeqlanut pisortat ikorsiissutaat tunngavigalugit Kalaallit Nunaata avataanut inissiinernut atorneqarsimasut, ilaatigut Danmarkimut.

Meeraq Kalaallit Nunaata avataanut inissinneqarsimatillugu, nunap inissiiviusup inatsisai kalaallit nunaannilu inatsisit peqatigiillutik atuutsinneqartarput.

Imm. 3-mut

Aalajangersakkakut matumuuna takussutissinneqarpoq Inatsisartut Inatsisaat aammattaaq atorneqarsinnaasoq inuuksutunut 18-ileereersimasunut suliniuteqareernermi malitseqartitsinermik § 42 malillugu atugassaqartitaasunut.

Imm. 4-mut

Angajoqqaatut inooqatigiittunut tunngatillugu piumasaqaataanngilaq angajoqqaajusup inooqataata meeqqamut angajoqqaaviunissaa. Tapersersuinissamut aallaavituaavoq meeqqap suli inunngunngitsup pisariaqartitai, taamaattumik tapersersuinissaq naartusumut pisariaqartitaalut eqqarsaatigalugit avatangiisaanut attuumassutilerujussuupput. Naartusumut kisremaamut soorunami tapersersuisoqarsinnaavoq, soorlumi aamma angajoqqaanngortussanut tapersersuisoqarsinnaasoq, tassa naartusumut imaluunniit taassuma aappaanut, taakkununngaluunniit marlunnut. Kommunalbestyrelsip angajoqqaanngortussanik tapersersuissagaluaruni, meeqqap suli inuunngitsup pisariaqartitai eqqarsaatigisariaqarpai, tassuuna angajoqqaat pisariaqartitaat, meeqqap pisariaqartitai pitsaanerpaaamik qulakkeerinniffigumallugit.

Kapitali 2

Kommunalbestyrelsip pisinnaatitaaffit

Aalajangisinnaanermut pisinnaatitaaffik

§ 5

Aalajangersakkami aalajangiunneqarpoq kommunalbestyrelse tassaasoq tapersersuinissamik piginnaatitaaffeqarluni oqartussaasoq, tamatuminngalu unitsitsinissamik aalajangiinissamut.

Inatsisartut Peqqussutaat (12.november 2001 nr. 11) 30. oktober 1998 nr. 9-mi Isumaginnittooqarfuiup aqunneqarnera aaqqisuussaaneralu pillugit, Kommunit aqtsinerminni qaffasisuseq malillugu aaliangiisinnaassusiat atorunnaarsinneqarpoq. Taamanili kommunit aala-jangeeriaasiat ataaseq allanngortinnagu malinneqarpoq. Tamatuma malitsigaa, isumaginninnermi sulianik ingerlatsinermi kommunip aqtsinermini aaliangiisinnaatitaasoq. Tassalu imaappoq Kommunalbestyrelse aalajangiisinnaatitaavoq, suliassaq ataatsimiitsitaliani ataa-vartuni suliarineqassanersoq, imaluunniit aalajangiisinnaatitaaneq borgmesterimut imaluunniit kommunemi allattoqarfik tunniunneqassa-nersoq.

§ 6

Imm. 1-mut

Aalajangersakkut atuuttusaatinneqarpoq aalajangigassat meeqqap pisariaqartitsinera tunngavigalugu kinguartinneqarsinnaanngitsut, kommunalbestyrelsip ileqqusumik ataatsimiinnissaanut, ataatsimiiffissat akornisigut allatut iliuuseqarluni ataatsimiissutigineqartassasut. Meeqqap eqqarsaatiginera aalajangernermut tunngaviujuarpoq pingarnerpaaq. Kommunip qulakkiigassaraa suliassat nukinginnartut pilertortumik suliarineqartassasut, kommunalbestyrelsip ataatsimiititalialluunniit pilersaarutit malillugit ataatsimiinnissaat utaqqepeqqaarnagit.

Imm. 2-mut

Aalajangersakkut qulakkeerneqarpoq kommunalbestyrelse nukinginnartumik aalajangigassaqalersillugu suliassamut sullissiviup qanoq aalajangersimaneranik

paasitinneqareersimasassasoq, taamaasilluni communalbestyrelsip ilisimariissammagu qassit sumullu tunngasut kommuniminni nukinginnartutut suliassaalersimanersut.

Naammassinninneq

§ 7

Imm. 1-imut

Aalajangersakkami pineqarpoq isumaginninnikkut sullissivik allaffissornikkut akisussaaffigineqarnera.

Aalajangersakkami aalajangiunneqarpoq, inatsisartut inatsisaat taanna malillugu aalajangersakkat aalajangiivigneqartut naammassineqarnissaat communalbestyrelsip akisussaaffigigaa.

Imm. 2-mut

Aalajangersakkami aalajangiunneqarpoq communalbestyrelse kinaassutsimut upernarsaammik pisariaqartinneqartumik takutitsinikkut, meeqqap najukkamini isersimaffigunagaanut isersinnaasoq meeqqamik ujaasisinnaajumalluni annisisinnaajumalluniluunniit § 28 naapertorlugu pinngitsaaliisummik angerlarsimaffiup avataanut inissiineq pillugu aalajangiinerit naammassineqaqqullugit.

Aalajangersagaq inatsisitigut pitsaanerusussaq angujumallugu aalajangiineruvoq tunngaviusumik inatsimmi § 72-imu malitassamik, inatsimmi tassani allassimavoq angerlarsimaffik innarlerneqartussaanngitsoq, angerlarsimaffimilu misissuisoqarsinnaasoq taamaallaat eqqartuussivikkut aalajangiisoqarsimatillugu, immikkut ittumik qanoq iliuseqarnissamut inatsisitigut tunngavissaqartinnagu.

Imm. 3-mut

Aalajangersakkami aalajangiunneqarpoq kinaassutsimut upernarsaammik pisariaqartinneqartumik takutitsinikkut communalbestyrelse meeqqap angerlarsimaffianut isersinnaasoq, angerlarsimaffimut iserneq § 45 malillugu isumaginninnermi sullissinerup ilaautut pisussaagaangat, aammalu angerlarsimaffimut iserneq pisariaqartinneqartutut nalilerneqarsimagaangat meeqqap alliartorneranut, peqqissusaanut imaluunniit ineriartorneranut ajoqusiisoqarsinnaaneranik communalbestyrelse naliliusussaatillugu. Meeqqap eqqarsaatiginera aalajangersakkami uani pingarnerpaavoq.

Aalajangersagaq inatsisitigut pitsaanerusussaq angujumallugu aalajangiineruvoq tunngaviusumik inatsimmi § 72-imu malitassamik, inatsimmi tassani allassimavoq angerlarsimaffik innarlerneqartussaanngitsoq, angerlarsimaffimilu misissuisoqarsinnaasoq taamaallaat eqqartuussivikkut aalajangiisoqarsimatillugu, immikkut ittumik qanoq iliuseqarnissamut inatsisitigut tunngavissaqartinnagu.

Taamaattumik angerlarsimaffimmut isertoqarsinnaavoq “eqqartuussivikkut aalajangiisoqanngikkaluartoq” tamanna Inatsisartut inatsisaanni taamatut taaneqarsimammat.

Kapitali 3 *Nakkutilliineq*

§ 8

Imm. 1-imut

Aalajangersagaq inatsimmi § 3 eqqarsaatigalugu atuutsinneqassaaq, tassalu meeqqap tunngaveqarluartumik inuuniarnissamini atugassai pillugit kommunalbestyrelse iliuuseqarnissaminut ilisimasaqarnissaminullu akisussaaffeqartoq. Kommunalbestyrelse pisussaaffeqarpoq kommunimi meeqqanut atugassarititaasut ilisimaarissallugit, naatsorsuutigineqartarpoq kommunalbestyrelsip peqataalluni malinnaallunilu meeqqat inerikkiartornerminni inuuniarfimminkilu pisariaqartitaat inerisaavigisassagai. Kommunalbestyrelsip aammattaaq nalilersussavaa meeraq inatsimmi § 3-mi, imm. 1-imi, nr. 1-imiit 4-mut allattorneqarsimasut anguniarneqartut anguneqarsinnaaqqullugit, isumaginnitoqarfimmiit tapersorsorneqarnissaa pisariaqarnersoq.

Nalinginnaasumik nakkutilliinerup siunertaraa, kommunemi meeqqat ataatsimut isigalugit alliartornerminni atugaannik nukittorsaanissamik pisariaqartitsisoqarneranik kommunalbestyrelsip ilisimaarinnilernissaa.

Kommunalbestyrelsip tassani nakkutilliisussaatitaanera nalinginnaasuovoq aamma nunaqqatigiinni meeqqat inuunermi atugaanni pissutsinut tamanut tunngasuulluni. Kommunalbestyrelsip taamatut suliaqarnermini oqartussaasut allat aammattaaq equmaffiginneqqussavai pissutsinik meeqqanut tulluanngitsunik, soorlu kommunalbestyrelsip nammineq oqartussaaffimmi iluani allanngortissinnaanngisaminik meeqqat naammaginanngitsumik atugaqarnerannik erseqqissaateqarnermigut.

Nakkutilliisussaatitaaneq nalinginnaasoq kommunimi ingerlatsiveqarfii aamma pisortat ingerlatsiveqarfii oqartussaasut allat akornanni, assersuutigalugu nakorsaaneqarfik suleqatigalugu ingerlanneqartarpoq. Tamakku saniatigut innuttaasut akornanni piumassutsiminnik suliniaqatigiit il.il. suleqatigineqarsinnaapput. Kommunalbestyrelse amerlanerpaanik suleqateqarnermigut pitsaanerusumik takunnissinnaatilissavaa kommunimi meeqqanut, inuusuttunut aammalu angajoqqaanngortussanut inooqataanikkut, ilinniarnikkut peqqissutsiminnillu sullissinikkut aammalu sunngiffimmi sammisassanik sunik neqerooruteqartoqarnersoq. Siammasissumik suleqatigiinnerup kommunalbestyrelsip sunik suliaqarneq apeqqutaatinnagu ataatsimoortumik, siusissukkut aammalu pitsaaliuisumik suliaqarnermik ataqtatigiissitsinissaa pilersaarusiornissaalu pitsanngortissavaa. Nakkutilliinermut nalinginnaasumut aamma ilaavoq atuarfiup, peqqinnissaqarfiiup, inunniq isumaginnitoqarfiiup politiillu (naalisarlugu SSSPK) akornanni suleqatigiinnerit pitsaaliuinermik suliaqarfiusut malinnaaviginerat. Meeqqat akornanni pinerlunniartarnerup

pinaveersaartinneqarnissaa SSSPK-mi suleqatigiissutigivaat, kiisalu suleqatigiillutik pisortatigoortumik meeqqamut isumassuineq tamanut tunngavilersukkamik pisariaqassatillugu, siusinaarluni iliuuseqarnissaq pillugu suleqataallutik.

Meeqqat alliartornerannik, peqqissusaannik aamma ineriartornerannik kommunemi nalinginnaasumik nakkutilliineq, ulluunerani neqeroorutigineqartuni aammalu atuarfinni ingerlanneqartarpoq pisortani sulisut aqqutigalugit, ornittakkammi tamakku kommunemi meeqqanit tamanit orninneqartarmata. Ulluunerani neqeroorutaasuni peqqissaasut, ilinniartitsisut, perorsaasut sulisullu allat meeqqami pissutsinik maluginnilertortarput meeraq, inuusuttoq angajoqqaanngortussalluunniit tapersorsorneqarnissamik immikkut pisariaqartitsinerannik malunniutaasunik.

Inunniq Isumaginnittoqarfimmi, atuarfimmi peqqinnissaqarfimmilu sulisut annertusisamik pi-sussaaffeqarput kommunalbestyrelsimit nalunaarutiginninnissaminut, suliaminnut atatillugu meeqqamik ikiorserneqartariaqartumik naammattuugaqarunik pasitsaassaqarsimagunilluunniit. Taamatut aamma pisussaaffeqarput qinikkatut inisisimasut inisisimagallartulluunniit, tak. § 16. Taamaasilluni nakkutilliineq sulisut peqataanerisigut nalinginnaasumik naammatarpoq meeqqat isumannaatsumik nakkutigineqarnissaannut, sulisummi ilaat meeqqanik sulissivinniikkajuttarput, soorlu meeraaqquerivinni, meeqqerivinni atuarfinni il.il.

Kommunalbestyrelsip nakkutilliisussaatitaanera meeqqanut kommunemi najugalinnut tamanut atuuppoq, tassani apeqqutaanani najugaqarallarnersut aalajangersimasumilluunniit najugaqarnersut. Taamaattumik nakkutilliinermut nalinginnaasumut apeqqutaanngilaq meeraq kommunemi najugalittut allattorsimasuunersoq.

Nakkutilliinissamut pisussaaffik isumaqarpoq meeqqamut, inooqataanikkut atugarliortutut naatsorsuutigineqartumut imaluunniit arlaannik peqquteqartumik immikkut pisariaqartitsilersinnaasumut pissutsit kommunalbestyrelsimit arajutsinaveersaardeqassasut. Assersuutigalugu tassaasinnaavoq angajoqqaat atornerluinermik ajornartorsiuteqarpata. Suliamik suliarinnitooq assigisaaluunniit inersimasunik isumaginninnikkut immikkut ajornartorsiuteqartumik attaveqartillugu, assersuutigalugu imigassamik ikiaroornartunilluunniit atornerluinerup malitsigisaanik, pingarpoq angerlarsimaffimmi meeraqarnersoq apeqqutigissallugu, taamaalilluni ilaqtariinni taakkunani meeqqanut ilaqtariinnut sammisumik pitsaliuilluni suliniutit aallartinneqarsinnaalissammata. Aamma ilaqtariinni, angajoqqaat timikkut tarnikkulluunniit piginnaasaat apparsimappata meeqqat sissuernissaat pingarpoq, tassa ilaqtariit nalinginnaasumik ulluinnaat ingerlatinnissaat siunertalarugu immikkut tapersersuisoqarnissaat pisariaqarsinnaammat.

Imm. 2-mut

Aalajangersakkami naqissuserneqarpoq, kommunalbestyrelse pisussaaffeqartoq inummut sammisumik meeqqanik angerlarsimaffiup avataanut inissineqarsimasunik nakkutiginninnissaminut.

Inummut sammititamik nakkutilliisussaatitaaneq meeqqanut kommunalbestyrelsimit angerlarsimaffiup avataanut, tassalu kommunimi allami ulloq unnuarlu paaqqinniffimmuit imaluunniit ilaqtariinnut paarsisartunut aamma meeqqanut kommunalbestyrelsimit angerlarsimaffiup avataanut, tassalu Kalaallit Nunaata avataani inissiiffimmuit inissinneqarsimasunut aamma atuuppoq.

A) Meeqqat angerlarsimaffiup avataanut kommunimi inissinneqartut

Meeqqap angerlarsimaffigisaani kommunemi communalbestyrelsip qulakkiigassaraa, meeqqat angerlarsimaffiup avataanut inissitat inummut sammititamik nakkutigineqarnissaat.

B) Meeqqat angerlarsimaffiup avataanut kommunimut allamut inissinneqartut

Meeraq Kalaallit Nunaanni kommunimi allami inissinneqarsimappat, communalbestyrelsip (kommunip angerlarsimaffigisap) isumagissavaa meeqqap inissinneqarfigisaani najugarisaanilu inummut sammititamik nakkutilliisoqarnissa. Angerlarsimaffiup avataanut kommunip angerlarsimaffigisap avataaniittumut kommunimut allamut meeqqat inissinneqartut pillugit inummut sammititamik nakkutilliinissamik ingerlatsinissaq pillugu communalbestyrelsip suleqatigiinnissaq toqqarsinnaavaa. Pingaartortaa tassaavoq nakkutilliisussaatitaaneq taamaatinneq ajormat, kommunip killeqarfiisa avataanut meeqqap inissinneqarnera pissutigiinnarlugu.

C) Meeqqat angerlarsimaffiup avataanut Kalaallit Nunaata avataani inissinneqartut

Angerlarsimaffiup avataanut Kalaallit Nunaata avataani meeqqanik inissiinermi, communalbestyrelsip (kommunip angerlarsimaffigisap) inissiuusup isumagissavaa meeqqap inissinneqarfigisaani najugarisaanilu inummut sammititamik nakkutilliisoqarnissa. Kommunalbestyrelsip nunami meeqqap inissinneqarfigisaani kommunimik suleqateqarnissaq toqqarsinnaavaa. Kalaallit Nunaata avataani inissiineq Danmarkimi amerlanertigut pisarpoq. Suleqatigiinnissaq isumaqatigiissutigineqarsinnaanngikkaangat (kommune angerlarsimaffigisaq) aaqqiissutissamik allamik aaqqissuussisariaqarpoq, meeqqap najugaqarfigisaani inummut sammititamik nakkutilliisoqarnissa pisinnaaqquullugu. Tamanna pisinnaavoq kommunip angerlarsimaffigisap sulisuanik imaluunniit siunnersortimik avataaneersumik communalbestyrelse sinnerlugu, Kalaallit Nunaata avataani inissiiffiusumi inummut sammititamik nakkutilliisussatut sulisussarsinikkut.

Taamaalluni inissiinermut oqartussaasoq tassa imaappoq (kommunemi meeqqap angerlarsimaffigisaani communalbestyrelse) taannaavoq meeqqanik angerlarsimaffiup avataanut inissinneqarsimasunik inummut sammititamik inatsisinik tunngaveqartumik nakkutilliisuusussa, aamma meeraq kommunimut allamut imaluunniit nunamut allamut inissinneqarsimaluarpalluunniit. Kommunemi meeqqanut tamanut tunngatillugu kommunip najugaqarfiusup nalinginnaasumik nakkutilliinissaanut sinaakkusiussaa inummut tunngatillugu immikkut nakkutilliinermiippoq, akerlianilli nalinginnaasumik neqeroorut meeqqanut tamanut atuulluni. Meeqqat taamaallutik nakkutilliinerit marluusut taakku ataanni inissisimassapput. Nakkutilliisussaatitaanerup imaraa kommunip angerlarsimaffigisap

pisussaaffigigaa, inummut sammititamik nakkutigissallugit meeqqap najugaani meeqqanut susassaqartitsiviit ikiorserneqartariaqartunullu sammisassaqartitsiviit aqqutigalugit.

Angajoqqaat namminneq isumaqatigiissuteqarnermikkut ilaqtariit meeqqaminik paarsitaat § 39 mi aalajangersagaq malillugu aamma communalbestyrelsip nakkutigisassaanut ilaapput. Nakkutiginnittussaq tassaavoq nammineerluni isumaqatigiissuteqarsimasuni ilaqtariit paarsisut najugaqarfianni Kommunalbestyrelse.

Meeqqap tapersorsorneqarnera naammannersoq tulluartuunersorlu pillugu, communalbestyrelsip ataavartumik nalilersuinissaa inummut sammititamik nakkutilliinerup siunertaraa.

Aalajangersakkami ilanngunneqarsimanngilaq, qanoq iliorluni qanorlu akuliksigidumik inummut sammititamik nakkutilliinermi, meeqqat angerlarsimaffiup avataanut inissinneqarsimasut nakkutilliivigineqartassanersut.

Ataatsimut isigalugu, kommunip inummut sammititamik nakkutilliinera nalilersuilluarneq najoqqutaralugu ingerlanneqartariaqarpoq, ikorsiissutaasup pisariaqartitsinera naapertorlugu. Pisuni tamani ataasiakkaartuni nakkutilliineq qanoq aaqqissuunneqassanersoq communalbestyrelsimit nalilerneqartassaaq, taamaalilluni ikorsiinermi inissiinermiluunniit siunertaq iluaquitaalluni aamma meeqqap pisariaqartitaanut naleqqunnerat ataavartumik quakkeerneqartassamat. Kapitalini 7-imiit 9-mut aalajangersakkat naapertorlugin iliuuseqarnerit assiginngitsorpassuusinnaammata, tamanut assigiimmik nakkutilliinermik ingerlatsisoqartariaqannginnissaa eqqumaffigineqassaaq. Assersuutigalugu suli sivisunerusumik najugaqarnissap pisariaarunnera imaluunniit ilaqtariinnut ulluinnarni ikiueqqittariaarunnersoq quakkeerniarlugu oqilisaaffigineqartussatut neqeroorfigineqarsimasut arlaleriarluni nakkutigineqarnissaat pisariaqartinneqarsinnaavod.

Imm. 3-mut

Aalajangersakkami aalajangunneqarpoq kommunemi ilaqtariinnik paarsisartunik ingerlatsinermik samminnittumik nakkutilliineq communalbestyrelsip akisussaaffigigaa.

Aalajangersakkami ilanngullugu siunnersuutigineqarpoq communalbestyrelse pisussaaffilerneqassasoq angajoqqaarsianik annertusisamik nakkutilliisassasoq, ernumagineqarpat pasitsaassisooqarpalluunniit meeqqamik paarsininerminnik arsaarinnissutaasariaqanngikkaluartumik ernumanartumilli iliuuseqartarsimasut.

Annertusisamik nakkutiginninnissamik pilersitsinissamut communalbestyrelse aalajangiissaq aatsaat ima ernumanartoqarsimatigippat, allaat angajoqqaarsiat meeqqamik paarisaminnik arsaarneqartariaqarsinnaanerat isumaliutigisariaqalersimappat.

Naatsorsuutigisariaqarpoq communalbestyrelsip annertusisamik ilaqtariit paarsisartut nakkutilliiffigineqannginneranni nakkutilliinissamut aaliangernermut pissutaasut pillugit ilaqtariit oqaloqatigeqqaarsimassagai, aaliangerneq aassersuutigalugu pinerluuteqartoqarsimaneranik paasisaqartoqarsimaneranik pissuteqanngippat.

Annertusisamik nakkutilliineq nakkutiginnitsilernissamut pissutigineqartut tunngavigerpiarlugit pilersaarusiugaasumik ingerlanneqassaaq. Annertusisamik nakkutilliineq tassaavortaaq sakkortunerusumik nakkutilliineq, akulikinnerusumik nakkutilliisoqartassalluni paasissutissanillu amerlanik katersuiffiussalluni.

Imm. 4-mut

Nalunaaruteqareerluni nakkutilliinermi, meeqqamik nakkutilliinissaq siunertaralugu communalbestyrelsip inissiiffiusumut pulaarnissaa pillugu, inissiiffiusoq siumoortumik ilisimatinneqartarpoq.

Nalunaaruteqaqqaarnani nakkutilliinermi communalbestyrelsip sumiiffimmi nakkutilliilluni pulaarnissaanik inissiiffiusoq ilisimatinneqarneq ajorpoq. Nalunaaruteqaqqaarnani nakkutilliineq ilaatigut pisoq pillugu maannakkorpiaq pisumik aamma inissiiffiusumi misigisimasamik takutitsisarpoq, kiisalu nalunaaruteqarluni nakkutilliinermi paaqqinnittarfimili ulluinnarni misigineqartut, aamma nalunaaruteqaqqaarnani nakkutilliinermi misigineqartut akornanni naapertuttoqaneranik naliliiniarnermi atorneqarsinnaalluni. Nalunaaruteqaqqaarnani nakkutilliineq taamaalilluni inissiiffiusumi nalinginnaasumik paasanut ilassutitut aamma allannguutaasinnaasunik ersersitsinertut atorneqarsinnaavoq.

Imm. 5-imut.

Aalajangiussami communalbestyrelse pisussaaffilerneqarpoq Naalakkersuisut pisariaqartitaannik paasissutissanik tamanik nassiussinissaminut, Naalakkersuisut pisariaqartissimappassuk communalbestyrelsip kommunimini nakkutilliisussaatitaanermini suliarisimasai misissussallugit.

Imm. 6-imut

Aalajangersakkap Naalakkersuisut nakkutilliinermut ersarinnerusunik malittarisassior-sinnaanngortippai, ilaatigut nakkutilliinerup qanoq suliarineqarnissaanut, aaqqissuunnisaanut, nakkutilliisussaatitaanerup eqquutsinneqarnissaanut malitassanik piumasaqaatinillu, nakkutilliinermut sukanganerusumut piumasaqaatinut, nakkutilliinernut, nalunaarusiornisanut piumasaqaatinut malittarisassiorernik.

Nakkutilliinermut nalunaarusiaq tassaavoq allagartaq uppermarsaat, nakkutilliinerit tamaasa nalunaarusiatut suliarineqartussaq, ingerlatsiviit inatsisitigut pisussaaffii tunngavigalugit taamatuttaaq oqaaseqaasiornissamut piumasaqaat.

§ 9

Imm. 1-imut

Aalajangersakkami naqissuserneqarpoq Naalakkersuisut tassaasut Inatsisartut inatsisaanni aalajangersakkanik atuinermik qulliunerusutut nakkutilliisuusussat. Naalakkersuisut taamaalillutik taakkupput inatsimmi oqaatigineqartunik pisussaaffinnik pisinnaatitaaffinnillu kommunit naammassinninnissaannik nakkutiginnituusussat.

Imm. 2-mut

Aalajangersakkut aalajangiunneqarpoq inunnik isumaginninnerup iluani kommunit najukkaminni Inatsisartut Inatsisaanni aalajangersakkanik atuinerannik kiisalu ulloq unnuarlu paaqqinniffinnik nakkutilliinermik Naalakkersuisut qulliunerusumik akisussaaffeqartut.

Imm. 3-mut

Nalunaaruteqareerluni nakkutilliinermi aqutsinermut tunngasunik nakkutilliinissaq siunertalarugu kommunalbestyrelsip inissiiffiusumut pulaarnissaa pillugu inissiiffiusoq siumoortumik ilisimatinneqassaaq.

Nalunaaruteqaqqaarnani nakkutilliinermi communalbestyrelsip sumiiffimmi nakkutilliilluni pulaarnissaanik inissiiffiusoq ilisimatinneqarneq ajorpoq. Nalunaaruteqaqqaarnani nakkutilliineq ilaatigut pisoq pillugu maannakkorpiaq pisumik aamma inissiiffiusumi misigisimasamik takutitsisarpoq, kiisalu nalunaaruteqarluni nakkutilliinermi paaqqinnittarfimmilu ulluinnarni misigineqartut aamma nalunaaruteqaqqaarnani nakkutilliinermi misigineqartut akornanni naapertuttoqaneranik naliliiniarnermi atorneqarsinnaalluni. Nalunaaruteqaqqaarnani nakkutilliineq taamaalilluni inissiiffiusumi nalinginnaasumik paasianut ilassutitut aamma allannguutaasinnaasunik ersersitsinertut atorneqarsinnaavoq.

Imm. 4-mut

Aalajangersakkap Naalakkersuisut pisussaaffeqartilerpai nakkutilliinermut ingerlatsivimmik peqarnissamik, taakkulu Inatsisartut inatsisaannik communalbestyrelsit atuinerannik ingerlatsinerannillu nakkutilliineq suliassaraat.

§ 10

Imm. 1-imut

Nakkutilliinermut ingerlatsiviup inatsisitigut pisinnaatitaaffii aalajangersakkami allassimapput. Aalajangersakkap nakkutilliinerumut ingerlatsiviup suliaannut tunngassutilinnik kommunip ingerlatsiviata paasissutissaataanik tamanik akornuserneqaratik takunnissinnaanerat periarfissaalersippaa. Kommunimi ingerlatsiviup paasissutissat nakkutilliinermut ingerlatsiviup piumasai tunniutissavai.

Imm. 2-mut

Aalajangersakkap nakkutilliartortitat pisinnaatippai communalbestyrelsimit malinneqartariaqartunik siunnersuuteqartarnissamut suliakkiuteqartarnissamullu.

Malinneqartariaqartutut siunnersuut nakkutilliinermi nalunaarusiammi ilaatinneqassaaq. Nakkutilliinermut nalunaarusiaq tassaavoq allagartaq uppermarsaat, nakkutilliinerit tamaasa nalunaarusiatut suliarineqartussaq, ingerlatsiviit inatsisitigut pisussaaffii tunngavigalugit taamatuttaaq oqaaseqaasiornissamut piumasaqaat.

Nakkutilliinermut ingerlatsiviup nalilerpangu sulami aalajangersimasumi meeqqap angerlarsimaffiup avataanut inissinnissaa pisariaqartinneqarsinnaasoq, tak. §§-it 27 aamma 28, tamannali pisimanani, taava nakkutilliinermut ingerlatsiviup piffissap aalajangersimasup iluani isumaginninnikkut misissuinerrik aallartitsinissaq pituttuisumik kommunalbestyrelsimit inassutigisonnaavaat, taamaalilluni kommunalbestyrelsimit paasinarsissammat meeqqap angerlarsimaffiup avataanut inissineqarnissaa maannakkut pisariaqartinneqarnersoq.

Inatsimmi kapitalini 7-imiit 9-mut aalajangersakkat naapertorlugit isumaginninnikkut misissuinerup takutippagu meeraq allaanerusumik pisariaqartitsisoq, meeqqamik inissiinermik allaanerusumik iliuuseqartoqarsinnaasoq. Kommunalbestyrelse inunnik isumaginninnermut allaffeqarfimmut tamakkisumik aqutsisuummat, imm. 3-mi aalajangersagaq nakkutiillinerik ingerlatsivimmut taamaallaat pisussaaffiliivoq suliamut pineqartumut isumaginninnikkut misissueqqinnissamik kommunalbestyrelsimit suliakkiisinaalluni.

§ 11

Imm. 1-imut

Nakkutilliinermik ingerlatsivik inatsisitigut pisinnaatitaaffii aalajangersakkami allassimapput. Aalajangersakkami nakkutilliinermik ingerlatsivik qinnuteqareernermikkut pisinnaaffilerne-qarput ulloq unnuarlut paaqqinnittarfinni suliarisanut paasissutissat tamakkerlugit pissarsiarinissaannut. Ulloq unnuarlut paaqqinniffiup nakkutilliinermi ingerlatsiviup paasissutissat piumasai tunniutissavai.

Imm. 2-mut

Aalajangersakkami imm. 2-mi siunnersuutigineqarpoq nakkutilliinermut ingerlatsivik ulloq unnuarlut paaqqinnittarfimmut peqqussuteqarluni suliakkiuteqarsinnaassasut. Peqqussutitut suliakkiutigineqartut naammassineqarpata nakkutiillinerit ingerlatsiviup akuersissut atuutsiinnarsinnaavaa, kisiannili tamanna pisussaaffigeqqissaarnagu. Suliakkiutigisamik suliarineqarnissaannut piffissamik killissaliisinnapput ulloq unnuarlut paaqqinnittarfimmit qularutigineqaqqunagu suliakkiut suliarinngikkunikku qaqugukkut paaqqinnittarfimmik ingerlatsisinnatitaanermiinnik arsaarneqarsinnaanerlutik. Suliakkiuteqarneq pisassaaq annertusisamik nakkutilliinissamik pisussaaffiliisimanermut atatillugu, tak. aalajangersakkami imm. 3-mi siunnersuutaasoq, suliakkiuteqarnerli aamma pisinnaavoq annertusisamik nakkutilliinissamik nalunaarutiginnitqarsimannngikkaluartorluunniit.

Inassuteqaammik tunniussaqarnikkut qulakkeerniarneqartarpoq ulloq unnuarlu paaqqinnittarfimmit takussaasumik uparuaataasoq aaqqiissuteqarfigineqarsimassasoq, paaqqinnittarfip akuerisatut ingerlaannarnissaanut tunngavissiissutaussamik. Assersuutitut tunngaviusimasinnaavoq sulusuusimasut arlaqartut suliunnaarsimaneri, sulisullu sinneruttut nاجاqaqtinnejartunik ikippallaalernertik pissutigalugu naammaginartumik sullisisinnaanissaq naammassisinnaajunnaarsimappassuk, imaluunniit paaqqinniffik meeqqanik sullisinis-saminut naammaginartumik sullisisinnaajunnaarsimappat. Peqqussummi piumasaqaataasin-naavoq sulusussat pisariaqartitat naammatsillugit artorfinitsitsisoqassasoq. Assersuut alla tassaasinnaavoq ulloq unnuarlu paaqqinniffiup pissaanermik atuivallaarnera. Nakkutilliartortitat naalakkiutigisinnaavaat nakkutilliiffigisap pissaanermik atuivallaarnini millisarniarlugu pilersaarusiamik takutitsinissa, sulisuminillu pikkorissartitsisarnissa.

Naatsorsuutigineqartariaqarpoq peqqussut ima imaqartariaqartoq, ulloq unnuarlu paaqqin-nittarfimmit malinneqartariaqarluni. Peqqussummi ersarilluinnartariaqarpoq paaqqinnittarfik qanoq iliuuseqartariaqarnersoq, peqqussummi piumasaqaataasut naammassisinnaajumallugit.

Peqqussutigineqartup naammassineqarsimanissaanut killiliussaq peqqussuteqarnermut pisutigineqartup naammassineqarnissaanut naammattumik sivisussusiligaasariaqarpoq. Assersuutigalugu sulusut arlaat nakkutigisassaminut meeqqanulluunniit allanut pinerluuteqarsimap-pat, paaqqinnittarfimmi aqutsisuusut peqquneqarsinnaapput taannarpiaq pillugu qanoq iliuuseqaqqullugit, paaqqinnittarfimmiikkunnaarnissaa, meeqqanik kisimeeqateqaqqinnginnisa-saa nakkutigineqalernissaalunniit piumasaqaataasinnaavoq. Peqqussut taamatut ittoq pilertortumik aalajangiiffigineqarsinnaavoq, peqqussutilu naammassinissaanut killiliussaq tassunga naleqquttusariaqarpoq. Peqqussut suliamatut naleqquttumik artorfinitsitsinssamik imaqarpat - artorfinitsinniarneqartorlu piginnaasamigut naleqquttoq pissarsiariniarneqassappat - taava piffissaliussaq sivisunerusariaqassaaq.

Imm. 3-mut

Siunnersummi ersippoq, nakkutilliinermik ingerlatsivik misissuinerminni annertusisamik nakkutilliinissaq aalajangiussinnaagaat, tassa ulloq unnuarlu paaqqinniffimmi pissutsit taamatut iliortariaqarneq tunngavissaqartissimappassuk.

Annertusisamik nakkutilliinissamik aalajangernissaq aatsaat pisariaqalersarpoq, nakkutilliartortitat ulloq unnuarlu paaqqinnittarfip aqunneqarneranik misissuinerminni paasisaat ima er-numaammernartigigaangata, nakkutilliinerulerlernermik atuiffiusariaqalerluni, allaat ulloq unnuarlu paaqqinnittarfip ingerlatsisinnaaneranik arsaarinnissuteqartoqarsinnaalerluni. Pis-sutaasinnaasut tassaapput sullitassanut sullissinissamut naleqquttumik ilinniarsimasutuaq suliunnaarsimappat, imaluunniit piffissap sivikitsup ingerlanerinnaani pissutissaqanngitsumik arlaleriaqaluni pissaanermik atuisoqartarsimappat.

Imaassinnaavoq nakkutilliinermik ingerlatsivik ulloq unnuarlu paaqqinniffiup pitsaassusaanik misissuinerminni, takusartik meeqqanik paaqqinninnissamut naleqqukkunnaarsimasutut

naliliiffigigaat. Taama pisoqartillugu nakkutilliinermik ingerlatsiviup naliliiffigisariaqassavaa, piffissap naammaginartup iluani ulloq unnuarlu paaqqinnittarfiup piumasaqaataasut taamaa aqqiivigisinnaassanerai, imaluunniit najukkamut naliliineq najoqqutaralugu ulloq unnuarlu paaqqinnittarfiup ingerlanneqarnissaanut akuersissutit utertinneqarnissaat sulissutigineqassanersoq.

Naatsorsuutigineqartariaqarpoq annertusisamik nakkutiginninnissamik aalajangiisoqannginerani, nakkutilliinermik ingerlatsivik kiisalu ulloq unnuarlu paaqqinniffiup akunnerminni annertusisamik nakkutilliinissamut tunngaviusut pillugit oqaloqatigiissimassasut, tassangaannartumik pillarneqaataasinnaasumik iliuuseqartarsimanermik paasisaqarneq annertusisamik nakkutilliinissamut tunngaviusimanngippat.

Annertusisamik nakkutilliinissamik aaliangernermut atatillugu nakkutilliinermik ingerlatsivik peqqussuteqarluni suliakkiinissamik aaliangiissaq. Peqqussut annertusisamik nakkutiginninnissamut aaliangiunneqartumut imarisamigut attuumassuteqassaaq, qulakkeerneqassallunilu neqeroorutip pineqartup ilisimassangaa suut naammassineqarpata annertusisamik nakkutilliineq atorunnaarsinneqassanersoq, taamaalilluni neqeroorutip ingerlaannarnissaminut akuersissut pigineqartoq atuinnarsinnaasavaa.

Imm. 4-mut

Siunnersuutigineqarpoq nakkutilliinermik ingerlatsivik ulloq unnuarlu paaqqinnittarfimmi meeqqat ernumaginninnissamut tunngavissaqartumik paasisaqarunik, pinngitsooratik kommunit meeraatigineqartunut akisussaasut qanoq pisoqarneranik ilisimatittassagaat. Ilisimatissut ulloq unnuarlu paaqqinnittarfimmi iliuuseqartoqartarsimasoq, paaqqinnittarfiup annertusisamik nakkutigineqalernissaanut imaluunniit peqqussuteqartoqarsimaneranik tunngavissaqartitsilersonik imaqarsinnaavoq.

Nakkutilliinermik ingerlatsivik kommuninut meeqqat ulloq unnuarlu paaqqinnittarfimmiittut aggerfigisaannut paasissutissat imaqarsinnaapput paaqqinnittarfimmut iluarsineqaqqullugit nalunaarutaasimasunik, aammali imaqarsinnaallutik meeqqap qanoq atugaqartitaaneranik.

Paasissutissiinerup pineqartumuinnaq tunngasuunissaanut pissutaavoq, nakkutilliartortut kisimik, kommunit meeqqat aggerfigisaanneersut meeraataasa ulloq unnuarlu paaqqinnittarfimmi qanoq atugaqartitaanerinik nalunaarfigisassarimmatigit.

Aalajangiinermut tunngavippiaavoq qulakkeerneqartariaqarmat nakkutilliartortitat nalunaaruaat kommunimut meeqqamik inissiisimasumuinnaq nalunaarutigineqartarnissaat. Taamaasil-luni kommune pineqartoq nalilersuisinnaaniassammat meeraq ulloq unnuarlu paaqqinniffimmut eqqortumut inississimanerlugu.

Imm. 5-mut

Aalajangersakkap Naalakkersuisut pisinnaatippai malittarisassiornissamik aqutsinermut sammisumik, nakkutilliinerup aaqqissuunneqarnissaanik kiisalu imarisassaanik.

Ilutigalugu ulloq unnuarlu paaqqinniffiit ingerlatsisinnaanermut akuersissutip ingerlaannnissaannut pitsaassutsikkut killiliussat piumasaqaatinillu naammassinninnissaannut.

Ulloq unnuarlu paaqqinniffiup aningaasaqarnikkut ingerlatsinera aqutsinermik samminnittumik nakkutilliinermut ilanngunneqarsinnaavoq.

Taaneqartut saniatigut Naalakkersuisut malittarisassiussapput qaqugukkut piumasaqaateqasanerlutik annertusisamillu nakkutilliisoqalissanersoq.

Kapitali 4

Isumaginninnikkut Aqutsisoqarfik

§ 12

Imm. 1-imut

Isumaginninnikkut aqtsisoqarfiup suliassaqarfii aalajangersakkami naqissuserneqarput.

Isumaginninnikkut aqtsisoqarfiup suliassaraa, Inatsisartut Inatsisaat naapertorlugu aalajangersakkat kommunimi inunnik isumaginnittoqarfimmi suliassat suliarinissaannut tapersersuinermik aamma pisariaqarinneqarpat siunnersuinermik ingerlatsinissaq.

Isumaginninnikkut aqtsisoqarfik kommunimi ingerlatsivimmik siunnersuisinnaavoq, ilitsersuisinnaavoq kiisalu inatsit malillugu suliassani meeqlanut tunngasuni suliaqarnermi kommunimi ingerlatsivimmut aqtsisunullu siunersuinermik ingerlatsisinjaalluni.

§ 13

Imm. 1-imut

Aalajangersakkami isumaginninnermi aqtsisoqarfiup kommunillu akornanni paasissutissanik inunnut tunngasunik mianerneqartussanillu paarlaasseqatigiinnernut sinaakkutissat naqissuserneqarput. Aalajangersagaq najoqqutaralugu isumaginninnermi aqtsisoqarfiup, suliaminut atatillugu, communalbestyrelse qinnuigisinjaavaa paasissutissanik inunnut tunngasunik tunniusseqqullugu, paasissutissat isumaginninnikkut aqtsisoqarfiup suliamik misissuineranut pingaaruteqarsinnaasutut imaqarsimappata, inummut pineqartumut tunngassuteqartut mianernarsinnaasut ilanngullugit.

Aalajangiinermut tunngavissat pingasut naammassineqarsimassapput isumaginninnikkut aqtsisoqarfiup paasissutissanik inunnut tunngasunik mianernarsinnaasunik tunineqarnissaminik qinnutiginninnginnerani:

- 1) tamanna pisinnaavoq "suliaannut ilaappat", imappoq isumaginninnikkut aqtsisoqarfiup inatsisit malillugit suliassaanut ilaasimappata (suliat inatsit malillugu ingerlanneqartunut siunnersuineq, ilitsersuineq aamma siunnersuineq),

- 2) suliamut aalajangersimasumut inummut paasissutissat, aamma
- 3) paasissutissat inunnut tunngasut mianernarsinnaasut pissarsiariumaneqartut suliap suliarineqarneranut aalajangiisuusumik pingaaruteqarsimappata.

Suliaq taamaalilluni paasissutissat inunnut tunngasut mianerineqartussallu ilanngunnagit suliarineqarsinnaappat, imaluunniit paasissutissat inunnut tunngasut mianerineqartariaqartullu suliamut aalajangersimasumut tunnganngippata, isumaginnikkut aqtsisoqarfimmit qinnutigineqarsinnaanngillat. Paasissutissanik inunnut tunngasunik mianerineqartussanik tigusisussamik qinnuteqaat kommunimit naliliiffigisassaavoq, aammalu isumaginninnikkut aqtsisoqarfimmit naliliiffigisassaalluni kommunimut kissaateqarluni nassiussinnginnermini.

Imm. 2-mut

Innuttaasoq paasissutissanik inummut tunngasunik mianernarsinnaasunillu aallerfiginiagaq tunngaviusumik akuersiteeqqaarneqassaaq. Allaganngorlugu akuersissuteqassaaq aammalu pisortat ingerlatsiviini atuuttut sulianik ingerlatsinermi malitassat nalinginnaasut malinneqassapput, tamatumani ilanngullugu inunnut paasissutissanik suliarinnittarneq pillugu inatsit.

Imm. 3-mut

Inuk pineqartoq tunniussinissamut akuersiumannngippat, allatulluunniit iliorluni akuersissut pissarsiarineqarsinnaanngippat, communalbestyrelse paasissutissanik Isumaginninnermi Aqtsisoqarfimmut tunniussisinnaavoq, paasissutissat mianernartut ilanngullugit, suliassamut pingaaruteqartunik innuttaasup inatsisitigut innarlittaalinissaakornuserneqanngippat. Kommunalbestyrelse nalilersuinermigut taannaavoq aalajangiisussaq, suliassamut allakkat ima pingaaruteqartiginersut allaat akuersisummik tunniussisoqanngikkaluartoq allakkat tunniunneqarsinnaalersissallugit, taannaavoq akuersisoqanngikkaluartoq pisariaqartinneqartunik tunniussisinnaasoq. Pisumi meeqqamut ikiuinissamut unittoorfiusumi, kommunip suliarissallugu pisinnaatitaaffiginngisaani, meeqqallu angajoqqaavisa meeqqamut paasissutissanik tunniussiumannngiffisaanni, meeqqamut pitsaanerusussaq anguniarlugu nalilersuillaqqaarluni akuersisummik pissarseqqaarani suliassaq Isumaginninnikkut aqtsisoqarfimmut suliakkiutigineqarsinnaavoq. Aammattaaq kommunip suliassaqarpallaalerluni suliassat ilarpassui angumerisinnaajunnaarsimagunigit Isumaginninnikkut Aqtsisoqarfik ikiortiseralugu kissaateqarsinnaavoq, naak suliassat amerlavallaalernerisigut innuttaasunit pineqartunit akuersisummik pissarsisimanngikkaluarluni, suliassanilli tunniussinikkut anguniarneqarpoq innuttaasut sullissinikkut naleqquttumik sullinneqarnissaat. Suliassanik akuersisummik peqqaarnani Isumaginninnikkut Aqtsisoqarfimmut tunniussisinnaaneq, aammattaaq pisinnaavoq suliassaq nukinginnartuusimappat akuersissutip piniaqqaarneqarnissaanut utaqqisinneqarsinnaanani. Allanik aamma assersuutaasinnaasorpassuaqarluarpoq. Assersuutigineqartut tamakkiisuunngillat, "suliami pissutsit" suliamit suliamut nalilersorneqartariaqarput pissutsit piffissami tassanerpiaq atuuttut aallaavigalugit.

§ 14

Imm. 1-imut

Aalajangersakkami uani Isumaginninnikkut Aqutsisoqarfik pisinnaatinneqarpoq, communalbestyrelsip saaffiginninnera tunuliaqtalaralugu isumaginninnermi misissuineq sulianik ingerlatsineq, tak. inatsisini § 45, ikorsiissutit, tak. inatsisini kap. 7, immikkut ittumik ikorsiissutit, tak. inatsisini kap. 8, aamma ikorsiissutit annertussusissaat, tak. inatsisini kap. 9, aamma ikorsiissutit unitsinneqarneri kiisalu suliniuteqareernermermi malitseqartitsinerit, tak. inatsisini kap. 9 malillugit

Isumaginninnikkut Aqutsisoqarfik communalbestyrelsimit ikioqqulluni qinnuteqaammik tigu-saqarsimaguni kapitalit taaneqartut malillugit taamaallaat suliassanik ingerlatsisinnaavoq. Kommunalbestyrelse taamaasilluni akuersissuteqassaaq, Isumaginninnikkut Aqutsisoqarfip kommunip suliassaataanik Inatsisartut inatsisaat una tunngavigalugu siunnersuillunilu, ilitsersuillunilu siunersiuisinnaasoq.

Imm. 2-mut

Isumaginninnikkut Aqutsisoqarfip imm. 1 malillugu suliassanik ingerlatsinera inerneqassaaq suliap aalajangiivigineqarneranut tunngatillugu communalbestyrelsimit tunngavilersukkamik allakkatigut inassuteqarnermik. Isumaginninnikkut Aqutsisoqarfik taamaalliluni communalbestyrelse sinnerlugu aalajangiisinnatitaanngilaq, taamaallaalli suliassamik suliaqarnermi qanoq suleriartoqaqqinnissaanik innersuassisinnaavoq, imaluunniit aalajangiinissamut inassuteqaateqarsinnaalluni. Taamaattumik suliami communalbestyrelse taannaajuarpoq inaaruntaasumik aalajangiisuuusussa. Suliani Isumaginninnikkut Aqutsisoqarfip inassuteqaataanik tusaatissatut tigusiffiusuni, tamannalu naapertorlugu aalajangiiffiusuni Inunniq Isumaginnermut Naammagittaalliorfimmut naammagittaallitiginnitqarsinnaavoq, communalbestyrelse aalajangernermut kiisalu aalajangernerup sularineqarneranut akisussaasuummat.

Kapitali 5

Nalunaaruteqartussaatitaaneq.

Nalinginnaasumik nalunaaruteqartussaatitaaneq

§ 15

Imm. 1-imut

Aalajangersakkami pineqarpoq nalinginnaasumik nalunaaruteqartarnissamut pisussaaffik innuttaasunut tamanut atuuttoq.

Nalunaarutiginnittussaatitaaneq atuutilertarpoq innuttaasup maluginiarpagu meeraq inooqataanermini atugarliorsorinartoq, ulluinnarni iliuutsimigut, peqqissutsimigut imaluunniit ineriartornermigut navianartorsiortinneqarluni. Aalajangersakkami communalbestyrelsip ernummateqarnermut piaartumik peqataalernissaa anguniarneqartarpoq, tamatumuunakkut qulakkeerumallugu meeqqap piaernerpaamik ikiorserneqarnissaa.

Nalunaaruteqarneq qanoq ingerlanneqassanersoq aaqqissuussaasumik piumasagaateqanngilaq. Tamanna allakkatigut imaluunniit nammineq saaffiginninnikkut pisinnaavoq. Nalunaaruteqarneq aamma e-malikkut imaluunniit oqarasuaatikkut pisinnaavoq.

Nalunaarutip tiguneqarnerata kingorna nalunaarutip itisilersinnissa pisariaqarsinnaasarloq. Pisoq pillugu paassisutissanik annertunerusunik pissarsiroluni kommunalbestyrelse innuttaasumut nalunaaruteqarsimasumut attaveqarsinnaavoq.

Meeraq immikkut ittumik ikiorserneqartariaqartutut ilimatsaaneqarsimappat, Kommunal-bestyrelsip pisussaaffigaa meeqqap atukkamigut misissorneqarnissa i sumagissallugu. Kommunalbestyrelsip pisussaaffigilluinnarpaa meeraq ilaquaalu ikiorsernissaannik neqeroorfigissallugit.

Nalunaaruteqarnissamik pisussaaffik inuttut pisussaaffiuvoq. Meeqqamik ikiorserneqarnissamik pisariaqartitsisumik ilisimasaqaleraanni, kinaluunniit taamaalilluni ernumassuteqarnerminut qisuararnissamut iliuuseqarnissaminullu akisussaaffeqarpoq. Taamaalillutik inuit ataasiakkaat meeraq pillugu ernumassutigisartik kommunemi isumaginninnermi oqartussanut ingerlateqqissallugu pisussaaffeqarput.

Kommunalbestyrelse kinaassutsiminik isertuussisumiilluunniit nalunaarutiginnittumik pissarsissagaluaruni, suli pisussaatitaavoq meeqqap atugai misissussallugit.

Imm. 2-mut

Aalajangersakkap ulluliinerit malippai. Kommunalbestyrelse marlunngornermi nalunaaruteqarnermik tigusaqaruni, kingusinnerpaamik marlunngornermi tullermi nalunaarutip tigusimanera allakkatigut akissuteqarfigissavaa. Ullut ilivitsut naatsorsutigineqarput, taamaattumik nalunaarutip nalunaaqutaq qassinut tiguneqarnera pingaaruteqanngilaq.

Aalajangersakkatigut pingartinneqarpoq nalunaaruteqartoq ersarissumik ilisimatinne-qartassasoq nalunaarutigisani kommunimit tiguneqarsimasoq, meeqqallu atugarisaanik misissuinissaq kommunip akisussaaffigileraa.

Nalunaarutiginninnerup communalbestyrelsimit tiguneqarneranut uppermarsaat, communal-bestyrelsip nalunaarutaasumik tigusaqarsimaneranik uppermarsaataaginnarpoq. Taamaattumik uppermarsaat inuit ataasiakkaat pillugit nalunaarutigineqartut suliarineqarneranut atatillugu communalbestyrelsip qanoq iliuuseqalersa arneranik paassisutissanik imaqqassanngilaq. Taamaasilluni nalunaarutiginnittooq pisussaaffeqanngilaq paasitinnejassalluni, meeqqamut ernummateqarnini tunngavissaqarnersoq, imaluunniit communal-

bestyrelsip nalunaaruteqarneq aallaavigalugu meeqqap atugaanik misissuissalluni qanoq iliuuseqalersaarnersoq, imaluunniit communalbestyrelse meeqqamut ikorsiinissamik ilaallu ilangullugit qanoq iliuuseqarniarnersoq paasissallugit pisussaaffeqanngilaq.

Oqaatigineqassaaq nalunaaruteqarneq tunuliaqutaralugu nalunaaruteqartoq suliam peqataatinneqassanngimmat. Inuk nalunaarutiginnittoq ilisimatinneqassanngilaq suliap ingerlarnganik, aammalu pisinnaatitaaffeqassanani naammagittaalliornissamut communalbestyrelsimit iliuuserineqartunut imaluunniit iliuuserinngisanut. Inuk nalunaaruteqartoq suliamut attuumassuteqannnginnami, suliamut tunngasut nammineq nalunaarutini ilangullugu, taamaallaat takujumasinnaavai pisortat ingerlatsinerat pillugu paasitinneqarsinnaatitaaneq pillugu inatsisartut inatsisaat malillugu.

Nalunaaruteqarnissamut pisussaaffik sakkortunerusoq

§ 16

Imm. 1-imut

Aalajangersakkap sakkortusisamik nalunaarutiginnittussaatitaaneq aalajangersarpaa, atorfilinnut aalajangersimasunut inuussutissarsiutigalugu meeqqanik suliaqartunut, taamaattumillu naatsorsuutigineqartunut meeqqat pisariaqartitaannik immikkut ittumik ilisimasaqartutut. Tamakku ilinniartitsisuupput, perorsaasut, kigutigissaasut, nakorsat niviarsiallu pisunut ilisimannittartut. Kisianni aamma aalajangersakkap sulisut makku peqataatippai, assersuutigalugu nammineq pigisuni ulloq unnuarlupaaq paaqqinniffinni, katsorsaaviiit namminersortut, qimarguiit kiisalu ilaqtariinnik sullissiviit assigisaallu.

Sakkortusisamik nalunaarutiginnittussaatitaaneq taamaallaat atuuttussaatitaavoq, meeqqap eqortumik tapersorsorneqannginneranik ernumasoqarpat, nalunaaruteqarneq pilersinneqassaaq sullissisumit ilinniarsimasumit suliamik ilisimannittumit. Tamanna nalinginnaasumik nalunaarutiginnittussaatitaanermut § 15 sanilliullugu, tassa meeraq avatangiisiminit ernumanartorsiortinneqarpat imaluunniit meeraq ersittumik ingerlanerliorpasippat, § 16 sakkortusisamik nalunaarutiginnittussaatitaaneq atuutsinneqalissaq, meeraq ikiorserneqarnissamik pisariaqartitsisimappat, imaluunniit ikorsiissutigineqartoq naammassimanngippat. Taamaalilluni uani eqqartorneqarpoq, meeqqap ataqtigiinnerusumik tapersorsorneqarnissaanik tunngavilersugaasunik, immikkut ilisimasalimmit pasitsaassineq

Inuit aalajangersakkap imarisaaniittut pisussaaffilerneqartarput suliaminnut atatillugu nalinginnaasumik nipangiussisimasussaatitaanermik, inatsisitigut imaluunniit sulifeqarfimmiaalajangersagaliornikkut. Assersuutigiinnarlagu nakorsat ilinniartitsisullu inatsisitigut pisussaaffilerneqartarput tamanut ammasumik atorfeqartutuut nipangiussisussaatitaanermik ilaallu ilangullugit. Nipangiussisussaatitaaffik taamaattoq atorunnaarsinnaatitaasarloq immikkut ittumik nalunaarutiginnittussaatitaaffeqarnermk inatsisisatut siunnersuutip uuma malitsigisaanik. Ataatsimoorussamik suliaqartut taaneqareersut taamaasillutik

nalinginnaasumik nipangiussisussaatitaaffimminnit kommunalbestyrelsimit nalunaarutiginnittussaatitaasarput, inatsisisatut siunnersuut una aallaavigalugu, naak nalinginnaasumik inatsisitigut allatigulluunniit malittarisassatigut nipangiussisussaatitaagaluarlutik.

Imm. 2-mut

Aalajangersakkami naqissuserneqarpoq nalunaaruteqarnissamik pisussaaffik sakkortunerusoq angajoqqaanngulersunut immikkut ikiorserneqarsimasunut, ikorsiissutigineqartut ilumut tulluartuunersut isumaalugineqartillugit atorneqarsinnaasoq tak. § 26. Angajoqqaanngulersut pillugit sakkortusisamik nalunaaruteqartussaatitaaneq aammattaaq atuuppoq ilinniarsimasutut sulisut angajoqqaanngortussat tapersorsorneqarnissamik pisariaqartitsinerat imaluunnit ikorsiissutigineqartut naammaginannginnerannik ilimatsaassinerat aallavigalugu. Uani pineqarpoq ilinniarsimasut angajoqqaanngortussanut meeqqallumi inunngortussap systemiskemik ikiorserneqarnissaanut pisariaqartitsineranik tunngeqarluartumik ilimatsaassinerat.

Atorfeqarlutik sulisut sakkortusisamik nalunaartussaanermut ilaasut imm. 2-miittut assigiinnarpai, aamma pineqartut imm. 1-mi kikkunnut atuuneranik nassuaaserneqarsimasut.

Tamatuma assinganik aalajangersakkat imm. 1-mi allaaserineqartoq malillugu sulisut atorfillit naliginnaasumik napagiusisussaanerannut tunngasut avaqqunneqarsinnaannginnnerat allaaserineqartut imm. 1-mi malillugit.

Imm. 3-mut

Aalajangersakkat ulluliinerit malippaat. Kommunalbestyrelse marlunngornermi nalunaaruteqarnermik tigusaqaruni, kingusinnerpaamik marlunngornermi tullermi nalunaarutip tigusimanera allakkatigut akissuteqarfigissavaa. Ullut ilivitsut naatsorsuutigineqarput, taamaattumik nalunaarutip nalunaaqutaq qassinut tiguneqarnera pingaaruteqanngilaq.

Aalajangersakkatigut pingartinneqarpoq nalunaaruteqartoq ersarissumik ilisimatinneqartassasoq nalunaarutigisani kommunimit tiguneqarsimasoq, meeqqallu atugarisaanik misissuinissaq kommunip akisussaaffigileraa.

Nalunaarutiginninnerup communalbestyrelsimit tiguneqarneranut uppermarsaat, communalbestyrelsip nalunaarutaasumik tigusaqarsimaneranik uppermarsaataaginnarpoq. Taamaattumik uppermarsaat inuit ataasiakkaat pillugit nalunaarutigineqartut suliarineqarneranut atatillugu communalbestyrelsip qanoq iliuuseqalersarneranik paasissutissanik imaqassanngilaq. Taamaasilluni nalunaarutiginnittooq pisussaaffeqanngilaq paasitinneqassalluni, meeqqamut ernummateqarnini tunngavissaqarnersoq, imaluunniit communalbestyrelsip nalunaaruteqarneq aallaavigalugu meeqqap atugaanik misissuissalluni

qanoq iliuuseqalersaarnersoq, imaluunniit kommunalbestyrelse meeqqamut ikorsiinissamik ilaallu ilanngullugit qanoq iliuuseqarniarnersoq paasissallugit pisussaaffeqanngilaq.

Oqaatigineqassaaq nalunaaruteqarneq tunuliaqutaralugu nalunaaruteqartoq suliami peqataatinneqassanngimmat. Taamaattumillu nalunaarutiginnittooq ilisimatinneqassanngilaq suliap ingerlarnganik, aammalu pisinnaatitaaffeqassananai naammagittaalliornissamut kommunalbestyrelsimit iliuuserineqartunut imaluunniit iliuuserinngisaanut. Inuk nalunaaruteqartoq suliamut attuumassuteqannginnami, suliamut tunngasut nammineq nalunaarutini ilanngullugu, taamaallaat takujumasinnaavai pisortat ingerlatsinerat pillugu paasitinneqarsinnaatitaaneq pillugu inatsisartut inatsisaat malillugu.

Kommunit akunnerminni nalunaaruteqarnissamut pisussaaffiat

§ 17

Imm. 1-imut

Aalajangersagaq kommunalbestyrelsip nakkutiliisussaatitaaneranut atatillugu isigineqassaaq, tak. § 8.

Aalajangersagaq iliuuseqarnermut ataqtigiissaakkamut pinaveersaartitsinermullu pingaaruteqarpoq, tassa Kalaallit Nunaanni kommunip nuuffigineqartup, meeqqap nuuttup tapersersortariaqartuuneranik piaernerpaamik ilisimatinneqarnissaa tassuuna quarnaarneqassamat.

Aalajangersagaq pinngitsoorani atuutsitsissaaq, kommunemi qimatami meeqqamut ikorsiisoqareeraluarpat ikorsiisoqanngikkaluarpalluunniit.

Nalunaarutip imarissavaa ikorsiisoqarnissamik pisariaqartitsisoqarneranik ilimagisaqarluni nalunaaruteqartoqarsimanera.

Imm. 2-mut

Aalajangersagaq iliuuseqarnermut ataqtigiissaakkamut pinaveersaartitsinermullu pingaaruteqarpoq Kalaallit Nunaanni kommunip nuuffigineqartup, angajoqqaannngortussat tapersorsorneqartariaqarsinnaanerannik piaernerpaamik ilisimatinneqarnissaa tassuuna quarnaarneqassamat.

Aalajangersagaq pinngitsoorani atuutsinneqassaaq, kommunemi qimatami angajoqqaannngortussanut ikorsiisoqareeraluarpat ikorsiisoqanngikkaluarpalluunniit.

Pissutsit ikorsiisoqarnissamik pisariaqartitsisoqarneranik ilimasutsitsisut nalunaarummi oqaatigineqassapput.

Imm. 3-mut

Aalajangersakkap qularnaassavaa paasissutissat pingaarutillit ilanngullugit nassiunneqarnissaat, taamaasilluni kommune nuuffigineqartoq ajornartorsiu tip suuneranik sillimareersinnaaniassammat kiisalu ikorfartuinissamik aallarnisaalluni. Aalajangersakkami paasissutissanik nutaanik katersisoqarnissaanik piumasaqaateqanngilaq, taamaallaalli paasissutissat kommunimit nuuffigisamit ilanngullugit nassiunneqartut kisimik. Allagaatit tassaasinnaapput iliuuseqarnissamut pilersaarutit, oqarasuaammuit nalunaarsukkat, ilaqtariit soleqatiginnikkusunnerannik naliliinerit il.il.

Imm. 4-mut

Aalajangersakkat imm. 1-3 aammattaaq atorneqarsinnaapput, ilaqtariit meeqqamik 18-iliisimanngitsumik ilaqlutik Kalaallit Nunaata avataanut nuuppata. Aalajangersagaq iliuuseqarnermut ataqtigiissakkamut pinaveersaartitsinermullu pingaaruteqarpoq. Taamaalilluni meeqqap kommunimut nuuffimmini tapersorsorneqartariaqarsinnaaneranik kommune nuuffigineqartoq Kalaallit Nunaata avataaniittooq piaernerpaamik ilisimatinneqareernissaa qularnaarniarlugu. Aalajangersagaq 1-3 atuuppoq kommune Kalaallit Nunaanni qimanneqartoq ikorsiissuteqalereersimappat ikorsiissuteqarsimannngikkaluarpalluunniit.

Nuna tamakkerlugu nalunaaruteqartarfik

§ 18

Imm. 1-imut

Naalakkersuisut nuna tamakkerlugu nalunaaruteqartarfimmik pilersitsissaaq, taanna nalunaarutigneqarsimasunik katersuiffiussaaq §§ 15-17 naapertorlugu, taamaasilluni nalunaarutigineqartartut pitsaanerusumik nakkutigineqaqqullugit. Naalakkersuisut qarasaasiakkut paasissutissanut katersorneqartunut akisussaasuussapput.

Imm. 2-mut

Aalajangersakkap Naalakkersuisut pisinnaatippai nalunaaruteqartarfiup ingerlanneqarneranut, ulluinnarni aqunneqarneranut, paaqqutarineqarneranut paasissutissanillu katersinissamut aalajangersaasinnaaneranik.

Nalunaaruteqarnermi kommunip iliuuseqarnissamut pisussaaffia

§ 19

Imm. 1-imut

Aalajangersakkap naqissuserpaa communalbestyrelsip piaernerpaamik, kingusinnerpaamillu ullut suliffiusut tallimat qaangiutsinnagut aalajangissallugu nalunaarutigineqartumi paasissutissat ima pingaruteqartiginersut, allaat tak. § 45, malillugu isumaginninnikkut misissuinissaq atuutsilertariaqartoq. Anguniarneqarpoq piaernerpaamik, assersuutigalugu akunnerit 24-t, nalunaarutigineqartartulli amerlassusaat inunnik isumaginnittoqarfimmi sulisunut naleqqiukkaanni, inatsisitigut piviusorsiortuussanngilaq atuuttussamik

piffissaliissalluni. Taamaattumik aalajangersakkami atorneqarpoq "piaarnerpaamik", imatulli piffissalerneqarsimalluni suliakkiissutip tiguneraniit ullut suliffiusut tallimat qaangiutsinnagit aalajangiineq pereersimasassalluni. Aalajangiineq allattugaatigineqassaaq toqqortaatigineqalissallunilu nalunaarut ilanngullugu. Taamaattumik kommunalbestyrelse aallaqqaasiullugu nalunaarutip tatiginassusaanik nalilersueqqaassaaq. Meeqqap ikiorserneqartariaqarsinnaanera pasitsaanneqarsimappat, kommunalbestyrelse pisussaavoq inunniq isumaginnitoqarfimmiiit isumaginninnikkut misissuineq aallartissallugu.

Aalajangersakkap naqissuserpaa isumaginninnikkut misissuinissaq aallartinneqassanersoq kommunalbestyrelsip aalajangiiffigissagaa. Aalajangersakkap siunertaqarluni atortarpaa inunniq isumaginninnermi oqaariartaaseq atorneqartartoq "aalajangiineq" atornagu "naammassisqaarneq" atorneqarpoq, taamaasiornermigut qulakkeersimajumallugu inunniq isumaginninnermi naammagittaalliortarfimmut naammagittaalliortoqarsinnaannginnissaa, kommunalbestyrelsip isumaginninnikkut misissuinermik aallartitsinissamik aalajangiineranut, imaluunniit isumaginninnikkut misissuinermik aallartitsinnginnissamik aalajangerneranut.

Imm. 2-mut

Inunniq isumaginnitoqarfimmiiit misissuinermik aallartitsinissamut piffissaliunneqartoq tassaavoq "piaarnerpaamik" kiisalu "kingusinnerpaamik sapaatit akunneri marluk qaangiutsinnagit" nalunaarutiginninnerup tiguneraniit.

Imm. 3-mut

Aalajangersakkami naqissuserneqarpoq, nalunaarutiginninneq iliuutsinut sakkortuunut tunngasimappat, soorlu "paarsinerluttoqarsimappat, persuttaasoqarluni aamma kinguaassiuutitigut atornerluineq" taava kommunalbestyrelse pisussaavoq isumaginninnikkut misissuinermik "piaarnerpaamik" aallartitsissaluni imaluunniit " ullut suliffiusut pingasut qaangiutsinnagit". Aalajangersakkap piumasaqaatigaa kommunalbestyrelsip aalajangiiffigissagaa piaarnerpaamik ikorsiisoqassasoq, isumaginninnermi misissuinerup itinerusumik paasisaqarnissaanut meeraq illersorumallugu utaqqiisaasumik neqerooruteqartoqassanersoq, meeqqallu pisariaqartitaanut siunnerfeqarnerusumik ikuuisinnaalernissap tungaanut atuuttussamik.

Piffissaliunneqartup nalinginnaasumit sivikinneruneranut aalajangersimalluinnartut pingasut peqqutaasarput tassalu sumiginnaanerit sakkortunerit, paarsinerlunnerit, persuttaanerit aamma kinguaassiuutitigut atornerluinerit:

- 1) Paarsinerlunneq: Ima paasineqassaaq timikkut sumiginnaaneq imaluunniit meeqqap timimigut annertuumik iluaalliuutaasumik sunnersimaneqarluni nakkutignerlunneqarnermigut paarinerlunneqarnermigullu ajoquserneqarnera. Assersuutaasinnaavoq meeraaraq sivisunerusumik nakkutigineqarani kisimiitinneqartoq, iluamik nerisinneqarani, nangia ipertooq akunnerni arlalinni ullanluunniit ilivittooq taarserneqarani, imaluunniit silamut tulluarsagaanngitsunik meeraq atukkersorneqarsimasoq.

Paarsinerlunneq aamma pisinnaavoq meeraq naleqanngitsutut iliorfigineqarpat imaluunniit oqaatsitigut nakkarsarneqarluni. Inerikkiartornissamut meeqqap periarfissaqartinneqanngin-nera angajoqqaat perorsaanissamut paarsinissamullu piginnaassusikinnerannik tunngave-qarluni sumiginnaanerulersarloq. Tamanna angajoqqaajunissamut piginnaasakinneq peqquteqarsinnaavoq aanngajaarniutinut pinngitsuuisinnaajunnaarsimaneq, imigassaq imaluunniit pinnguaatit, sianissutsikkut piginnaasakinneq imaluunniit silassorinnginnej. Allanittaaq assersuusiassarpasuaqarloq.

2) Persuttaaneq: Persuttaanermi pineqartarloq iliuuseq imaluunniit sioorasaarineq qanorluunniit siunertaqaraluarpat meeqqap innarligassaanngissusaanik innarliineq, ersiortitsineq, imaluunniit meeqqamat innarliissutaasumik anniartitsineq. Tamanna qanoq ikkaluarpalluunniit meeqqamat tuttarpoq, meeqqamat toqqaannaq persuttaasoqarpat imaluunniit meeraq persuttaanermut isigitinneqarpat. Persuttaaneq nammineq ilisimaarereerlugu iliuusaasinnaavoq imaluunniit kamaammerujussuarnermi iliuusaasinnaalluni. Persuttaaneq qanorluunniit iluseqaraluaruni iliuusaavoq angajoqqaatut oqartussaassuseqartunit imaluunniit allatut paaqqutarinnittunit pisoq, aseruisinnaasoq imaluunniit meeqqap inuttut ineriarneranikiminullu tatiginissaraluanik akornusiisinnaasoq. Persuttaaneq qanorluunniit iluseqaraluaruni iliuusaavoq angajoqqaatut oqartussaassuseqartunit imaluunniit allatut paaqqutarinnittunit pisoq, aseruisinnaasoq imaluunniit meeqqap inuttut ineriarneranikiminullu tatiginissaraluanik akornusiisinnaasoq. Persuttaaneq qanorluunniit ikkaluartoq meeqqap inuuneranut, ineriarneranut peqqissusaanullu navianartorsiortitsivoq.

3) Meeqqanik kinguaassiutitigut atornerluinerme pingaarloq siullertut paassisallugu, meeraq meeraammat 18-inik ukioqalernissani tikillugu. Taamaattumik una kisimi aalajangiisuussanngilaq meeraq 15-it sinnerlugit inorlugilluunniit ukioqarnersoq, kisiannili aamma inuup allap meeqqap tatiginissinnaassusianik atornerluinerummat, kinguaassiutitigullu kanngutsaatsuliorfiginninnikkut meeqqap innarligassaanngissusaanik innarliinerummat. Kinguaassiutitigut aamma atornerluineruvoq inuup allap meeraq kanngutsaatsuliorfigippagu, imaluunniit meeraq pilerisaarpagu tiinganermut tunngasunik pinnguartinniarlugu imaluunniit atoqatigiittunik isiginnaagassianik isiginnaartippagu. Atoqatiginniniarnermut tunngasumut sammitinneqassaaq meeraq naalakkisaartillugu iliuuseqartinneqarpat, meeqqap nammineerluni paasisinnaanngisaanik imaluunniit paatsoorsinnaasaanik kiisalu meeqqap inerisimassutsimigut akuersissummik tunniussinnaanngisaanik iliuuseqartoqartitsippat. Kinguaassiutitigut atornerluineq ersiutaavoq inuup allap piumasaq pitinnejqarpat inuullu allap piumasaq aallaavigineqarpat. Meeqqani atornerluineq aamma pisinnaavoq, meeraqatit allat kinguaassiutitigut killissaq qaangerlugu iliuuseqarfingineqarpata.

Imm. 4-mut

Kommunalbestyrelse piaartumik politiinut nalunaaruteqarnissaq meeqqanut paarsinerlunnermik, persuttaanermik aammalu kinguaassiutitigut atornerluisoqarsimaneinanik

pasitsaassisoqarsimappat. Politiinut nalunaarneq siusissukkut pissaaq, tassa inunnik isumaginnittooqarfiup misissuinerterik suli ingerlatsilinnginnerani, tamatumani pissutigalugu politiit periarfissinneqassammata nalilersuinissaminut politiit suliassaattut aallartitsisoqassanersoq, tassani misissuinerup paasitissammagu Pinerluttulerinerimi Inatsit unioqqutinneqarsimanersoq unioqqutinneqarsimannginnersorluunniit. Aalajangersagaq atuutsinneqarpoq ikorsiissutit politiit piaernerpaamik suliamik aallartitsisinnaaniassam-mata, misissuinerminni uppermarsaatissanik ujaasinissaminni, pissutigalugu piffissaq atorneqartoq politiit suliaanni aalajangiisooqataasarmat. Ilisimannittut, eqqaamasat aammalu pineqartup timaani uppermarsaatit, persuttaaneq aammalu kinguaassiuutitigut atorneerluineq annertuumik piffissamik sunnerneqarsinnaapput, politiillu suliamik misissuinerminni uppermarsaatnik kivitsiniarneranni suliani taamaattuni piffissaq sivisooq atorneqarpat suliap pitsaassusaanut akornusiisinnaammat.

Kommunalbestyrelsip aalajangigaa isumaginninnikkut misissuineq politiit paasiniaallutik suliaqarnerannut attuumassuteqanngilaq.

Taamaattumik kommunalbestyrelse politiinut unnerluutiginninneq piinnarlugu kommunip inunnik isumaginnittooqarfiata suliamik aallartitsilluni misissuilersitsinissaa utaqqisinneqassanngilaq, soorlu inunnik isumaginnittooqarfiup misissuineranik kommunalbestyrelse unitsitseqquaanngitsoq, atorunnaarsitseqquaanngitsoq imaluunniit allatigut kinguarsaalluniluunniit unitsitseqquaanngitsoq, politiit suliamik misissuillutik ingerlataqarnerannik toqqammaviliinikkut allatigulluunniit assingusumik. Isumaginninnikkut misissuineq pituttugaaffeqanngilaq, politiillu misissuinerannit allaanerulluni, anguniagaalu allaanerullutik.

Imm. 5-imut

Kommunemi ingerlatsiviit namminneerlutik nalunaarutiginninneq aallaaviginagu meeqqap ernumanartumik atugaqarneranik pasitsaassaqassagaluarpata tak. §§ 15 aamma 16, aalajangersakkami atuuttussaatinneqarpoq kommunalbestyrelsimit aalajangersakkani imm. 1-4 malillugit piffissaliineq atuutsinneqassasoq.

Kapitali 6 *Siunnersuineq*

§ 20

Aalajangersaneq ima paasineqassaaq, kommunalbestyrelsip siunnersuineq ilitsersuinerimi ilaatut atussagaa. Siunnersuineq nammineq ikorsiissutaanngilaq, pisunulli aalajangersimasunut isummersorfigineqarsinnaasutut siunnersuutaalluni.

Imm. 1-imut

Angajoqqaanngortussat meeqqallu, angajoqqaavi imaluunniit taannaasoq ulluinnarni meeqqamut paarsisuusoq siunnersorneqarsinnaapput. Ilaqtariinni inuit ataasiakkaat

aammalu ilaqtariit tamarmiusut aamma siunnersorneqarsinnaapput suliassamik aallartitsisoqarsimanngikkaluartoq, imaluunniit arlaatigut ikorsiissutissanik aallartittussaqanngikkaluartoq. Uani pineqarpoq ilaqtariittut ataatsimut isiginilluni siunnersuineq imatut paasillugu periarfissanut tamanut siunnersuineq, meeqqanut ilaquaasunullu pingaaruteqgarsinnaasunik.

Siunnersuinerup siunertaraa meeqqamik, angajoqqaanik qanigisanulluunniit allanut ajornartorsiutnik namminneerlutik qaangiiniarnissaannut siunnersuineq siunertaqarpoq. Assersuutigalugu tassaasinnaavoq ulluinnarni pilersunik ajornartorsiutnik nalinginnaasunik aaqqiinissamik siunnersuineq, imaluunniit missingersuutit aningaasaqarnerluunniit pillugu siunnersuineq.

Angerlarsimaffiup avataanut inissiisoqarneranik kinguneqanngikkaluartoq § 27 imaluunniit § 28 najoqqutaralugit Kommunalbestyrelse angerlarsimaffimmut siunnersuinissamik aallarnisaasinnaatitaavoq, angajoqqaajusut namminneerlutik meeqqanut perorsaaniarnertik kivissinnaanngippassuk.

Imm. 2-mut

§ 20 malillugu ataasiaannartumik siunnersuuteqarnerusumik, aamma sivisunerusumik atuutsinneqartussamik communalbestyrelse siunnersuisarnermik ingerlatsisinnaavoq. Siunnersuineq kisimiilluni ingerlanneqarsinnaavoq, aamma Inatsisartut Inatsisaat una malillugu ikorsiissutinut allanut ilaatinneqarsinnaalluni. Siunnersuineq ingerlanneqartillugu, siunnersuisup eqqumaffiginiassavaa meeraq, angajoqqaat qanigisalluunniit allat meeqqap inatsit manna inatsilluunniit alla tunngavigalugu allatut ikiorserneqartariaqarsinnaaneranik periarfissaqarnersoq.

Kapitali 7 *Ikorsiissutit*

§ 21

Imm. 1-imut

Aalajangersakkap communalbestyrelse peqquaa meeraq immikkut ikiorserneqartariaqarpat aalajangiissasoq.

Imm. 2-mut

Meeqqap immikkut pisariaqartitaanut naapertuunnerpaamik ikorsiinissaq communalbestyrelsimit tamatigut toqqarneqartassasoq aalajangersakkami naqissuserneqarpoq. Meeqqami ajornartorsiutit aamma angajoqqaani qanigisaaniittullu millisaavigisinnaaju-mallugit, meeqqamut neqeroorut meeqqap pisariaqartitai najoqqutaralugit ilusilerneqartassaaq.

Meeqqap ajornartorsiutai sabinngisamik ilaqtariit suleqatigalugit aaqqinnejassapput. Angajoqqaatut oqartussaassuseqartoq meerarlu ikorsiiniarnerup tunuliaquttaa, siunertaa imarisalaal pillugit tamatigut ilisimatinneqartassapput. Kommunalbestyrelsip sabinngisamik tamatigoortumik angajoqqaatut akisussaassuseqartunut pitsasumik suleqatiginninnissaq kajumissaarutigisassavaat. Meeqqap ajornartorsiutai tamakkiisumik sammisumik suliniuteqarnikkut, ilaqtariit akuutillugit tapertaatillugillu, pitsaanerpaamik aaqqiiffingineqartarnissaat tassani tunngaviuvoq. Ilanngutitsinnissamik piumasaqaammi pineqarpoq meeqqap ajornartorsiutaanut ilaqtariit annertunerusumik paasinninnissaannik piginnittutullu misigisimalernissaannik periarfissiineq, taamaallunilu ilaqtariit aaqqiissuuteqarnissamut peqataanissamut ilaanissamullu periarfissillugit.

Pisumi aalajangersimasumi eqqortumik ikuinissaq aaqqissuunnissaa siunertalarugu kommunalbestyrelse ataasiakkaartunik ikorsiinernik neqerooruteqarsinnaavoq, imminnut atasunik imaluunniit imminnut uiggiuttunik. Ikorsiinerit assigiinngitsut taamaasillutik ataatsikkoortillugit ingerlanneqarsinnaapput, taamaasilluni assersuutigalugu ilaqtariinnik katsorsaasoqarsinnaalluni, peqatigisaanik meeraq angerlarsimaffiup avataanut inissinneqarluni.

Ajornartorsiutit ataavarnerusumik aaqqiiffiginissaannut iluaqtaasumik ikorsiineq, aallaqqaataanit aalajangiunneqarnissaat pingaaruteqarpoq, ikorsiineq ajornartorsiutinut tassanngaannartumik takkuttunuinnaq ikorsiinertut ilusilernagu. Tamatumani siullermik ajornartorsiutit tassanngaannartumik pilersut aallunneqarnissaat pisariaqartinneqarsinnaavoq, kingusinnerusukkullu siunissamut ungasinnerusumik suliniuteqarluni.

Imm. 3-mut

Aalajangersakkami allassimavoq inatsisit ingerlatsinermut tunngasut malillugit, aalajangiinerit tunngavilersuinermik malitseqartinneqassasut. § 21 malillugu ikorsiissuteqarnissamik aalajangiinikkut atulersitsinissami ersersinneqassaaq kommunalbestyrelse ikorsiinissamik neqerooruteqarniartoq, sooq sullisseriaaseq taannarpiaq toqqarneqarsimanersoq, sunalu ikorsiinermi anguniagaanersoq.

Imm. 4-mut

Aalajangersakkami aalajangiunneqarpoq sullisseriaatsit sorliit kommunalbestyrelsip neqeroorutissatut aalajangiiffigisinnaanerai.

Nr. 1-imut

Ilaqtariit isumasioqatigiinnerat meeqqamik angerlarsimaffiup avataanut inissiiniarneq eqqortumik iliuusissaanersoq qulaajaaffiginiarlugu ilaqtigut atorneqarsinnaavoq. Ilaqtariit isumasioqatigiinnerat ilaqtigut atuarfinni, pinerlutsaaluiisitsinermik suliani aammalu inunnut ikinнерussuteqarlutik inissisimasunut atorneqarsinnaavoq.

Ilaqtariinnik isumasioqatigiisitsinerup siunertaraa, meeqqap inuusuttuaqqalluunniit avatangiisai inuit qaninnerit immikkut piginnaasaat, misilittagaasa nukissaasalu aalajangiinissamut iluaqutaasumik atorluarnissaat. Kikkut meeqqap avatangiisaatut pingaaruteqartutut peqataatinneqartarnersut meeqqamiit meeqqamut nikerarsinnaasarpooq. Kina meeqqamut qanigisaanersoq apeqqutaangilaq, taamaattumik pisariaqanngilaq ilaqtariissutsikkut attuumassuteqarnissaq imaluunniit sumi najungaqarnissaq.

Ilaqtariinnik isumasioqatigiisitsineq periusaavoq immikkorluinnaq atorneqarnissaminut tulluarsagaq, meeraq ilaqtariillu ajornartorsiuteqarpata ilaqtariinni imaluunniit paaqqinnittarfiusuni ikorsiisoqarnissamik aalajangiisoqartussaatillugu atorneqarluarsinnaasoq. Ilaqtariit isumasioqatigiinnerinut ilaqtariit eqqarlilik, ikinngutitik imaluunniit allat, ilaqtariinnut pingaaruteqarsinnaasut ilagalugit naapeqatigiittarput, meeqqap inuusuttulluunniit qanoq iliornikkut inuunerata pitsangortissinnaanera pillugu oqallillutillu pilersaarusiortarput. Periutsimi tunngavigineqartarpoq, ilaqtariit tamarmik tunniussaqarsinnaanissaat, aamma ilaqtariit meeqqamut inuusuttumulluunniit siunissami pitsaanerusumik inuuneqalernissaanut piviusorsiorumik siunnersuuteqarsinnaanissaat. Ilaqtariinnik isumasioqatigiinneranni ilaqtariit namminneerlutik meeqqap atugaanik angerlarsimaffimmi ajornartorsiertoqarpat aaqqiissutissanik pilersaarusiornermi peqataasarput, imaluunniit ajornartorsiut atuarfimmusimappat meeqqap atuarfimm ingerlariaqqinnissaanik ikorsiisoqarsinnaalluni, imaluunniit angajoqqaat tamanna kisimiillutik kivissinnaasimanngippassuk sapinngisamik meeqqap paaqqutarinissaanut ikiorserlugit. Ilaqtariinnik isumasioqatigiisitsinerup meeraq ilaqtariillu ilanngutitittarpai, taamaasilluni ilaqtariit meeqqap ajornartorsiutaanik aaqqiiniarnermi akisussaaffimmik tigusisuusarput.

Suliniuteqartoq isumaginnittoqarfimmi ilaqtariinnut sullissusuusinnaavoq imaluunniit paaqqinnittarfinni taakkunungaluunniit atassuteqartuni, assersuutigalugu meeqqap atuarfimmi ilinniartitsisuatut, peqqissaasuatut, perorsaasuatut il. il. Suliniuteqartup tamatuma kingorna ilaqtariit isumasioqatigiissinneqarnissaat siunertamut naapertuunnersoq pillugu ilaqtariit oqaloqatigissavai. Ilaqtariit neqeroorummut akuersisimappata suliamik aallarnisaasup ilaqtariit peqatigalugit apeqqutit suliarissavaat, ilaqtariinnik isumasioqatigiinnerani isummerfigineqartussat.

Ilaqtariinnik pikkorissaaneq ilaqtariinnik sullissineq ineriartortsinerlu aallaavigalugit ingerlanneqassaaq, taamaalilluni ulluinnarni unamminartut aaqqiiffiginissaat pillugit ilaqtariit iluminni pitsaanerusumik suleqatigiissinnaaleqqullugit. Ilaqtariinnik pikkorissaanermi assersuutigalugu tunngaviusumik angajoqqaat piginnaasarisariaqagaat pikkorissaatigineqartarput, angajoqqaat piginnaasaat inerikkiartortinniarlugit tapersorsorniarlugillu meeqqaminnik pitsaasumik inerikkiartortsinissaannut aallarnissaalluarnissaannullu piginnaanngorsarniarlugit. Ilaqtariinnik pikkorissaanerit aamma immikkorluinnaq sammisunut unammillernartuuusinnaasarput, assersuutigalugu ilaqtariit innarluutilimmik meerartaartut, taamaasillutik immikkut ittumik atugaqalersut,

ilaqtariit meeqlanut nalinginnaasumik angajooqqaanngornissaminnut ilisimasaat, pineqartumi amigaateqartitsilersarmata.

Nr. 2-mut

Tapersorsorteqarnermik attaveqaateqarnermillu ikorsiineq, taakkualu qanoq atuutsinneqarneri nalunaarutini § 22-mi takuneqarsinnaapput.

Nr. 3-mut

Kalaallit Nunaanni imaluunniit Kalaallit Nunaata avataani meeqlanut etterskoliniikkusuttunut aningasatigut tapiissuteqarnissamut kommunalbestyrelse periarfissaqarpoq. Efterskolernermermi inummik tapersorsorteqarnissaq attaveqaateqarnissarlu aamma ikorsiissutigineqarsinnaavoq.

Aalajangersakkap naqissuserpaa etterskolet imm. 4, nr. 3-mut naapertorlugit, meeqlanut pineqartunut tulluarsakkanik tigusinissamut naleqquttuussasoq. Assersuutigiinnarlugu etterskole pisortanit meeqlanik pineqartunik tigusinissaminut akuerineqarsimasuusinnaavoq.

Meeqqat sakkortuumik misigisaqartarsimanermikkut atugarliuiteqartuusinnaapput, taamaakkamillu etterskolernerminni immikkut ittumik tapersorsorteqarnissartik pisariaqartissinnaallugu. Perioriartornerminni misigisamikkut atuartuunerminissaaq sunnerneqarnikuusimasinnaapput, taamaakkamillu immikkut ittumik ilinniartinneqarnerminni tapersorsorteqartariarsinnaallutik, il. il.

Taamaattumik etterskolep pisariaqartissinnaavaa immikkut sullisisinnaasunik aamma immikkut ilisimasalinnik meeqlanik taamatut ittunik sullisisinnaasunik sulisoqarnissaq, aammalu kalaallit atugaannik kulturiannillu ilisimaarinnituullutik.

Nr. 4-mut

Nr. 1-3-mi taaneqartunit allaanerusunik ikorsiinernik allanik kommunalbestyrelse pilersitsisinnaavoq, ikorsiinerit taakku meeqlaq inerriartornerata ingerlalluarneratalu qulakkeerneqarnissaanik siunertaqarpata.

Aalajangersakkami siunertaavoq communalbestyrelse siamasissumik periarfissikkumallugu imm. 4, nr. 1-3-mi ilanngunneqariinngitsunik suliniummik aallartitsisinnaanissaa. Tunngavigneqarpoq allatut ikorsiineq § 21 malillugu allatigut ikorsiisoqarsinnaalluni minnerpaamik akuliuffiusumik, aalajangiinerit ikorsiinerillu aallartinneqarsinnaallutik isumaginninnikkut misissuineq iliuusissatullu pilersaarut suliarinngikkaluarlugit. Ikorseeriaaseq meeqlaq ilaquaasalu ikiorserneqarnissaannut naleqquttuussaaq, kiisalu meeqlaq ilaquaasalu aqqaagarisimasaannut kalluaasuussanan.

Aalajangersagaq atorneqarsinnaavoq communalbestyrelse kissaateqarsimappat ilaqtariinnut aningasatigut ikorsiissuteqarniarluni. Tamanna pisinnaavoq ilaqtariit ineqarnerminnut

akiligassaqalersimappata, inigisaminnit anisitaasinnaanermik kinguneqartinneqarsinnaasumik. Inigisamit anisitaasussanngortinnejnarneq nalinginnaasumik tassaasarloq inunnik isumaginninnermi sullissivimmuit pilertortumik meeqqap angerlarsimaffiup avataanut inissinneqarnissaanut tunngavigneqartartoq. Aningaasatigut ikorsiinerup ajornartorsiuut taamaattoq pinaveersaartissinnaappagu pinngitsoortissinnaappaguluunniit, assersuutigalugu ilaqtariit ineqarnermut akiitsuisa pisariaqartitaasaluunniit allat ikorsiissutiginerisigut, meeqqap angerlarsimaffiup avataanut inissinneqarnissaa pinngitsoortissappagu, aningaasatigut ikiorserneqassanersut communalbestyrelsip aalajangersinnaavaa.

Imm. 5-mut

Aalajangersakkami erseqqissarneqarpoq, efterskole meeqqamut pineqartumut tigusinissaminut naleqquttuussasoq. Tassalu efterskolit nunatta avataaniittut, meeqqat kulturikkut tunngaviannut aamma silarsuarmut paasinnittaasiannut ilisimasaqarnissaminut paasinnilluarnissaminullu, meeqqanut pineqartunut tunngatillugu naliginnaasumik ilisimasaqarnissaat piumasaqaataasoq. Taamatut ilisimasaqarneq sulisoq imaluunniit sulisut arlallit pigilereersimassagaat immikkut naatsorsuutigineqartunut ilaavoq, assersuutigalugu kalaaleq sulisorineqarluni, Kalaallit Nunaanni najungaqarsimasunik sulisoqarneq imaluunniit allatigut nunatsinni kulturimut immikkut ilisimasaqarnissaq.

Pineqartut pillugit immikkut piumasaqarnissamut atatillugu, efterskole meeqqallu nappaataannik suussuserneqarsimasoq imaluunniit suussusilerneqarsimangitsoq imminnut tulluarsarneqarsimassapput. Imatut paasillugu, meeraq pisuni taamatut ittuni immikkut pisariaqartitsisoq eqqarsaatigalugu, efterskole meeqqap immikkut pisariaqartitai naleqqutut tunniussinnaasariaqarai. Efterskolip atornerluinermut politikkia eqqarsaatigalugu, aamma meeqqamut atuarfiup politikkini aqqutigalugu meeraq imigassamik hashimilluunniit atornerluinerani aniguiniarneranut ikorsiinnaaneraa isummerfigineqassaaq. Uani meeqqanut pineqartunut ikorsiissutaasinnaasut tulluartut tamakkerlugit allattorneqanngillat.

Imm. 6-imut

Aalajangersakkap communalbestyrelse periarfissippaa ikorsiissutinik imm. 4-mi taakkartorneqartunit allaanerusunik misileraasinnaanissamik, meeqqamut, inuuusuttuaqqamut ilaqtari-innulluunniit atorneqartussatut tulluussorinartunik ikorsiinissaanut. Tassaasinnaapput misiligtutit aaqqissuussinerit atorneqarsinnaasut, isumaginninnikkulluunniit neqeroorutaasinnaasut allat aamma meeqqanut inuuusuttunulluunniit suliniuteqareernerme malitseqartitsinermik suliniutit.

Imm. 7-imut

Naalakkersuisut efterskolertunut ikorsiissutaasinnaasunik aalajangersaasinnaapput imm. 4, nr. 3 najoqqutaralugu kiisalu misiligtutit aaqqissuussinerit il.il. imm. 6 najoqqutaralugu.

Toqqammavissaq atuutsinneqalersimavoq piumasaqaataasut assigiit kommunini tamani naammassineqarnissaat qulakkeerniarlugu.

Tapersorsortaaasoq - attaveqaataasoq

§ 22

Kommunalbestyrelse § 21, imm. 4, nr. 2 naapertorlugu meeqqamut ilaquaanilluunniit qanigisaasunulluunniit tapersorsortaaasumik aamma attaveqaataasumik neqerooruteqarnissamk aalajangiisinnavaoq.

Imm. 1-imut

Attaveqaataasoq aamma tapersorsortaaasoq aalajangersimasoq killeqartumik ikorsiinerusin-naavoq assersuutigalugu meeqqap atuarneranut tapersiinermik, annertunerusumik ikorsiinermut, tassalu meeqqap inuunermini inissisimaneranut tamarmut aqqtissiuinermi tapersuersuinermullu.

Tapersorsortaaasumik aamma attaveqaataasumik pilersitsinermi pingarnerutillugu angunia-gaasoq tassaavoq isumaginninnermi ajornartorsiutaalersinnaasut pinaveersimatinniarlugit, ajornartorsiutaalereersimasulluunniit annertusitinnaversaarniarlugit. Tamatuma saniatigut siunertaavoq meeraq ilaquaalu isumassuisullu allat piffissami qaninnermi ajornartorsiutigiler-simasaannik ikorsiivigissallugit. Taamaasilluni tapersorsortaaasoq aamma attaveqaataasoq pinaveersaartitsinermik pioreersunillu qaangiisitsiniartutut siunertaqartinneqassaaq.

Tapersorsorteqarneq aamma attaveqaateqarneq ikorsiissutaavoq § 21 malillugu. Tamanna isumaqarpoq kommunalbestyrelse tapersorsortimik aamma attaveqaataasumik neqerooruteqannginnermini tamatumunnga meeqqap isumaanik tusarniaaqqaartassasoq, tak. peqqussutini § 43. Meeqqap oqaloqatiginissaa ajornarpas meeraavallaarnera, inerisimanngippallaarnera piginnaassutsimigulluunniit kingusinnera pissutaallutik, taava kommunalbestyrelsip allatut iliuuseqarluni meeraq paasitinniartariaqarpaa. Taama pisoqarpat immikkut oqaaseqaatit § 43 innersuussutigineqarput. Tamatuma saniatigut kommunalbestyrelse pisussaatinneqarpoq tapersorsortaaasumik aamma attaveqaataasumik neqerooruteqarnerminut atatillugu tamatumunnga pissutaasumik tunngavilersuinissaminut. Tunngavilersuutigineqartumi ersarissumik nassuiaatigineqassaaq tapersorsortaaasumik aamma attaveqaataasumik meeqqamut ikorsiinermi suna tunuliaqtaanersoq sunalu siunertarineqarnersoq, ilanngullugit tapersorsortaaasup aamma attaveqaataasup suut suliarissanerai, ajornartorsiutillu sorpiat aaqqiiviginiarlugit meeqqamut ikiutaassanersoq.

Imm. 2-mut

Tapersorsortip aamma attaveqaatip meeqqap sunik pisariaqartitsinera apeqqutaatillugu suliassat assigiinngitsut arlallit naammassisinnaavai.

Ikorsiissutip qanoq ittup neqeroorutigineqarnerani meeraq ilaqtariillu inissisimaffiat aallaavigissavaat, tamatuma kingorna tapersorsorti aamma ikorfartuisoq nalequttoq

ujartorneqassaaq. Imm. 2-mi tapersersortaasup aamma attaveqaataasup qanoq atorneqarsinnaaneranik assersuutaasut tamakkiisuunngillat.

Meeraq kommunalbestyrelsimit nalilerneqarpat ilitsersuunneqarnissamik siunnersorneqarnissamillu pisariaqartitsisoq assersuutigalugu sulinermut, ilinniagaqarnermut imaluunniit sunngiffimmut, tapersersortaasoq aamma attaveqaataasoq inuttut siunnersortitut, hjemmehosseritut imaluunniit tapersersortitut atuuffeqarsinnaavoq.

Tapersersortip aamma attaveqaatip suliassaa tassaasinnaavoq meeqqap alliartorneranut ikuutaasinnaasutut naatsorsuutigineqartut suliad assigiinngitsut pillugit ilitsersuussineq siunnersuinerlu, imaluunniit siunissami inuunermi sulilernissamilu atugassat eqqarsaatigineqarsinnaallutik.

Tapersersortip aamma attaveqarfiusup suliassaa aamma tassaasinnaavoq meeqqap ernumassutini pillugit inersimasumik oqaloateqarnissamik, qiimmassarneqarnissamik pisariaqartitsinerani inuttaanut tapersersuineq. Pisuni taamatut ittuni tapersersortip aamma attaveqarfiusup suliassaa tassaavoq, angajoqqaat nalinginnaasumik suliassat assigalugu, meeqqap tamakkiisumik inisisimaneranut isummersornissaq. Tapersersortip aamma attaveqaatip suliassat assigiinngitsut arlallit naammassisinnaavai, meeqqap sunik pisariaqartitsinera apeqqutaatillugu. Taamaattumik inuk toqqrneqartoq meeqqamit toqqisisimaffigineqarnissaa pingaaruteqarpoq. Inummut toqqrneqartumut immikkut tunngaviusut tassaasariaqarput, meeqqap aamma inersimasup akornanni tatigeqatigitoqarnissaa, imaluunniit tatigeqatigitoqalersinnaanera pilersinnaasoq nalilerneqarluni.

Ilaqtariinnut tamarmut tapersersortimik aamma attaveqarfissamik aalajangersimasumik toqqaaneq eqqarsaatigalugu taamatut periarfissaq meeqqanut naleqqussarsimannngitsumut immikkut suliniutip nukittorsarneranut atatillugu atorneqarsinnaavoq. Taamaattoqartillugu tapersersorti aamma attaveqaataasoq ilaqtariinnut suliniutinut ataqtagiissaarisutut inisisimasinnaavoq.

Tapersersortip attaveqarfiusullu ilaqtariinnut atatinneqalerterata kingunerisaanik angajoqqaat meeqqallu akuliutsinnerisa saniatigut, aamma ilaqtariinnut ilaasut allat ilaqtariinni pissutsit allanngornerinut pingaaruteqarsinnaasut ilanngutitinneqarsinnaapput. Ilaqtariit iluanni allat sulinermut ilanngutitinneqarneri ilaqtariinnut pingartumik attumassuteqarsinnaapput, assersuutigalugu akkaat, atsat, aanat aamma aatat, imaluunniit angajoqqaat angajoqqaatut oqartussaassuseqanngitsut il.il. ilaqtariit ulluinnarni inuunerannut pingaaruteqarsinnaasut.

Tapersersortip aamma attaveqaataasup meeqqap angajoqqaalluunniit piginnaassusaat pissutaalluni suliassat suut aallartinneqassanersut apeqqutaalersinnaavoq. Angajoqqaat killilimmik silassorissuseqarsinnaapput angajoqqaatullu pisussaaffimminnut immikkut

ittumik ikorfartorneqartariaqarsinnaallutik, imaluunniit angajoqqaat immikkut ittumik neqeroorfigineqarnissaminnik pisariaqartitsisinnaapput, tarnip pissusaanik ilisimasalimmik imaluunniit pillorissaasumik oqaloqateqartarnissaminnik namminneq peroriartornerminni aqquaarsimasaminnik suliariinninnissaminnut tunngatillugu.

Tapersersortip aamma attaveqaataasup aalajangersimasup piffissami suliniuteqarnera pisuni ataasiakkaani pissutsit apeqqutaatillugit allanngorassaaq. Pisut ilaanni sapaatip akunneranut nalunaaquttag akunneri ikittuinnaat naammassinnaapput, pisunili allani pingaaruteqarluni meeqqap piffissami ulloq-unnuarlu kaajallallugu attaveqarfiusumik atuisinnaanera pisariaqarsinnaalluni. Tapersersortaasoq aamma attaveqarfiusoq taanna meeqqanut ajornartorsiuteqartunut arlalinnut aamma ilaqtariinnut assigiinngitsunut arlalinnut attuumassuteqarsinnaavoq.

Imm. 3-mut

Aalajangersakkami ersippoq tapersersortaasoq aamma attaveqaataasoq kommunalbestyrelsimit toqqarneqartassasoq. Tapersersortaasoq aamma attaveqaataasoq piginnaasaqarluartariaqarpoq suliassamik tigusinissaminut. Suut piginnaasaqarfigissallugit tapersersuinissami pisariaqartinneqarnersut suullu meeqqap pisariaqartinnerai inuttaliinissami tunngaviussapput. Taamaattumik tapersersortip aamma attaveqaataasup sunik piginnaasaqartuunissa assigiimmik najoqqtassiorfigineqarsinnaanngilaq.

Imm. 4-mut

Aalajangersakkap attavissanut piumasaqaatit nuna tamakkerlugu assigiilernissaat, kiisalu aningaasarsiat allallu atugassaritaasut tamanut ammasuulernissaat qulakkiissavai.

Aalajangiisussaatitaanermi maleruaqqusat tunngavigineqassapput, tassalu communalbestyrelsip aqutsisoqarfimmi paasiniaasussaatitaanera tunngavigalugu, tapersersortissatut aamma attaveqaatissatut imminut neqeroorutigisumik toqqaannginnermi qulakkeerneqarsimassammat pinerluuteqarsimannnginnermik meeqqanillu atornerluisimannginnermut uppermarsaammik takutitaqarsimanissaat.

Pinerluuteqarsimannnginnermut uppermarsaat atsiugaq kisiat pinnagu aamma meeqqanut atornerluisimannginnermut allagartamik pissarsinissamut piumasaqaat isumaginnitoqarfuiup sapinngisamik pitsaanerpaamik meeqqamik illersuisinnaanissaani qulakkeerneqassaaq.

Pinerlussimannginnermut uppermarsaat assersuutigiinnarlugu persuttaanermut kinguaassiuutitigulluunniit meeqqanut 15-it qaangerlugit ukiulinnut kanngutsaatsulior-simanermi meeqqanut atornerluisimannginnermut uppermarsaammi allaqqanavianngimmata, taamaallaalli pinerlussimannginnermut uppermarsaammiissallutik. Taamaattumik communalbestyrelsip pinerlussimannginnermut allagartaq meeqqanullu atornerluisimannginnermut allagartaq piniaqqaartariaqarpai attaveqaataasussamik atuilersinnani.

Aalajangiisussaatitaanermi aammattaaq maleruagassatut nipangjussisussaatitaanermik pisussaaffiliineq attaveqaataasussamut atuutsinnejqassaaq, tassa meeqqap isumassortaasalu

sullinneqarnerini paasissutissat mianerisassat attaveqaataasutut suliaqarnermi nalaanneqartartussaammata.

Angajoqqaat akisussaanerat

§ 23

Imm. 1-imut

Angajoqqaat akisussaaffii pillugit oqaloqatiginninnissamut ataatsimiigiaqqusineq isumaginninnikkut sullisseriaasiuvoq nutaajusoq, tamanna kommunalbestyrelsip atussallugu toqqarsinnaavaa, tamaaliornissaq pissutsit takutippassuk. Angajoqqaatut oqartussaassuseqartunik iliuusissatut pilersaarutit pillugit suleqatigiinnissamut oqaloqatiginninneq tapertarilluarneqarsinnaavoq, kommunip angajoqqaallu akornanni, angajoqqaatut akisussaaffimmik isumaginnittoqarfimmiillu akisussaaqatigiinnermik ersersitsiviusarnissaanut tamanna neriuullualernermik kinguneqarsinnaasoq.

Aalajangersakkut anguniarneqarpoq oqaloqatigiinnerup angerlarsimaffimmi allannguisoqalerneranut tapersiissutitut atorneqarnissaa, ersersitsisinnaallunilu pissutsinik ilisimaariinngisanik ajornartorsiutinut pissutaaqataasimasinnaasunik, angajoqqaatut akisussaasup, meeqqap kommunillu meeqqap atugaanut, peqqissusaanut inerikkiartorneranullu ikioqatigiinnissamut pisariaqartitsilersinnaasumik.

Imm. 2-mut

Meeqqani pissusilersuutit ajortut pitsaaliornissaannut kipitinneqarnissaannullu suliniutit sakkortusiniarlugit maleruagassaliortoqarpoq aamma meeqqap inerikkiartorneranut akisussaaffeqarnerat angajoqqaanut erseqqissarniarlugu. Aalajangersakkap peqataaffigissavaa angajoqqaat meeqqaminnut akisussaanerminnik takunnissinnaalernissaat. Kommunit oqaloqatigiinnissap qaqugukkut ingerlanneqarnissaanut naliliinissamut periarfissaqarluarput. Aalajangersakkut anguniarneqarpoq kommunip anguniassagaa angajoqqaat angajoqqaatut akisussaaffeqarnerannik misigisimalersinniarnissaat, ajornartorsiutaasumik neriuutaasunillu oqaloqatiginerisigut angajoqqaatullu meeqqap atugarisaanut, peqqissusaanut inerikkiartorneranullu akisussaaffeqarnermut. Oqaloqatigiinnerup kingornagut oqaloqatigeeqqinnissamut aporfissaqangnilaq tapertaqartinneqarsinnaallunilu sangutinneqarsinnaallunilu ikorsiissutaasinnaasunut aalajangersimasunut.

Imm. 3-mut

Angajoqqaatut akisussaaffiup eqqartorneranut atatillugu angajoqqaatut akisussaasoq makku eqqartornissaannut kajumissaarneqarsinnaavoq:

- 1) meeqqap atuarfimmukaattarnissaanik imaluunniit ulluunerani neqeroorummukaattarnissaanik,
- 2) meeqqap atuarnera pillugu angajoqqaanik ataatsimiitsitsinernut siunnersuinernullu peqataasarnissamik,
- 3) meeqqap sunngiffimmi sammisassaqartitsivimmukaattarnissaanik,

- 4) meeqqap piffissami aalajangersimasumi angerlartarnissaanik qulakkeerinninnissamik,
- 5) angajoqqaanut suliniutitut neqeroorutaasunut peqataasarnissamik, aamma
- 6) meeqqap ajornartorsiutaanik aaqqiiniarneq pillugu oqartussanik attuumassuteqartunik ataatsimiinnerni peqataasarnissamik.

Angajoqqaat akisussaaffeqarnerannik oqaloqatiginninnikkut atuuppoq, angajoqqaat angajoqqaatut akisussaaffimmik tigusisinnaasunut.

Malittarisassat angajoqqaatut oqartussaassusillip pisussaaffinnik sunik naammassisqaartussaatitaaneranik ersarissaaqataanissaat naatsorsuutigineqarpoq. Angajoqqaat akisussaaffeqarnerannik oqaloqatigiinnermi pisussaaffiit eqqartorneqartut meeqqap ajornartorsiutaasa qaangerniarnerinut atorneqarsinnaapput.

Tulluartuussaaq oqaloqatigiinnerup imarisai kommunip ataatsimiissutitut imaqarniliaralugit allassinnaappagit angajoqqaatullu akisussaassuseqartumut tunniullugit, taamaalilluni isumaqatigiissutigineqartut naqitanngorlutik pigineqalerniassammata, kingusinnerusukkullu oqaloqatigeeqqinnermi qaqqinqeqqarsinnaallutik iliuusissatullu pilersaarusiamut ilanngunneqqarsinnaallutik. Ima ajornaatsigisariaqarput paasiuminartigalutilu, angajoqqaanit paasiuminartinneqassalluni sorpiaat isumagisassarinerlugit, suna pissutigalugu pingaaruteqarnersut sunalu taakku aqqutigalugit anguniarneqarnersoq. Arlalitsigut iluaqutaasassaaq piffissamik atorluaaniarnissaq, angajoqqaatullu akisussaaffeqartoq oqaloqatigiinnerup nangissutissaanut aggersaanissamut isumaqatigiissuteqarfigeriissallugu.

Illuatungeriit oqaloqatigiinnerminni makku eqqartortariaqarpaat:

- 1) Iliuutsit suut uani ajornartorsiutaasunik qaangiiniarnermi atorneqarsinnaappat?
- 2) Iliuuseriniakkat ilumut angajoqqaanit naammassineqqarsinnaappat?
- 3) Iliuuseriniakkat ilumut naleqquppat, eqqarsaatigigaanni qanoq tiguartisimanartigisut, ajornartorsiutillu qanoq annertutigisut?
- 4) Iliuuseriniakkatut eqqarsaatigineqartut, iliuusaappat angajoqqaat nalinginnaasumik akisussaaffeqartut naammassisinnaasaattut?
- 5) Iliuutsit piviusumik tunngavilersorluagaasumillu meeqqap ajunnginnerusumik inerikkiartornissaanik pilersitsissutaassappat?
- 6) Iliuutsit imatut aalajangersagaappat, angajoqqaat pisussaaffimminnut allanut periarfissaqartillugit, soorlu meeqqamik sinnerinut, ilinniarnerminnut suliffimminnulluunniit?
- 7) Kommune iliuusissanik isumaqatigiissusiortariaqanngilaq, ima isumaqarsimanngikkuni, meeqqap ajornartorsiutaasa qaangerniarnissaannut tapertaalluarsinnaasoq.

Meeqqat akisussaaffeqarnerat

§ 24

Imm. 1-imut

Meeqqat akisussaaffeqarnerat pillugu oqaloqatigiinnissamut aggersaaneq perorsaanermi sakkussaavoq nutaaq, atornissaanut piumasaqaataasut piuppata kommunalbestyrelsip atussallugu toqqarsinnaasaa.

Iliusissanut pilersaarut pillugu angajoqqaatut oqartussaassusilimmik suleqateqarnermut oqaloqatigiinneq tapertaasinnaavoq, aammalu angajoqqaatut akisussaaffeqarnerup pisortallu oqartussaasutut akisussaaffeqarnerisa agguarnera pillugu kommunip angajoqqaatullu oqartussaassusillip akornanni ersarissumik naligiissumillu isumalluarfigeqatigiinnermik pilersitsissalluni. Meeqqap nammineq akisussaaffeqarnera pillugu, meeqqamik oqaloqateqarneq meeqqami pitsanngorsaataasumik allanngortoqarnissaanut suliniuteqarnermut sukumiisumik iluaqtaanissa aalajangersakkami anguniagaavoq, aammalu ajornartorsiutinik ilisimaneqanngitsunik qulaajaasinnaassalluni, angajoqqaatut oqartussaassusillip, meeqqap aammalu kommunip suleqatigiittariaqarnerinut tunngaviliisoq, ataatsimoorussamik suleqatigiinnikkut meeqqap ingerlalluarnissaanut, peqqissusaanut ineriarneranullu pitsanngorsaataasussamik siunertaqartoq.

Imm. 2-mut

Meeqqani pissusilersuutit pitsaanngitsut pitsaliornissaannut kipitinnejqarnissaannullu suliniutit sakkortusisamik malitseqartarnissaat aalajangersagaq kinguneqassaaq, aamma meeqqap ineriarneranut angajoqqaat namminneq akisussaaffeqarnerannut erseqqissaataassalluni. Aalajangersagaq angajoqqaat meeqqaminnut akisussaaffeqarnerannut takussuseeqataassaaq. Kommunit oqaloqatigiinnissap qaqugukkut ingerlannejqarnissaanut atituumik naliliinissamut perarfissaqarluarput. Aalajangersakkut ujartorneqarpoq kommunip anguniassagaa angajoqqaat angajoqqaatut akisussaaffeqarnereminnik naammassinninniarnissaat, meeqqap atugarisaanut, peqqissusaanut inerikkiartneranullu ajornartorsiutaasut pisariaqartitaalu pillugit oqaloqatiginerisigut. Oqaloqatigiinnerup kingornagut aporfissaqanngilaq ikorsiissutaasinnaasunut aalajangersimasunut ikorsiinissaq.

Imm. 2-mut

Aalajangersakkap nassataraa meeqqani pissuseq kingornuttagaasoq kipitinniarlugu aamma pinaveersaartinniarlugu annertusisamik iliuuseqarnissaq. Aalajangersakkut meerap pissusilersuutimigut iliuutsiminullu nammineq akisussaasunera ersersinniarneqarpoq, tamannalumi aamma inersimassusaanut, eqqarsartaasaanut ukiuinullu naleqqiunneqassaaq. Meeraq inatsit una naapertorlugu tulluartunik pisinnaatitaaffilerneqarnera aalajangersakkami aamma uani atatinneqassaaq. Pisinnaatitaaffiit qulakkeerneqarnerat aamma isumaqarpoq, meeraq nammmineq imminut iliuutsiminullu akisussaaffeqarnera.

Kommune meeqqap qaqugukkut oqaloqatigineqartariaqarneranut naliliinissaminut perarfissaas annertuvoq. Oqaloqatiginnereernerup kingunerisinnaalluarpaa ikorsiissutinik malitseqartitsisoqarsinnaanera.

Imm. 3-mut

Illuatungeriit oqaloqatigiinnerminni makku eqqartortariaqarpaat:

- 1) Iliuutsit suut uani ajornartorsiutaasunik qaangiiniarnermi atorneqarsinnaappat?

- 2) Iliuuseriniakkat angajoqqaanit naammassineqarnissaat piviusorsiorpat?
- 3) Iliuuseriniakkat ajornartorsiutip annertussusaanut naleqquppat?
- 4) iliuusissatut eqqarsaatigineqartut iliuusaappat nalinginnaasumik aammalu akisussaassusilimmik meeqqat akisussaaffisa sinaakkutaasa iluanni?
- 5) Iliuutsit piviusumik tunngavilersorluagaasumillu meeqqap ajuunnginnerusumik inerikkiartornissaanik pilersitsissutaassappat?
- 6) iliuutsit aaqqissuussaappat meeqqap pisussaaffimminik allanik, soorlu ilaquuttat, ikinngutit, ilinniarneq il.il., eqqarsaatigalugit naammassinninnissaanut?
- 7) kommune iliuusissanik isumaqatigiissuteqartariaqanngilaq, aatsaalli taamaaliorssinnaalluni isumaqaruni tamanna meeqqap ajornartorsiutaanik qaangiinissamut iluaquseeqataasinnaasoq imaluunniit iliuutsit meeqqap piliaanik ajoqsiinernut aaqqiissutaasinnaasut.

Imm. 4-mut

Meeqqap aserorterisimasup aserorterinerup inummut kinguneqartarneranik paasinninnissa aalajangersakkami aammattaaq siunertaavoq. Aserorterisimanermik kingorna aserortersimasaminnik oqaloqatigineqarnerat meeqqanut aserortereqqinnginnissamut pinaveersaartitsiviusinnaavoq. Meeqqap saliinermi nalaani inummik inunnilluunniit aserorteriffigisimasaminik oqaloqateqarsinnaanera aamma iluaquetaasinnaavoq. Taamaalilluni meeqqap aamma takusinnaassavaa aserorteriffigineqartunut inuttut arlalitsigut kinguneqartitsisinnaasoq, tamannalu meeqqap immaqa eqqarsaatiginngissimasinnaavaa.

Pillaanerup uani pineqannginnera erseqqissaatigineqassaaq. Meeraq taamaaliorumanngitsoq kommunip isumaqatigiissutaasumik malinninnissaanik pinngitsaalisinnaanngilaa. Perorsaanermi periaatsit kajumilersitsisut atornerisigut meeqqap kajumissutsiminik suleqataanissaa naatsorsuutigineqarpoq, meeqqallu iliuutsinik ajuungitsunik kinguneqarluartussanik ineriartuutaasunillu paasinninnissaanik ikiorneqassaaq. Meeraq peqataarusunngitsoq ass. saliinissamut pinngitsaalineqarsinnaanngilaq. Taamaattorli kommunini naliliisinnaavoq meeraq tamatumunnga peqataarusulissasoq meeraq angajoqqaaminit, perorsaasumit inummilluunniit allamut tamatumunnga ingiaqtigineqarpat.

Assersuutigalugu meeraq pisiniarfimmi sanaartorfimmiluunniit aserorterisimappat, kommunip meeraq saliinermi peqatigalugu ikiorsinnaagaa kommunip meeqqallu isumaqatigiissutigisinnaavaat. Saliineq tassaasinnaavoq sanernermin aseroterneqarsimasunilluunniit katersinermi meeqqap ikuunnera, imaluunniit atortut iginneqarsimasut inissaannik inisseqqinnerannut ikuunneq.

Angajoqqaanngortussanut ikorfartuineq.

§ 25

Imm. 1-imut

Aalajangersagaq manna malillugu ikiuinerit pilersinneqarnerini meeqqap suli erniunngitsup anaanaasup naavani ineriertornissaanut pisariaqartitsinerit aallaavagineqassapput.

Taamaattumik ikiuinerit amerlanertigut angajoqqaanngortussanik ikiuinerussapput, taamaalillutik meeqqap inunngornissaa sioqqullugu inooriaatsip allanngortinnissaanut periarfissaqassallutik. Aamma Erninerup kingorna meeqqap pisariaqartitaanik angajoqqaat isumaginnissinnaasunngornissaat siunertaralugu ikorsiisoqarsinnaavoq.

Naartunermi qanoq siusitsigisukkut communalbestyrelsip ikiuisinnaaneranut killiliisoqanngilaq. Assersuutigalugu arnaq naartusoq imigassamik atornerluisussoq pineqarpat taava meeqqamut pitsaanerpaassaaq atornerluineq sapinngisamik siusinnerpaamik katsorsarneqarpat.

Angajoqqaanngortussanut ilaapput arnat kisermat naartusut, katissimasut aamma aappariit inooqatigiittut, ataataviusunera apeqquataatinngagu.

Meeqqap suli inunngunngitsup ingerlalluarnikkut, peqqinnikkut ineriertornikkulluunniit ulorianartorsiortinnejarnera angajoqqaanngortussat inooriaasiannik peqquteqarsinnaavoq, assersuutigalugulu naartunerup nalaani peqqiilliuteqarnermik peqqinnissaqarfiup ataani susassaqarfingineqartunik pissuteqarnani.

Inuusaaseq meeqqap suli inunngunngitsup ingerlalluarnikkut, peqqissusianik ineriertornissaanilluunniit ulorianartorsiortitsisinnaasoq assersuutigalugu tassaasinnavoq anaanaasup inooqatigisaminiit imaluunniit meeqqamut ataatangortussamiit persuttarneqartarnera. Taamaattoqartillugu aappariit ilaqtariit katsorsartinnissaannik oqaloqatigiinnikkut katsorsartinnermik communalbestyrelsi neqerooruteqarsinnaavoq, tamanna ajornartorsiummut ikuutaassasoq communalbestyrelsimit nalinerneqarpat.

Aalajangersagaq ilaqtariit siusinnerusukkut iliuuseqarfingineqarnerannut ilaavoq, taamaalilluni meeqqap inunngunnginneraniilli ikuinissamik suliniuteqarnerit aallartinneqassallutik angajoqqaat meeqqap pisariaqartitaanik meeqqallu toqqissisimasumik alliartornissaanut piareersimanissaat qulakkeerumallugu.

Aalajangersagaq peqqinnissaqarfimmiit neqeroorutinut ilapittuutaasinnaavoq, taamaalilluni peqqinnissaqarfimmi oqartussaniit aamma isumaginninnermi oqatussaniit angajoqqaanngortussanut ikuisoqarluni.

Angajoqqaanngortussat ikuinissamik suliniuteqarnermik akuersinissaannut communalbestyrelsi pinngitsaaliisinnanngilaq, taamaallaalli angajoqqaanngortussat neqeroorummik akuersinissaannut kaammattorsinnaallugit. Ikuinissamik suliniuteqarnermik akuersinissaannut kajumissaatitut, angajoqqaanngortussat inooriaasertik ingerlatiinnassappassuk ikorsiinermullu akuersissanngippata, tamatuma siunissami ungasinnerusumi kingunerisinnaasai pillugit communalbestyrelsi angajoqqaanngortussanut nassuaasinnaavoq.

Angajoqqaanngortussap aappaa marluullutilluunniit imigassamik imaluunniit ikiaroornartumik atornerluisusimappata, kommunalbestyrelsi assersuutigalugu atornerluisuunerup katsorsaaviginissaanik neqerooruteqarsinnaavoq. Kommunalbestyrelsip ikiuinissamik suliniuteqarneq angajoqqaanngortussanut, kommunip naliliinera naapertorlugu angajoqqaanngortussanut ikiuinertut pitsaanerpaatut isigineqartoq, nalinginnaasumik neqeroorutigisinnavaa. Ikiuineq taamaattumik tassaasinnaavoq § 20 malillugu siunnersuineq aammalu tassaasinnaallutik ikiuinissamik suliniuteqarnerit § 21, imm. 4-mi aamma § 23, imm. 4-mi taaneqartut, kisiannili aamma kommunip naliliinera malillugu ilaqtariinnut naleqqussinnaasut ikiuinerit allat aallartinneqarsinnaapput. Imm. 4-mut oqaaseqaatiniaataaniittuni siusissumik iliuuseqarluni ikorsiinernut assersuutissat allat takukkit.

Imm. 2-mut

Meerassap immikkut ikiorserneqarnissamik pisariaqartitsisinnaanera piffissami kommunalbestyrelsimit paasineqaannartorli, erninerup kingorna sutigut ikuisoqarnissaa pilersaarusrorseqassaaq. Erninerup kingorna immikkut ikiuinissaq pillugu aalajangiisoqassaaq, taamaaliortoqanngippat meeqqap ingerlalluarneranik, peqqissusianik imaluunniit ineriartorneranik ulorianartorsiortitsisinnaasunik inuusussangorneraarlerinartutut isigineqalerpat.

Kapitalini 7-9-mut aalajangersakkat naapertorlugit erninerup kingorna ikiuinissamik suliniuteqarnernik aallartitsinissamik aalajangiinerit, assersuutigalugu tassaasinnaapput angajoqqaanik pikkorissartitsinernik, angajoqqaanut ikorfartuisussamik, angerlarsimaffimmangajoqqaanut siunnersorteqarnissamik il.il. neqerooruteqarneq. Meeraq inoorlaaq angajoqqaanngortullu qanoq ikiorneqassanersut qanorlu tapersorsorneqassanersut kommunalbestyrelsimit tamatigut nalilerneqartassaaq, taamaalillunilu meeqqap ingerlalluarnera, peqqissunera ineriartorneralu pitsaasumik qulakkeerneqarluni.

Pisuni immikkut ittuni ernisarfimmiit toqqaannartumik angajoqqaat akuersissuteqartinnagit meeqqap inissinneqarnissaa pisariaqarsinnaavoq, naartusoq meeqqamik isumaginnissinnaanngitsoq qularnaatsumik ilimagineqarpat. Kommunalbestyrelsip nalilissappagu meeqqap inungornermi kingorna allamut inissinneqarnissaa, kommunalbestyrelsi pisussaavoq aalajangersakkat sakkortusisat najoqqutaralugit taamatut aalajangiissalluni.

Imm. 3-mut

Aalajangersakkami aalajangiunneqarpoq, kommunalbestyrelsi pisussaaffeqartoq kapitalit 7-9 malillugit ikiuinissamik suliniutinik neqerooruteqarnissamik aalajangiinnginnermini, § 45 naapertorlugu isumaginninnermi sullissinikkut misissuinermerik suliaqartoqareersimassasoq, kiisalu § 46 naapertorlugu iliuusissanut pilersaarusrorsiortitsisinnaasooq. Tamanna aamma atuuppoq § 21 malillugu ikiuinissamik suliniutinik aallartitsinissaq kisiat eqqarsaatigineqarluarpalluunniit. Angajoqqaanngortussat ajornartorsiutaannik tamanik

siusinnerpaamik paasisaqarsimanissaq aammalu pinaveersaartitsisuu sumik ikiuinissamik siusinnerpaamik aallartitsinissaq tamanna pissuteqarpoq.

Pingaaruteqarpoq naartunerup nalaani siusinnerpaamik angajoqqaanngortussat sutigut ikorfartornerneqarlutillu ikiorneqarnissaat misissorneqarlutillu pilersaarusiorneqarnissaat, angajoqqaanngortussat meeqqap pisariaqartitaanik pitsasumik naammassinnissinnaasunngortinnissaat anguniarlugu.

Iliusissanik pilersaarut angajoqqaanngortussat suleqatigalugit suliarineqassaaq. Kommunalbestyrelsi ataatsimiigiaqqusisinnaavoq, tassani angajoqqaanngortussat ilisimatinneqassapput ikiuinissamik suliniuteqarnerup pilersinneqarnissaanut pisariaqartitsisoqarneranik communalbestyrelsi sooq naliliisimanersoq aamma ikiuinissamik suliniutit aalajangersimasut suut neqeroorutigineqarsinnaanersut ilisimatitsissutigineqassallutik.

Imm. 4-mut

Aalajangersakkap malitsigissavaa, angajoqqaanngortussat atugarisaat tamakkiisumik isiginninneq tunngavigalugu ikiorsiisoqassasoq. Tamakkiisumik isiginninneq tunngavigalugu isumaginninnikkut misissuineq iliuusissamillu pilersaarut suliarineqassaaq.

Tamakkiisumik isiginninneq tunngavigalugu iliuuseqarnissaq imatut paasineqassaaq, ikuutinik ivertitsisoqassasoq angajoqqaanngortussat inooriaatsiminni ajornartorsiutaannik tamakkiisumik aaqqiiniartussamik, tamatuma malitsigisinnamagu meeqqap suli inunngungitsup navianartorsiortinnejqarsinnaanera inunngornermini kingunipilutsitsissutaasinnaasunik, timimigut innarluuteqalissutigisinnasaanik imaluunniit allatigut tamakkiisumik peqqinermigut ajornartorsiuteqaatigisinnasaminik pinngitsoortitsinissaq.

Naartunerup nalaani siullertut peqqinnissaqarfik qaninnerpaamik angajoqqaanngortussanut attaveqartuusarpoq, taamaasillunilu siulliulluni angajoqqaanngortussat ajornartorsiutaannik ilisimasaqalertarluni, meeqqap inuuneranik, peqqinneranik ineriantorneranillu navianartorsiortisisinnaasunut. Peqqinnissaqarfik soorunami iliuuseqarsinnaavoq iliuusissanik aallarnisaassalluni peqqinnissaqarfimmuit inatsisit maleruaqquasaasut naapertorlugit, kisiannili inunnik isumaginnittoqarfik pisinnaavoq ikiorsiissutissamik ivertissalluni inunnik isumaginnittoqarfimmi inatsisit naapertorlugit, tamatuma nukittorsarsinnaammagu tapertalaruguluunniit peqqinnissaqarfliup ikiorsiiniarluni neqeroorutigisinnasaannut. Pingaaruteqarpoq ataqatigiissaakkamik tamakkiisumillu isiginnittumik iliuuseqartoqarnissaanik susassaqartut tungaannii tunniussinissaq, tamatumanilu pisariaqarpoq peqqinnissaqarfliup inunnillu isumaginnittoqarfliup anguniagaqartumik pitsasumillu imminnut attaveqaqatigiissinnaanissaat.

Angajoqqaanngortussat tamarmik "meeqqamut piareersimanermik" taaneqartartumik pikkorissarnissamik ullumikkut neqeroorfigineqartarput, angajoqqaanngortussanut misilitakkaniq naleqarluartunik aalajangersimasunillu pissarsiaqaataasussanik, meeqqamik perorsaanermi isummanik allannguinernut tapertaasussanik kiisalu angajoqqaat akornanni allanut attaveqarnik nukittorsaataasunik siunertaqartunik. Pikkorissarnerit aammattaaq angajoqqaat meeraaqgap ineriartorneranik ilisimasaqalersitsiartoqataaffigaat, angajoqqaajunermik qanoq isiginninnerannik suliarinnissinnaalertillugit aammalu ajornartorsiutinik assigiinngitsunik qanoq suliarinnissinnaanerannik paasisaqarnerulerillugit. Pikkorissarnermut peqataanerup angajoqqaanngortussat ilaatigut pisut ajornakusoortut suliariniarnerannut aalajangersimasunik sak-kussaqalersippai. Tamatuma angajoqqaat persuttaanermut saatsitsinissaraluannik imaluunniit meeqqaminnut sakkortusaarsinnaanerigaluannik annikillisitseqataaffigissavai. Aammattaaq ilinniartitsinermut ilaatinneqarput erninissamut piareersartarnerit pillugit sammisassat, soorlu naartugineqartup ineriartornera, naartunermi inuttut pissusilersuutit, ernineq milutsitsinerlu.

Pisunili immikkut ittuni angajoqqaanngortussanut neqeroorutit immikkut ittut annertunerillu neqeroorutigineqarnissaat pisariaqartinneqartassaaq, soorlu sivikinnerusumik sivisunerusu-milluunniit ilaqtariinnut ineqarfinnut inissinneqarnerit. Ilaqutariit ineqarfii ulloq unnuarlu paaqqinniffiupput ilaqtariinnik assigiinngitsunik ukiulinnik meeratalinnik inissiiffiusartut. Naartusut meeqqap inunngunnginnerani - ernalingajalernermi - aamma inissisimasinnaapput. Neqeroorut angajoqqaamut kisimiittumut appariinnullu ataatsimik/arlaalinnik meeralinnut. Ilaqutariit ineqarfii ilaqtariinnut meeqqat alliartornerinut ineriartornerinullu ernumanaatilin-nut atuupput.

Ilaqtariit pineqartut tassaasinnaapput

- ajornartorsiortut
- angajoqqaat ilungersunartumik alliartorfeqarsimasut
- inooqatigiinnikkut ajornartorsiortut
- angajoqqaat inuusuttunnguit misilittagaqanngitsullu
- immikkut pisariaqartitsisunik meerallit
- angajoqqaani ataaseq marluullutiluunniit tarnimikkut nappaatillit

Angajoqqaat meeqqap inuunerani inuupput pingarnerpaat, taamaattumillu aamma katsorsaasut tungaanniit isigalugu suleqatissat pingarnerpaat. Ilaqutariit ineqarfifiinut tunngaviusumik tamanna aallaaviuvooq. Angajoqqaat, inersimasut meeqqallu akornanni imminnut atanerisa meeqqallu pissusaanik allanngortitsiniarnermi, pingaruteqarluinnartumik inissisimapput.

Kapitali 8

Ikiorsiinissamik suliniuteqarnerit sukannererit

Angajoqqaatut oqartussaassusilimmik akuersititseqqaarluni inissiineq

Imm. 1-imut

Isumaginninnikkut misissuineq naammassineqarpat ikiinerit suut aallartinneqarsinnaanersut nalilorsorneqassapput. Tassani pissutsit assiginngitsorpassuit sunniuteqarput. Siullermik meeraq qanoq annertutigisumik tapersorsorneqarnissamik pisariaqartitsinersoq aamma angerlarsimaffimmi qanoq nukissaqartoqartiginersut sunniuteqarput. Angerlarsimaffimmi nukissat annertunerusut pissarsiarineqarsinnaappata meeqqap angerlarsimaffiup avataanut inissinneqarnissaanut pissutissakinnerussaaq.

§ 45-mi pineqartoq isumaginninnermi sullissimikkut misissuineq tunngavigalugu meeqqap immikkut pisariaqartitai imaluunniit angerlarsimaffimmi ajornartorsiutai kapitali 7-9 naapertorlugu ikiuinikkut naammassineqarsinnaanngitsutut communalbestyrelsi naliliippat, angajoqqaatut oqartussaassusilik akuersitillugu meeqqap angerlarsimaffiup avataanut inissinneqarnissaanut communalbestyrelsi sulissuteqassaaq.

Angerlarsimaffimmi ikiuinissamik suliniuteqarneq naleqqunnerussaaq meeqqami angajoqqaajulluarnissamut piginnaasaqartunik angajoqqalimmi, meeqqami annikitsumik angajoqqaatut piginnaasaqartunik angajoqqalimmut naleqqiullugu. Kingullertut taaneqartumi meeqqap angerlarsimaffiup avataanut inissinneqarsinnaanera naleqqunnerpaassaaq.

Angerlarsimaffimmi ikorsiissutissanik ivertsiniarnermi angajoqqaat suleqatiginnikusussinnaanerat annertuumik pingaaruteqarpoq. Angajoqqaat suleqatiginnissinnaanngippata namminnerlu annertuumik ajornartorsiuteqarpata, soorlu atornerluinermik ajornartorsiutit, angerlarsimaffimmi persuttaasarnerit, tarnikkut nappaatit, il.il., angajoqqaat ajornartorsiutiminnik aaqqiinissaasa tungaanut amerlanertigut angerlarsimaffiup avataanut inissiineq aaqqiinerni pitsaanerpajussaaq.

Angerlarsimaffiup avataanut meeqqamik inissiinermut tunngavilersuut, meeqqap alliartorneranut ineriartorneranullu annertuumik pingaaruteqarnera aammalu angerlarsimaffimiiginnarpat meeqqap pisariaqartitaanik tapersorsorneqartariaqarneranillu isumaginnitoqarsinnaannginneranik tunngavissalimmik pasinartoqarnera, nalilersuinermi ujartorneqassapput. Angerlarsimaffimmi ikorsiinermik pilersitsisoqarsimappat, assersuutigalugu ilaqtariinnut siunnersuisumik imaluunniit ikorfartuisumik, angerlarsimaffimmi naammattunik aaqqiisoqarneratigut meeraq ikorneqarsinnaanersoq imaluunniit meeraq angerlarsimaffiup avataani inissinneqassanersoq inuk taanna qualaajaanermi peqataasinnaavoq.

Angajoqqaatut oqartussaassuseqartup meeqqap angerlarsimaffiup avataanut inissinneqarnissaanut akuersinngippat, meeqqap angerlarsimaffiup avataanut inissinneqarnissamut pisariaqartitai ima sakkortutigippata, allaat pinngitsaaliisummik angerlarsimaffiup avataanut inissiisoqartariaqarluni, tamassuminnga aalajangiinissaq communalbestyrelsip nalilersussavaa, tak. § 28.

Imm. 2-mut

Aalajangersakkut siunnersuutigineqarpoq imm. 1 malillugu kommunalbestyrelsi angerlarsimaffiup avataanut inissiinissamik aalajangiisinnaanngitsoq meeraq tusarniarneqaqqaarsimanngippat, tak. § 43, isumaginninnermi sullissinikkut peqqissaartumik misissuisoqarsimanngippat, tak. § 45 aammalu iliuusissanut pilersaarusiortoqarsimanngippat, tak. § 46. Assersuutigalugu meeqqap ukiui, inerisimannginna imaluunniit malunnaatilimmik piginnaanikitsunera pissutigalugu, kommunalbestyrelsip pisussaaffigaa allatut iliornikkut meeqqap isumaanik nassuaanissani. Taama pisoqarpat immikkut oqaaseqaatit § 43 innersuussutigineqarput.

Imm. 3-mut

Aalajangersakkut § 27-mi, imm. 2-mi piumasaqaatip saneqqunneqarsinnaanera periarfissinneqarpoq. Meeqqamut pitsaunerpaasussaq pissutigalugu meeraq inissinneqartariaqarpat isumaginninnermi sullissinikkut misissuineq aammalu iliuusissanut pilersaarusiaq utaqqinagit, kommunalbestyrelsip inissiinissaq erngerluni suliarilissavaa. Kommunalbestyrelsip meeqqap inissinneqarnera ilutigalugu matuma kingorna isumaginninnermi sullissinikkut misissuineq aammalu iliuusissanut pilersaarusiorneq naammassisssavaa. Isumaginninnermi sullissinikkut misissuineq ilaatigut meeqqamut pineqartumut ikorsiinissamik suliniuteqarnermut qanoq naleqqutsiginera pillugu nalilersuinermut tunngavissiissooq aammalu inissiiffissaq eqqortoq nassaarineqarsimanersoq, imaluunniit meeraq immikkut ittunik pisariaqartitsisuunersoq inissiiffissap naammassisinnaanngisaanik. Iliuusissanut pilersaarummi apeqqutit tamakkua eqqarsaatigineqassapput aammalu inissiinermik suliaqarneq sioqqullugu iliuusissanut pilersaarusiap imaasa assinginik imaqassalluni.

Malugeqquneqarpoq aalajangersakkami ikorsiinissamik suliniuteqarnernik sukannererusunik neqerooruteqartoqarnissaanik aalajangiisoqannginnerani meeqqap tusarnejarnissaanik piumasaqaateqarnermik saneqqussinissamik periarfissiisoqannginnera, taamaattoq takuuk § 43, imm. 3-mi tamatuminnga saneqqutsisinnaanermut tunngasoq.

Imm. 4-mut

Meeraq angerlarsimaffiup avataanut inissinneqarpat imaluunniit inissinneqarsimappat angajoqqaavisalu ilaquaaluunniit meeqqap angerlarsimaffiup avataani inissinneqarfigisaani inissinneqarfataluunniit eqqaani ulloq unnuarlu akunniffigisinnaasaannik neqeroorfingineqarnissaat meeqqap pisariaqartippagu, aalajangersakkap kommunalbestyrelsip taamatut neqeroorsinnaatippaa.

Angajoqqaatut oqartussaassusilimmik akuersititsinani inissiineq

§ 27

Imm. 1-imut

Kommunalbestyrelsip pinngitsaaliisummik inissiinissaanik aalajangiinermut qitiusoq tas-saavoq meeqqap alliartorneranik, peqqissusaanik innarliisoqarsinnaanera imaluunniit meeqqap ineriartorneranik ersarissumik navianartorsiortitsisoqarnera § 28, imm. 1, nr. 1-im tunngavilersuutit pissutigalugit.

Oqaatsit ”ersarissumik navianartorsiortitsinerup” aamma ”alliartornerup, peqqissutsip imaluunniit ineriartornerup” ersersippaat meeqqap massakkorpiaq qanoq issusaanik alliartorneranilu siunissamut tunngaviliisuunissaannut eqqarsaatiginnittariaqarneq. Meeqananik il-lersuerusunneq tassaavoq, piffissaq meeqqap ima ajoquserneqarsimatlernera ikiorneqarsin-naanerata ajornarseriivinnera nallertinnagu akuliuttoqarsinnaasariaqarnera. Annertuumik ajo-quserneqarsimaneranik takussutissaqarnera pinngitsaaliisummik inissinneqarnissaanut pis-sutaasariaqanngilaq. Taamatut ersarissumik navianartorsiortitsineq pissutsit tunngavigalugit tassaasinnaavoq, assersuutigalugu qatanngutigiit angajoqqaanit qanigisaniilluunniit siusinne-rusukkut ima pissusilorsorfigineqartarsimallutik, qatanngutigiit taakku peqqissutsimikkut ine-riartornermikkulluunniit ajoquserneqarnermut ersarissumik navianartorsiortinnejarsimallutik.

Meeqqap alliartorneratigut, peqqissutsikkut ineriartornikkulluunniit annertuumik ersarissumik ajoqusersinnaaneranut pissutaasinnaasunik arlalinnik aalajangersagaq takussutissaqartitsivoq.

Nr. 1-imut

Meeqqamik amigartumik isumassuineq isumaginninnerluunniit

Angajoqqaat meeqqamik naammattumik isumassuisinnaannginneranut isumaginnissinnaan-ninginneranulluunniit pissutaasut arlaliusinnaapput. Imaassinjaavoq angajoqqaat piginnaas-sutsimikkut kingusituusut soorlu timimikkut innarluuteqarlutik, kinaassutsimikkut pig-innaasakillutik, eqqarsartaatsimikkut ajoqteqarlutik imaluunniit imigassamik aangajaarniu-tinillu atornerluisuullutik, aningaasanoorajuttuullutik allanilluunniit atornerluisuullutik.

Meeqqap pisariaqartitaanik paasinnissinnaassuseqannginnerusinnaavoq imaluunniit pis-susilorsorusinnaalluni angajoqqaat namminneq pisariaqartitaminnik taamaallaat aqutsis-innaallutik, meeqqallu nalinginnaasumik ineriartornissaanik akornusiisumik. Angajoqqaat meeqqaminnik kajumissaasinnaaneq, eqqisisitsisinnaaneq toqqisisimatitsinerlu imaluunniit meeqqap atugaanik allanngoranngitsunik pisussatullu siumut nalunanngereersunik atugaqartitsinissaq aamma piginnaaneqarfinginngissinnaavaat. Pissutnik allanittaaq asser-suusiassarpasuaqarpoq.

Nr. 2-mut

Timikkut tarnikkulluunniit persuttaagaaneq, paarsinerlunneq imaluunniit kinguaassiuutinik atornerluineq

Meeqqap alliartornera, peqqissusaa ineriartorneralu annertuumik ulorianartorsiortarpoq, meeraq timimigut imaluunniit tarnimigut persuttarneqarluniluunniit persuttaanermik takun-nikkaangat imaluunniit angajoqqaanit isumassuisuniilluunniit allanit kinguaassiuutimigut atornerlunneqaraangat. Meeqqap persuttarneqartarneranut atornerlunneqartarneranulluunniit ilaquttani annertuuunik ajornartorsiuteqarneq pissutaasinnaasarpoq, soorlu atornerluinernik,

tarnikkut napparsimanermik, anersaakkut misigissutsitigullu ineriartornikkut sanngiis-sueqarnermik pissuteqartumik. Pissutsit allat pitsaanngitsumik atugaqarnermut annertusaatasut aamma akuusinnaapput, soorlu sanngiitsumik allanut attaveqaateqarneq, suliffeqarnermut attuumassuteqarpiannginneq, aningaasarliorneq, kisimiilluni meeqqamut akisussaaffeqarneq, ilaqtariinni attaveqarnerit allanngorartut immaqalu taarseraattunik inooqateqartarneq.

Nr. 3-mut

Meeqqap meeqqalluunniit qanigisaasa atornerluinermik ajornartorsiuteqarnerat, pinerlunni-arnermik pissuseqarnera imaluunniit allanik inuttut annertuumik ajornartorsiuteqarnera.

Meeraq atornerluinermik ajornartorsiutilik, ilikkariartnerminik atuarfimmilu malunnartumik ajornartorsiutilik aammalu meeqqat pinerlunniarnermik pissusillit, tamakku ajornartorsiutiginerat pissutaalluni inissinneqaatigisinnaavaat. Tassa pinngitsaaliissutaasumik meeqqap atugai aallaavigalugit inissisoqarsinnaavoq aammalu katsorsarneqarnissa eqqarsaatigalugu meeqqap ajornartorsiutaanut pissutaasunik qulaajaanissamut pingaaruteqassalluni.

Nr. 4-mut

Meeqqami meeqqalluunniit qanitaasa pissutsimikkut imaluunniit naleqqussarnissaminnut ajornartorsiutaasut allat

Pisut arlalinnik pissuteqartut ataatsimoorlutik kingunerisinnaavaat, meeqqap peqqissusaanut ineriartorneranullu annertuumik ajoqsiisinnaasumik ersarissumik navianartorsiortitsineq. Tassani pineqarsinnaapput angajoqqaat amigartumik isumassuinerat aammalu ajornartorsiutit meeqqami takuneqarsinnaasut, taamaattorli tamarmik immikkut ima annertuginngitsut ajornartorsiutitut isigineqassallutik pinngitsaaliissummik iliuuseqarnissamut tunngaviunisaminnut. Meeqqanut taakkununnga ilisarnaataanerusarpoq pissusilersuutitigut, misigsutsitigut assingusutigulluunniit ajornartorsiuteqarneq kiisalu meeraq angerlarsimagallartillugu ilaqtutanit meeqqap ajornartorsiutaanik qaangiiniarnermut ikiuttoqarsinnaananani.

Imm. 2-mut

Aalajangersakkami aalajangersarneqarpoq tunngavilimmik ilimagineqassasoq, ajornartorsiutit meeqqap alliartorneranut, peqqissusaanut ineriartorneranulluunniit pissutaasut, meeraq angerlarsimagallartillugu aaqqiivigineqarsinnaassangitsut. Inatsisisstatut siunnersuut naapertorlugu tapersersuinissamut tunngaviusumik aallaaviuvoq angerlarsimaffimmi tapersersuisoqarnissa, tassalu meeraq angerlarsimaffianiit peernagu. Taamaattumik communalbestyrelsip nalilersussavaa ajortoqarnera tunngavissalimmik ilmagisariaqarnersoq meeqqap angerlarsimaffiup avataanut pinngitsaaliissummik inissinneqannginnerani. Meeqqap angerlarsimagallarnerani iliuuseqarfigineratigut tapersersuineq, ajortumik pisoqarsinnaaneranut naammattumik illersuissutaasinnaannginnera, nalilersuinerup taamaalluni inernerissavaa.

Imm. 3-mut

Aalajangersakkut siunnersuutigineqarpoq imm. 1 malillugu communalbestyrelsi angerlarsimaffiup avataanut pinngitsaaliissummik inissiinissamik aalajangiisinnanngitsoq

meeraq tusarniarneqaqqaarsimanngippat, tak. § 43, isumaginninnermi sullissinikkut peqqissaartumik misissuisoqarsimanngippat, tak. § 45 aammalu iliuusissanut pilersaarusiortoqarsimanngippat, tak. § 46. Meeqqap tusarneqarnissanik pisinnaatitaaffeqarnera eqqarsaatigalugu, communalbestyrelsi pisussaaffeqarpoq meeraq illersuisoqarnissaanik neqeroorfigissallugu, tak. § 44. Meeqqanik illersuisup meeqqap soqutigisaanik isumaginninnissaq aammalu meeqqap pingitsaaliisummik inissinneqarnerani atukkut sakkortuut atornerini ilitsersornissaa isumagisassarai. Tamatuma ilaatigut meeqqamut illersuisup meeqqap tusarneqarnissaanut ikiuuttussaavoq. Meeqqap illersuisua ikiuukkaluartorluunniit meeqqap ukiui, inerisimannginera allatigulluunniit sanngiissuteqarnera pissutigalugit meeqqamik oqaloqatiginnittoqarsinnaanngippat, communalbestyrelsip meeqqamut illersuisoq suleqatigalugu meeqqap isumaa allatut iliornermikkut saqqummersinniassavaat. Taama pisoqarpal immikkut oqaaseqaatit § 43 innersuussutigineqarput.

Imm. 4-mut

Aalajangersakkakut § 28-mi, imm. 3-mi piumasaqaatip saneqqunneqarsinnaanera periarfissinneqarpoq. Meeqqamut pitsaanerpaasussaq pissutigalugu meeraq inissinneqartariaqarpat isumaginninnermi sullissinikkut misissuineq aammalu iliuusissanut pilersaarusaq utaqqinagit, communalbestyrelsip inissiinissaq erngerluni suliarilissavaa. Kommunalbestyrelsip meeqqap inissinneqarnera ilutigalugu matuma kingorna isumaginninnermi sullissinikkut misissuineq aammalu iliuusissanut pilersaarusrorneq naammassisssavaa. Isumaginninnermi sullissinikkut misissuineq ilaatigut meeqqamut pineqartumut ikorsiinissamik suliniuteqarnermut qanoq naleqqutsiginera pillugu nalilersuinermut tunngavissiissooq aammalu inissiiffissaq eqqortoq nassaarineqarsimanersoq, imaluunniit meeraq immikkut ittunik pisariaqartitsisuunersoq inissiiffissap naammassisinnaanngisaanik. Iliuusissanut pilersaarummi apeqqutit tamakkua eqqarsaatigineqassapput aammalu inissiinermik suliaqarneq sioqquillugu iliuusissanut pilersaarusiap imaasa assinginik imaqqassalluni.

Maluginiarneqassaaq aalajangiinikkut periarfissiineqanngimmat immikkut ittumik ikorsiinissamik neqerooruteqannginermi meeqqap tusarniaavigineqaqqaannginnissaanik.

§ 28

Imm. 1-imut

Aalajangersakkami qulakkeerneqarpoq meeqqap, angajoqqaatut oqartussaassusillip aammalu meeqqamik isumaginnittusup meeqqap pinngitsaaliisummik inissinneqarneranik aalajangertoqarneranik piaernerpaamik ilisimatinneqarnissaat. Nalunaarut pinngitsaaliisummik inissiinermut aalajangiinermik imaqqassaaq, tassunga ilanngullugu inatsisini ingerlatsinissamut tunngasuni tunngavilersuinissamik piumasaqaatit naapertorlugit suliarineqartumik tunngavilersuinermik imaqqarnissaa.

Imm. 2.

Inissiinerit pillugit aalajangernerit, akuersineq tunngavigalugu imaluunniit pinngitsaaliisummik inissiisoqartillugu, aalajangertoqarneraniit ullut arfineq-pingasut qaangiutinnginneranni Naalakkersuisunut nalunaarutigineqassapput.

Angerlarsimaffiup avataanut inissiinerit qitiusumi nuna tamakkerlugu ataatsimut takussutissaqarnissaat siunertaavoq.

Kapitali 10

Inissiiffiit

Aalajangiisinnaanermut pisinnaatitaaffik

§ 29

Imm. 1-imut

Kommunalbestyrelse meeqqap angerlarsimaffiup avataanut inissinneqarnissaanik nalilersuereerpat, akuersititseqqaarluni inissiineruppat, akuersititseqqaaraniluunniit inissiineruppat, communalbestyrelse aammattaaq aalajangiissaq meeqqap pisariaqartitaanik ataatsimut naliliineq aallaavigalugu meeqqap tapersorsorneqarnissamik paarineqarnissamillu pisariaqartitaanut inissiiviusussaq sorleq naleqquuttuunersoq. Kommunip siullertut isumaliutigissavaa ilaqtariinni paarsisartuni inissiisoqarsinnaanersoq – tamannalu aatsaat ajornarpas, ulloq unnuarlu paaqqinnittarfimmut inissiinissaq eqqarsaatigineqartariaqarpoq. Inissiiffimmut allamut nuutsitsinermik aalajangiinerit aalajangersakkatut siunnersuutigineqartoq malillugu taamatuttaaq aalajangiiffigineqassaaq, aammalu suliamik ingerlatsinissamut maleruagassat taakku malillugit.

Aalajangersakkatut siunnersuutigineqartoq malillugu communalbestyrelsip aalajangersinnaavaa meeraq kommunip aaqqissugaanik ilaqtariinnut paarsisartunut, ulloq unnuarlu paaqqinnittarfimmut, immikkoortortaqarfimmut isumannaallisakkamut imaluunniit meeqqat annerit inuuusuttullu suliniuteqareernermei malinnaaffigineqartut pineqaraangata nammineq inissaanik, inissiani inissaannik, najugaqatigiiffimmik assigisaannilluunniit neqeroorfigineqassanersut. Malugeqquneqarpoq immikkut ittunik piumasaqaatitaqarnera immikkoortortaqarfinnut isumannaallisakkanut inissiinissamut. Tassunga atasumik § 36-mut oqaaseqaatit immikkut ittut innersuussutigineqarput.

Meeqqap pisariaqartitai aalajangersimasut aallaavigalugit inissiivissamik communalbestyrelsip aalajangiisarnissaa piumasaqaataavoq. Meeraq assersuutigalugu immikkut ajornartorsiuteqarpat imaluunniit immikkut ittumik tapersorsorneqartariaqarpat, communalbestyrelsip qulakkiigassaraa inissiiffissatut eqqarsaatigineqartumi sulisut naleqquutt meeqqallu pisariaqartitaanik naammassinninnissamut atortorissaarutit pisariaqartinneqartut pigineqarnissaat.

§ 45 malillugu isumaginninnikkut misissuinermut atatillugu paasissutissani pissarsiarineqartuni meeqqap pisariaqartitai takuneqarsinnaassapput aamma iliuusissanik pilersaarummi suliarineqarsimasumi takuneqarsinnaallutik. Inissiiffissatut toqqaanermi anguniarneqartut naammassineqarsinnaassapput aammalu ajornartorsiut iliuusissanut pilersaarummi allattorneqartut naammassineqarsinnaassallutik. Aalajangiinermut atatillugu meeraq aallaavittut suliamut nammineq isummaminik saqqummiinissamut periarfissaqarsimassaq. Isummat taakku inissiiffiup toqqaaneraneranut naleqqiullugu naammattumik pingaartinneqassapput. Kommunalbestyrelsip taamaattumik angajoqqaat meerarlu inissiiffissamik toqqaaniarnermut peqataatinniartariaqarpai, taamatut iliornissaq periarfissaqarpat. Inissiiffimmik toqqaanerup sapingisamik tamanit paasilluarneqarsimanissaq naleqquttutut isigineqarpoq, tamatumami kingorna angajoqqaat inissiiviusullu akornanni suleqatigiinnissaq oqinnerulersissammagu. Inissiiffissap naleqquttuuneranik communalbestyrelsi annertuumik naliliissaq. Tamanna isumaqarpoq inissiiffisap nammineq neqeroorutai kisimik nalilersorneqaannassangillat, kisianni assersuutigalugu meeqqap ilaqtutiminut, ikinngutiminut, sunngiffimmi sammisanut il.il. attaveqarnerata atatiinnarnissa aamma pingaartinneqassalluni, sumiiffimmi nunaqqatigiinni pineqartuni meeqqap pisariaqartitaanik assersuutigalugu paarineqarnissamut, ilinniartitaanermut imaluunniit suliffissatigut neqerooruteqarnersut.

Inissiiffimmik aalajangiinermi aammattaaq isiginiarneqartariaqarpoq inissiinermi ataqtigiissutsip eqqarsaatigineqartariaqarnerata ilanngunnissa. Inissiinermi ataqtigiissusermi siullermik eqqarsaatigineqarpoq meeraq inissiiffiit assigiinngitsut akornanni nikerartinneqassangitsoq, inissiiffiusulli ingerlanera ataqtigiissasoq. Taamaattumik pingarpoq aallaqqaammit meeqqamut naleqquttumik inissiiffimmik toqqaasoqarnissa, taamaalilluni inissiiffiusumik allangortitsinerit tamatigut kingunerisaat kipititsinerit artukkiinerillu sapingisamik annertunerpaamik meeqqamit pinngitsoorneqarlutik. Taamaattumik meeqqap atugai sukumiisumik misissorneqarnissaat pingaarluinnarpoq inissiinermilu anguniakkat iliuusissanik pilersaarummi erseqqissumik allaaserineqarlutik, inissiineq pisussanngorlugu aalajangiisoqarnissa sioqqullugu.

Meeqqap ineriartorneranut inissiinerup ataqtigiinnersa tunngaviusumik pingaruteqartutut isigineqartariaqarpoq. Meeqqap ineriartorneranut inissiinerup ataqtigiinnersa tunngaviusumik pingaruteqartutut isigineqartariaqarpoq. Pissutsit ataveqarnermullu allanngujaatsut meeqqap ineriartorneranut pingartaatus.

Meeraq piffissami angerlartinneqarsimappat, kingusinnerusukkullu inissinneqaqqinnissa pisariaqalerluni, siusinnerusukkut inissinneqarfiata assinganut inissiiffiusumut meeqqap utertinneqarnissaaleqquttuunersoq aamma periarfissaanersoq kommunimit eqqarsaatigineqartariaqarpoq. Soorunami siusinnerusukkut inissiiffiusimasoq naammaginartumik ingerlasimanera tunngavigalugu. Aalajangersimasumik inissiiffiusumik toqqaanermut atatillugu inissiiffiusup taassumarpiaap kipitinneqarneranut siusinnerusukkut misilittagarisimasat kommunimit pingartinneqarpata pissusissamisuussaaq. Isumassuinerimi

avatangiisit toqqisisimasut qanittumik allanguaatsumillu attuumassuteqarnermut pingaaruteqarput, inissiineq ilaqtariinni paarsisartuni imaluunniit paaqqinniffimmi pinersoq apeqquaatinngagu. Inersimasumut allannguatsumik attuumassuteqarneq pilersinneqarsimappat, tamanna ajornanngippat, taamatut attuumassuteqarnerup atatiinnarnera meeqqamut ataqtigiiissuseqartitsilissaq.

Imm. 2-mut

Ulloq-unnuarlu paaqqinniffiit namminersorlutik oqartussat pigisaannut, kommunit, nammineq pigineqartunut aamma immikkut aaqqissuunneqartumik ulloq-unnuarlu najugaqarfinnut agguarneqarput. Ulloq-unnuarlu paaqqinniffiit ataasiakkaat katsorsaariaatsit assigiinngitsut iluanni immikkut sammisaqlersimasinnaapput aamma aalajangersimasunik ukiulinnut immikkut naleqqussarsimasinnaallutik. Meeqqap pisariaqartitai inissiiffiusup piginnaasaanut naapertuunneri kommunalbestyrelsip isumagissuaa. Ulloq-unnuarlu paaqqinniffiup siunnerfigisai aamma immikkoortut piginnaasaqarfii paaqqinniffimmut imaluunniit namminersorlutik oqartussani ulloq-unnuarlu paaqqinniffinnut immikkoortortaqarfimmut saaffiginninnikkut ilisimatitsissutigineqarsinnaapput. Naalakkersuisut kiffartuussivinnut ilisarnaatinik pilersitsinikuupput, tassannga takuneqarsinnaalluni ulloq unnuarlu paaqqinniffiit suut Kalaallit Nunaanni nassaassaanersut, kiisalu ulloq unnuarlu paaqqinniffiit ataasiakkaat sullinniakkanik sorlernik inissiiffiusinnaasut.

Kommunalbestyrelsi taamaalilluni meeqqap pisariaqartitai aallaavigalugit ilaqtariinni paarsisartuni imaluunniit ulloq-unnuarlu paaqqinniffimmiitinneqaruni sorleq pitsaanerpaamik naleqquttuunersoq naliliissaq, aamma meeqqamut pineqartumut ilaqtariit paarsisartut sorliit imaluunniit ulloq-unnuarlu paaqqinniffik sorleq piffissami pineqartumi meeqqamut naleqqunnerpaajunersoq. Naatsorsuutigineqarpoq ilaqtariit paarsisartut isumassuinermut tunngasutigut qanilaarnermik patajaannermillu neqerooruteqarsinnaasut, tassa inersimasut taakkuummata meeqqamik peqateqartussat, sulisut paarlaateraattut pinnatik, ulloq-unnuarlu paaqqinniffimmi taamaattoqartarmat. Erseqqissaatigineqassaarli meeqqat pisariaqartitai tamarmik ilaqtariinni paarsisartuni isumagineqarsinnaanngimmata.

Meeqqat ilaat katsorsarneqarnissamik pisariaqartitsisinnaapput, tamannalu pitsaanerpaamik suliarineqarsinnaavoq ulloq unnuarlu paaqqinniffimmut inissinneqarnikkut imaluunniit ulloq unnuarlu immikkut ittumik najugaqarnikkut. Ulloq unnuarlu immikkut ittumik najugaqarfik assersuutigalugu tassaasinnaavoq illuaraq, hotelimi ineeraq imaluunniit inissiani ini, meeqqap meeqqalluunniit arlallit perorsaasunit nakkutigineqarlutik inissinneqarfigisaat. Taamatut neqerooruteqarnerup atorneqarneranut tunngavilersuut assersuutigalugu tassaasinnaavoq ulloq-unnuarlu paaqqinniffinni nalinginnaasuni meeqqanik allanik meeraq peqateqarsinnaanngitsoq. Meeraq assersuutigalugu avatangiisiminut sakkortuumik piissusilsortarnermigut meeqqanut allanut ulorianartorsiortitsisinnaavoq. Taamatut neqeroorummik pilersitsinissamik toqqaanermut tunngavilersuut alla tassaasinnaavoq piffissami pineqartumi meeqqap pisariaqartitaanik naammassinnissinnaasumik ulloq-unnuarlu paaqqinniffimmi meeqqap inissinneqarnissaa ajornartoq. Ulloq unnuarlu immikkut ittumik

najugaqarfik assersuutigalugu tassaasinnaavoq illuaraq, hotelimi ineeraq imaluunniit inissiani ini, meeqqap meeqqalluunniit arlallit perorsaasunit nakkutigineqarlutik inissinneqarfigisaat. Immikkut ulloq unnuarlu najugaqarfik meeqqamut ataatsimut imaluunniit meeqqanut arlalinnut pilersinnejarsinnaavoq. Immikkut ulloq unnuarlu najugaqarfik utaqqiisaasinjaavoq imaluunniit ataavartuusinnaavoq. Ulloq unnuarlu najugaqarfik aamma qatanngutigiinnik inissiiffittut atorneqarsinnaavoq. Sumiiffimmi meeqqanik inissiisoqartarmat akuersiniarluni suleriaasinut tunngasut assingi neqeroorummi aamma atutissapput.

Aamma meeqqap nammineq ineeraanut, inissiami inimut, ataatsimut najugaqatigiiffimmut, efterskolimut assigisaanulluunniit inissinnissaanut periarfissaqarpoq. Periarfissaq taanna siusinnerusukkut atuussimanngilaq. Meeraq nammineq ajornartorsiuteqanngitsoq angerlarsimaffimmili ajornartorsiuteqartoqartillugu aalajangersakkap atuunnissaa eqqarsaatigineqarpoq, imaluunniit atuussinnaavoq meeraq ilaqtariinni paarsisartuni imaluunniit ulloq unnuarlu paaqqinnifffimmi inissinneqarsimasup, inersimasut ikorfartuinerannik pisariaqartitsiunnaaraangat. Aalajangersagaq meeqqamut tapersersuisuullunilu attaveqartaasussamik pilersitsilluni aningaasaliissuteqarnikkut ataqtigiissitsivigineqarsinnaavoq. Meeraq nammineq ineeraanut, inissiami inimut, ataatsimut najugaqatigiiffimmut, efterskolimut assigisaanulluunniit inissinneqarpat, meeraq ilaqtariinni paarsisartuni imaluunniit ulloq unnuarlu paaqqinnittarfimmi inissinneqarneratuulli nakkutilliisussaatitaanermik kommunalbestyrelsi pisussaaffeqarpoq.

Imm. 3-mut

Aalajangersakkami siunniunneqarpoq meeqqat pingasut inorlugit ukiullit nuutsinneri pinngitsoortinneqassasut. Meeqqat pingasut inorlugit ukiullit immikkut inersimasumut ataatsimut marlunnnulluunniit atassuteqarnissamik pisariaqartitsisarput taamatullu inersimasumik atassuteqarnerup kipitinneqarnera meeqqap tarnikkut ineriertorneranut annertuumik kingunerlutsitsisinhaalluni. Taamaattumik taamatut ukiulinni meeqqanut inissiiffissaq taamaaginnartussaq kommunimit aallaqqaammulli toqqarneqassaaq. Meeqqanut mikisunut ilaqtariinnut paarsisartunut assersuutigalugu inissinneqartunut, communalbestyrelsip nalilersortariaqarpaa ilaqtariit paarsisartut suliassaq artussannginneraat, kingusinnerusukkullu iperaajumalissannginnersut. Ilaqutariit paarsisartut meeqqamut misigissuseqalersinnaassapput, naak meeraq ilaqtariinni paarsinartuniiginnarnissaa kommunimit neriorsuutigineqarsinnaanngitsoq.

Tamatumannga immikkorluinnaq pissutissaqaraangat meeqqap nuunneqarnissaa pillugu aalajangersakkap iluatsitsinngitsumik inissiinerup allangortinnejarsinnaanera qulakkeerpaa. Immikkorluinnaq ittunik pissuteqarneq tassaasinnaavoq tassanngaannartumik piaartumik inissiisoqarsimatillugu utaqqiisaagallartumik ilaqtariittut paarsisartunut inissiigallarneq. Taamatut pisoqartillugu meeraq sapinngisamik sivikitsumik utaqqiisaasumik ilaqtariinni paarsisuniittariaqarpoq kommunilu sukkanerpaamik inissiiffissamik ataavartumik nassaarniassalluni.

Pisoq tassaasinnaavoq ilaqtariit paarsisut meeqqamik paarsinerup ingerlatinnaarnissaa kissaatigiunnaarpassuk. Meeqqap pingasunik ukioqalernissaata tungaanut ilaqtariit paarsisartuni tigummineqarnissaanut kommunalbestyrelsi pinngitsaaliisinnaanngilaq, tamannami aamma meeqqamut tulluassanngilaq. Inissiinissaq sioqqullugu ilaqtariinnik paarsisussanik communalbestyrelsi sukumiisumik misissuisimagaluarpas taamatut qularnanngitsumik inisisimasoqassanngikkaluarpoq aamma ilaqtariinnik paasissutissanik siunersiuinikkullu tapersersuisimalluni.

Pisup aappaa tassaasinnaavoq meeraq inunngornermi kingorna meeraaqqanut børnehjemmemut inissinneqarnera ilaqtariinnik paarsisartunik naleqquttunik nassaarnissap tungaanut. Pingaarpooq pisariaqanngitsumik sivisunerusumik meeqqat meeraaqqanut børnehjemmemiitninginnissaa, tassa meeraq meeraaqqanut børnehjemmemiiginnaruni atassuteqarnermigut paatsiveerussinnaammatt, tassani sulisut ingerlaavartumik paarlagaattarmata.

Pisut pingajuat tassaasinnaavoq inissiiffiup naammaginannginnera, taamaattumillu meeqqap inissinneqarfianitiinneraniit nuunnera meeqqamik ajoqsiinnginnerussalluni. Qanoq ilinerani taamaattoqassanersoq pisunik allattuisoqarsinnaanngilaq. Tassani meeqqamut suna pitsaanerpaanersoq communalbestyrelsip nammineq nalilerlugulu missiliortariaqarpaa.

Meeraq pingasut inorlugin ukiulik qatannguteqarsimaguni, katsorsartinnissamillu pisariaqartitsinngippata, tamanna sapinngisamik isiginiarneqassaqa qatanngutigiit ataatsimoortillugit inissiivimmum atatsimut inissinneqarsinnaanissaat.

Imm. 4-imut aamma 5-mut

Aalajangersakkat aqqutigalugit Naalakkersuisut inissiinissavimmut tunngatillugu maleruagassiornissaminnut inissiinermullu atatillugu neqerooruteqarnissaminnut imaluunniit inissiinermut atatillugu inerteqquteqarnissaminnut periarfissinneqarput.

§ 30

Imm. 1-imut

Aalajangersakkami aalajangersaavagineqarpoq communalbestyrelsip malitassatut pingarnertut Kalaallit Nunaata avataanut inissiinermik atuisannginnissaa.

Imm. 2-mut

Imm. 1-imi malittarisassamik pingarnermik avaqqussisinnaanermut aalajangersagaq periarfissiivoq, taamaalilluni Kalaallit Nunaata avataanut qaqtiguinnaq inissiisoqarsinnaanngorpoq, piumasaqaatit pingasut uku malillugit:

- 1) meeqqap pisariaqartitai Kalaallit Nunaanni naammassineqarsinnaannginneri,
- 2) Kalaallit Nunaanni naleqquttumik inissiiffissaqannginnera, aamma
- 3) Kalaallit Nunaata avataanut inissiinissamik Naalakkersuisut akuersinerat.

Taamaattumik Kalaallit Nunaata avataanut inissiisoqarnissaanik communalbestyrelsi aalajangiippat, tak. imm. 2, tamanna ataasiaannarluni aammalu malittarisassamik pingarnermik, tassalu meeqlaq inissiineq aallaavittut pingarnertut Kalaallit Nunaanni pisassasoq, Kalaallit Nunaata avataaniunngitsoq, saneqqussisoqarneratut isigineqassaaq. Aalajangiineq atorsinnaanngilaq piumasaqaatit pingasut taakku naammassineqaqqaarsimatinngag, aalajangersagarlu taamaattumik oqaasertaligaavoq ersarilluinnartumik, Kalaallit Nunaanni periarfissat tamarmik misilinneqarsimassasut, Kalaallit Nunaata avataanut inissiinissamik eqqarsartoqalinnginnerani. Meeqqap pisariaqartitaanik nalilersuinermut ilaatigut ilaatinneqassapput meeqqap imminut navianartorsiortissinnaanera, allanik navianartorsiortitsisinnaanera, qimaaratarsinnaanera il. il. pillugit politiit nalilersuinerat. Kommunalbestyrelsimi suliap ingerlaneranik paasinninnermut pingartoq tassaavoq, aalajangersakkami akuersisoqarnissaanik piumasaqaammik aalajangersaasoqarnera aalajangersakkap atuunnissaanut piumasaqaatitut paasineqartussaq, tassalu aalajangiinerup atorsinnaasutut isigineqalinnginnerani kommunalbestyrelsimi illu naammassineqannginnerani, Kalaallit Nunaata avataanut inissiinerit tamarmik Naalakersuisunit akuerineqarsimanissaat. Kalaallit Nunaata avataani inissiinissaq pillugu aalajangiinerup kingorna Kalaallit Nunaata avataani inissiinissap Naalakersuisunit allakkatigut akuerineqarnissaa kommunalbestyrelsimit taamaattumik pissarsiarineqassaaq, taannalu pigilertinnagu inissiineq communalbestyrelsimit suliarineqartussaanani. Inissiineq Naalakersuisunit akuerineqanngippat, itigartitsineq pillugu allakkatigut kommunalbestyrelsi tunngavilersukkamik soorunami tigusaqassaaq.

Aalajangersakkalli aporfissaqartingilaa meeraq angerlarsimaffiup avataanut inissinneqarsimasoq Inatsisartut inatsisaat una aallaavigalugu Kalaallit Nunaata avataanut efterskoleriarsinnaaneranut pisinnaatitaaffik atussallugu. Meeraq katsorsartinnissamik allatulluunniit perorsaanikkut immikkut pisariaqartitsimappat kommunlbesturelsip qulakkiissavaa, efterskoli pisortanit akuerisaasumik meeqlaqut immikkut pisariaqartitsisunut tulluarsagaasimanissa, kiisalu iliuusissamik pilersaarummik suliaqassalluni.

Imm. 3-mut

Aalajangersakkap Kalaallit Nunaata avataanut inissiinerit pillugit malittarisassanik ersarinnerusunik Naalakersuisut aalajangersaasinnaanerannik piginnaatippai.

§ 31

Imm. 1-imut

Oqaaseq "angerlarsimaffik" sumiiffimmut angajoqqaatut oqartussaassuseqartup najugaqarfisaaanut aallaaviuvoq. Aalajangersakkami "najugaqarfisap avataanut" ilanngunneqarsimavoq, taamatullu allassimasoqarpoq nalunaarniarlugu, inissiineq soorunami nunaqarfiup il-loqarfiulluunniit, angerlarsimaffiup inissimaffigisaata, soorunami avataaniittussaanera ersarissarnilugu. Meeqqamut angajoqqaatut oqartussaassusillit marluuppata, meeqqap angajoqqaami arlaat kingullermik najugaqarfisaa taannaassaaq angerlarsimaffiusoq. Meeraq angajoqqaatut oqartussaassuseqartuni marlunni najugaqarsimappat, kingusinnerusukkullu taaku qimassimappata, angerlarsimaffik tassaassaaq meeqqamut angajoqqaq ungaginerusaa.

Meeqqap angajoqqaani tamaasa assigiimmik ungagippagit, tikeraarluni angalanerit angajoq-qaat nikittaallugit pisariaqarput.

”Ukiumut” oqarnermi eqqarsaatigineqarpoq januaarip aallaqqaataaniit decembarip naaneranuit.

Imm. 2-mut

Aalajangersakkami aalajangersarneqarpoq tikeraarluni angalaneq angajoqqaattut oqartussaas-suseqartumut tunniunneqarsinnaasoq. Atornerluineq persuttaasarnermillu pissuseqarneq pis-sutigalugit angerlarsimaffimmi pissutsit meeqqamut toqqisisimanngippata tulluassaaq tike-raarluni angalanissaq angajoqqaanut tunniuneqarpat. Angajoqqaat inissiiffiusumut tikeraare-ersimanngippata inissiiffiusumut tikeraarnermikkut meeqqap ulluinnaanik paasisimasaqaler-nissaannut taamaalilluni una periarfissatsialaavoq. Aalajangersakkamili angajoqqaat arlaata ataatsip angalanerata akilerneqarnissaanut taamaallaat periarfissiisoqarpoq. Aalajangersagaq malillugu tassannga matussuserneqarsinnaasut aningaasartuutit tassaapput meeqqap inissi-neqarfianut angalanermi aningaasartuutit kiisalu unnuinermut aningaasartuutit, nammineq il-lusimanissamut periarfissaqarsimanngippat. Pisut ilaanni ulloq unnuarlu paaqqinniffiit unnuif-fissamik periarfissiinissamut periarfissaqarsinnaapput.

Tikeraarluni angalaneq aamma ilaqtariit iluanni arlaannut imaluunniit meeqqap immikkut atassuteqarfigisaanut inummut allamut tunniunneqarsinnaavoq. Angajoqqaatut oqartussaas-suseqartumut atassuteqarnissaq meeqqap soqutigisaanut akerliusqoq inissiiffiusoq naliliippat aalajangersagaq taanna atorneqarsinnaavoq.

Siusinnerusukkut tikeraarnermut atatillugu nuanninngitsumik misigisaqarsimancerit pissuti-galugit meeraq angajoqqaanik atassuteqarusunngippat aalajangersagaq atorneqassaaq. Takor-luusoqarsinnaavorli angajoqqaat aamma meeqqap kissaatigigaa angajoqqaat tikeraassasut, si-usinnerusukkulli angajoqqaat tikeraarnerinut atatillugu annertuumik akerleriittoqarnera inis-siiffiusumik takuneqarsimalluni.

Taamatut pisoqartillugu tikeraarluni angalanissap angajoqqaajunngitsunut allamulli tunniun-neqarnissaanut pissutissaqarluarsinnaavoq. Tassunga ilanngullugu takorloorneqarsinnaavoq angajoqqaanik atassuteqarnermi siusinnerusukkut akerleriissimancerit meeqqamit suliani-neqartut, suliarinninnerlu taanna ingerlariaqqinnissamut tunngaviulluni. Angajoqqaat inissiif-fiusumut tikeraarnerisigut meeraq toqqisisimanartunik avatangiiseqassaaq, sulisullu akerleri-issinnaanerit taakku passussinnaassallugit.

Imm. 3-mut

Inuuusuttut suliniuteqareernermeri malinnaaffigineqartut, angerlarsimaffiup avataanut inissi-neqarsimancerannik ingerlaannartitsiffiusut, taamaallaat ukiumut ataasiarlutik tikeraarsinnaati-taapput. Aalajangersakkami ersarissarneqarpoq ”najugaqarfigisap avataanut, taamatullu allas-simasoqarpoq nalunaarniarlugu, inissiineq soorunami nunaqarfiup illoqarfiulluunniit, anger-

larsimaffiup inisisimaffigisaata, soorunami avataaniittussaanera. Pingaarpooq inuuusuttut angajoqqaaminnik suli atassuteqarnissamut periarfissaqarnissaat, peqatigisaanillu naatsorsuutigineqartariaqarluni inuuusuttut 18-it sinnerlugit ukioqartut nammineernerulersinnaalersimassasut.

”Ukiumut” oqarnermi eqqarsaatigineqarpoq januaarip aallaqqaataaniit decembarip naaneranuit.

Imm. 4-mut

Tikeraarluni angalanerit pillugit Naalakkersuisut erseqqinnerusunik maleruagassanik aalajangersaasinnaanerannut aalajangersagaq periarfissiivoq, tassunga ilangullugu ingiaqatigisanut aningaasartuutit, najugaqarnermi aningaasartuutit aamma aningaasartuutit allat tikeraarluni angalanermut atassuteqarsinnaasut.

Ulloq unnuarlu paaqqinnittarfiiit

§ 32

Imm. 1-imut

Aalajangersakkami aalajangersarneqarpoq Naalakkersuisut pingaarnertut akisussaaffeqartut ulloq unnuarlu paaqqinnittarfinni inissanik pisariaqartinneqartunik isumaginninnissaq. Oqaaseq ”isumagissavaat” imatut paasineqassaaq, tassa inuiaqatigiinni ulloq unnuarlu paaqqinnittarfinnik pisariaqartitsinermi inissanik naammattunik ulloq unnuarlu paaqqinnittarfinnik pilersitsisoqarnissaanut qulakkeerinninnissaq Naalakkersuisuit pingaarnertut pisussaaffigigaat, ulloq unnuarlu paaqqinnittarfinni inissat pisariaqartinneqartuartussat naammassisinnaajumallugit.

Naalakkersuisut kommunalbestyrelsi siunnersorlugulu ilitsersuutissavaa kiisalu Namminersorlutik Oqartussat ulloq unnuarlu paaqqinniffiinut qitiusumik utaqqisut allattorsimaffiannut meeqqap allatsinnissaanut neqerooruteqarsinnaallutik.

Imm. 2-mut

Aalajangersakkami aalajangersarneqarput kikkut meeqlanut ulloq unnuarlu paaqqinnittarfimmik pilersitsillutilu ingerlatsisinnaanerat.

Naalakkersuisut ulloq unnuarlu paaqqinnittarfinnik pilersitsillutilu ingerlatsissapput taakkulu nuna tamakkerlugu atuutsinneqartussaallutik. Tassa imaappoq meeqlat kommuninit tamaneersut inissinneqarsinnaallutik. Inissanik pisariaqartitsinerit aallaavigalugit pilersitsinissartik ingerlatsinissartillu imaluunniit Naalakkersuisut ulloq unnuarlu paaqqinnittarfiutigisaasa pioreersut allanngortinnissaat Naalakkersuisut namminneerlutik toqqarsinnaavaat.

Kommunalbestyrelsi nammineerluni kommunalbestyrelsinnilluunniit allanik suleqateqarluni ulloq unnuarlu paaqqinnittarfimmik pilersitsillutillu ingerlatsisinnaapput. Meeqqap najugaani ulloq unnuarlu paaqqinnittarfinni inissanik pisariaqartitsinerit taamaasiornikkut naammassineqarsinnaapput. Naalakkersuisut nuna tamakkerlugu ulloq unnuarlu paaqqinniffiini meeqqap inissinneqarfigisimasaanit, meeqqap ilaqtutanik ikinngutinillu atassuteqarfigisaanik ungassisummiittuniit kommunip ulloq unnuarlu paaqqinniffia amerlanertigut meeqqap attuumassuteqarfigisaanut ilaqtutanut ikinngutinullu qaninnerusumik inissisimasarloq.

Kiisalu ulloq unnuarlu paaqqinniffiit suliffeqarfimmit imminut pigisumit pilersinneqarsinnaapput ingerlanneqarlutillu. Tassunga oqaatigineqassaaq paaqqinniffik imminut pigisoq nalinginnaasumik siullermik nammineq malittarisassamini aalajangersakkanit malittarisassaqarmat, kisiannili paaqqinniffik imminut pigisoq meeqqanut ulloq unnuarlu paaqqinniffimmik pilersitsippat ingerlatsillunilu – imaluunniit ingerlatsererpat – taava Inatsisartut inatsisaanni matumani tunngavilimmik Naalakkersuisunit piareersarneqarsimasunik kalaallit nunaanni inissisimasumut ulloq unnuarlu paaqqinniffimmut maleruagassat qaqugukkulluunniit atuuttut aamma eqqortittussaavai.

Imm. 3-mut

Aalajangersakkami illuatigut paaqqinniffiit imminut pigisut ulloq unnuarlu paaqqinniffinni immikkoortortanik nakkutigineqartunik pilersitseqqusaaanginnerat ingerlatseqqusaaanginnerallu aalajangersarneqarpoq. Pisortani ingerlatsinermi oqartussat, Naalakkersuisut aamma kommunalbestyrelsit kisimik ulloq unnuarlu paaqqinniffinni immikkoortortanik nakkutigineqartunik pilersitsisinnaallutillu ingerlatsisinnaapput. Nakkutigineqartumi inissinneqarnerup meeqqamut sakkortuumik akuliunnerusup ingerlatsinermi inatsisitigut maleruagassat malillugit pisortani oqartussanit taamaallaat ingerlatsisoqarnissaa qulakteerniarlugu aalajangersagaq ikkunneqarpoq.

Imm. 4-mut

Aalajangersagakkut ukiumoortumik nalunaarusiat Naalakkersuisunut tunniunneqartarnissaanik periusigineqartoq nagineqarpoq, Naalakkersuisullu pineqartut pillugit Inatsisartunut agguanneqartussamik ukiumoortumik nalunaarusiortartussaanerat. Siunertarineqartoq tassaavoq ulloq unnuarlu paaqqinnittarfinnut tunngatillugu nuna tamakkerlugu pissutsit ilisimasaqarfigilernissaat, aammalu ulloq unnuarlu paaqqinnittarfinnut tunngatillugu allilerinissanut pitsangorsaanissalluunniit naalakkersuinikkut allaffissornikkulluunniit iliuuseqartoqartarnissaa.

Imm. 5-imut

Aalajangersakkut Naalakkersuisut piginnaatinneqarput ulloq unnuarlu paaqqinnittarfiiit kommunalbestyrelsillu suleqatigiillutik isumaginninnermi sullissinikkut suliassanik allanik suliaqarnissanut malittarisassanik ersarinnerusunik aalajangersaanissaannut.

§ 33

Aalajangersakkami naqissuserneqarpoq ulloq unnuarlu paaqqinniffiit tamarmik, Naalakkersuisunit, kommunalbestyrelsinit ataatsimit amerlanernilluunniit, imaluunniit paaqqinniffimmit imminut pigisumit pilersinneqarsimaneri ingerlanneqarnerilu apeqquaatinagu, Naalakkersuisunit akuerisaasimassasut. Aammataaq ulloq unnuarlu paaqqinniffik pillugu ingerlatsinissamut isumaqatigiissut Naalakkersuisunit isumaqatigiissutigineqarsimassalluni.

Ulloq unnuarlu paaqqinniffiup akuerineqarnissaanut, aamma ulloq unnuarlu paaqqinniffik pillugu ingerlatsinissamut isumaqatigiissummik isumaqatigiissuteqarnissamut Naalakkersuisut pisinnaatitaaffeqarput. Tamatuma malitsigisaanik inuaqatigiinni pisariaqartinneqartunik ulloq unnuarlu paaqqinniffinni inissat pisariaqartinneqartumik amerlassuseqartut, aamma ulloq unnuarlu paaqqinniffiit meeqqanut ulloq unnuarlu paaqqinniffimmik ingerlatsinissamut aqtsinissamullu nuna tamakkerlugu pitsassutsikkut piumasaqaatinik eqqortitsinissaata qulakkeerneqarnissaanut pingaarnertigut inatsisitigut aalajangerneqartumik Naalakkersuisut akisussaapput. Kommunalbestyrelsi imaluunniit paaqqinniffik imminut pigisoq taamaattumik ulloq unnuarlu paaqqinniffiup Naalakkersuisunit akueritinnissaanut imaluunniit ingerlatsinissamut isumaqatigiissummik Naalakkersuisunik isumaqatigiissuteqarnissamut pisinnaatitaaffeqanngillat. Aatsaalliuna piumasaqaatit taakku marluk naammassineqarsimatillugit, tassa ulloq unnuarlu paaqqinniffik Naalakkersuisunit akuerineqarsimappat aamma ulloq unnuarlu paaqqinniffik pillugu ingerlatsinissamut isumaqatigiissummik Naalakkersuisut isumaqatigiissuteqarfingineqarsimappata Inatsisartut inatsisaat una naapertorlugu paaqqinniffiup ulloq unnuarlu paaqqinniffittut isigineqarsinnaavoq taamaattumillu meeqqat paaqqinniffimmut inissinneqarsinnaallutik.

Imm. 2-imut

Aalajangersakkat ulloq unnuarlu paaqqinnittarfinnut malittarisassanik ersarinnerusunik aalajangersaanissaannut Naalakkersuisunut piginnaatitsipput, tassani aamma pineqarlutik ulloq unnuarlu paaqqinnittarfinni immikkoortortaqarfiiit isumannaallisakkat. Ilutigalugu Naalakkersuisut ulloq unnuarlu inissiinissamut innersuussisarnernut piginnaatitaaffeqarput maleduagassanik ersarinnerusunik pilersitsissallutik, taamatuttaaq naammagittaalliorzinnaanermut periarfissamik.

Imm. 3-mut

Aalajangersakkap Naalakkersuisut pisinnaatippai ersarinnerusnik maleduagassiorsinnaanerannik, ulloq unnuarlu paaqqinniffiit atuutilernissaannut akuersissuteqarnissannut, immikkoortortaqarfiiit isumannaallisakkat ilanngullugit. Tamatumani ilaavoq meeqqanut atornerluisimannginnermut pinerlussimannginnermullu upernarsaatnik piniartoqarnissaanut, ulloq unnuarlu paaqqinnittarfiit sulisiinut aqtsisuinullu.

§ 34

Imm. 1-imut

Aalajangersakkami aalajangersarneqarpoq ulloq unnuarlu paaqqinnittarfimmi kommunalbestyrelsip inissikkusutaanik, inissaqarpat, aamma inissiineq paaqqinnittarfiup siunertaanut naapertuuppat, meeqqanik tigusinissamut ulloq unnuarlu paaqqinnittarfiit pisussaaffeqartut.

Meeqqap ulloq unnuarlu paaqqinniffinni pitsaanerpaamik naleqquatum iinssinneqarnissaa kommunalbestyrelsip soorunami ulloq unnuarlu paaqqinniffik suleqatigalugu qulakkiissagaa naatsorsuutigineqarpoq. Perorsaanikkut tapersorsorneqarnissamik isumassorneqarnissamik il.il. meeqqat ataasiakkaat pisariaqartitaannut tulluartumik naapertuuttumi meeraq taamaattumik ulloq unnuarlu paaqqinnittarfimmi taamaallaat iinssinneqassaaq.

Aalajangersagaq taamatuttaaq immikkoortortaqarfinnut isumannaallisakkanut inissiinernut il.il. atuuppoq, apeqquaatinagu inissiineq aalajangersakkat §§-ini 27 imaluunniit 28-mi pisimagaluarpat, imaluunniit Kalaallit Nunaanni eqqartuussisarnermut inatsimmi imaluunniit Kalaallit Nunaanni pinerluttulerinermut inatsimmi aalajangersakkat malillugit aalajangiisoqaraluarpalluunniit.

Imm. 2-mut aamma 3-mut

Imm. 1-imi piumasaqaatit naammassineqarsimanersut pillugit isumaqatigiinnginnej Naalakkersuisunut saqqummiunneqassaaq, taakkulu tamatuma kingorna inissiineq ulloq unnuarlu paaqqinnittarfimmi naammassineqassanersoq imaluunniit naammassineqassannginnersoq pillugu inaarutaasumik aalajangiissapput. Aalajangiineq inaarutaasuusoq aamma naammagittaalliuutigineqarsinnaanngitsoq aalajangersakkami aalajangersarneqarpoq, tassa meeqqap kinguneqarluartumik piffissarlu eqqorlugu inissinneqarnissaata pisariaqartitsinera pingaarnerusutut nalilerneqarmat, ulloq unnuarlu paaqqinniffiup kommunalbestyrelsillu allaffissornikkut pisariaqartitaanit arlariinnillu ikioriiniarnernut misiliiniarnissaannut naleqqiullugu.

§ 35

Aalajangersakkami aalajangersarneqarpoq pisuni qanoq ittuni meeqqap immikkoortortaqarfimmi isumannaallisakkami najugaqarsinnaanera.

Imm. 1-imut

Kommunalbestyrelsip aalajangersagaq malillugu aalajangersinnaavaa meeraq §§-t 27 imaluunniit 28 malillugit angerlarsimaffiup avataanut inissinneqarsimasoq, ulloq unnuarlu paaqqinnittarfiup immikkoortortaanut isumannaallisakkamut inissinneqassanersoq. Inissinneqarfik isumannaallisagaasoq tassaasimasinnaavoq meeqqap inissinneqarfia siulleq, tamatumunnga pissutaasimasinnaalluni meeqqap allanut sernissortariaqarnera imaluunniit allat meeqqamut sernissortariaqarneri, kiisalu meeqqap perorsarneqarnissaanut pisariaqartitsineq tunngaviusinnaalluni. Isumannaallisakkamut inissiineq inissinneqareersimanerup ingerlaqqif-

fiatut pisinnaavoq, soorlu meeqqap ulloq unnuarlu angerlarsimaffimmut naleqquffigisaanut inissiisimagaluarneq naammaginartumik sunniuteqarsimannngippat.

Sakkortuumik pinerluuteqarsimanermik tunngaveqarnerup assigaa, Kalaallit Nunaanni eqqartuussiveqarnermi inatsit § 359 malillugu tigummigallarneqarsinnaanermik pineqaatis-sinnejarneq. Taamaasilluni pinerluutigineqarsimasoq sakkortussuseqarsimassaaq, ukiukitsunik isumannaallisakkanut inissiissutigineqartartut assigisaattut. Isumannaallisakkamut inissiineq meeqqap pisinnaatitaaffiinut sakkortuumik akulerunneruvoq, taamaattumillu aatsaat atorneqarsinnaalluni, meeqqamut allanullu isumannaallisaanissaq pisariaqarluinnarsimagaangat. Ikorsiiniarluni iliuutsit oqinnerusut allat soorlu ulloq unnuarlu paaqqinnittarfimmiitsisinerit misilinneqareersimassapput, imaluunniit takuneq ajornarunnaarsimassaaq, ikorsiiniarne-rit oqinnerusut meeqqap nammineq allallu isumannaallisaavagineqarnissaat pissutigalugu al-lamik periarfissaarussimasoq. Tamatumunnga pissutaasoq tassaasinnaavoq, meeqqap kamarujussuartartuunera eqqarsartaatsimigulluunniit ajoqutilittut pissusilertarnera, imaluunniit meeqqap imminut pinerliiviginartarnera pinngitsoortinniarlugu isumaginninnermi nukersorfiginninnissamik Inatsisartut Inatsisaat atorneqartariaqalersimappat.

Imm. 2-mut

Aalajangersagaq malillugu aammattaaq isumannaallisakkamut inissiisinnaaneq pisuni immik-kut pisinnaavoq eqqartuussiveqarneq aqqutigalugu. Tassani inissinneqarsinnaasutut pineqar-put meeqqat pinerluuteqarsimasutut eqqartuunneqarsinnaasutut ukioqalereersimasut.

Nr. 1 najoqqutaralugu isumannaallisakkanut isumannaallisakkamut inissiisoqarsinnaavoq, eqqartuussivik eqqartuussiveqarnermi inatsit § 358 malillugu tigummineqarallartussanngortil-lugu aalajangiiviginikkangat. Erseqqissaatigineqassaaq, meeraq tigummineqarallartus-sanngortitaasoq suli unnerluutigineqarsimassanngimmat.

Nr. 2 najoqqutaralugu, meeqqamik isumannaallisakkamut inissiisoqarsinnaavoq, unner-luutiginninnerup kingornagut eqqartuussiveqarnermi inatsit § 359 malillugu, taama isertitsi-vimmittussanngortitaaneq pisinnaavoq unnerluutigineqartup angerlarsimaffimi naleqqutumi imaluunniit paaqqinnittarfimmi tigummisaaneq eqqartuussivimmit aaliangerneqarsimap-pat.

Kiisalu isumannaallisakkamut inissiinissaq nr. 3 malillugu pisinnaavoq, eqqartuussivik im-mikkut isumaginnikkut suliniuteqarneq pillugu, pinerluuteqarsimasunut inatsimmi kapitali 32 tunngavigalugu meeqqamik pineqaatissimappat.

Imm. 3-mut

Politiit meeqqamik 15-it sinnerlugit ukiulimmik tigusarinnikaangata, aalajangersakkap aala-jangersarpaa, kommune pilertornerpaamik, kingusinnerpaamillu 72 tiimit qaangiutsinnagit, meeraq tigummineqarallarfigisinjaasaanik pissarsissunneqarsimassasoq, meeqqamut naleqqutinngitsumi isertitsivimmi assigisaaniluunniit meeraq tigummineqarallartinneqanngin-

niassammat. Tassa kommunip suliassaraa upalungaarsimanissaq eqqarsaatigalugu, pisunik meeqqap ulloq unnuarlu paaqqinnittarfimmi immikkoortortamut isumannaallisakkamut nuun-neqarfigisinnaanngisaani iliuseqassalluni.

Pingaartuuvoq tigummineqarallartitsivissatut innersuussutigineqartup isumannaallisaanikkut isumannaatsuussusiata politiinit naliliiffigeqqaerneqarnissaa, uanimi pineqarmat meeraq tigummineqarallartussatut politiinit tigusarineqarsimasoq.

Imm. 4-mut

Aalajangersakkap pinerluttulerinermi inatsit § 153 malillugu atuuttussaatippaa, communalbestyrelsi taannaasoq isumannaallisakkamut inissiinissamut aalajangiisussaq, inissiinerup si-visussusissaanut, inissiivimmiihermi atugassarititaasunut, eqqartuussiviup immikkut isumaginninnikkut pinerluttulerinermi inatsisini § 32 malillugu meeraq pineqatissereeraangagu. Tamatumunnga pissutaavoq, isumannaallisakkanut inissiineq isigineqartarmat isumaginninnikkut sulissutiginninnerup ataaniittutut, pillaanermut ilaanani. Taamaattumik meeraq isumannaallisakkami inissinneqarsimanermi kingornagut, isumaginninnikkut inatsisit toqqam-mavigalugit nakkutigineqalersarpoq. Kommunalbestyrelsi meeqqap tigusaanermini anger-larsimaffigisa, pisussaaffilerneqartarpoq meeqqamik nakkutiginninnissamut. Pissusissamisu-ssaaq, politiit Pinerlussimasunik Isumaginnittoqarfilluunniit piaarluiinnartumik communalbestyrelsimit saaffiginnippata, communalbestyrelsi nalilersuisinnaaniassammat meeqqap isumannaallisakkamiitsinneqarnissaa naleqquttuunersoq, meeraq eqqartuunneqarpat, eqqartuus-siviullu immikkut isumaginninnikkut sulissunneqartariaqartutut naliliiffigaangagu. Taamaa-silluni communalbestyrelsi periarfissaqassaaq, eqqartuussivimmi pineqatissiinerup malitsi-gisaanik isumannaallisakkami najugaqartitsinissap aalajangiiffiginissaanut.

Angajoqqaarsiat

§ 36

Imm. 1-imut

Aalajangersakkat atuuttussaatippaat, meeqqat §§ 27 imal. 28 malillugu inissinneqarsimasut, kommunip aalajangiiffigisaanik angajoqqaarsianut inissinneqarsinnaasut. Kommunip inissiiffigisai tassaasinnaapput inuussutissarsiutigalugu angajoqqaarsiaasartut imaluunniit nalinginnaasumik angajoqqaarsiat.

Angajoqqaarsiat tassaagajuttarput, angajoqqaarsiat nalinginnaalluinnartut isumaginninnikkut perorsaanikkullu ilinniarsimasut ilinniarsimasuunngitsullu, meeqqat isumagineqarnissamik toqqisisimaffissamillu pisariaqartitaannik inissaqartitsisinnaasut. Ilaqutariit paarsisartut taamaalillutik tassaapput meeqqanut inuusuttunullu tapersersortitut annertoqqusiiisut, meeqqap inuusuttulluunniit ilaqutariit angerlarsimaffianni najugaqarfigalugillu inuuneranni akuuffigisaat.

Suliaqartarnerit takutippaat, ilaqutariit paarsisartut inissiisoqarnissaa eqqarsaatigalugu aaqqissuussinermi aallaaviatigut tassaasut atorneqarnerpaasartut. Ilaqutariit paarsisartut

aamma inuuusuttunut suliniuteqareernermi malinnaaviginninnermik pisariaqartitsisunut atorneqarsinnaapput, tak. § 42.

Meeqqat pisinnaatitaaffii pillugit Naalagaaffiit Peqatigiit isumaqatigiissutaat artikel 20 naapertorlugu, meeqqamik angerlarsimaffiup avataanut inissiinermi meeqqap alliartornera, inuaassusaanut tunngasut, upperisaa, piorsarsimassusaa qanolu oqaaseqartuunera eqqarsaatigineqartussaapput. Meeqqat inuuusuttullu ilaqtariinni paarsisartuni inissisimaneranni isumaqatigiissutini piumasaqataasut taamaattumik annertuumik naammassineqarsinnaapput. Taamaattorli meeraq ilaqtariit nalinginnaasut taperseruinissamik neqeroorutigisinnaasaannit annertunerusumik, katsorsarneqarnissamik pisariaqartitsisuussanngilaq.

Paarsinissamik aaqqissuussinermi taamatut ittumi pineqarput ilaqtariinni nalinginnaasuni ilaqtariinniluunniit aningaasarsiutigalugu paarsisartuni inissiinerit communalbestyrelsip peqataaffigisai. Tassani pineqarput angajoqqaatut oqartussaassusillip akuersineratigut inissiinerit aamma angerlarsimaffiup avataanut pinngitsaaliisummik inissiinerit.

Ilaqtariinnik paarsisartunik toqqaaniarnermi misissorneqartariaqarpoq meeraq ilaquaqarnersoq imaluunniit qanittumik attaveqarfeqarnersoq inissinneqarfigisinnaasaanik. Tamanna ilaqtariinnut qaniganut inissiinertut taaneqarsinnaavoq. Attaveqaatini ilaqtariit paarsisartut tassaapput meeqqap attaveqaataani qanigisaaniluunniit ilaqtariit, meeqqamut ilaqtariittut paarsisartusinnaasut, inuuniarnikkut ajornartorsiutit pissutigalugit angajoqqaatut oqartussaassuseqartut meeqqamik paarsisinnaanngikkaangata. Inissiinissamik aaqqissuussisoqalinnginnerani meeqqap tamatumunnga kissaateqarnera aamma eqqarsaatigineqartariaqarpoq. Aalajangersakkami qulakkeerneqassaaq meeqqap ilaqtariinnut atassuteqarnera, aamma meeraq ilaqtariinnut ilisarisimasaanut toqqisisimaffigisaanullu angerlarsimaffiup avataanut inissinneqaruni, immaqa tamanna ilaqtariinnut attuumassuteqanngitsunut paarsisartunut inissinneqarnermiit meeqqamut sakkortuutut misigneqannginnerunissa.

Ilaqtariit paarsisartut nalinginnaasut qulaani allaaserineqartutut tassaapput ilaqtariit nalinginnaasut meeqqanik paarsaqarsinnaasut ilaqtariinnullu ilanngutsitsisinnaallutillu ulluinnarni inuunerminnut akuliutsitsisinnaasut. Ilaqtariit paarsisartut kommunimit aaqqissuunneqartut meeqqanik tapersersorneqarnissamik, isumassorneqarnissamik aammalu piffissami killilimmi meeqqalluunniit inersimasunngornissaata tungaanut ulluinnarni aaqqissuussamik inuuneqarnissamik pisariaqartitsisunik tigummiaqarsinnaapput. Meeqqat ilaqtariinnut paarsisartunut nalinginnaasunut inissinneqartut katsorsarneqarnissamik pisariaqartitsisuuneq ajorput.

Meeqqat immikkut ittunik pisariaqartitsisut ilaqtariinni paarsisartuni nalinginnaasuni tamatigut nukissaqarfingineqarneq ajorput. Kommunit arlallit ilaqtariit akissarsiutigalugu paarsisartut atortarpaat, taakku meeqqanik immikkut ittumik tapersersorneqarnissamik

isumassorneqarnissamillu pisariaqartitsisunik piginnaaneqarfinginnittarmata suliassamillu ilisimannittarmata. Naatsorsuutigisariaqarpoq meeqqat immikkut ittumik katsorsartariallit aammali ineriartornissamut periarfissallit taakkunerusarnerat ilaqtariinni akissarsiutigalugu paarsisartuni inissinneqarnermikkut iluaquserneqartartut. Meeqqap qanoq annertutigisumik ajornartorsiuteqarnera aalajangiisuusariaqanngilaq. Aalajangiisuunerusutut isigineqarsinnaavoq ilaqtariit imminnut atalluartut meeqqap pissarsiaqaatignerussannginnerai.

Meeraq immikkut katsorsartariaqartunik pisariaqartitsippat aammalu ulloq unnuarlu paaqqinnittarfimmi isumagineqarnissaat pitsaanerusussatut isigineqarpata, ilaqtariinnut paarsisartunut inissinneqartariaqanngilaq.

Ilaqtariit paarsisartut ulloq unnuarlu inissiinernut, sapaatip akunnerata naanerani sulinngiffeqarnerullu nalaani oqilisaassisutut, suliniuteqareerneremi malinnaanernut kiisalu tassanngaannartumik inissiinernut kommuninit atorneqarsinnaapput. Pisuni tamani, meeqqamik meeqqallu pisariaqartitaanik erseqqissumik tamakkiisumillu isiginnittumik nalilersuinermik aalajangiineq tunngaveqassaaq.

Imm. 2-mut

Aalajangersakkami aalajangiunneqarpoq oqaaseq nutaaq, tassalu "ilaqtariinnut paarsisartunut akuersissut". Oqaaseq ilaqtariit paarsisartutut naleqquttuunerannik nalinginnaasumik akuerineqarnerannik imaqarpoq. Angajoqqaarsiat akuersisummik pigaangamik kommunerisaminni angajoqqaarsianik nakkutiliisussaatitaanerup § 8, imm. 3-p ataaniilersarput. Kommunip aalajangigaanik meeqqanik angajoqqaarsianut inissiisoqarsinnaanngilaq angajoqqaarsiaasussat akuerineqareertinnagit, najugarisamilu kommunip angajoqqaarsiaasinnaanermut akuersissut tunniuteriinngippagu.

Paaqquaqarnissamut akuerineqarneq itigartitaanerluunniit inatsisit ingerlatsinermut tunngasut naapertorlugit aalajangiineruvoq.

Imm. 3-mut

Aalajangersagaq immikkut eqqumaffigalugu periarfissiivoq, meeraq angajoqqaarsiamini na-jugaqartoq, angajoqqaarsiaminut ima ungakkiussitigilersimasoq, pitsaasumilu ineriartortoq, meeqqap angajoqqaarsiamini najugaqaannarnissaa meeqqamut pitsaanerpalluni. Aalajangersakkami pissutsit marluk pineqarput, siullermik meeqqap angajoqqaarsiaminit allanut angajoqqaarsiaqalernissaminut nuunnginnissaminik akuerineqarsinnaanera, aappaanilu meeqqap angajoqqaarsiaminiit angajoqqaatut oqartussaassuseqartunut nuunnginnissaminik akuerineqarsinnaanera. Pissutsit taakku naleqquttuukkajupput, meeraq mikisunnguullunili angajoqqaarsiaminut inissinneqarsimagaangat, sulilu ersarinnerusarluni meeraq inunngoriitsiaannarlunili angajoqqaarsiaminut inissinneqarsimagaangat.

Imm. 4-mut

Aalajangersakkami atuutsinneqarpoq peqqussutit imm.2- 3-miittut atuuttassanngitsut, angajoqqaajusup aappaanna angajoqqaatut akisussaassuseqaraangat, meerarlu angajoqqaajusup aappaani angajoqqaarsiatut najugaqarluni.

Imm. 5-imut

Aalajangersakkami aalajangiunneqarpoq kommunalbestyrelse ilaqtariit paarsisartut akuersissutaannik utertitseqqusissasut akuersissummik peqarnissamut tunngavissat piujunnaaraangata. Ilaqtariinni paarsisartuni pissutsit allanngorsinnaanerat kommunalbestyrelsimit ataavartumik arajutsinaveersaarneqassapput, assersuutigalugu sulinermi atukkat allanngornerini, napparsimaneq, avinneq imaluunniit atornerluinermik ajornartorsiuteqarnerit pissutaallutik, tamakku meeqqanut inissinneqarsimasunut kingunerluuteqarsinnaammata.

Kommunalbestyrelsi nalunaarfigineqarnermigut namminerluunniit paasiaqarnermigut ilaqtariinni paarsisartuni pissutsit akuersaarneqarsinnaajunnaarnerannik paasiaqaruni, ilaqtariinnut paarsisartunut akuersissutip utertinneqarnissaa nalilersoqqittariaqassavaa. Paarsinissamut akuersissut utertinneqarpat meeraq ilaqtariinnit paarsisartunit peersinneqassaaq. Meeqqat ilaqtariinni paarsisartuni inissinneqarsimasut allamik inissiiffissamik neqeroorfingineqarnissaat qulakkeerneqassaaq.

Ilaqtariinnut paarsisartunut akuersissut inatsisit ingerlatsinermut tunngasut naapertorlugit aalajangiineruvoq.

Imm. 6-imut

Aalajangersakkami erseqqissarneqarpoq ilaqtariit paarsisartut paarsinissamut akuersissummik atuuttumik meeqqat paarineqartut tamaasa ataasiakkaarlugit peqartissagaat. Tamatuma kingunerisaanik meeqqat tamaasa pillugit ataasiaannarluni ilaqtariit paarsisartut akuerineqarneq ajorput, meeqqalli ataatsip pisariaqartitai eqqarsaatigalugit pisuni ataasiakkaani nalilerneqassallutik.

Aalajangersakkap qulakkiissavaa, ilaqtariit paarsisartut meeqqanut ataasiakkaanut nukissaqarlutillu pisariaqartitaannik tunniussaqarsinnaanissaallutillu periarfissaqassasut, taamaalillutik meeqqap paaqqutarineqarnissamut isumassorneqarnissamillu pisariaqartitai tunniussinnaassallugit.

Paarsinissamut akuersissut kommunalbestyrelsimit tunniunneqassaaq. Ilaqtariit paarsisartut pineqartut pisariaqartinneqartunik piginnaasaqarnersut nukissaqarnersullu misissornissaannut kommunalbestyrelsi taamaalilluni akisussaavoq.

Nalilersuinermi najugaqarnerup sivisussusaa, meeqqap ukiui pisariaqartitaalu, ilaqtariinni paarsisartuni meeqqat allat, kiisalu ilaqtariit paarsisartut nukissaqassusaat eqqarsaatigineqassapput.

Angajoqqaarsiat angajoqqaarsiatut akuersissutinik arlaqartunik pigisaqarsinnaapput, apeqqutaaginnarluni qassnik meerarsiaqarnersut.

Paaqqutaqarnissamut akuerineqarneq itigartitaanerluunniit inatsisit ingerlatsinermut tunngasut naapertorlugit aalajangiineruvoq.

Paarsinissamut akuersissutip nutartertarnissaa piumasaqaatigineqanngilaq, ilaqtariilli paarsisartut qaqqugukkulluunnniit piumasaqaatigineqartunik naammassinninnerannik nakkutilliinissaq kommunalbestyrelsip pisussaaffigaa.

Imm. 7-imut

Aalajangersagaq ilaqtariit paarsisartut sulinermi atugaannut piumasaqaatit pillugit maleruagassanik erseqqinnerusunik Naalakkersuisunut suliaqarsinnaalersitsivoq. Tassani aamma aningaasaqarnermi pissutsit kalluarneqassapput.

Imm. 7, nr.3-mi immikkut ilanngunneqarpoq meeqqanik pinerliisimannginnermut uppermarsaammik aamma pinerluuteqarsimannginnermut uppermarsaammik pissarsiniarnissamut piumasaqaateqartoqarsinnaanera. Oqaasertaliussami "ilaqtariit paarsisartut inoqutigiivinut ilaasut" tassaapput angajoqqaarsiat, taakku meeraat 15-it sinnerlugit ukiullit kiisalu inoqutigiinni inuit aalajangersimasut allat. Uppernarsaammik piumasaqaateqarnissamut ilaatinneqanngillat meerarsiat 15-it sinnerlugit ukiullit ilaqtariinni najugaqartut.

Imm. 7, nr. 6 najoqqutaralugu aalajangersagaq periarfissiivoq, Naalakkersuisut angajoqqaarsiaasartut pillugit maleruaqqusaliorsinnaasut, angajoqqaarsiatut pilersinneqarsimasunut meeravissiartaarnissaq siunertaralugu. Tassani pineqarput kommunip akuerisaanik angajoqqaarsianngorsimasut, meeqqamik paarsaqalersut meeravissiarilernissaa siunertaralugu. Meeraq, meeqqap meeravissiartaarinissaa siunnerfigalugu angajoqqaarsianut inissinneqarsimappat, meeqqap pilersorneqarnissaa tamaat angajoqqaarsianngortut akiligassaraat. Meeravissiartaarneq piffissami naammassineqarnerani paarsisoqarneq atorunnaassaaq, imaluunniit nalinginnaasumik ilaqtariinni paarsisartumiinnertut ingerlaannarluni, tamanna nalinginnartut akilersorneqarluni, meeravissiartaarnissaq naalagaaffimmik oqartussanit akisussaasunit itigartinneqarpat.

Imm. 7, nr. 7 najoqqutaralugu Naalakkersuisut qanigisanut meeqqamik inissiisoqarsinnaaneranik aalajangersaasinnaanerannik periarfissiivoq. Meeqqamik qanigisanut inissiineq tassaavoq meeqqap angajoqqaalluunniit inooqatigiinnermi attaveqarfiinut inissiineq.

§ 37

Aalajangersakkami qulakkeerneqarpoq kommunep aaqqissugaanik ilaqtariit paarsisartut inissiineq sioqqullugu peqqissaartumik communalbestyrelsimit ilisimatinneqartarnissaat, aammalu tassunga atasumik meeqqap inissinneqarnera pillugu iliuusissatut pilersaarut tiguneqarsimasoq, ilaqtigut inissiinermut siunertanik anguniakkanillu imaqartoq.

§ 38

Imm. 1-imut

Aalajangersakkami peqqussusiorfigineqarput ilaqtariit nammineq aaqqissuussaminnik angajoqqaarsiatut paarsisartut.

Nammineq aaqqissuussamik ilaqtariinnut inissiineq nalinginnaasumik pilersinneqartarpoq, angajoqqaatut oqartussaassuseqartup meeqqap ilaqtariinni paarsisartuni nammineq aaqqissuussamik inissiiffiusuni piffissami killilimmi najugaqarnissaa taakkunanngalu isumassorneqarnissaa pillugu ilaqtariit nammineq isumaqatigiissuteqarpata. Ilaqutariit paarsisartut tassaakkajuttarput angajoqqaatut oqartussaassusilimmuit ilaqtaviusut, ilaqtat meeqqap attavigisartagai ungasinnerusut, ikinngutit, sanilit, ilinniartitsisut imaluunniit inuit meeqqamut angajoqqaatullu oqartussaassusilimmuit allatut attuumassutillit. Nammineq aaqqissuussamik ilaqtariinnut paarsisartunut inissiineq tassaavoq meeraq angajoqqaarinngisamini allani najugaqarnera, najugaqarnerup pilersinnerani communalbestyrelsi peqataanngikkaluartoq. Tassani pineqanngilaq inatsisit ingerlatsinermut tunngasut malillugit inissiineq, tassami piumasarineqarpoq tamanna pillugu communalbestyrelsip aalajangiisimanissa.

Nammineq aaqqissuussamik ilaqtariinnut inissiineq, inatsisissatut siunnersuut manna malillugu ikorsiinertut isigineqanngilaq, taamaallaalli angajoqqaatut oqartussaassuseqartup aamma ilaqtariit paarsisartut akornanni namminerisamik isumaqatigiissummik tunngaveqartoq. Nammineq aaqqissuussamik ilaqtariinnut paarsisartunut inissiineq atorneqartarpoq angajoqqaatut oqartussaassuseqartup piffissami killilikkami isertsivimmiiitinneqarnerani, illoqarfimmuit allamut ilinniariartornerani, napparsimavimmi uninnganerani imaluunniit meeqqamik paarsisinnaanngiffiani. Meerarsiaqarneq, angajoqqaatut akisussaaffeqartumit angajoqqaarsiatullu inissiiffigineqartunit isumaqatigiissuteqarnikkut pilersinneqarsimagaluarpuallunniit, inatsisitigut meeqqap pisinnaatitaaffii eqqumaffigineqartariaqarput illersugaallutillu, tamatumalu isumaginninnermi ingerlatsiveqarfik isumaqatigiissummut piumasaqaateqarnissaanik pisussaaffilerpaa. Inatsimmi taamaalilluni piumasarineqarpoq angajoqqaarsiat kommunimiit akuersisissummik peqqaartariaqartut, takujuk ataaniittoo. Piumasaqaataavorlu angajoqqaarsiat kommunip inummut sammititamik nakkutiginnittussaatitaanerata ataaniissasut, tak. § 8 imm. 2, inatsilluunniit taanna malinnagu meerarsianngortitsineq ingerlanneqarsimagaluarpat.

Imm. 2-mut aamma 3-mut

Aalajangersakkap atuuttussaatippaa, nammineq aaqqissuussamik angajoqqaarsianngorsimasut, angajoqqaarsiaanissamut akuersissummik atuuttumik peqartariaqartut, meerarsiallu tamaasa immikkut akuersissuteqarfigissallugit.

Meeqqat paarineqartussat ataasiakkaat pisariaqartitaannik isumaginissaannut pisariaqartunik ilaqtariit paarsisartut ataasiakkaat nukissaqarnerat tunngaveqarnissaallu aalajangersakkami qulakkeerneqarpoq meerarlu pisariaqartumik isumassorneqarluni.

Angajoqqaarsiaanissamut akuersissut kommunalbestyrelsimit, nammineq aaqqissuussamik angajoqqaarsianngorsimasut kommuneqarfigisaanni tunniunneqassaaq. Ilaqtariit paarsisartut pineqartut pisariaqartinneqartunik piginnaasaqarnersut nukissaqarnersullu misissornissaannut kommunalbestyrelni taamaalilluni akisussaavoq.

Nalilersuinermi najugaqarnerup sivisussusaa, meeqqap ukiui pisariaqartitaalu, ilaqtariinni paarsisartuni meeqqat allat, kiisalu ilaqtariit paarsisartut nukissaqassusaat eqqarsaatigineqassapput.

Paarsaqarnissamut akuerineqarneq itigartitaanerluunniit inatsisit ingerlatsinermut tunngasut naapertorlugit aalajangiineruvoq.

Paarsinissamut akuersissutip nutartertarnissaa piumasaqaatigineqanngilaq, ilaqtariilli paarsisartut qaqugukkulluunniit piumasaqaatigineqartunik naammassinninnerannik nakkutilliinissaq kommunalbestyrelsip pisussaaffigaa.

Nammineq aaqqissuussamik angajoqqaarsianngorsimasut, aatsaat akuerisatut angajoqqaarsiaalersinnaapput paarsaminntu tamanut immikkut, qaammatini pingasunit sivisunerusumik paarsereersimalerunik. Qaammatit pingasut taakku ataannartuunissaat piumasaqaatigineqanngilaq. Tassalu meeqqanut ataasiakkaartunut paarsinissamik akuersissutit aatsaat piniarneqassapput, inissiineq ataatsimut isigalugu qaammatit 12-it kingulliit iluini qaammatit pingasut sinnerlugit sivisussuseqarsimappat. Nammineq aaqqissuussamik ilaqtariinnut inissiinermi taamaalilluni soorunami periarfissaqarpoq ilaqtuttani allanilu attaveqarfigisani sivikinnerusumik, soorlu oqilisaanertut aanaakkunni aataakkunni ikinngutiniluunniit najugaqarneq, taamatut najugaqarnerit aanaakkut aataakkut ikinngutilluunniit ilaqtariinnut paarsisartunut piumasaqaataasut assinginik akuersissuteqarfigeqqaanngikkaluarlugit. Taamaalilluni aalajangerneqarpoq sivisunerusumik inissinneqarnerni taamaallaat, tassalu ukiup ataatsip iluani katillugit qaammatit pingasut sinnerlugit, paarsinissamut akuersissummik pissarsinissamut piumasaqaatit naammassineqartassasut.

Imm. 4-mut

Aalajangersakkami atuuttussaatinneqarpoq, communalbestyrelni pisussaaffeqartoq nammineq aaqqissuussamik angajoqqaarsianngorsimasut kommunerisaanni, pisussaasoq meeqqamut

angajoqqaarsiaalersimasunniittumut inummut sammititamik nakkutiginnittuunissaminut. Tamanna atuuppoq, naak meeraq inatsit manna avaqqullugu meerarsianngortinnejarsimagaluartoq, kommunillu sulissutigisimasaaniinngikkaluartoq. Kommunalbestyrelsimit nakkutiginnittussaatitaaneq atuutilissaaq, meerarsiaqarnissamik akuersissutip tunniunneqarneraniit, tassa meeraq qaammatini pingasuni angajoqqaarsiamineereersimalerpat. Piffissaq tamanna tikillugu communalbestyrelsi meeqqamut nakkutilliisussaatitaajuarsimavoq, kommunemi meeqqanut tamanut nakkutiginnittussaatitaanerminnut atatillugu § 8, imm. 1 najoqqutaralugu.

Imm. 5-imut

Aalajangersakkap Naalakkersuisut pisinnaatippai ersarinnerusunik malittarisassiorsinnaatillugit kommunabestyrelsip ilaqtariit paarsisartut akuersisummiq tunineqartarnissaannut.

Kapitali 11

Ikiorssiinissamik suliniuteqarnerit aamma suliniuteqareernerimi malitseqartitsinerup unitsinneri

Ikiorssiissutit unitsinnejarneri

§ 39

Imm. 1-imut

Aalajangersakkami aalajangiunneqarpoq suliniuitit meeqqamut ikiorssiissutaasut unitsinnejassasut anguniagaq anguneqarsimappat, imaluunniit anguniakkamut tulluukkunnaarpata.

Ikiorssiissutit Inatsisartut inatsisaat una najoqqutaralugu nalilersorneqartuassapput nakkutilliisussaatitaanermut tapertaliullugit § 8 najoqqutaralugu, ilisimatitsissutaasinnaasut §§ 15-16 najoqqutaralugit, tapiliutissapputtaaq suliarinninnerit iliussisanut aammalu suliarinninnissamut piareersaatit, § 46 kiisalu § 48 najoqqutaralugit.

Meeqqamut ikorfartuinerup siunertaraa suliami aalajangersimaqqissaartumi nalilersuineq, nassuiardeqarsimasussaallunilu inatsisitigut piumasaqaataasuni iliuusissatut pilersaarummi, ikiorssiinissamullu aaliangiineq sioqquillugu suliarineqareersimasussaasumi, pissutsillu atuuttut tunngavigalugit nutarterneqartuarlunilu nalilersoqqinnejartuartussami. Tassani ilaatinneqanngillat suliassat ataasiakkaat nukinginnartut siulittaasumit aalajangiiffigineqarsimasut, tak, § 6 iliuusissamik pilersaarutit pisut kingorna suliarineqartarnerat.

Kommunalbestyrelsip akisussaaffigaa, ikiorssiineq aallartinnejarsimasoq inatsit una najoqqutaralugu siunertaasutut atuutsinnejarnersoq, nalimmassarneqarluni malinnaatinneqartariaqartoq meeraq namminerpiaq pisariaqartitamisut ikiorserneqaqquillugu.

Taamaasilluni aamma kommunalbestyrelsip akisussaaffigaa meeqqamut ikorsiinerup unitsinneqarnissaa, takuneqarsinnaalerpat ikorsiineq pisariaarussimasoq, imaluunniit ikorsiinermi siunertaq anguneqareersimasoq.

Ikorsiinerup unitsinneqarnerani kommunalbestyrelsip nalilersussavaa, allatut iluseqartussamik meeraq ikiorserneqassanersoq ikorsiissutaasimasumut taartaatinneqartussamik. Meeqqap atugaasa nalilersuiffigeqqinnerisigut paasinarsissappat ikorneqarnissamik suli pisariaqartitsisoq, taava kommunalbestyrelsip isumagissavaa meeqqap pisariaqartitamisut ikorsiivigineqarnissaa.

Imm. 2-mut

Aalajangersakkami aalajangiunneqarpoq, meeqqamut ikorsiissutit meeqqap 18-inik ukioqalernerani unitsinneqassasut, ikorsiinerup malitseqarnissaanik aalajangiisoqarsimannngippat tak. § 42.

§ 40

Imm. 1-imut

Aalajangersakkap kommunalbestyrelsi pisussaaffilerpaa misissuinerup nalaani, tassa ikorsiissutinik unitsitsinissamik aalajangernissaq sioqqullugu, immikkoortut tallimat pingaaruteqartut qulaajaavigineqarsimassasut.

Immikkoortut tallimat 1-imiit 5-imut takussutissartalerneqarsimapput.

Nr. 1-imut – meeqqap pisariaqartitai

Angerlarsimaffiup avataani inissiinermik atorunnaarsitsinissaq pillugu aalajangiisoqannginnerani meeqqap pisariaqartitsineranik aamma angajoqqaatut oqartussaassusillip tamatuminnga naammassinnissinnaaneranik kommunalbestyrelse misissuinissamut aalajangersakkatigut pisussaaffilerneqarpoq.

Meeqqap pisariaqartitaanik misissuinerup aallaavigissavaa inatsimmi § 3-mi tikkussissutigineqartut.

Meeqqap pisariaqartitai meeqqap ukioqqortusiartornera inerikkiartorneralu ilutigalugit allanngoriartussapput. Pisariaqartitat assigiinngitsumik naliliiffigineqarsinnaapput. Pisariaqartitat ilaat takussaasunik tunngaveqartarumaarput, ilaalli misigissutsitigut tunngaveqartarumaarlutik. Meeqqap inerikkiartornermini pisariaqartitai makkuusinnaapput; peqqissuuneq, ilinniagaqarneq atuarneq, misigissutsitigut pissusilersonnikkullu inerikkiartorneq, kinaassuseq, inoqatinut akulerusimaneq, nammineersinnaaneq, imminut isumagisinnaaneq, ilaqtutanut pisariaqartitsisunullu akisussaaqataaneq il.il.

Meeqqap angerlarsimaffiup avataanut inissinneqartariaqarneranut taamanikkut atukkat tunngavilersuutigineqartut ilaqtariinni aaqqinnejqarsimanersut misissuinermi aallaavigisariaqarpaa. Sioqqutsisumik misissuinerup tamatuma ilaatut angajoqqaatut

oqartussaassusilinni pissutsit maannakkullu angajoqqaatut piginnaassusaat isummerfigineqartariaqarput. Angajoqqaat assersuutigalugu imigassamik atornerluisuusimappata, angajoqqaat maannakkut atornerluinermiit aniguisimanersut misissuiffigineqassaaq. Angajoqqaatut oqartussaassusilinni pissutsinik il.il. misissuinermi, angajoqqaat maannakkut isumassuisinnaassusiat, isumannaatsuunerat, misigissutsitigut kialaassusiat, meeqqanik inerikkiartitsisinnaassusiat, ilitsersuisinnaassusiat, killiliisinjaassusiat, allanngujaassusiat il.il. aamma ilanngunneqartariaqarput. Angajoqqaatut oqartussaassusillit allanik meeraqarsinnaanerat pillugu paasissutissat meeqqallu taakku alliartornerat angajoqqaaminnullu attaveqarnerat, angajoqqaatut oqartussaassusilinni pissutsit nalilersornerannut ilaasussatut naatsorsuutigisariaqarpoq.

Nr. 2-mut – meeqqamik oqaloqateqarneq

Aalajangersakkami siunertaavoq angerlarsimaffiup avataanut inissinneqarnerup atorunnaarsinneqarnissaa sioqqullugu misissuinerup ilaatut, meeqqap tusarniarneqarnissaa.

Oqaloqatigiinneq ingerlanneqarsinnaavoq suliamik suliariinnittup nammineerluni telefonikkulluunniit meeqqamik oqaloqateqarneratigut. Kommunalbestyrelsip oqaloqatigitoqarsimanera uppermarsarsinnaassavaa aamma meeqqap qanoq oqarsimanera. Tamanna oqaloqatigiinnermik imaqarniliornerusinnaavoq.

Meeraq angerlartinneqarpat tamanna meeqqamut kiisalu angajoqqaanut allanngorneruvoq annertooq. Angerlartitsinerup iluatsinneqarnissaanut apeqqutaavoq angerlartitsinerup qanoq ingerlanneqarnissaa sukumiisumik pilersaarusrorneqarsimanersoq, aamma meeraq kiisalu angajoqqaat angerlartitsinermut naleqquttumik piareersarneqarsimanersut. Suliap ingerlannera pillugu meeqqap ataavartumik ilisimatinneqartarnera angerlartinneqarnissamut meeqqap toqqisisimanissaanut iluaqutaasinnaavoq. Suliap ingerlannera pillugu meeqqap ataavartumik ilisimatinneqartarnera angerlartinneqarnissamut meeqqap toqqisisimanissaanut iluaqutaasinnaavoq. Suliap ingerlanneqarnerani pinngitsoorani meeqqap ukiui inerisimaneralu eqqarsaatigineqartariaqarput.

Meeraq piffissami sivisuumi inissinneqarsimappat, angerlartitsinerup kingorna meeqqap piffissap ilaani siusinnerusukkut inissiiffiusumi meeqqanik inersimasunilluunniit atassuteqartarsinnaanera meeqqamut pitsasuunersoq kommunip nalilersoruniuk tulluartuussaaq.

Nr. 3-mut – inissiiffiusumit oqaaseqaatit

Inissiinerup atorunnaarsinneqarsinnaanera pillugu inissiiffiup isummernermanik oqaaseqaat imaqassaaq kiisalu meeqqap qanoq issusaanik killifimmik aammalu meeraq angerlarsimaffiup avataanut suli inissisimanissamik pisariaqartitsinersoq pillugu imaqassalluni.

Nr. 4-mut – angerlartinneqarnissamut piareersimaneq

Aalajangersakkami aalajangjunneqarpoq kommunalbestyrelsip akisussaaffigigaa angerlartitsinissaq pillugu meeqqap angajoqqaallu piareersimalluarnissaasa aammalu angerlartitsinissaq pillugu iliuusissanut pilersaarut pillugu paasitinneqarsimanissaasa qulakkeernissaat, tamannalu inissiiffiusimasup kisimi suliassarinngikkaa, tak. imm. 1, nr. 5. Aalajangiunneqarpoq kommunalbestyrelsip pisussaaffigigaa meeqqap angajoqqaallu angerlartitsinissamut piareersarneqarnissaat. Kommunalbestyrelsip meeqqap inissinneqarneranit angerlartitsisoqartinnagu, meeqqap angajoqqaatullu oqartussaassusillip angerlartitsinissaq pillugu piareersarneqarnissaat akisussaaffigaa. Angerlartitsinermi meeqqap kiisalu angajoqqaatut oqartussaassuseqartut naleqqunnerpaamik qanoq piareersarneqassanersut kommunalbestyrelsimit nalilorsorneqartussaavoq. Piareersarneq ilaatigut meeqqamik oqaloqateqarnikkut pisinnaavoq, pilersaarutaasumik angerlatitsinissap ingerlanissaa pillugu meeraq kommunalbestyrelsimit oqaluttunneqarluni. Angerlartitsinnginnermi naleqquttuussaaq meeqqap angerlarsimaffik angajoqqaanilu ataasiaq arlalerialuunniit pulaaqqaarnissaanut periarfissinneqarpat. Pissutsinut nutaanut meeqqap piareersarnissamut periarfissinneqarnera aamma manna tikillugu inissiiffiusumi meeqqanik inersimasunillu iluamik inuulluaqqusinissaa pingarpoq.

Angajoqqaatut paarsinissaq pillugu angajoqqaat pikkorissartinneqarnissaat imaluunniit pilersaarutaasumik angerlarnerup ingerlanissaa pillugu angajoqqaat oqaloqatigineqarnissaat kommunalbestyrelsimit toqqarneqarsinnaavoq. Meeqqap angerlartinnissaanut piareersarneq tapersersuinerlu pillugit kommunalbestyrelsi inissiiffiusumik isumaqatigiissuteqarnera naleqquttuusinnaavoq. Inissiiffiusoq angerlartitsinermut tamatumalu kingorna piffissap ilaani atatillugu meeqqamut tapersersuinissamut amerlanertigut tulluarsinnaavoq.

Nr. 5-imut – angerlartitsinissamut iliuusissatut pilersaarut

Kommunalbestyrelsip piffissaagallartillugu sillimaneratigut aammalu meeqqap angerlarsimaffiullu pisariaqartitaannut, angerlartitsinerup nalaani kingornalu, isumassuinikkut sioqqutsisumik isummersoreernermit aalajangersakkami uani qulakkeerneqassaaq angerlartitsinerup allakkatigut piareerneqarsimanissa, iliuusissanullu pilersaarut taamaalilluni kommunalbestyrelsimit atorneqarsinnaavoq meeqqap angajoqqaallu angerlartitsinermut piareersimalluarnissaannut aammalu pisoqannginnerani piffissaalluarallartillugu kommunip angerlartitsinerup qanoq ingerlanneqarnissaanik qanorlu inerneqarnissaanik naatsorsuutiginninneranut, tak. imm. 1, nr. 4.

Imm. 2-mut

Aalajangersakkami aalajangersarneqarpoq suliaq Meeqqat Pillugit Paasisimasalinnit Qitiusumik Ataatsimiittitaliamut oqaaseqarfigisassanngorlugu saqqummiunneqassanersoq ataatsimiitsitaliap allattoqarfia aalajangiissasoq. Suliami paassisutissat, aamma suliap ataatsimiitsitaliamut qaquinneqarnissaanut isummerneq ataatsimiitsitaliamut allattoqarfiup isumagissavaa. Taamatut pisoqarsinnaanera pilertarpoq suliamik suliarinninnerup nalaani – suliaq pillugu paasissutissiinerup ilaatut – tassa angerlartitsinissamik kommunalbestyrelsip aalajangiinnginnerani. Ataatsimiitsitaliap oqaaseqaataa taamaalilluni piffissaq

eqqarsaatigalugu kommunalbestyrelsimi aalajangiisoqarnissaa sioqqullugu pivoq, soorunalumi kommunimit utaqqineqassalluni angerlartitsinissaq pillugu kommunimit aalajangiisoqannginnerani.

Imm. 3-mut

Aalajangersagaq ilangunneqarpoq meeqqap, angajoqqaat inissiiffiusullu eqqarsaatimikkut angerlartitsinissamut piareersarnissaat piffissaqarfingeqquillugu, aammali suliassartaqarsinnaavoq ikorfartuutaasussanik aaliangersimasunik aaqqinneqartussanik meeqqap angajoqqaanut angerlartinneqarnissaa sioqqullugu. Meeqqap angerlartitsineq pillugu akerliliinissaq periarfissaqarfingissavaa. Meeqqap kissaataanik malinninnissamut kommunalbestyrelsi pisussaaffeqanngilaq, meeqqalli isummaminik saqqummiussinera kommunalbestyrelsip aalajangiinissaanut ilaatinneqassalluni. Aalajangersagaq angerlartitsinissat nalunaarutigineqarnissaannut piffissap sivikinnerpaanissaanik piumasaqarnertut, aammalu aalajangersakkatut minnerpaatut isigineqassaaq, taamaattumillu kommunalbestyrelsip angerlartitsinissaq pillugu nalunaaruteqarnissaminut piffissaq sivisunerusoq nalunaarutigisinnaavaa. Nalunaarutiginnineq piffissaq sivisunerusoq atorlugu pisoq naleqqussinnaavoq meeraq Kalaallit Nunaata avataani inissinneqarsimappat, imaluunniit meeraq angerlarsimaffilluunniit angerlartitsinissamut piffissamik sivisunerusumik piareersarneqartariaqarsimappat. Meeqqap, angajoqqaatut oqartussaassusillip aammalu inissiiffiup angerlartitsinissamik nalunaaruteqarneq tamarmik tigusimassavaat. Minnerpaamik sapaatit akunneri 12-it sioqqutsilluni nalunaaruteqarnissamik piumasaqaateqarneq naammassineqarsimassanngilaq, kommunalbestyrelsip inissiiffiusoq imaluunniit meeraq kisiat angerlartitsinissamik nalunaarfigisimappagit. Sapaatit akunneri 12-it taakku naatsorsorneqartarput, angerlartitsinissamik nalunaarfigineqartussani pingasuusuni kingullermut nalunaaruteqartoqarnerup anngunneraniit, aammalu nalunaarfigineqartussaq kingulleq meeraasimappat pineqartoq. Kommunalbestyrelsi nalunaarutip apuunnera pillugu upernarsaasartussaavoq.

Nalunaaruteqarnissamut killiliussaq sanioqqunneqarsinnaavoq meeraq imaluunniit eqqarsaatigisariaqartut pingaarutillit allat, nalunaaruteqarnissamut killiliussinermik matuminnga sanioqqutsinissamik pisariaqalersitsisut, eqqarsaatigalugit.

Imm. 4-mut

Kalaallit Nunaata avataanut inissiisoqarsimatillugu aalajangersakkami aalajangiunneqarpoq, kommunalbestyrelsi kommunimi angerlarsimaffigisami ajornannngippat nunami allami kommunip nalunaarusiaanik pissarsiniassasoq angerlartitsinissamik aalajangiineq sioqqullugu.

*Inuuusuttunut 18-init 23-t angullugit ilangullugillu ukiulinut suliniutaareersimasunik
malitseqartitsineq*

Aallaaviusoq tassaavoq inuk 18-inik ukioqaleraangat meeqlanut inuuusuttunullu Inatsisartut inatsisaat naapertorlugu sullinneqarunnaartarnera. Suliniuteqareernermi malitseqartitsineq inunnut 18-iliingajalersunut aammalu suliniuteqareernermi malitseqartitsinermut piumasaqaatinik naammassinnittunut Inatsisartut inatsisaat manna malillugu ikiorserneqarsinnaasunut aammalu ikiuinissamik suliniuteqarfingeqarsinnaasunut periarfissaavoq, naak 18-it ataallugit ukioqarunnaareersimagaluartunut. Suliniuteqareernermi malitseqartitsineq naleqqussinnaavoq, aamma inuiaqatigiit eqqarsaatigalugit, meeraq 18-iliinissaminut ingerlasoq inersimasutut inuunermut isumassuerpalaartumik "ikaarsaariartornermik" suli pisariaqartitsisoq paasinarsippat, assersuutigalugu Inatsisartut inatsisaat malillugu ikiuinissamik suliniuteqarnerit taamaatinnissaannut tarnimigut timimigulluunniit suli pisariaqartitsippat, imaluunniit inersimasutut inuunissamut il.il. (ilinniarnissamik) piffissap ilaani tapersorsorneqarnissaminik neqeroorfigineqarnissaq pisariaqartippagu. Inuuusuttup inuunerani aamma pisoqarsinnaavoq suliniuteqareernermi malitseqartitsinermik pisariaqalersitsisumik, taamaattumik Inatsisartut inatsisaata matuma periarfissaqalersippaa inuuusuttunut 18-init 23-nut (ukiut taakku aamma ilanngullugit) kommunalbestyrelsip suliniuteqareernermi malitseqartitsinermik neqerooruteqarsinnaaneranik, inuuusuttoq taamatut pisariaqartitsisutut nalilerneqarpat. Naak suliniuteqareernermi malitseqartitsineq inuuusuttunut 18-ileereersimasunut ikorsiissutaasaraluartoq, suliniuteqareernermi malitseqartitsineq siusissukkut iliuuseqarnertut isigineqarsinnaavoq, tassalu pitsaliuinertut ikorsiissutit, meeqqap "inersimasunngornerata" kingorna inuuusuttutut kingusinnerusukkut inuunermini inuttut ajornartorsiutinik annerusunik atugaqannginnissaa pillugu aallartinneqartussaq, kingusinnerusukkullu ajornartorsiuteqalissagaluaruni pisortat ikorsiisarnerannut malittarisassat imaluunniit innuttaasunut inersimasunut immikkut ittumik ikorsiisarnernut malittarisassaasut atorlugit ikorneqartussaasoq. Suliniuteqareernermi malitseqartitsineq, inuuusuttup ukiuni pissutigiinnarlugit itigartinneqannginnissaanut inersimasutut inuunermut naleqquttumik ikaarsaariarnissaanut qulakkeerinneqataasinjaavoq.

Imm. 1-imut

Aalajangersakkap communalbestyrelsi suliniuteqareernermi malinnaaviginninnissamut nalilersuisussanngorlugu aalajangiisussanngorlugulu pisussaaffilerpaa. Taamaattumik meeraq suli 18-iliitinnagu, aalajangersakkami qulakkeerneqarpoq meeqqat inuuusuttuuffiup nalaani, tassalu 18-init 23-nut ukioqarnerisa nalaanni suliniuteqarfinginninnissamik neqeroorfigineqarsinnaanersut communalbestyrelsimit nalilersuiffigineqarsinnaanerat. Tamannali meeqqamut 18-iliinermini suliniuteqarfingeqartumut taamaallaat pisinnaatitaaffiuvoq, suliniutaasut kapitali 7-8-mi aalajangersakkat naapertorlugin suliniutaappata imaluunniit kapitali 9-mi aalajangersakkat naapertorlugin sukanernerusumik suliniutaappata (angerlarsimaffiup avataanut inissinneqarneq).

Kommunalbestyrelsi pisussaaffeqarpoq meeqqamik attaviginninnissamik meeqqap kingusinnerpaamik 18-issaat avillugu ukioqarnerani, tassani nalilersuiffigissavaa meeraq inuuusuttuunermini, tassa 18-ileereernerminnit 23-nik ukioqarnerat ilanngullugu, 18-iliinermi

kingorna tapersorsorneqarnissamik pisariaqartitsissanersoq. Imaanngilaq kommunalbestyrelsi inuusuttumut suliniuteqareernermermi malinnaaviginninnissamik neqerooruteqarfiginnittussaasoq. Soorluttaaq aamma aalajangersakkap inuusuttoq suliniuteqareernermermi malinnaavigineqarnissaanik aammattaaq pisinnaatitaaffilinngikkaa. Kommunalbestyrelsi aalajangiisinnaatitaavoq inuusuttoq suliniuteqareernermermi malinnaavigineqarnissamik neqeroorfigineqassanersoq. Aalajangersakkami aalajangiunneqarpoq kommunalbestyrelsi aalajangiissasoq suliniuteqareernermermi malinnaaviginninnermik inuusuttoq neqeroorfigineqassanersoq. Inatsisisatut Siunnersuutip inatsisini ingerlatsinermut tunngasuni oqaaseq "aalajangiineq" atorpaa, oqaaserlu "aalajangerneq" atornagu, tassuna qulakkeerniarneqarpoq meeqqap isumaginninnikkut maalaartarfimmut maalaarsinnaatitaaffeqarnissaa, tassa kommunalbestyrelsi aalajangiisimappat suliniuteqareernermermi malinnaaviginninnissamik neqerooruteqartoqassasoq imaluunniit tamanna pissangnitsoq.

Meeraq suliniuteqarfigineqartoq inuusuttuunerup, tassa 18-ileereernerminnit 23-nik ukioqarnerat ilanngullugu, inuusuttuunerataluunniit nalaat suliniutinik ingerlasunik nangitsinerit nutaanilluunniit ikaarsaernermermi atorneqartussanik pisariaqartitsisinnaavoq. Tassanngaannaq imminut napatittussanngorneq, 18-ileeriitsiarnerullu kingorna inersimasutut inuuneqartussanngornermermi tamakkiisunik akisussaaffeqalerneq, amerlasuunut ajornakusoorsinnaavoq. Meeqhat 17-inik ukioqarlutik ikiuinissamik suliniuteqarfigineqartut, peqatiminnit ikiuinissamik suliniuteqarfigineqanngitsunit ikiorneqarnissamik tapersorsorneqarnissamillu pisariaqartitsinerukkajupput. Taakku aammattaaq attaveqarfigisartakkaminni inersimasunik isumassuisuusunik naammattumik ikiuisinnaallutillu tapersersuisinnaasunik saaffissaqannginnerusarput.

18-inik ukioqalereernerup kingorna ikorsiissutit ingerlatiinnarneranni aallartinneraniluunniit siunertaavoq, inuusuttut piffissap ingerlareerneratigut namminiilernissaanut tapersiinissaq. Ikiuineq taamaattumik tapersersuinerussaaq, tassaasinnaavorlu ilinniagaqarneq sulisinneqarnerluunniit. Tassani aaliangiisuuussaaq inuusuttup inuunerani piffissami tessani inersimasutut inuulernissaanut ineriantorfiusumik, iluaqtissartalimmik kinguneqartussamik pitsaasumillu ikiorneqarnissaa.

Imm. 2-mut

Aalajangersakkami aalajangersarneqarpoq inuusuttut soqutigisaannut pingaaruteqarluinnaraangat kommunalbestyrelsi suliniuteqareernermermi malinnaaviginninnikkut isumaginninnissamik neqerooruteqassasoq. Suliniuteqareernermermi malinnaaviginninneq inuusuttup pisariaqartitaanik nalilersueqqissaarneq tungaviussaaq. Inuusuttoq inuttut sanngiiffilik, nammineersinnaalerniarlunilu ineriantornissaminut imminullu pilersulernissaminut ikiorneqarnissaminik pisariaqartitsisoq pineqartillugu, suliniuteqareernermermi malinnaaviginninneq ikiuinertut atorneqarsinnaavoq, inuusuttoq 18-inik ukioqalernini sioqqullugu ikiorneqarsimappat.

Arnaq angulluunniit 18-inik ukioqalernermini ikiorserneqartoq, arlaatigut tapersorsorneqarnissamik suli pisariaqartitsikkajuppoq. Meeqqat angerlarsimaffimmik avataani inissinneqarnikut angerlarsimaffimminnut annertuumik atassuteqarajuttanngillat, takornartaanngilarlu angajoqqaat inuusuttup ikorfartornissaanut ilitsorsornissaanullu nukissaalatsisarnerat. Ilutigisaanik meeqqat angerlarsimaffimmik avataannut inissinneqarnikut, inissiivimmuit nuussimatsiaannarlutik akuttunngitsumik ajutoorfeqarsinnaasarput aammalu inersimasutut inuunerup aallartinnissaanut tapersorsorneqarnissamik ikiorserneqarnissamillu pisariaqartitsisinnaallutik.

Neqeroorut tassaavoq inuusuttup nammineerluni inersimasutut inuuneqalernissamut pitsaasumik ikaarsaariarnissaanut ikorfartuutaasussaq. Ikorseereernerup kingorna malinnaaviginninneq taamaalilluni inuusuttut ilinniagaqarnissamut, suliffeqarnissamut, ineqarnissamut attaveqarfingisartagaqarnissamullu periarfissaannik tapersersuinermik sammitinneqassaaq.

Imm. 3-mut

Aalajangersakkap periarfissaalersippaa suliniuteqareernermermi malinnaanermik aallartitseqqinnissaq, assersuutigalugu inuusuttoq suliniuteqareernermermi malinnaanissamik itigartitsisimappat, kingusinnerusukkulli tamanna peqqissimissutigismallugu. Suliniuteqareernermermi malinnaanerup unitsinnerata kingorna imaluunniit siusinnerusukkut suliniuteqareernermermi malinnaanissamik neqerooruteqartoqarsimanngippat, taamaattumillu inuusuttup atugai pissutaallutik suliniuteqareernermermi malinnaanermik pisariaqartitsineq pilersimappat, inuusuttup atugaasa allanngornerisa eqqarsaatiginissaat aammattaaq periarfissaalerpoq. Aalajangersagaq tassa imatut paasineqassaaq, inuusuttoq inatsisip matuma kapitalii 7-9 malillugit suliniuteqareernermermi malinnaanermik ikorsiinermik aammalu ikiuinissamik suliniuteqarnermik imalimmik ikiorneqarsinnaasoq.

Imm. 4-mut

Ikorsiissutaasinnaasut immikkoorlutik ataatsimoorlutiluunniit suliniuteqareernermermi malinnaanermik neqeroorummut ilaatinneqarsinnaasut aalajangersakkami taagorneqarput. Aalajangersagaq siammasissoq pineqarpoq, tassami imm. 4, nr. 3 periarfissiivoq kapitalit 7-9-t malillugit ikorfartuutaasinnaasunik ikorsiissutinillu allanik neqerooruteqarsinnaanermut, tassa ikorsiinissap siunertariuarmagu aamma inuusuttup inersimasutut inuuneqalernissamut pitsaasumik ikaarsaariarnissaanut naleqquttumik ikorfartuiuarnissaq.

Imm. 5-imut

Imm. 4-mi taagorneqartut ikorsiissutaasinnaasut saniatigut, inuusuttunut siusinnerusukkut inissinneqarsimasunut suliniuteqareernermermi malitseqartitsinerup ilaatut neqeroorutigineqarsinnaasoq inissinneqarfingisimasaminni najugaqarnerup sivitsorneqarnissaa aalajangersakkatigut periarfissiisoqarpoq. Tamanna atuuppoq kommunip aaqqissugaanik ilaqtariinni paarsisartuni najugaqarsimagaanni imaluunniit ulloq unnuarlu paaqqinnittarfimmi najugaqarsimagaanni.

Imm. 6-imut

Malinnaaviginnilluni isumaginninnissaq aallartinneqassanersoq pillugu nalilersuinissamut kommunalbestyrelsip inuusuttunut attaveqarnissaannut piffissamut killigititaq aalajangersakkami aalajangersarneqarpoq. Inuuusuttup 18-inik ukioqalernissaa qaammatinik arfinilinnik sioqqullugu communalbestyrelsip malinnaaviginnilluni isumaginnissinnaanermut piareersarnissaanut piffissaqarnissamut, inuuusuttullu pineqartup 18-inik ukioqaleruni qanoq pisoqarnissaanik piareersarnissaanut piffissaqartitsinissamut naleqquttutut isigineqarpoq. Piffissamut killiliussami qulakkeerneqassaaq arnaq angulluunniit 18-inik ukioqaleruni qanoq pisoqarnissaanik nalorninnginnissaa, ilimagineqarporlu inuuusuttoq piffissami tassani siunissani pillugu eqqarsaasersoreersimassasoq.

Meeqqami 18-it inorlugit ukiulimmi kommunip qanoq siusitsigisukkut tusarniaanissaa killilerneqanngilaq, tassa inuuusuttup inuuusuttutut suliniuteqareernermermi malinnaavigineqarnissaq soqutigineraa pillugu. Kommunip inuuusuttoq 18-inik ukioqalereernerata kingorna ikorsiissutit suut aallartinneqarsinnaanersut qaqgukkulluunniit ilisimatissinnaavaa. Ukiorpaauit ingerlaneranni suliniuteqareernermermi malinnaavigineqarnissaq inuuusuttup kissaatigissaneraa meeqqamit isummerfigiuminaassinnammat, meeqqap 18-iliinissaa sioqqullugu qaammatit 6-12-t missaannik sioqqutsilluni kommunip meeraq attavigisariaqarpaa paasisaqarnissani pillugu.

Meeraq/inuuusuttoq suliniuteqareernermermi malinnaavigineqarnissamik akuersisimappat, iliuusissanik pilersaarut suliarineqassaaq.

Inuuusuttup 24-nik ukioqalernissaata taamaallaat tungaanut suliniuteqareernermermi malinnaavigineqarnissamik communalbestyrelsi neqerooruteqarsinnaavoq. 24-nik ukioqalereersimasumut suliniuteqareernermermi malinnaaviginninneq neqeroorutigineqarsinnaajunnaartarpoq.

Imm. 7-imut

Aalajangersakkap Naalakkersuisut suliniuteqareernermermi malinnaaviginninnermut malittarisassanik ersarinnerusunik malittarisassiorsinnaalersippai, tassunga ilanngunneqassallutik suliniuteqareernermermi malinaaviginninnerup annertussusissaa, sivisussusissaa qanorlu imaqqarnissaa.

Kapitali 12

Sulianik suliarinninnermi malittarisassat

Meeqqamik oqaloqtiginninneq

§ 42

Imm. 1-imut

Meeqqat pillugit Isumaqatigiissummi tunngaviusumi pineqarpoq, meeqqap isummaminik oqaatiginnissinnaaguni taakkuninnga killilerneqarnani ersersitsisinnaanissaa. Meeraq aalajangersakkap imaa malillugu suliani tamani aamma suliap sularinerani piffissami qaqugukkulluunniit oqaaseqarsinnaanerminut pisinnaatitaaffeqarpoq.

Meeraq aalajangersakkap imarisaa tunngavigalugu suliap ingerlanerani qaqugukkulluunniit oqaaseqarsinnaatitaavoq. Meerarli pinngitsoornani oqaaseqaqquneqarsinnaanngilaq, soorlumi aamma meeraq sinnerlugu sassartoqarnissaanik allamiilluunniit ikiorneqarnissaanik malittarisassap akornusissangikkaa.

Oqaloqateqarnerup qanoq iluseqarnissaanut piumasaqaateqanngilaq. Inuttaanik oqaloqatiginninnerusinnaavoq, telefonikkut, Skypekkut allatulluunniit. Meeqqap isumaa paasineqassaaq, meeqqallu qassnik ukioqarnera inerisimassusaalu naapertorlugit isumaginninnermi sullissinerup nanginnerani naleqqutumik ilanngunneqassapput. Isumassugaanikkut sumiginnagaanerup kingunerisinhaavaa meeqqap ukiuminut naleqqutinngitsumik ineriartornera, tamannalu meeqqap inerisimassusaanik nalilersuinermut pingaaruteqarluinnarpoq. Ukiui inerisimassusaalu aallaavigalugit meeraq nammineq inisisimanerminik paasinnissinnaanersoq aamma meeqqap isummaminik isiginninnerminillu kommunalbestyrelsimek oqaloqateqarnermini saqqummiussami kingunerinik paasinninersoq kommunalbestyreksi naliliisinnaavoq.

Meeqqap kissaatai isumaaluunniit communalbestyrelsimit malinneqarnissaat pillugu piumasaqaateqanngilaq, meeqqalli ukiui perorsimassusialu malillugit pingartinneqassallutik.

Aalangiinissamut eqqarsaatigineqartumut meeqqap nammineq isumaa oqaloqatiginninnermi nassuarneqassaaq. Misissuinerup ingerlanneranut atatillugu meeqqamik oqaloqatiginnitoqarsimagaluarpalluunniit, assersuutigalugu ikiorsiinissat pillugit aalangiinissaq sioqqullugu aamma oqaloqatiginnitoqassaaq. Tamatumunnga tunngavilersuut tassaavoq aalangiinissap eqqarsaatigineqartup aalajangersimasumik imarisaaanut meeqqap isummaminik saqqummiussinissaa pingaaruteqarmat.

Oqaloqatigiinneq suliamic ilisimannippalaartumik ataqqinnissuseqartumillu ingerlanneqassaaq, inernerissavaalu meeqqap nammineq qanoq isumaqarnerata paasinarsineranik. Ataatsimiinneq eqqissisimasumik tatiginniffiusumillu ingerlanneqartariaqarpoq.

Meeqqat timimikkut tarnimikkulluunniit pisinnaasaasa sanngiillisimanerinut naleqqiullugu aalangiinermut meeqqat taakku isumaasa ilanngutitinneqarnerat qulakeerniarlugu, immikkut sillimanissaq imaluunniit immikkut periuseqarsinnaaneq pisariaqarsinnaasarpoq.

Imm. 2-mut

Aalajangersagaq pisunut ataasiakkaannut tunngatillugu paasineqartassaaq, taamaasiornikkut isumaginninnermut ingerlatsivik akuersititseqqaanngikkaluarluni/aammalu angajoqqaatut oqartussaasumik peqataatitsinngikkaluarluni meeqqanik oqaloqatiginnissinnaanngorlugu, taamaaliorneq meeqqamut pitsaanerussappat.

Imm. 3-mut

Imm. 1-imí pingarnertut maleruagassamut allaanerusoq pineqarpoq. Nalornisoqartillugu, meeraq isummaminik saqqummiussisinnaanersoq kommunalbestyrelsimit qularutigineqarpat, taava kommunalbestyrelsi meeqqamik oqaloqateqarniassaaq. Oqaloqatigiinnermilu paasineqarpat meeraq nammineq isummaminik saqqummiussisinnaanngitsoq, taava oqaloqatigiinneq unitsinnejarsinnaavoq.

Imatut pisoqarsinnaavoq oqaloqatigiinneq meeqqamut naleqqutinngitsumik inissiilluni. Taamatut pisoqarnerani meeqqamut soqtiginnineq meeqqap tusaaneqarnissaanut ilanngutitinneqarnissaanut aalajangiisumik akerliunersoq pisumi aalajangersimasumik nalilerneqassaaq. Oqaloqatigiinnerup ingerlanneqarnera meeqqamut iluaqutaanani ajoquisiiginnassanersoq naliliinermut ilaassaaq. Assersuutigalugu tassaasinnaavoq meeraq paasitsisoq oqaaseqarusunnani.

Pisut ilaanni oqaloqatigiinnerup ingerlanneqarnera meeqqamut iluaqutaasussaanngilaq. Tamatumunga pissutaasinnaavoq meeqqap ukiui imaluunniit ineriatunngitsoorsimanera, meeraq nammineq inissisimanini paasisinnaanagu, aamma nammineq isummani isiginninniluunniit saqqummiussinnaanagu. Meeraq assersuutigalugu inummik toqqisisimaffigisamik imaluunniit meeqqamik illersuisuusumik ikiorteqarluni oqaloqatigiinnermi isummaminik saqqummiussisinnaassappat oqaloqatigiittoqartariaqarpoq.

Meeqqamik oqaloqatiginnitoqanngippat oqaloqatigiinnissap sooq ingerlanneqarsimannginneranut tunngavilersuut suliomit takuneqarsinnaassaaq. Tassunga ilanngunneqartariaqarpoq meeraq oqaloqatigineqarsimannngimmat, meeqqap isumaa qanoq ililluni taava paasineqarsimanersoq.

Imm. 4-mut

Meeqqat pillugit suliassat suliarineqartarnissaannut tassunga ilanngullugu meeqqat oqaloqatigineqartarnissaannut kiisalu oqartussaaffeqarfii akornanni meeqqat pillugit suliani paassisutissanik paarlaateqatigiittarnissamut malittarisassanik erseqqinnerusunik aalajangersaanissaminut Naalakkersuisut aalajangersakkut pisinnaatinneqarput. Isumaginnittoqarfíup aqunneqarnera aaqqissuussaaneralu pillugit Inatsisartut peqqussutaat nr. 11, 12. november 2001-imeersumi kingorna allannguuteqartinneqartumi aalajangersarneqarsimasut tassa inunniq isumaginnittoqarfíup qitiusumit najukkanillu aqunneqarnerani inunniq isumaginnittoqarfíup nalinginnaasumik aqutsinikkut akisussaaffinnik inuttalersuillunilu agguassisarneq aalajangersakkut allanngortinnejanganngilaq taamaattorli qitiusumit, Naalakkersuisunit, aqutsisut sulianik

sullissineranni malittarisassanik erseqqinnerusunik aalajangersaanissaminut
aalajangersakkut pisinnaatinneqarput.

Meeqqamut najorti

§ 43

Imm. 1-imut

Meeqqat pisinnaatitaaffii pillugit aalajangersakkani artikel 12-p naammassineqarnissaanut aalajangersagaq tapertaavoq. Artikel-imi tassani aalajangerneqarpoq suliami inaarutaasumik aalajangiisoqarnissaa sioqqullugu meeraq isiginninnermini saqqummiussinissamut isummaminillu oqaaseqarnissamut pisinnaatitaaffeqartoq.

Inuk meeqqanut illersuisunngornissaminut sulianik tunuliaqtissalik, taannaasinnaavoq ukiorpassuarni inunniq isumaginninnikkut aammalu meeqqanut tunngasunik suliaqarsimasoq, soorlu ingerlatsivimmi sullissiuusimasoq, imaluunniit inatsisilerituutut, isumaginninnermi siunnersortitut, perorsaasutulluunniit ilinniarsimasoq ilaallu ilanngullugit.

Pingaernerpaatinneqarpoq inuk meeqqanut illersuisunngorniartoq suliassatigut misilittagaqassasoq meeqqallu pisinnaatitaaffiinik ilisimaarinnilluni inuiaqatigiinnullu ingerlatsinernut ilisimannissasoq. Kiisalu inuk meeqqanut illersuisuunissamut pikkorissarsimasoq meeqqanut illersuisuunissaminut inissaqartinneqarpoq.

Meeqqanut illersuisoq, inummut toqqissisimaffiusumut sanilliullugu - meeqqap ilisarisimasarereertariaqanngilaa. Meeqqanut illersuisoq tassaavoq immikkut ittumik meeqqanut ilisimannittooq, meeqqamullu ikuussinnaasoq meeqqanik oqaloqateqartoqarnerani, meeraq meeqqat pisinnaatitaaffiinik siunnersorsinnaallugu, meeqqanut sulianut inatsisinik nassuaassisinnaasoq, kiisalu ilisimasaqartoq isumaginninnikkut suleriaatsit qanoq ittuunerannik soorlu naammagittaalliorsinnaanermut tunngatillugu il il. Meeqqanik illersuisup suliassaraa ilaatigut meeraq susassaqtunut oqaloqatiginninnissaanut piareersassallugu, oqaloqatiginninneranilu peqataassalluni, meeqqap piumappagu.

Meeqqanik illersuisoq naatsorsuutigineqarpoq meeraq pisinnaatitaaffiinik siunnersorsinnaassagaa communalbestyrelsip aalajangiinissaa sioqqullugu, aalajangiinalernerani aalajangeereerneranilu, meerarlu oqaluttuussinnaassallugu isumaginnitqarfiiit qanoq ingerlariaaseqarnersut, meerarlu qanoq taakkunani ingerlanersoq.

Pingaarpooq oqartussanik attuumassuteqartunik ataatsimeeqateqarnerup nalaani meeqqanut illersuisup meeqqamut ikuunnissamut periarfissaqarnera. Meeqqanik illersuisup qulakkeersinnaasariaqarpaa meeqqamut tamakkerlutik saqqummiunneqarnissaat, ataatsimiinnermilu apeqqutissat pisariaqarsinnaasut tamakkersinnaassallugit. Meeqqanik illersuisoq pisinnaatitaavoq suliap ingerlanneqarnerini tamani peqataasinnaassalluni naatsorsuutigineqarlunilu meeqqap tusarneqarnissaanut peqataalluni qulakkeerinnissasoq,

meeqqallu tunaartai susassaqartunut saqqummiunneqarsimassasut suliamik inaarutaasumik aalajangiisoqalertinnagu.

Kommunalbestyrelsip tunngavittut ersarissumik pisinnaatittariaqarpaa meeqqap meeqqanut illersuisoq imaluunniit inuk toqqisisimaffigisaq ilagisinnaanissaa, kommunimik ataatsimeeqatiginninnermi imaluunniit allani ingerlatsivinni.

Malugeqquneqarpoq meeqqanik illersuisumik toqqaanermut angajoqqaatut oqartussaassusillip akuersisimanissaata apeqqutaannginnera. Tamatumunga pissutaavoq ikiuinissamik suliniuteqarnerunnginnera, meeqqalli pisariaqartitaani kommunemi suliaqarnermik naleqqussaanerulluni. Taamatut allassimasoqarneranut meeqqamut ajunnginnerpaajusussaq pingarneruvoq aammalu suliamik suliaqarnermut atasumik meeqqap soqtigisai pingarnerullutik.

Imm. 2-mut

Pingaruteqarluinnarpoq meeqqat angajoqqaaminnit akuersisummiik pisimanatik inissinneqartut tusarneqartarnissaat. Meeqqamut akuttunngitsunik isummaminik anitsissalluni nassuaanissaq ajornakusoorsinnaavoq, tamanna angajoqqaaminut ataqqinnikkunnaarnertut misigisimalersitsisinnaasarmat. Taamaasilluni meeqqanut illersuisup meeraq ikiorsinnaavaa qanoq isumaqarnerminik nassuaasinnaanngortissallugu inissinneqarnissaminut tunngatillugu. Meeqqamut illersortip aamma isumaginninnermi maleruagassat ilisimavai aamma kommunimik oqaloqateqarnermi ataatsimeeqateqarnermilu meeqqap pisinnaatitaaffiisa eqqortinneqarnerisa qulakkeerneqarnissaannut peqataasinnaalluni.

Imm. 3-mut

Ulloq unnuarlu paaqqinnittarfiup immikkoortortaqarfianut isumannaallisakkamut inissiineq meeqqamut annertuumik akuliunnerusumut atatillugu aalajangersagaq isigineqassaaq. Meeqqat ulloq unnuarlu paaqqinnittarfiup immikkoortortaqarfianut isumannaallisakkamut inissitat amerlanertigut inuttut pisariaqartitaat annertusarput taamaattumillu pingaruteqartorujussuovoq meeqqap pisinnaatitaaffiminut pitsaanerpaamik ilitsersunneqarnissaa ikorfartorneqarnissaalu, taamatuttaaq allaffisornerup aaqqissugaanerani naammagittaalliorzinnaatitaanermut tunngasunik.

Meeqqap ulloq unnuarlu paaqqinnittarfiup immikkoortortaqarfiani isumannaallisakkami inissinneqarnissaa communalbestyrelsimit eqqarsaatigineqalerpat meeraq meeqqamut illersuisumik pissarsissunneqassaaq. Eqqarsaatigineqalerpat imatut paasineqassaaq suliamik suliarinnittup ilimagilluinnalerpagu meeraq ulloq unnuarlu paaqqinnittarfiup immikkoortortaqarfiani isumannaallisakkami inissinneqartariaqartoq. Inatsit atuutsinneqalerpat meeqqat ulloq unnuarlu paaqqinnittarfiup immikkoortortaqarfianut isumannaallisakkamut inisseriikkat meeqqanut illersuisumut atassuteqalersinneqassapput.

Pingaaruteqarpoq meeraq inissitaq najugaqarnini tamaat meeqqamut illersuisumut attaveqarsinnaajuaannarnissaa inissiisarfip avataatigut, taamaasilluni meeraq piginnaatitaaffiminik siunnersorneqarsinnaaniassammat, meeraq misigisimalissagaluarpat ulloq unnuarlu inissiisarfimmi eqqunngitsumik pineqarluni.

Meeqqap ulloq unnuarlu paaqqinnittarfiup immikkoortortaqarfiani isumannaallisakkami inissinneqarnissaa sioqqullugu, meeqqamut illersuisumit ikiorneqarnissamik pisariaqartitsilissagaluaruni qanoq ililluni attaviginnissinnaanera pillugu maleruagassaliortoqarsimassaqaq. Assersuutigalugu isumaqatigiissutigineqarsinnaavoq meeqqap meeqqamut illersuisoq oqarasuaatikkut piffissani aalajangersimasuni attavigisarsinnaagaa piffissani aalajangersimasuni, imaluunniit isumaqatigiissutigineqarsinnaavoq paaqqinnittarfimmut meeqqamut illersuisoq pulaartarsinnaasoq.

Imm. 4-mut

Meeqqat illersuisuattut sulilissagaanni piumasaqaataavoq pinerluuteqarsimannginnermut upernarsaammik aamma meeqqanik pinerliisimannginnermut upernarsaammik pissarsiniarnissamut akuersissuteqanissaq. Uppernarsaatit aqqutigalugit qulakkeerneqassaaq meeqqat angajoqqaallu meeqqap illersuisuanut tatiginnissinnaanerat.

Imm. 5-imut

Aalajangersakkap meeqqanut illersuisunut nuna tamakkerlugu piumasaqaatit assigiilernissaanut, kiisalu aningaasarsiaat allallu atugassarititaasut tamanut ammasunngortinnissaanut Naalakkersuisut qulakkeerinissinnaatippai.

Piginnaatitsineq, communalbestyrelsip ingerlatsinikkut misissuisussaatitaanerata ilaautt aammalu meeqqamik illersuisussatut imminut neqeroorutigisumik atuilinnginnermini pinerlussimannginnermut aammalu meeqqanik pinerliisimannginnermik upernarsaammik piniartoqarsimaneranik qulakkeerininnissat pillugit malittarisassiornissamut, atorneqarsinnaavoq. Sapinngisamik pitsaanerpaamik meeqqap illersornissaa anguniarlugu meeqqamut pinerlussimannginneq kisiat piinnarnagu, aammali pinerlussimannginnermut upernarsaammik inunnik isumaginnittoqarfimmiiit pissarsiarneqarsimassaqaq, meeqqap pitsaanerpaamik illersorneqarnissaa sapinngisamik qulakkeerniarlugu. Assersuutigalugu akuusersimaneq pillugu pineqaatissinneqarsimaneq aammalu meeqqanut 15-it qaangerlugit kinguaassiutitigut kanngutsaatsuliorsimaneq, meeqqanut pinerlussimannginnermut upernarsaammi takuneqarsinnaanavianngimmat, taamaallaalli pinerlussimanermut upernarsaammi takuneqarsinnaassalluni. Taamaattumik communalbestyrelsip pinerlussimannginnermut allagartaq meeqqanullu pinerlussimannginnermut allagartaq piniaqqaartariaqarpai meeqqanut illersuisussamik atuilersinnani.

Isumaginninnikkut misissuineq

§ 44

Meeraq pillugu meeqqamilu pissutsinik misissuineq, isumaginninnermi sullissinikkut misissuinermik taaneqartarpoq.

Isumaginninnermi sullissinikkut misissuineq aallartinneqartarpoq, communalbestyelsi:

1. meeqqap alliartorneranut, peqqissaanut ineriarneranullu ajoqsiisinhaasunik meeqqap atugaqarnera pasitsaaneqaraangat, imaluunniit
2. meeraq immikkut ikiorserneqarnissamik pisariaqartitsisutut isumaqarfingisorinaraangat.

Meeqqat kikkut misissuiffigineqarnissaannut, aamma meeqqat kikkut kinaassusersiunngitsumik piumasaqaatit aallaavigalugit misissuiffigineqannginnissaat pillugit najoqqtassanik pituttuisunik, communalbestyelsi najoqqtassiunngisaannassaaq, assersuutigalugu ilaqtariit tunuliaqtaat, angajoqqaat suliffeqarfinnut atassuteqarnerat il.il.

Paasissutissat pigineqartut tunngavigalugit meeraq tapersorsorneqartariaqartutut isumaqarfingineqarpat, communalbestyelsi pisussaavoq pissutsinik qanimut misissuinissaminut.

Isumaginninnermi sullissinikkut misissuineq ajornanngippat angajoqqaatut oqartussaassusilinnik meeqqamillu suleqateqarnikkut ingerlanneqassaaq. Angajoqqaatut oqartussaassusillip misissuinermik paasinninnera iluaqtaassaaq ilaqtariit kommunillu akornanni kinguneqartussamik suleqatigiinnermut. Suleqatigiinni tamanna ungasinnerusoq aamma eqqarsaatigalugu soorunami pingaaruteqarpoq.

Isumaginninnermi sullissinikkut misissuineq, angajoqqaatut oqartussaassuseqartut suleqatigalugit pisinnaanngippat communalbestyrelse pisinnaaitaaffeqarpoq angajoqqaatut oqartussaasut meerarlu akuersiteqqaarnagit misissuineq ingerlatissallugu.

Isumaginninnermi sullissinikkut misissuineq tunngavissaqartitsilissaaq meeqqap ilaqtariillu ajornartorsiutaasa qanoq ittuunerat aallaavigalugu qanoq tapersersuinissap nalilersornissaanut. Taamaattumik suliap ingerlannerani piaernerpaamik ilisimasalinnit qulaajarneqassaaq, siunnersuut manna naapertorlugu tapersersuinermik aallartitsinissamut tunngavissamik peqartoqarnersoq.

Imm. 1-imut

Imm. 1-imi aalajangersagassatut siunnersuutip naqissuserpaa communalbestyelsi pisussaasoq isumaginninnikkut misissuinissamut, meeqqap immikkut ikorfartorneqarnissaaq ilimagineqarpat. Kommunalbestyelsip maluginiarsimasinnaavaa nalunaaruteqarsimaneq imaluunniit communalbestyelsip kommunemi meeqqanik nakkutilliinera nalinginnaasoq tunngavigalugu, tak. § 8, imm. 1, meeqqap immikkut ittumik ikiorserneqartariaqarnermik pisariaqartitsinera. Immikkut ittumik ikiorserneqartariaqarnermik pisariaqartitsinermik

malugisaqarneq aammattaaq pilersimasinnaavoq meeqqap ilaquaasalu imaluunniit isumassuisut allat § 20-mi aalajangersagassatut siunnersuutigisaq malillugu siunnersorneqarsimanerisigut.

Kapitali 8 malillugu immikkut ittunik ikiuinissamik suliniuteqarnernik aammalu kapitali 9 malillugu ikiuinissamik suliniuteqarnernik sukannererusunik aallartitsinissanut aallaavittut piumasaqaataavoq, isumaginninnikkut misissuisoqarsimanissa. Isumaginninnikkut misissuineq taamaattoq meeqqap immikkut ittumik imaluunniit ikiuinissanik suliniuteqarnernik sukannererusunik pisariaqartitsineranik ilimagisaqarnernuinnaq naleqqtissanngilaq, aammali meeqqanut pisariaqartitaannik paasisaqrifiusimanngitsunut aamma naleqqtissalluni.

Imm. 2-mut

Isumaginninnikkut misissuinerup qanoq imaqrnissaanik aalajangersagaq piumasaqaateqarpoq, taamaalilluni meeqqap ilaqtariillu inuuneranni killiffiit assigiinngitsut nunatsinni tamarmi siamasissumik paasisaqarnissaq qulakkeerneqassamat. Meeqqap ilaqtariillu ajornartorsiutaasa nukissaasalu ataatsimoornerusumik qulaajaavagineqarnissaat kissaataavoq. Isumaginninnikkut misissuineq meeqqap inisisimaneranik avatangiisaanillu ataatsimoornerusumik misissuinertut paasineqassaaq. Misissuinermi taamaattumik angajoqqaat atugaasa angajoqqaatullu piginnaasaasa allallumi tamakkununnga tunngassutilit nalilersorneqarnerat ilanngunneqarsinnaapput. Aalajangersakkami immikkoortut aalajangersimasut arfinillit taagorneqarput, taakkulu isumaginninnikkut misissuinermut minnerpaatut ilaatinneqassapput, suliami pissutsit aalajangersimasut immikkoortut ilaannik pisariaqartitsinnginnermik ilaquantgippata. Pisoq taamatut ittoq pisinnaavoq soorlu naalungiarsummut tunngatillugu atualernissamut tunngasut qulaajarnissaanut tunngatillugu. Immikkoortut aalajangersimasut arfinillit taakku ersarinnerusumik allaaserineqassapput Naalakkersuisut malittarisassiarisaanni imm. 7 naapertorlugu.

Imm. 3-mut

Isumaginninnermi sullissinikkut misissuinerup inernerissavaa allaganngorlugu iliuusissanut tunngavilersonluakkamik pilersaarasiaq, tapersersuinissamik qanoq ittumik aallartitsisoqarnissaanik imalik. Isumaginninnermi misissuinermk aallartitsisoqannginnissaanik aalajangiinerup taamatuttaaq inernerissavaa allaganngorlugu tunngavilersonneq, taannalu meeraq pillugu allattukkanut ilineqassaaq.

Misilitakkani takutinneqarpoq iliuuserineqartoq sunniuteqarnerpaaq qulakkeerneqartartoq oqartussat attuumassuteqartut meeqqamillu suliaqartut allat tamarmik peqataatinneqarnerisigut. Tamanna isumaqarpoq suliaq paasinarsinerusartoq iliuuseqarnerlu pitsaanerpaamik anguniagalersorneqartartoq. Peqatigisaanik meeraq pillugu isumalluutit sapinngisamik amerlanerpaat ilanngutitinneqarlutik. Sunik suliaqarneq apeqquatainnagu suleqatigiinnikkut meeqqap ataatsimoornerusumik iliuuseqarfinginissaa qulakkeerneqartartoq.

Oqartussaasoqarfiit assigiinngitsunik suliallit isumaginninnermi suliassat pillugit suleqatigiinnissaannut Inatsisartut peqqussutaat nr. 14, 1. november 1982-imeersoq naapertorlugu isumaginninnermi misissuinerup ilaatut Suliassaqarfiit akimorlugit suleqatigiissitaq tapersersuinissamik siunnersuummut § 28 malillugu angerlarsimaffiup avataanut inissiinissamik imalimmut isummernerminik allakkatigut saqqummiussissaq. Aalajangersakkatigut tassuuna qulakkeerneqassaaq angerlarsimaffiup avataanut inissiisarnerit pillugit meeqqanut tunngatillugu suliassani suliaqarfiit akimorlugit suleqatigiittuartoqarnissa, taamaattoq Suliassaqarfiit akimorlugit suleqatigiissitap akissuteqannginna pissutigalugu inissiinissaq pisariaqanngitsumik kinguarsarneqassanngilaq.

Suliatigut ataqtigiissarneqartumik suleqatigiinnerup qulakkeernissaanut pisussaaffik kommunalbestyrelsip akisussaaffigaa.

Imm. 4-mut

Isumaginninnermi sullissinikkut misissuinerup saniatigut tapersersuigallarneq aamma ingerlanneqarpat, misissuinerup naammassineranut atasumik tapersersuigallarnerup ingerlatiinnarneqarnissa unitsinneqarnissaaluunniit aammattaaq isummerfigineqassasoq aalajangersakkami aalajangiunneqarpoq. Meeqqap angajoqqaatullu oqartussaassuseqartut tapersersuinermut qanoq isumaqarnerat kommunalbestyrelsip paasiniartariaqarpaa. Ilanngullugu misissorneqartariaqarpoq ajornartorsiutit qulaajarneqartut ilaannik ilaqtariit attaveqarfii, ilaqtariit pisariaqartissinnaasaannik ikuussinnaanersut.

Imm. 5-imut

Inatsit alla malillugu meeraq ikiorserneqartarp, assersuutigalugu piginnaanikillisimaneq pisutigalugu ikiorserneqartarnermik, tamanna isumaginninnikkut misissuinerup meeqqamik atugaanillu tamakkiisumik nalilersuinerata ilaatut ilanngunneqassaaq. Tassani aamma allasimavoq isumaginninnikkut misissuinerup takutippagu meeraq ikiorserneqartariaqartoq, inatsilli una malillugu ikorsiisoqarsinnaanani, kisiannili inatsit alla malillugu aallartinneqarsinnaalluni, taava kommunalbestyrelsip tamatuminnga aallartitsinissaq imaluunniit oqartussaasup akisussaasusup attaviginissaak akisussaaffigaa. Aalajangersagaq paasineqassaaq Meeqqanik Ikorsiineq pillugu Inatsisartut Inatsisaat tassaasoq meeqqanut tamanut "tunngaviusumik inatsit", inatsisillu immikkut ittut allat tassaasut tapiliussatut inatsisit ingerlatsiviup pisinnaatitaaffit allattorsimaffiannut ilaliussassaat meeqqat pillugit ikorsiisarneq pillugu inatsit naapertorlugu. Taamaattumik meeraq inatsisitigut akuerisaasumik meeqqanut ikorsiineq pillugu inatsit taanna malillugu ikiorserneqarsinnaavoq, tamannalu ilutigalugu inatsit immikkut ittoq alla malillugu ikiorserneqarsinnaalluni, assersuutigalugu innarluutilinnut inatsit. Inatsisip taamaalilluni inatsisit allat naapertorluginnigilai. Meeqqap pisariaqartitai, tak. aalajangersakkat aallarniutaasut, ikiorserneqarnissamik pisariaqartitsineranik nassuaasuuupput, inatsisillu taamaalillutik imminnut tapertariittut paasineqasapput, aatsaalli inatsimmi allassimasut takutippassuk taamaattoqassanngitsoq.

Imm. 6-imut

Isumaginninnermi sullissinikkut misissuineq tunngavigalugu, isumaginninnermi sullissinikkut misissuinerup inassuteqaatai malillugit ikorsiinermik aallartitsisoqarnissa tunngavissaqarnersoq pillugu communalbestyrelsip aalajangiinissaa, aalajangersakkami aalajangiunneqarpoq.

Imm. 7-imut

Aalajangersakkami aalajangiunneqarpoq iumaginninnermi sullissinikkut misissuinermut Naalakkersuisut ersarinnerusunik malittarisassiuussisinnaasut, tassani pineqarlutik misissuinerup ingerlanneqarnissaanut, qanoq ilusilerneqarnissaanut qanorlu imaqarnissaanut, kiisalu ingerlannerata qanoq sivisussuseqarnissaanut aammalu iumaginninnermi sullissinikkut misissuinerup naammassineqarnissaanut. Malittarisassat taakku nalunaarutitut isikkulerlugit aalajangersaavagineqassapput.

Iliusissanut pilersaarutit

§ 45

Imm. 1-imut

Meeqqamut tapersersuinissaq pillugu aalajangiisoqartinnagu qanoq iliuuseqarnissap allaganngorlugu suliarineqarnissa kommunalbestyrelsip pisussaaffigigaa aalajangersakkut aalajangersarneqarpoq. Iliusissanut pilersaarutornerup qulakkiissavaa meeqqamut iliuuseqarnermi anguniagaasumik communalbestyrelsip peqqissaartumik iumaliutiginninnisa, taamaalilluni aallaqqaataaniit naleqqunnerpaamik tapersersuinermik aallartitsisoqarnissa ilusilerneqarsimassamat. Tamatumunnga ilaattillugu meeqqamut anguniakkat qanoq pilersinnejassanersut qanorlu anguneqassanersut communalbestyrelsimit eqqarsaatigineqassapput.

Iliusissanut pilersaarut iliuuserineqartussamut naapertuuttumik pivusorsiortuussaaq aammalu meeqqamut taassumalu pisariaqartitaanut tungalluinnarluni suliarineqassalluni. Iliusissanut pilersaarutip taamatut ittup meeraq kiisalu angajoqqaatut oqartussaassusilik, sullissisoq allallu iliuusissamut pilersaarummik malinnaaviginnitsissinnaavai aammalu ilaqtariit ajornartorsiutaasa qaangerniarneqarnerannut peqataatillugit. Soorlumi aamma iliuusissatut pilersaarutip meeqqamut tunngasunik sullissisuusut allanik taarsissagaluarpata, suliap ingerlajuarnissa periarfissaqalersissaga.

Qanoq iliuuseqarnissamik pilersaaruteqarnikkut siunertaavoq meeqqamut suliniuteqarnermi iliuuseqarnerup siunnerfeqarnissaata ataatsimoortuutinnejarnissaatalu qularnaarneqassasoq.

Taamaaliornikkut iliuuseqarnermut meeqqap peqataalluinnarnissaata aammalu angajoqqaatut oqartussaassusillit allallu iumassuisuusut iliuuseqarnermut annertunerpaamik akuersaarnissaasa, ataqqinninnissaasa tapersersuinissaasalu qulakteerneqarnissaat kissaatigineqarpoq. Iliuuseqarneq ataatsimoortuusinnaaqquillugu ilaatigut isummerfigineqarsimassapput iumalluutit suut meeqqami, ilaqtariinni aammalu ilaqtariit attaveqarfiini atugarineqarnersut.

Aalajangersakkap immikkoortuani 1, nr. 1-5-imik allattorsimapput pisuni qanoq ittuni kommunalbestyrelsip iliuusissanut pilersaarusiornissamut pisussaaffeqarnera.

Isumaginninnermi misissuinerup uigunerasut aammalu tassunga atasumik iliuusissanut pilersaarummik suliaqarnermut ikorsiinissamik aallartitsinissaq iliuusissanut pilersaarusiortiusimasussaq, tak. imm. 1, nr. 2 aamma 3, iliuusissanut pilersaarutip qanoq isikkoqarnera apeqqutaalluni iliuusissanut pilersaarutip paasissutissanik nalilersuinernillu aalajangersimaqqissaartunik nutarteriffiginissaa naammassaq nutaarluinnarmik pilersaarusiornermiinngaanniit.

Imm. 2-mut

Iliuusissanut pilersaarutip minnerpaamik imarisassaasa pitsaassusissaannut piumasaqaatit aalajangersakkami allattorneqarput. Iliuusissanut pilersaarutip communalbestyrelsimit nutarterneqartuarnissaanik naatsorsuuteqarnertut aalajangersagaq paasineqassaaq aammalu iliuuseqarnerup sunniuta ikiuinissamillu suliniuteqarnerup naleqquttuussusaa communalbestyrelsimit nalilersorneqartuassasoq. Taamaattumik qanoq iliuuseqarnissamut pilersaarutip siunissami tikkuussissutit kisiannili aamma sakkussatut periarfissaqarnerusutut periarfissinerusutullu taamaalillunilu meeqqamik tapersersuinissami suliniutissatut kaammattutigineqartunut tunngaviusumik aallarniutaasutut atorneqarnissaa naatsorsuutigineqarpoq ingerlaavartumillu nalunaarsorneqartartussaallunilu allanngortinneqartartussaavoq meeqqamik tapersersuinikkut suliniutigineqartut sunniutaasa meeqqap tapersersorneqarnissamik pisariaqartitsinerata allanngoriartornera malillugu. Iliuusissanut pilersaarut meeqqap ineriarngeranik pisariaqartitaanillu malinnaaffiunngitsutut killifittut allagaatitut nalunaarsuutitut isigineqasanngilaq. Iliuusissanut pilersaarut ineriarngeranit sakkussatsialattut paasineqassaaq, taamaattumillu ineriarngerut eqeersimaartumik allagaatitut nutarterneqartuartussatut isigneqassalluni. Iliuusissanut pilersaarut meeqqap iliuuseqarfingineqarnera, pisariaqartitaanik suliarinniffiup nalaani assiliaasumik nutaanngitsumik taamanikkullu eqqortutut isigineqartumik immaqali ineriarngerup kingusinerusukkut pisariaarutsitaanik, assiliartaliinermik piuinnartitseqataassanngilaq. Iliuusissanut pilersaarut siunissami atorneqassaaq sakkussatut uumaassusilitut ineriarntuutaasutullu, aammalu meeqqap maannakkut pisariaqartitaanik aallaaveqartumik tunngaveqarluni communalbestyrelsimit nutarterneqartuartartussatut. Iliuusissanut pilersaarut aammattaaq atorneqassaaq allanut innersuussuteqarnernut imaluunniit iliuuseqarnerup ingerlanerani meeqqamut allatut ikorsiernut. Meeqqap pisariaqartitai allanngortarpum taamaammallu qanoq iliuuseqarnissamik pilersaarutip ingerlaavartumik nalilersuiffiginertigut pisariaqarfatiqallu nutarterneratigut pilersaarut aamma allanngortinneqartartussaalluni taamaalilluni pilersaarummi iliuusissatut kaammattutigineqartut meeqqap ineriarngeranit maannakkorpiaq pisariaqartitaanut ikorfartuutaassalluni.

Iliuusissanut pilersaarut suleqatigiinnermi aamma sakkussaalluarpoq suliamik sullisisup, meeqqap, meeqqap ilaquaasa inuillu meeqqamut atatillugu suliniuteqartussat akornanni suleqatigiinnermik pitsanngorsaaqataasinnaasoq. Iliuusissanut pilersaarut siunertamik taper-

sersuinermillu suliniuteqarnermi anguniagassanik suleqatigiit ataatsimut paaseqatigiinnisaannut iluaqutaasussaavoq.

Imm. 3-mut

Inatsit alla malillugu meeraq ikiorserneqarsimappat, soorlu piginnaanikillisimaneq pissutigalugu ikiorserneqarnermut, tamakkununnga tunngasut iliuusissanut pilersaarummut ilanngunneqassapput. Tamatuma ilaatut, inatsisit assigiinngitsut malillugit ikorsiinissamik periarfissat imminnut qanoq sunniuteqarnerat nalilersorneqassaaq, meeqqap ikiorserneqarnissaq pitsaanerpaaq angujumallugu. Tassani aamma paasineqarpat, iliuusissanut pilersaarummi nalilersuinerit inatsit alla malillugu nalimmassarneqarnissamik pisariaqartitsisut, kommunalbestyrelsi tamatuminnga aallartitsissaq imaluunniit oqartussaasoq akisussaasusoq attavigissallugu.

Imm. 4-mut

Inissiinermi siunertaasoq anguniagaasorlu qanoq iliuuseqarnissamik pilersaarummi oqaatigineqassaaq. Tassa imaappoq meeqqamut aalajangersimasumut atatillugu suliniutip qanoq pitsaatiginissaa eqqarsaatigilluarneqassaaq taperssuinikkut anguniakkap pingarnerusutigullu siunertaasoq anguneqarsinnaaqqullugu taamaalilluni meeqqap pisariaqartitai akuersaarneqassapput.

Aalajanersakkap 3-ata qulakkiissavaa Angerlarsimaafiup avataanut inissiinermi iliuusissatut pilersarusiornermi, FN-ip meeqqat pillugit isumagatigissuttaa artikel 9. aallaavittut najoqqutarinissa.

FN-ip meeqqat pillugit isumaqtigiissutaata artikel 9-ni ilaatigut allaqqavoq) naalagaaffiit peqatigiit meeqqat angajoqqaamik arlaat tamaasaluunniit najunngippagit toqqaannartumik attaveqatigiittuarnissaat ataqqineqassasoq, tamanna meeqqap illersorneqarnissaanut akornutaassanngippat.

Pissutsit atuuttut qajassuulluinnarlugit, toqqaannartumik attaveqartoqarsinnaavoq, oqarasuatkut, qarasaasiat atorlugit oqaloqatigiinneq, imaluunniit toqqaannartumik naapinnikkut.

Aalajangersakkami aalajangiunneqarpoq, imm. 2-mi taaneqartut saniatigut, inissiineq sioqqullugu suliarineqartumut iliuusissanut pilersaarummut meeqqap inissinneqarnerata nalaani tamatuma kingorna angerlarsimaffiup nukitorsarneqasinnaaneranut kommunalbestyrelsi aammattaaq isummerfiginnissimassasoq.

Aalajangersakkami naatsorsuutigineqarpoq, angerlarsimaffimi isumassuinerup nukitorsarneqarnissaanut piffissap inissiiffiup nalaa ammalu tamatumalu kinguninngua – iliuuseqarfiusumik pisussallu sioqqutereerlugit – qanoq atorneqarnissa kommunalbestyrelsip eqqarsaatigereersimassagaa.

Imm. 5-imut

Inissiinerup ingerlanneqarnerata, kommunip aaqqissugaanik ilaqtariinni paarsisartuniippat imaluunniit ulloq unnuarlu paaqqinnittarfimmut inissiineruppat, naleqassusaanut pingaaruteqarluinnarpoq inissiiffiusup qanoq iliuuseqarnissamik pilersaarummik ilisimanninnissa. Qanoq iliuuseqarnissamik pilersaarummik ilisimasaqarneq siunnerfeqartumik perorsaanikkut suliniuteqarnermut iluaqtaasinnaavoq, tassani peqataasut akuutinnejartut tamarmik assigiimmik anguniagaqarlutik sulissallutik. Taamaalilluni ataatsimoortitamik suliniutip tunuani eqqarsaatit inissiiffiusumi piviusunngortinneqarnissaat aammaa qulakkeerneqassaaq.

Imm. 6-imut

Aalajangersakkut aalajangersarneqarpoq iliuusissanut pilersaarusiortoqassasoq oqaloqatigiinnikkut aammalu meeqqamut angajoqqaatut oqartussaassusilinnik aammalu meeqqamik suleqateqarnikkut, meeqqap ukiui apeqqutaatinnag. Meeqqap isummani isummersuutinilu oqaatigisinnaasariaqarpai, tassanilu eqqarsaatigineqassaaq qassinik ukioqarnera inerisimassusaalu.

Angajoqqaatut oqartussaassusillit iliuusissatut pilersaarusiornermut kommunalbestyrelsimek suleqateqarumanngissagaluarpata, kommunalbestyrelsi nammineq meeraq oqaloqatigisarlugu iliuusissanut pilersaarusiussaaq.

Imm. 7-imut

Meeqqamut iliuusissatut pilersaarut pillugu meeraq taassumalu angajoqqaavisa imaluunniit isumassuisut allat communalbestyrelsip tamatigut paasitittassavai. Tamanna meeqqamik ilitsersuisussaatitaanermik annertusisamik malittarisassatut paasineqassaaq. Meeraq oqaatigineqartunik paasinnissinnaaqullugu ilisimatitsineq meeqqap utoqqaassusaa inerisimassusaalu eqqarsaatigalugit oqaatsit periaatsillu paasinartut atorlugit ingerlanneqassaaq.

Imm. 8-mut

Aalajangersakkap kinguneraa, iliuusissanut pilersaarutit qanoq isikkoqarnissaat imaqarnissaallu pilligit ersarinerusumik Naalakkersuisut malittarisassiornissaat, kiisalu qaqqugukkut communalbestyrelsi inissiisuusup iliuusissamik pilersaarut inissiiviusussamut, ima paasillugu, ulloq unnuarlu paaqqinniffimmut, ilaqtariit paarsisartunut efterskolinut assigisaannullu ingerlateqqissanerai.

§ 46

Imm. 1-imut

Iliusissanut pilersaarummik misissueqqissaarneq meeqqanut iliuuseqarnerinnarmut sammissanngilaq aammali angerlarsimaffimmi isumassuinerup nukitorsarnissa siunertaralugu iliuuseqarnernut tunngassalluni. Taamaalilluni suliniutit suli tamakkiisumik sammitinneqarnerat qulakkeerneqassaaq. Meeqqamut imaluunniit taassuma ilaquaanuit aaqqiinissaq pilersinnejarsimappat pingaaruteqarpoq ikorsiinerup imaluunniit

angerlarsimaffiup avataanut inissiinerup ataavartumik communalbestyrelsimit malinnaaffigineqarnissaa. Malinnaaviginnittuarnerup qulakkiissavaa meeqqap piffissami tassanerpiaq pisariaqartitaanik tapersersuinerup naammassineqartuarnissaa.

Imm. 2-mut

Aalajangersagaq ilanngunneqarpoq iliuusissanut pilersaarutip meeqqamut maannakkorpiaq atugaanut maannakkorpiaarlutu tapersorsorneqarnissamik pisariaqartitaanut tulluartumik nutarterneqarsimajuarnissaa qulakteerniarlugu.

Katsorsaanissanut pilersaarutit

§ 47

Imm. 1-imut

Aalajangersakkami aalajangiunneqarpoq iliuusissanut pilersaarut aalajangersagaq aallaavigalugu ulloq unnuarlu paaqqinnittarfiiq minnerpaamik ukiumut ataasialutik katsorsaanissamut pilersaarusiortassasut. Iliuusissatut pilersaarusiorterup isumaginissa kommunalbestyrelsip akisussaaffigaa.

Iliuusissanut pilersaarummi siunertat anguniakkallu aallaavigalugit katsorsaanermut pilersaarut perorsaanermik peqqissaanermillu suliaqarnermik imaqassaaq, taakku qulakkiissavaat iliuusissatut pilersaarummi anguniarneqartut pingarnerit naammassineqarnissaat. Meeqqat ulloq unnuarlu paaqqinnittarfimmut inissinneqartut tamarmik katsorsarneqarnissamut pilersaarusiortfigineqassapput.

Imm. 2-mut

Katsorsaanissamut pilersaarutit qanoq isikkoqarnissaannik qanorlu imaqarnissaannik ersarinnerusunik Naalakkersuisut malittarisassiornissaannik aalajangersakkami pisinnaatinneqarput.

Killiffiit pillugit nalunaarusiat

§ 48

Aalajangersakkami aalajangiunneqarpoq ulloq unnuarlu paaqqinnittarfiiup meeqqap inissinneqarsimanermi nalaani ineriarornera pillugu communalbestyrelsi paasissutissittassagaa. Paasissutissiineq minnerpaamik killiffik pillugu nalunaarusiatut isikkulerlugu nassiunneqartassaaq.

Aalajangersakkami aalajangiunneqarpoq meeqqap peqqissusaanut isumagineqarneranullu tunngasuni allanngortoqassatillugu imaluunniit annertuumik allanngortoqarnissaa ilimagineqalersillugu, ulloq unnuarlu paaqqinnittarfiiup erngerluni communalbestyrelsimit nalunaaruteqartarnissaa. Aalajangersagaq imm. 2-mit allaanerussuteqarpoq, imm. 2-mi aalajangersarneqarmat ulloq unnuarlu paaqqinnittarfiiup ukiumut marloriarluni killiffimmik

nalunaaruteqartarnissaa. Annertuumik allanngortoqarnerit tassaasinnaapput, meeqqap tassanngaannaq pissutsimigut allaanerumik pissuseqalernera imminornissamillu sakkortuumik pissuseqalernera, imaluunniit tassanngaannartumik napparsimalernera imaluunniit timimigut tarnimigulluunniit innarluuteqalerneranik il.il. paasitinneqarnera. Annertuumik allanngortoqarnera, ass. meeqqap angajoqqaavisa ulloq unnuarlu paaqqinnittarfik akornusersuerpalaartumik attavigippassuk, sulisunut qunusaarerpalaartumik pissusilorsorpata, angajoqqaaq aamma nammineq meeraasoq angerlarsimaffiup avataanut inissinneqarpat imaluunniit angajoqqaamik toqukkut qimaguttoqarpat il.il.. Allarpasuarnik taaguisoqarsinnaavoq. Ulloq unnuarlu paaqqinnittarfiput meeqqamut tunngasuni annertuumik allanngortoqarnerit tamaasa kommunalbestyrelsi paasitittassavaa.

Imm. 2.

Aalajangersakkami aalajangiunneqarpoq, ulloq unnuarlu paaqqinnittarfik siullermeirluni killiffik pillugu communalbestyrelsimit nassiussissasoq meeqqap ulloq unnuarlu paaqqinnittarfimmuit inissinneqarneraniit kingusinnerpaamik qaammatit pingasut kingorna. Tamatuma kingorna killiffimmik nalunaarusiaq nutarterneqartuassaaq aammalu ukiumut marloriarluni communalbestyrelsimit nassiunneqartassalluni.

Killiffik pillugu nalunaarusiap meeqqap meeqqap alliartorneranut ineriarorneranullu nalinginnaasumik isummerfiginninnermi saniatigut, aamma iliuusissanut pilersaarutaasa katsorsarneqarnissaanullu pilersaarutaasa imaannut tunngatillugu killiffimmik communalbestyrelsi paassisutissittussavaa.

Imm. 3-mut

Killiffiit pillugit nalunaarusiat qanoq iluseqarnissaat qanorlu imaqarnissaat pillugit Naalakkersuisut malittarisassioriornissaannik aalajangersakkami pisinnaatinneqarput.

Akuersineq

§ 49

Imm. 1-imut

Aalajangersakkami aalajangiunneqarpoq, communalbestyrelsi angajoqqaatut oqartussaassusilimmi meerarlu 15-inik ukioqalersimappat pisuni qanoq ittuni akuersinermik pissarsiniartassanersoq. Akuersineq allakkatigut tunniunneqassaaq, akuersinerullu tunniunneqannginnerani angajoqqaatut oqartussaassusilimmik meeqqamiillu akuersinerup kingunerisinnaasaanik sukumiisumik ilitsersuussinissaq communalbestyrelsip pisussaaffigaa. Aalajangersakkap aammattaaq aalajangiiffigaa, suliniuteqareernermi malitseqartitsinissaq pillugu aalajangiisoqartinnagu, meeraq akuersisimassasoq.

Imm. 2-mut

Aalajangersakkami aalajangiunneqarpoq akuersinermik pissarsiniarneq pinngitsoorneqarsinnaasoq ikiuinissamik suliniuteqartoqarneranik aamma ikiuinissamik suliniuteqartoqarneranik immikkut ittunik aalajangiinissani. Pissarsiariniartariaqannginneranulli apeqqutaavoq ikiuinissamik suliniuteqarnermik aallartitsinissap meeqqap peqqissusaanut, ineriartorneranut, alliartorneranullu pingaaruteqartutut nalilerneqarnera aammalu ilanngullugu nalilerneqarpat akuersinermik pissarsinianginnerup kingunerissanngikkaa, ikiuinissamik suliniuteqarnerup siunertaa anguneqarsinnaanngitsoq.

Imm. 3-mut

Aalajangersakkami aalajangiunneqarpoq § 6 naapertorlugu aalajangiinerit akuerineqaqqaartariaqanngitsut angajoqqaatut oqartussaassusilimmit meeqqamiillu 15-ileereersimasumit.

Aalajangiinerit taamatut ittut, meeqqap ajoquserneqannginnerani nukinginnartumik akuliuttariaqarnermik nalilersuinermiippoq, taamaattumillu iliuuseqartoqartinnagu akuersinermik utaqeqqaarallarnissaq akerlianik iliornerussalluni.

Kapitali 13

Peqatigiiffiit

§ 50

Aalajangersakkap atuutsippaa Naalakkersuisut peqatigiiffinnik akuersisinnaatissallugit qani-mut aalajangikkanik piumasaqaatitalinnut meeqqanut inuusuttuaqqanullu aalajangersimasunik susassaqartitsiviusunut.

Naalakkersuisut inuiaqatigiinni peqatigiiffinnut akuersinissaminnik toqqaasinnaapput, assersuutigalugu Peqatigiiffik Kalaallit Meerartaat, Røde Kors, Red Barnet imaluunniit peqatigiiffiit assingusut meeqqanut suliaqarnermik susassaqartitsinermik aallaavillit. Akuersisarneq kommuninut naatsorsuussaavoq oqilsaataassasoq sapinngisamik sukkasuumik Nuntasinni meeqqanut tunngassusilinnik suliaqartut akuerisat kinaassusersineqartarnissaannut, tamakkulu naatsorsuutigineqarsinnaassapput kommunemi sammisassaqartitsinermi suleqataa-sinnaassasut. Matumanit eqqarsaatigineqarsinnaapput sunngiffinni ornittakkani imaluunniit meeqqat ornittagaanni ingerlatsinermi pilersitsinerit, atuanngiffeqarnermi sammisassaqartitsinermi neqeroorutit, ilinniagassanut ikorsiinermi aaqqissuussat, paasitsitsianerit il. il. Sior-natigut ataasiakkaatigut tamanut ammasumik namminersortunillu suleqateqarnermik, assersuutigalugu meeqqanut ornittakkamik pilersitsinermi, meeqqat kommunerisaminni unnuami ornittakkamut ornigussinnaallutik, eqqissillutilu sinissinnaallutik inersimasunit toqqis-sillutik nakkutigineqartillutik, namminneerlutik angerlarsimaffimminnut suugaluarnersunik peqqueteqartumik angerlarsinnaannginnerminni.

Naalakkersuisut akuersaarsinnaanerat imaanngilaq peqatigiiffimmik ”akuersinerusoq”, kisia- nnili peqatigiiffiup sullisisinnaassusianik akuersarnerulluni.

Kapitali 14

Meeqqat Pillugit Paasisimasalittut Qitiusumik Ataatsimiititaq

§ 51

Imm. 1-imut

Meeqqat Pillugit Paasisimasalittut Qitiusumik Ataatsimiitsitaliami ilaasortat katitigaanera piginnaasassaallu pillugit piumasaqaatit aalajangersakkami malittarisassiunneqarput. Ataatsimiitsitaliaq arfinilinnik ilaasortaqaarpoq: Inatsisileritooq, tarnip pissusaaniq ilisimasalik, isumaginninnermi siunnersorti, perorsaasoq, ilinniartitsisoq kiisalu peqqissaasoq. Ilaasortanut ilinniarsimasuunissamik piumasaqaatip saniatigut meeqqat pisariaqartitaannik ineriarngerannillu immikkut ilisimasaqartariaqarput, ilinniakkamik ilaatut imaluunniit suliffimminnut atatillugu misilittakkamikkut assingusutigulluunniit. Meeqqat pisariaqartitaannut ineriarngerannullu tunngasunik immikkut ilisimasaqarnissaq ilaasortassanik piviusumik nalilersuinermik tunngaveqarpoq.

Imm. 2-mut

Aalajangersakkami aalajangiunneqarpoq Naalakkersuisut meeqqat pillugit paasisimasalittut qitiusumik ataatsimiitsitaliamik pilersitsinissaat. Ataatsimiitsitaliaq ukiuni sisamani atuuttussatut Naalakkersuisut ivertissavaat. Ilaasortat ataatsimiitsitaliami issianissaq kissaatigeqqippassuk tamatuma kingorna innersuussutigeqqinnejarsinnaapput, Naalakkersuisullu suli naleqquuttutut isigippatigit.

Imm. 3-mut

Aalajangersakkami aalajangersarneqarput meeraq inissinneqarfimminit § 41, imm. 2 naapertorlugu angerlartinneqarnissaanik inaarutaasumik aalajangiinissani inissinneqarfiata oqaaseqaatai angerlartitsinissamut akerliutillugit ataatsimiitsitaliap piginnaatitaaffissai.

Imm. 4-mut

Aalajangersakkami aalajangiunneqarpoq, Naalakkersuisut ataatsimiitsitaliamut allatoqarfeqarneq isumagissagaat, ataatsimiitsitaliallu ataatsimiittarnerani aningaasartuutit akilertassagai.

Imm. 5-imut

Aalajangersakkakku Naalakkersuisut piginnaatinneqarput ataatsimiitsitaliap suleriaassisaaanik, akissarsianik kiisalu ataatsimiitsitaliap suliaminut atatillugu paasissutissanik sulianillu suliarinninnernut immikkut ilisimasaalinnit oqaaseqaatinik pissarsisarneranut malittarisassiornissaannut.

§ 52

Imm. 1-imut

Aalajangersakkami aalajangersarneqarpoq Qitiusumik Meeqqat Pillugit Ataatsimiitsitaliamut suliassanngortitsinerup kingunerigaa, meeqqap angerlartinneqarnissaanik inassuteqartoqartillugu aalajangiinissaq pitinnagu kommunip tassunga oqaaseqaatit utaqeqqaartariaqartassagai.

Imm. 2-mut

Aalajangersakkami aalajangersarneqarpoq ataatsimiitsitaliap suliamik suliarinninnissaa sioqquullugu paasisutissat suut Meeqqat Pillugit Paasisimasalittut Qitiusumik Ataatsimiitsitaliamut tunniunneqartassanersut. Suliami paasisutissat isumannaarniarlugit aalajangersagaq sukumiisumik suliaavoq, taagorneqartulli tamakkiisuunngillat.

Nr. 1-imut

Suliami allagaatit, kommunimi suliarineqarsimasut tamarmik Qitiusumik Meeqqat pillugit paasisimasalinnut tunniunneqassapput. Suliami allagaatit tassaassapput inissiinissaq sioqquullugu nalaanilu suliarineqarsimasut. Suliami allagaatit suliap ingerlanneqarnerani ataatsimiititaliamut assiliamik aamma suliap ingerlanerani pisimasunik erseqqissumik takutitsissapput.

Nr. 2-mut

Meeqqap angerlartinnissaanut communalbestyrelsip naliliineranut eqqarsaasersuutit suut tunuliaquaasimanerannut ataatsimiititaliap takunninnissamut periarfissaqarnera pingaarpooq. Tassunga ilanngullugu angajoqqaani pissutsini sutigut allanngortoqarsimappat tamatuma kingunerisaanik communalbestyrelsi isumaqalersimalluni, tamatuma kingorna meeqqap pisariaqartitaat naapertorlugit angajoqqaat isumaginnissinnaalersimasut.

Nr. 3-mut

Iliusissanik pilersaarutit ilaatigut aqqutigalugit Qitiusumik Meeqqat Pillugit Paasisimasalittut Ataatsimiititaliaq paasinneqassaaq aaqqissuuussinerit suut piareersaatigineqarsimanersut aammalu taakkununnga tunngavilersuutigineqarsimasut. Iliusissanik pilersaarutit inissiiffimmeeqqap qanoq ingerlasimaneranik inieriartorsimaneranillu assilissamik erseqqissumik ataatsimiititaliamut takutitsisinnaavoq, tassunga ilanngullugu inissiinermut suna tunngavilersuutaasimanersoq aamma angajoqqaanik soleqateqarneq qanoq ingerlasimanersoq. Meeraq ulloq unnuarlu paaqqinnittarfimmeeqqap, tassani aammattaaq suliarineqarsimassapput katsorsaanermut pilersaarutit aammalu killiffiit pillugit nalunaarusiat, taakkulu paasisutissani ataatsimiitsitaliap imminnut tunniunneqartussatut pisinnaatitaaffeqarfigisaannut taamaalillutik aamma ilaassapput.

Nr. 4-mut

Angerlartsinissaq piareersarneqarsimanersoq tamannalu naleqquttumik aaqqissuunneqarsimanersoq pillugu naliliinissamut Qitiusumik meeqqat pillugit

paasisimasallit periafissaqarnerat pingaарpoq. Angerlartitsineq iluatsitsilluartumik ingerlaneranut pingaarluinnarpoq meeraq angajoqqaallu angerlartitsinermut piareersimanerat. Allaquaataani assersuutigalugu ulluinnaat ingerlanissaannut ilaqtariit ikiorniarlugit ikiorsiinissat pilersaarusiornissaat pisariaqartinneqarsinnaavoq.

Nr. 5-imut

Meeqqat atugarisaat pillugit qitiusumik ataatsimiititaliap, sullisisut assigiinngitsut ataatsimiititaliaanit oqariartuutigineqartut pissarsiarissavaat. Tamatumani Meeqqat atugarisaat pillugit qitiusumik ataatsimiititaliap pisussaaffiginngilaa, ataatsimiititaliap isummersimaneri malissallugit, taamaattorli isummersuutai tamakkiisumik naliliinermi toqqammavinnut ilanngunneqassallutik.

Nr. 6-imut

Meeqqap ulluinnarni qanoq ingerlaneranik ulluunerani paaqqinniffiit atuarfiillu naliliineranit oqaaseqaataasinjaasunik Qitiusumik meeqqat pillugit paasisimasalinnik takuneqarsinnaanerat pingaарpoq.

Nr. 7-imut

Siusinnerusukkut tarnip pissusaanik ilisimasalimmik nakorsamiilluunniit misissuisoqarsimappat taakku oqaaseqaataat ilanngunneqassapput. Aalajangiinermut atatillugu pisariaqartinneqarsinnaasut meeqqamut ataatsimiititaliap pitsaanerusumik ilisimasaqalernissaanut tarnip pissusaanik ilisimasallit nakorsalluunniit oqaaseqaatai iluaqutaasinnaapput.

Nr. 8-mut

Meeqqap angerlartinneqarnissamut sooq piareersimanningersoq inissiiffiusup tunngavilersuutaa Qitiusumik meeqqat pillugit paasisimasalinnit pissarsiarineqarnissaat pingaарpoq, tassa inissiiffiusoq piffissami kingullermi meeqqamik qaninnerpaamik atassuteqarnikuummat.

Nr. 9-mut

Angajoqqaatut oqartussaassuseqartuni pissutsit allaaserineqarnissaat eqqarsaatigineqarpoq, aamma piffissami angerlartitsinissap tungaanut meeraq (angajoqqaat) pillugit isumassuiffiusumi pingarnertut ingerlataqartut akornanni pissutsit qanoq ittuunerinik allanneqartumik allaaserinnittoqassalluni. Taamaalilluni angerlartitsinerup kingorna angerlarsimaffimmi atuuttussatut naatsorsuutigineqartut angajoqqaat nammineq atugaat aamma isumassuiffiusumi tamatuma sunniuteqarnera eqqarsaatigineqarput.

Nr. 10-mut 11-mullu

Suliami aalajangiisoqarnissaa sioqqullugu Qitiusumik meeqqat pillugit paasisimasallit sapinngisamik pitsaasumik ilisimatinneqarnissaat pingaарpoq. Suliami paasissutissat suut pigineqarnersut suliamit suliamut ataasiakkaanut tunngasuupput. Normulersorlugit

nalunaarsorneqartut akuersinermik nalunaarutit paasissutissaapput pingaarutilit, pingaarnersaasorli tassaavoq Qitiusumik Meeqqat Pillugit Ataatsimiitsitaliap suliap aalajangerniarnerani pingaaruteqarsinnaasunik suliamut tunngatillugu paasissutissanik pigineqartunik tamanik paasitinneqartarnissaa.

Imm. 3-mut

Aalajangersakkatigut aalajangersarneqarpoq suliamut tunngatillugu Meeqqat Pillugit Paasisimasalittut Qitiusumik Ataatsimiitsitaliap oqaaseqaateqarnissaanut piffissaliussaq kiisalu piffissaliussap qaangerneqannginnerani allattoqarfiup nalunaaruteqarnissamut pisussaaffia.

Kapitali 15

Aningaasalersuineq akiliutillu nalimmassarneqartarnerat

Aningaasalersuineq

§ 53

Imm. 1-imut

Inatsisartut Inatsisaat una naapertorlugu aningaasartuutissat assigiinngitsut aalajangersorneqartut, najoqqutassallu inatsit naapertorlugu atortussanngortinneqartut qanoq aningaasalersorneqarnissaat aalajangersakkami malittarisassiuunneqarput. Aalajangersakkami aalajangersarneqarpoq Inatsisartut inatsisaat una aqqutigalugu meeqqat ikiorserneqarnissaanut aningaasartuutit kommunit pisussaaffittut akilertassagaat.

Imm. 2-mut

Aalajangersakkami aalajangersarneqarpoq Inatsisartut Inatsisaat una naapertorlugu meeqqat ikorseereernerup kingorna malinnaavagineqarlutik isumagineqarnissaanut aningaasartuutissat kommuninit isumagineqartussaasut.

Imm. 3-mut

Aalajangersakkami aalajangersarneqarpoq Meeqqat pillugit paasisimasalittut qitiusumik ataatsimiitsitaliamut aningaasartuutigineqartut Naalakkersuisunit akilerneqassasut. Tamatumani pineqarput akissarsiat, ataatsimiinnerit, allattoqarnermi ikiuinerit il.il.

Imm. 4-mut

Aalajangersakkami aalajangersarneqarpoq ulloq unnuarlu paaqqinniffiit aningaasalersorneri akigititanik akiliisarnikkut pisassasoq, taamaasillutik oqartussat ulloq unnuarlu paaqqinnittarfinnut inissiisimasut inissanik ataasiakkaanik atuinertik akilertartussaagaat.

Imm. 5-imut

Aalajangersakkami ulloq unnuarlu paaqqinniffimmik pilersitsinermut ingerlatsinermullu kikkut aningaasaqarnikkut akisussaanersut malittarisassiorneqarpoq.

Imm. 6-imut

Aalajangersakkami aalajangiunneqarpoq, Naalakkersuisut naalagaaffinnik isumaqatigiissusiorsinnaasut, tassani ersarinnerusumik maleruaqqusani aalajangersarneqassalluni qanoq iliuuseqartussaatitaaneq, aammalu inatsit najoqqutaralugu aallarnigaasimasunut aningaasartuuteqarsimanermut tapiissuteqarnermi utertitsisussaatitaanermut tunngatillugu. Taamatut isumaqatigiissuteqartoqarsinnaavoq inummik Kalaallit Nunaanni oqartussaasunit aalajangikkamik Kalaallit Nunaata avataani inisisimasoqaraangat.

§ 54

Imm. 1-imut

Aalajangersakkami malittarisassiuunneqarput kommunip aalajangigaanik meeqqat ulloq unnuarlu paaqqinniffinnut inissinneqartut kommunimit akileqartarnissaat. Kommunip meeqqanut akiliutaa naatsorsorneqartarpooq ulloq unnuarlu inissiiffiusoq ataaseq aallaavigalugu.

Imm. 2-mut

Aalajangersakkami aalajangersarneqarpoq ulloq unnuarlu paaqqinniffik najugaqartuminut kaasarfimmussanik atisarsutissanillu tunniussisassasoq, taamaattumillu communalbestyrelsi taakkununnga tunniussisussaanani. Akigitat Naalakkersuisunit aalajangersarneqartut aamma Naalakkersuisunit tamanut saqqummiunneqartoq akigitat pillugu kaajallaasitami ukiumoortumik iluarsanneqartartoq tunuliaqutaralugit ulloq unnuarlu paaqqinniffik kaasarfimmussanik atisarsutissanillu tunniussissaaq.

Imm. 3-mut

Ulloq unnuarlu paaqqinniffiup najugaqartunut kaasarfimmussiinerit atisassarsutissiinerillu taamaalillutik kommunip ulloq unnuarlu paaqqinniffimmut akiliutigisai atorlugit akilerneqartassapput imm. 1 najoqqutaralugu. Kommune taamaalilluni immikkut ulloq unnuarlu paaqqinniffimmut akiliuteqaqqissanngilaq kaasarfimmussiinernut atisassarsutissaqartitsinernullu. Allatut oqaatigalugu tamanna ullormut unnuamullu akiliummut ilaareerpoq.

Imm. 4-mut

Imm. 1-imi eqqaaneqartut akigititanik akiliinerit pillugit maleruagassanik erseqqinnerusunik aalajangersaanissamut aalajangersagaq Naalakkersuisunut piginnaatitsivoq. Tassunga ilanngullugit aningaasartuutit suut kommunip akiliineranut ilaassanersut pillugit maleruagassat. Erseqqinnerusunik maleruagassanik aalajangersaanermi naatsorsuutigineqarpoq akigititanik akiliinerit pisortat ulloq unnuarlu paaqqinniffinnut, tassa kommuninit aamma namminersorlutik oqartussanit ingerlanneqartunut, aamma ulloq unnuarlu paaqqinniffinnut imminut pigineqartunut assigiinngitsuunissaannut piumasaqaatit pillugit maleruagassat ikkunneqassasut. Kommuniiit akigitiani akiliutinik tiguneqartunik ulloq

unnuarlu paaqqinniffiit atuinerannik aningaasaqarnikkut nakkutilliinissamut Naalakkersuisut pisinnaatitaaffeqarnerat ulloq unnuarlu paaqqinniffiit siunissami aamma akuerisariaqassavaat.

Imm. 5-imut

Aalajangersakkami Naalakkersuisut pisinnaatinneqarput ulloq unnuarlu paaqqinnittarfiit akigititanik kommuninit akiliutaasunik atuinerannik nakkutilliinissamut.

Imm. 6-imut

Imm. 2 malillugu kaasarfimmiussanut atisassarsiutissanullu Naalakkersuisut malittarisassaliorsinnaapput, tassungalu ilaapput aningaasat tunniunneqartussat, aningaasat amerlassusaat, aammalu paaqqinnittarfimmi perorsaanermik suliaqarnerup ilaatut kaasarfimmiussanik malittarisassiuussineq. Uanittaaq eqqarsaatigineqarpoq ulloq unnuarlu paaqqinnittarfiit najugaqartut kaasarfimmiussaanik atisassarsiutissaanillu tunniussiumannginnissinnaanissaat, tamanna perorsaanermut tunngatillugu iluaqutaasussaatillugu, soorlu najugaqartoq ulloq unnuarlu paaqqinnittarfiup malederuagassaanik malinnilernissaanut kajumissaatitut. Kaasarfimmiunik malittarisassiuussineq kinguneqartitsilluni perorsaanermut atorneqartariaqanngilaq, siunertarissalluguli inuuasuttut sipaarnermik ilinniartinnissaat imaluunniit aningaasat nalinganik pisariaqartinneqarnerannillu paasinnissaat.

§ 55

Imm. 1-imut

Aalajangersakkap Naalakkersuisut pisinnaatippai sinaakkutaasussanut malittarisassiornissaannut aammalu § 30, imm. 2, nr. 4 naapertorlugu inissamik neqeroorfingineqarnermut akiliutissanut.

Akilersuutinik naluqqussaaneq

§ 56

Imm. 1-imut

Aalajangersakkami aalajangiunneqarpoq akit inatsit malillugu aalajangersarneqartut qaqugukkut naleqqussarneqarlutillu saqqummiunneqartassanersut.

Kapitali 16

Naammagittaalliuuteqarsinnaaneq

§ 57

Imm. 1-imut

Aalajangersakkami aalajangiunneqarpoq kommunalbestyrelsip aalajangigai Inatsisartut inatsisaanik uuminnga tunngaveqartut, Isumaginnermi Naammagittaalliortarfimmum naammagittaallutigineqarsinnaasut.

Suliami illuatungjunissaq maalaaruteqarsinnaanermi piumasaqaataavoq. Sulianik suliarinninnernut malittarisassani nalinginnaasuni allassimavoq, aalajangiinerit tamarmik tunngavilersuinermik imaqassasut aammalu inatsisini malitassanut attuumassuteqartunut aalajangiinerup tunngavittut innersuussissutigisaanut innersuussinertaqassasut. Aalajangiineq pillugu naammagittaalliortoqarsinnaappat, innuttaasoq naammagittaalliornissamut ilitsersummiq tunineqarsimassaaq.

Imm. 2-mut

Aalajangersakkami aalajangiunneqarpoq meeraq naammagittaalliorsinnaatitaasoq. Tamanna inatsimmut ilanngunneqarpoq, Naalagaaffit Peqatigiit Meeqqanut isumaqatigiissutaanni aalajangersarneqartoq meeqqat pisinnaatitaaffeqarnerat, qulakkeerumallugu. Meeqqat tamarmik tusarneqarnissaq pisinnaatitaaffigaat, meeqqamullu tunngasuni tamani peqataatinneqartussaalluni, naammagittaalliorsinnaanerullu ilanngunneqarnera tamatuminnga nukittorsaaneruvoq malunnaateqarluartoq. Aalajangersakkami aallaaviuvoq meeqqat qassinilluunniit ukioqaraluarunik tamarmik naammagittaalliorsinnaanerat, meeqqalli illersornissaa eqqarsaatigalugu kommunemi ingerlatsiviup meeqqap naammagittaalliorsinnaaneranik ilitsersummi qulakkeertariaqarpaa suliani tamani ersarissumik meeqqamut ataatsimut tunngasuinnarmik nalilersuisarnissaq, meeqqap naammagittaalliornerup kingunerisinnasai pillugit paasinninnissaminut naammattumik inerisimanera eqqarsaatigalugu. Eqqarsaatiginninnerit isumaliutiginninnerillu tamakku ingerlatsiviup meeqqamik naammagittaalliornermut ilitsersuutaani ilaasariaqarput aammalu naammagittaalliornermut ilitsersummut atatillugu meeqqamut paasissutissiissutigineqarsimassallutik.

Imm. 3-mut

Aalajangersakkap Naalakkersuisut pisinnaatippai meeqqap naammagittaalliorsinnaatitaaneranik ersarinnerusunik malittarisassiornissaannut.

Kapitali 17

Pineqaatissiisarnernut aalajangersakkat

§ 58

Imm. 1-imut

Aalajangersakkami aalajangiunneqarpoq Naalakkersuisut kommunalbestyrelsit Inatsisartut Inatsisaat naapertorlugu ingerlatsinermik akisussaasutut kommunalbestyreksi pisussaaffiminik annertuumik sumiginnaasimappat imaluunniit sumiginnaasaqattaarsimappat akiligassissinnaagaat.

Kommunalbestyrelsimit akiligassiinerit akiliisitsinerillu politiit aqqutigalugit pineq ajorput, pisarlutilli ingerlatsinermut inatsisit/eqqartuussiviit aqqutigalugit.

Imm. 2-mut

Aalajangersakkami aalajangjunneqarpoq pinngitsaaliisummik akiligassiinikkut akiliutit § 59 naapertorlugu Nunatta Karsianut nakkartinneqassasut.

Kapitali 18

Atortuulersitsineq ikaarsaarnermilu aalajangersakkat

§ 59

Imm. 1-imut

Aalajangersakkami aalajangersarneqarpoq Inatsisartut inatsisaat una 1. juli 2017-imi atuutilissasoq.

Imm. 2-mut

Aalajangersakkatigut meeqqanik inuuusuttunillu ikorsiisarneq pillugu Inatsisartut peqqussutaat nr. 1, 15. april 2003-meersoq atorunnaarsinneqarpoq.

Imm. 3-mut

Aalajangersakkami aalajangersarneqarpoq, malittarisassat Inatsisartut peqqussutaanni imm. 2-mi taaneqartunik tunngaveqarlutik atulersinneqarsimasut, atuutsiinnarneqassasut taarserneqarnissamik imaluunniit Inatsisartut Inatsisaat manna tunngavigalugu malittarisassaliornikkut atorunnaarsinneqarnissamik tungaanut.